





10-B-23

A



Reverendo admodum P. Patritio

in argumentum devoti animi,

A. J. Lingre, S. B. D.,

in Seminario Cornuacensi S. Litterarum Prof

INTERPRETATIO

EPISTOLAE CATHOLICAE S. JACOBI.

APPROBATIO.

Opus quod inscribitur : *Interpretatio Epistolæ catholicæ S. Jacobi, quam ad gradum Doctoris in S. Theologia in Universitate catholica Lovaniensi consequendum, instituit A. J. Liagre, S. Theol. Licentiat, ex auctoritate Eminentissimi et Reverendissimi Cardinalis Archiepiscopi Mechliniensis et legum Academicarum præscripto recognitum, quum fidei aut bonis moribus contrarium nihil continere visum fuerit, imprimi potest.*

Datum Lovanii die 6^a mensis junii 1860.

P. F. X. DE RAM, RECT. UNIV.

INTERPRETATIO
EPISTOLAE CATHOLICAE
S. JACOBI,

QUAM

AD GRADUM DOCTORIS IN S. THEOLOGIA

IN UNIVERSITATE CATHOLICA LOVANIENSI CONSEQUENDUM,

INSTITUIT

A. J. LIAGRE,

S. THEOL. LICENTIATUS.



LOVANIÆ.

EXCUDERANT VANLINTHOUT ET SOCIJ,
UNIVERSITATIS TYPOGRAPHI

PARISIIS.

APUD P. LETHIELLEUX,
Via Bonaparte, 66.

TORNACI.

APUD H. CASTERMAN,
Via vulgo rue aux Rats, 44.

1860

ILLUSTRISSIMO AC REVERENDISSIMO

GASPARI JOSEPHO LABIS

TORNACENSIS ECCLESIAE EPISCOPO,
PISSIMO, VIGILANTISSIMO, DOCTISSIMO,
SANCTISSIMI D. N. PRAELATO DOMESTICO,
SOLIO PONTIFICIO ASSISTENTI,
LEOPOLDINI ORDINIS EQUITI,

PER VIGINTI QUINQUE MUNERIS ANNOS
DE SCIENTIIS ECCLESIASTICIS BONISQUE ARTIBUS
OPTIME MERITO,

In, perenne filialis amoris gratique animi argumentum;

ILLUSTRISSIMO, DOCTISSIMO, PRUDENTISSIMO

PETRO FRANCISCO XAVERIO DE RAM,

SANCTISSIMI DOMINI NOSTRI PRAELATO DOMESTICO,
PROTONOTARIO APOSTOLICO AD INSTAR PARTICIPANTIUM,
UNIVERSITATIS CATHOLICAE RECTORI MAGNIFICO;

ILLUSTRISSIMO ATQUE EXIMIO

JOANNI THEODORO BEELEN,

SS. D. N. PII IX CUBICULARIO AD HONORES, S. C. IND. CONSULTORI, S. SCRIPT.
ET LINGG. ORIENTT. IN CATH. ACAD. LOVAN. PROFESSORI,

&

EXIMIO

THOMÆ JOSEPHO LAMY,

LINGG. ORIENTT. IN EADEM ACADEMIA LECTORI,

hanc suam lucubrationem devotissimo animo

D. D. D.

Auctor.

PRÆFATIO

Inauguralem pro gradu doctoris in S. Theologia consequendo, juxta præscripta academica, dissertationem paraturus, ad studia exegetica nescio qua interna impulsione ferebar. Quam cum attentiori perpenderem animo, ne inconsulto quid egisse me postea poeniteret, ut ipsi obtemperarem duo potissimum suaserunt rationum momenta. Hinc enim sacrorum librorum studia, quæ variis temporum difficultatibus in Belgio nostro quasi inculta diu jacuerant, sereniore aura redeunte, refflorescere videbam : his autem si pro virium modulo aliquid possem conferre, operam me non amissurum putabam. Illinc porro ea disciplinarum genera, quibus in alma universitate imprimis incubueram, in exegetica dissertatione facilius representatum atque ex singulis utilitatem reportatum iri sperabam.

Equidem tentaminis difficultas meique ingenii imbecillitas me non penitus latebant. Verum jam dudum didiceram, improbum laborem, eum maxime quem gratia Dei, *scientiarum Domini*, fecundet, omnia vincere. Divino itaque fretus auxilio rem iterum experiri volebam.

Vires quoque mihi unum addebat : *methodum* nempe, qua propositum opus prosequerer, explanatam et expeditam suppeditabant tum publicæ illæ prælectiones quibus Illustrissimus BELEN SS. Litterarum cathedram in Academia Lovaniensi

magis magisque in dies illustrat; tum doctissimi illi commentarii (1) quos, ab ipso editos, quotquot in hoc litterarum genere versati sunt jure mirantur. Nec illam fructibus suis solum, verum etiam venerandæ auctoritatis suffragio commendabilem valde reperiēbam. Noveram quippe ipsam ab Em. Card. MAJO, cujus judicium in rebus hujusmodi maximi faciendum nemo negaverit, *sanam methodum divinos libros docte commentandi* esse nuncupatam (2). Et, quod majus est, sciebam SS. D. N. PIUM (Quem exaudiat Dominus in die tribulationis!) Illustrissimum Professore, in litteris ad ipsum datis, his verbis compellasse: *Nec enim incompertum Nobis est, quantum judicio Tuo doctiores hujus ætatis philologi tribuant, Dilecti Fili, eamque præterea in sacris Scripturis interpretandis rationem Tibi proposuisse ex datis ad Nos litteris Tuis perquam jucunde intelleximus, quam Tridentina Synodus catholico cuique interpreti jure præscripsit servandam* (3).

De methodi præstantia securus, deque dilectorum Magistrorum ac Lectorum meorum benevolentia minime dubitans, impulsioni meæ jam cedere lætus præsumpsi.

Itaque ex N. T. libris S. JACOBI epistolam, quæ catholicorum Interpretum aciem non adeo exercuisse mihi videbatur, selegi; et in ipsam commentarium exegeticum simul et dogmaticum edere constitui.

Deum Optimum et Immaculatam Virginem, sub Cujus auspiciis difficile opus aggressus sum et nunc in publicam lucem profero, enixe precor, ut hæ primitiæ laborum S. Scripturæ studiosis non prorsus inutiles, mihi porro salutiferæ plane evadant.

Scribebam Lovanii, in die festo S. Joseph.

(1) In *Acta Apostolorum*, Lov. 1830; in *Epist. ad Philipp.* Lov. 1852, et in *Epist. ad Romanos*, Lov. 1854.

(2) *Sano metodo di commentare dottamente i libri divini*. Cf. *Revue Cathol.* Tom. XIII. pag. 175. — (3) *Ibid.* pag. 532.

PROLEGOMENA

IN

EPISTOLAM CATHOLICAM S. JACOBI.

§. 1. *De denominatione epistolæ catholicæ.*

Epistola S. JACOBI inter septem illas reponitur, quæ a Græcis maxime *Καθολικαί* (1), a Latinis vero *Canonicæ* dictæ fuerunt. Quid porro significet denominatio illa *καθολικῆ*, hisce litteris tributa, certo definire in promptu non est. Nam neque ex ipsa etymo vocis, utpote quæ meram *universalitatis* notionem, absque ullo respectu ad illius universalitatis objectum, includat; neque ex primævo vocabuli

(1) Notandum tamen est, nonnisi in uno e quinque Codicibus uncialibus, qui epistolas catholicas exhibent, denominationem *Καθολικῆς* occurrere: in codice scilicet *Angelico*. Verum quidem est codices *Alexandrinum* et *Regium* titulo carere. Codices vero *Vaticanus* et *Mosquensis*, pariterque *Alexandrinus* in fine, simpliciter legunt: *Ἰακώβου ἐπιστολὴ*. Quod ad Minusculos codices attinet, multi pro titulo habent: *Ἰακώβου καθολικῆ ἐπιστολῇ*.

usu, res satis determinari potest. Notum quippe est vocem καθολικην, de scripto aliquo prædicatam, non unum et eundem apud antiquos Ecclesiæ Scriptores significatum obtinuisse. Sic CLEMENS ALEXANDRINUS (1) epistolam, quæ Act. XV. 23. sqq. legitur, καθολικην vocando, denominationis hujus rationem ex eo desumpsisse videtur, quod esset επιστολη των αποστολων απαντων.

ORIGENES vero quatuor epistolis epitheton καθολικην tribuit, videlicet : primæ JOHANNIS (2), primæ PETRI (3), epistolæ JUDÆ (4), ac demum epistolæ BARNABÆ (5). Et tamen ipsum duas alias JOHANNIS, et secundam PETRI, sicut et illam JACOBI, præ manibus habuisse negari non potest (6). Itaque dicere nolim, a vero multum aberrare illorum sententiam, qui epistolam καθολικην apud ORIGENEM epistolam ομολογουμενην, i. e. omnium consensu receptam, valere autumant. Et hanc quidem ultimam denominationem primæ PETRI alicubi expresse tribuit (7), primamque JOHANNIS tanquam indubiam semper recenset. Quod porro epistolam JUDÆ etiam pro apostolico scripto habuerit, dubitare non sinunt hæc ipsius verba : Ιουδας εγραψεν επιστολην, ολιγοστιχον μεν, πεπληρωμενην δε των της ουρανου χαριτος ερρωμενων λογων, h. e. Judas scripsit epistolam versiculis quidem brevem,

(1) Stromatum l. IV. cap. XV. Opp. tom. I. pag. 219. Ed. Oxoniensis 1703.

(2) Hom. IX in Jerem. Opp. tom. III. p. 181. — Comm. in Matt. t. XVII. ib. pag. 797. — Comm. in Johan. t. II et XX. tom. IV. pagg. 76 et 309. Ed. Delarue.

(3) Comm. in Johan. t. VI. Ibid. pag. 133.

(4) Comm. in ep. ad Rom. t. V. tom. IV. pag. 349.

(5) Contra Celsum l. I. n. 63. tom. I. pag. 378.

(6) Vid. in lib. Jesu Nave hom. VII. tom. II. pag. 412; cf. EUSEB. Hist. Eccl. l. VI. cap. XXV.

(7) Ap. EUSEB. loco statim citato.

sed sententiis cœlesti gratia roboratis refertam (1). Epistolam BARNABÆ canonicam pariter existimasse ORIGENEM, scribit COTELERIUS (2).

DIONYSIUM ALEXANDRINUM vocem καθολικην in eodem, quo ORIGENES, sensu usurpasse, exinde forsitan concluderes quod primam JOHANNIS καθολικην quidem, secundam vero et tertiam φερομενας vocaverit (3). Non est tamen prætermittendum EUSEBIUM eam ipsam JOHANNIS primam, quam sæpe καθολικην dicit, φερομενην alibi nominasse (4).

APOLLONIUS qui, sæc. II ad finem vergente, adversus Montanistas scripsit, denominationem καθολικην etiam usurpavit. THEMISONEM nimirum quemdam redarguit, quod ausus sit exemplo Apostoli (ad primam autem JOHANNIS respicere videtur), conscripta epistola catholica, eos quidem, qui fideiiores ipso exstiterant, instituere, novæ autem doctrinæ patrocinari (5). Quid porro per epistolam catholicam APOLLONIUS intellexerit, licet non adeo pateat, haud immerito tamen, ut videtur, existimaverit aliquis ipsum epistolam *circularem*, ad omnes scilicet Ecclesias generatim directam, designare voluisse.

Quod autem ad EUSEBIUM attinet, ipsum uni eidemque significationi huic vocabulo tribuendæ haud semper instituisse, non facile negaveris. Etenim, *Hist. Eccl. l. III. c. III.* per scripta καθολικα, libros eos, qui a majoribus ut sacri habiti et traditi sunt, intelligit; et tamen, *l. VI. cap. XIV*

(1) *Comm. in Matt. t. X. tom. III. pag. 465.*

(2) *Patr. Apost. tom. I. pag. 5. Ed. Amstelodam. 1724.*

(3) Ap. EUSEB. *Hist. Eccl. l. VII. cap. XXV.*

(4) *Ibid. l. III. cap. XXV. initio.*

(5) Ap. EUSEB. *Hist. Eccl. l. V. cap. XVIII.*

initio, inter ἀντιλεγόμενας γραφάς, i. e. *de quibus ambigitur*, plures epistolas καθολικας reponit. Alibi, lib. IV. cap. XXIII, καθολικας vocat epistolas Διονυσu, Corinthiorum episcopi, πρὸς τὰς Ἐκκλησίας directas.

Quæ cum ita sint, mirandum non est interpretes diversa prorsus hac de re protulisse. Præcipuas vero ipsorum hypotheses enarrare, quidque pro singulis vel contra singulas militet edicere, hic suffecerit.

I. Vetustissima porro sententia a LEONTIO (1) (sæc. vi) et OECUMENIO (2) jam olim proposita, et quæ communis fere postea evasit, denominationem καθολικην cum voce εγκυκλιος (*circularis, universalis*) prorsus convenire statuit. Epistolæ igitur illæ catholicæ dictæ fuerint, quia non distinctæ alicui civitati aut ecclesiæ aut genti, quemadmodum epistolæ PAULI, dedicabantur, sed ad Christifideles *universaliter* dirigebantur. — Equidem vocem καθολικην apud nonnullos antiquos hunc significatum obtinuisse, et omni probabilitatis specie præsentem sententiam non destitui, fateamur oportet. Non desunt tamen quæ angustias ipsi facere videantur. Enimvero, si epistola *catholica* nil aliud sonet quam epistolam *circularem* seu *universalem*, cur, quæso, ORIGENES epitheton illud neque epistolæ JACOBI, neque secundæ PETRI, quæ generaliores sunt ipsa prima PETRI, quam tamen *catholicam* vocat, umquam tribuerit? Quare secunda et tertia JOHANNIS, quamquam ad privatas personas datæ, inter *catholicas* nihilominus recenseri so-

(1) *De Sectis* actione 2. Bibl. vet. patr. seu script. eccles. tom. I, Gr.-Lat. pag. 498. Parisiis. 1624.

(2) *Proleg. in Ep. Jacobi*. Opp. tom. II, pag. 439. Ed. Paris. 1631.

leant? Quare tandem epistola, quæ ad Hebræos inscribitur, in ea classe reposita numquam fuerit, cum tamen inscriptione ab ipso auctore profecta omnino careat, nec initio adeo constiterit utrum reapse D. PAULO an alteri scriptori sacro adscribenda esset (1)?

II^a Sententia, quam cum aliis JUSTINIANUS et SALMERO propugnant, ponit epistolas nostras idcirco *catholicas* vocari, quia universim et apud omnes qui CHRISTI fidem profitentur, tanquam divinitus inspiratæ habitæ sunt, ad discrimen scriptorum IGNATHI, BARNABÆ, POLYCARPI, CLEMENTIS ROMANI etc., quæ, licet ævo apostolico magna auctoritate gauderent, non tamen in sacrorum librorum canonem relata fuere. In hac igitur sententia epistola καθολική epistolæ φερομένη seu αντιλεγόμενη opponitur. — Verum, quominus hæc sententia, cui ceteroquin ORIGENIS et DIONYSII ALEXANDRINI loquendi usus favere videtur, pro indubia habeatur, duo ob stare putaverim. Unum scilicet, quod EUSEBIUS, *Hist. Eccl.* l. II. c. XXIII, inter epistolas καθολικὰς illam JACOBI reponat, de qua tamen statim scribit: *Ἰστέον δὲ ὡς νοθεύεται μὲν. h. e. notum autem est quod pro supposititiis habetur*; et l. VI. c. XIV, inter αντιλεγόμενας scripturas, plures epistolas καθολικὰς recenseat. Alterum porro est, quod, cum de epistolæ ad Hebræos necnon libri Apocalypseos authenticitate aliquamdiu dubitatum fuerit, non ideo tamen, postquam auctoritativo Ecclesiæ judicio privatorum hominum dubitationes evanuerint, in classem catholicorum librorum scripta illa relata sint.

III^a Sententia ea est, quam recentiori ævo disertius tra-

(1) Cf. EUSEB. *Hist. Eccl.* l. III. cap. III., et l. V. cap. XXV.

didit HUG (1). Juxta cl. auctorem, denominatio καθολική nil aliud initio fuit, quam technicum nomen, illi sacrorum librorum classi impositum, quæ didactica Apostolorum scripta (præter PAULI epistolas quæ collectionem specialem, cui titulus Αποστολος, constituebant) καθολικῶς seu καθολοι και συλληθην complectebatur, sicque καθολικον συνταγμα (catholica collectio) vocari poterat. Sæculo vero quarto, primævam hanc notionem vocem καθολικην amisisse putat, ipsamque cum voce εγκυκλιω significatione et usu tunc convenire cœpisse.

Ut autem priorem suæ sententiæ partem firmet HUGIUS, provocat præsertim ad CLEMENTEM ALEXANDRINUM. Ipsum enim epistolam illam, quæ Act. XV. 23. sqq. legitur, ideo Catholicam vocasse (Lib. IV. Strom. cap. XV) suspicatur, quia omnes Apostoli manum ipsi admoverint (την επιστολήν καθολικην των αποστολων απαντων). ORIGENEM (contra Celsum. l. I. n. 63) pariter, et EUSEBIUM (Hist. Eccl. l. III. c. III.) in suum sensum adducere conatur. Posteriorem vero partem probatione non indigere existimaverit: nam eam argumentis destitutam deprehendimus. Et quidem non putem ullum in antiquitate reperiri monumentum, quo illa significationis vocis καθολικης mutatio ac successio aliquo jure firmari queat. Nec porro prior auctoris assertio sua difficultate caret. Si enim epistolæ nostræ ideo catholicæ primitus vocabantur, quia ad illud καθολικον συνταγμα pertinebant, minime perspicio cur ORIGENES denominationem hanc neque epistolæ JACOBI, neque alteri PETRI,

(1) Einleitung in die Schriften des N. T. Tom. II. §. 151. p. 499 sqq. 3^a Edit. 1826.

neque secundæ et tertiæ JOHANNIS ullibi tribuerit. Nec magis video cur DIONYSIUS ALEXANDRINUS primam quidem JOHANNIS καθολικην, cæteras vero ejusdem Apostoli φεραμενας vocaverit. — Posset forsitan aliquis hujus discriminis rationem ex dubio, quod circa epistolarum illarum authenticitatem in nonnullis ecclesiis initio viguit, repetere. Verum, si attenderit ille, e septem epistolis, quæ catholicæ vocantur, nonnisi duas fuisse de quibus nullum umquam extiterit dubium, videlicet primam PETRI et primam JOHANNIS, utique facile persuasum habebit duas illas epistolas καθολικον συνταγμα constituere non potuisse.

IV^a demum, quæ hic commemoranda venit, sententia est D. J. POTT, qui, præcedentium opinionum quasi synthesim faciens, singulas earum pro tempore admittit (1). Existimat nimirum sæculis duobus prioribus usque ad medium sæc. III, epistolas καθολικας ab epistolis εγκυκλιαις diversas minime fuisse; et hactenus cum prima sententia convenit. — EUSEBII vero ac sequiori ævo, hanc significationem periisse arbitratur, jamque καθολικα nuncupata fuisse scripta ea, quæ ad prælectiones publicas in Ecclesia habendas idonea deprehendebantur, statuit. Quia igitur epistola JACOBI, necnon PETRI altera, et JOHANNIS secunda et tertia, non minus ac ceteræ jam priori ævo catholicæ (εγκυκλιαι) dictæ, dignæ reperiuntur quæ in omnibus Ecclesiis recitarentur; hinc factum est, ut in codice ecclesiastico, ut ait, seu librorum prælectioni inservientium, una cum priori PETRI et JOHANNIS et illa JUDÆ repositæ fue-

(1) POTT. *Epist. Cathol. Fascic. I. compectens epist. Jacobi*. Prolegom. pagg. 2-13. Gottingæ. 1816.

rint, omnesque ex tunc ultimo definito sensu *catholicæ* nuncupatæ. — Verum procedente tempore, epistolæ quinque hucusque ἀντιλεγόμεναι, tamquam vere apostolicæ in *canonem* receptæ sunt, et in unum sacrorum librorum corpus collectæ : ideoque, ut a Paulinis, quas jam auctoritate æquiparabant, distinguerentur, septem illarum epistolarum codex τὸ καθολικὸν vocatus est ; ita ut duplici scriptorum N. T. codici jam esistenti, scilicet τῷ Ευαγγελικῷ et τῷ Αποστολικῷ, tertius additus fuerit, nimirum τὸ Καθολικὸν.

Hanc quidem sententiam acute satis excogitatam fatendum est : firmum tamen, quo innitatur, fundamentum habere non videtur. Triplicis enim illius, quam fingit Porcius, immutationis in usu et significatione ejusdem vocis Καθολικῆς, probatum, uti jam monuimus, vestigium in antiquitate nullum apparet : nec aliunde verisimilis adeo deprehenditur hujusmodi immutatio. Ceterum, multum abest quin difficultates omnes hac hypothesi solvantur. Ipsa enim admissa, necdum intelligo quid factum sit, ut priori illo ævo, JACOBI epistola sicut et altera PETRI, quæ tamen universaliores ipsa prima PETRI videntur, *catholicæ* nunquam dictæ fuerint. Et, quod ad secundam hujus sententiæ partem attinet, nonne et alii N. T. libri lectionibus publicis pariter inserviebant ? Nullus tamen eorum, præter epistolas nostras, *catholici* nomen unquam sortitus est.

Quæ sit igitur denominationis epistolæ *catholicæ* ratio, monumentis certis deficientibus, definiri nequit. Nec etiam ulla reperitur sententia, quæ difficultates omnes expedire valeat. Ideo eas, quæ potioris momenti videbantur, hypothesen, cum suis argumentis ac difficultatibus exponere, rem vero ipsam in dubio relinquere, opportunum duximus.

§. 2. *De hujus epistolæ auctore.*

JACOBI nomen epistola nostra inscriptum habet : nec temeraria quorundam (1) dubitatio fidem codicum ac universæ antiquitatis vincere potest. Verum, cum plures hujusce nominis viri in libris N. T. commemorentur, quis eorum epistolæ auctor habendus sit, nobis inquirendum venit.

Porro Matt. IV. 21 et Marc. I. 19, vocatum a CHRISTO legimus JACOBUM, *Zebedæi filium* et *fratrem Johannis*. Ipse Apostolis annumeratur Matth. X. 3; Act. I. 13, etc., et cum PETRO ac JOHANNE præ cæteris CHRISTO familiaris fuisse videtur (cf. Luc. VIII. 51; Matt. XVII. 1; Marc. XIV. 33). Ab HERODE AGRIPPA I seu *majore*, annis post Ascensionem Domini circiter decem, morti traditus est (Act. XII. 2).

Matt. X. 3; Act. I. 13, etc., inter duodecim Apostolos alter recensetur JACOBUS, *Alphæi filius*. — Marc. XV. 40 commemoratur JACOBUS cui cognomen *Minor*. — Insuper Matt. XIII. 55 et Marc. VI. 3, inter eos qui *fratres Domini* dicuntur, JACOBUS quidam apparet. Similiter in epist. ad Gal. I. 19, JACOBI *fratris Domini* mentio fit. — Tandem JUDAS apostolus in epistola sua, quæ inter catholicas etiam reponitur, JACOBI fratrem se dicit : quod et Act. I. 13 notatur.

Exinde plurimi, e veteribus præsertim, tres JACOBOS distinxerunt, videlicet : *Majorem* seu ZEBEDÆI filium, *Minorem* ex ALPHÆO oriundum, utrumque e numero duo-

(1) Cf. S. HIERONYMUM. *De vir illust.* cap. II. Opp. tom. II, pag. 830. Ed. Veronensis.

decim Apostolorum, et tertium quemdam, *fratrem Domini* cognominatum, qui primus ecclesiæ Hierosolymitanæ antistes fuerit, cuique epistolam catholicam adscribunt. Gravis quidem et multum agitata hæc controversia fuit. Nos tamen, omnibus rite perpensis, duos tantum JACOBOS, eosque Apostolos, agnoscendos existimamus, ac proinde JACOBUM illum, *fratrem Domini* nuncupatum, unum prorsus et eundem cum JACOBO *Minore* seu *Alphæi* esse habendum. Quod evincimus :

I. *Ex sensu Ecclesiæ.* Etenim A) Sacrosancta Tridentina synodus, *sess. XIV de Extrema unctione cap. I*, Extremæ unctionis Sacramentum *per Jacobum apostolum, ac Domini fratrem, fidelibus commendatum ac promulgatum* fuisse tradit. Et postea tum in cap. III, tum in canonibus I et III, JACOBUM *apostolum* simpliciter vocat. Ergo ex mente Concilii JACOBUS *frater Domini* Apostolus vere fuit, ac proinde unus et idem cum ALPHÆI filio.

B) Ecclesia Latina nonnisi duos JACOBOS unquam coluit, nimirum : JACOBUM ZEBEDÆI, et illum *fratrem Domini* ac Hierosolymitanum episcopum. Ecquis porro credet Ecclesiam hanc, quæ, ut scite animadvertit WALTON, Proleg. X. n. 1, *traditionum antiquarum tenacissima semper fuit*, unius e duodecim Apostolis memoriam oblitterasse? Quod tamen fateatur necesse est quisquis *fratrem Domini* ab *Alphæi filio* diversum statuerit.

C) Ecclesia Syriaca nobiscum pariter sentit. JACOBUM siquidem *fratrem Domini*, auctorem esse Liturgiæ quæ ipsius nomen præ se fert, contendunt Syri ex antiqua sua traditione, cujus fundamentum, ut videtur, aliud non

fuit, quam usus illius Liturgiæ in ecclesia Hierosolymitana ab apostolo fundata. Quod porro illum vere et proprie dictum apostolum habuerint, satis constat ex iis quæ de hujus Liturgiæ origine scribit DIONYSIUS BARSALIBÆUS. *Traditur*, ait (1), *quod feria IIIª post descensum Spiritus Sancti, Jacobus apostolus liturgiam celebravit omnino eandem quam hic habemus*. Expressius adhuc S. JOANNES MARO : *Omnium primus*, inquit (2), *in Sionis cœnaculo Corporis et sanguinis Domini mysterium perfecit, mandatum exequens quod ipse Dominus noster discipulis suis ibidem dederat dicens : Hoc facite in meam memoriam*. Jamvero ex Matt. XXVI. 20; Marc. XIV. 17 et Luc. XXII. 14, duodecim tantum Apostolos ultimæ cœnæ interfuisse constat.

II. *Ex S. Litteris*. Et quidem A) PAULUS ad Gal. I. 18, 19, hæc habet : *Deinde post annos tres veni Jerosolymam videre Petrum, et mansi apud eum diebus quindecim : alium autem Apostolorum vidi neminem, nisi (εἰ μὴ) Jacobum fratrem Domini*. Unde concludere pronum est JACOBUM fratrem Domini de numero illorum Apostolorum fuisse quorum et PETRUS. Nam nihil est quod suadeat particulam *εἰ μὴ* propriam suam notionem *exciptendi*, in qua communiter ab ipso PAULO usurpatur, hic non obtinere. Quin potius, contrarium prorsus contextam orationem postulare putaverim. Quid enim in hac tota pericopa sibi velit Apostolus? Unum hoc : ostendere nempe se *Evangelium non ab homine accepisse neque didicisse, sed per revelationem Jesu Christi* (v. 12).

(1) Ap. RENAUDOT. *Liturgg. Orient. collect.* tom. II. pag. 74.

(2) Ap. J. A. ASSEMAN. *Cod. Liturg. Eccl. univ.* tom. V. pag. 237. — Romæ 1752.

Ad quod firmandum, nullos Apostolos, nisi peracto tandem a sua conversione triennio, se adiisse testatur : imo eo ipso tempore, se nonnisi PETRUM et JACOBUM vidisse asseverat. Quod si JACOBUS vere et proprie Apostolus non fuisset, non apparet cur specialis ipsius mentio hic fieret. Numquam enim, ut opinor, suspicati essent Galatæ, virum hujuscemodi, qualis erat PAULUS, a viro apostolica dignitate non insignito edoceri potuisse, cum tamen adesset Apostolus qui id facere valeret. — Ceterum interpretationem nostram maxime commendat illud Act. IX. 27, *Barnabas autem apprehensum illum duxit ad Apostolos.*

B) Ejusdem epistolæ cap. II. v. 9. legimus : *Et cum cognovissent gratiam, quæ data est mihi, Jacobus, et Cephas, et Joannes, qui videbantur columnæ esse, dexteras dederunt mihi....* Quomodo, quæso, tali titulo PAULUS decorasset, imo ante PETRUM, sacri collegii caput et principem, nominasset eum, qui vere et proprie dictus Apostolus non fuisset?

C) Demum Act. I. 13 LUCAS inter Apostolos duos JACOBOS recenset : unum quem simpliciter JACOBUM vocat (erat autem frater JOHANNIS); alterum quem dicit ALPHÆI. Verum, cap. XII. 2, JACOBUM fratrem JOHANNIS ab HERODE occisum fuisse narrat. Postea capp. XII. 17; XV. 13 et XXI. 18, unius JACOBI, Jerosolymis conversantis, et potiori quadam auctoritate ibidem gaudentis, iterum meminit. Hunc autem *fratrem Domini* fuisse, vel ex Gal. I. 19 dubitari nequit. Jamvero, si LUCAS, quas commemorat personas exactissime describere solitus, hunc JACOBUM diversum ab eo quem Act. I. 13 ALPHÆI vocaverat, habuisset, utique additum

aliquod, quo personæ error præcaveretur, non omisisset.

Talia igitur in S. Litteris occurrunt, quæ JACOBUM fratrem Domini, vere et proprie Apostolum atque unum et eundem cum Alphæi filio fuisse, suadeant.

III. Nec parum roboris huic nostræ sententiæ accedit ex infirmitate rationum, quas nobis opponunt, quibusque nituntur adversarii. Sic dicunt :

1º Ex collatis Matt. XXVII. 56; Marc. XV. 40, et Joh. XIX. 25, satis patet MARIAM, Jacobi fratris Domini matrem, CLEOPHÆ uxorem fuisse. Atqui JACOBUS Apostolus filius ALPHÆI fuit; ergo JACOBUS frater Domini, utpote CLEOPHÆ filius, ab Apostolo Alphæi filio prorsus diversus habendus est.

Respondemus argumentum ex multiplici capite nutare. Etenim : α) verba JOHANNIS Μαρία ἡ τοῦ Κλωπᾶ non necessario important Mariam uxorem Cleophæ (1) fuisse, sed sonare possunt : Mariam filiam Cleophæ; sicuti Ιακωβος ο τοῦ Αλφαιου est Jacobus Alphæi filius. Nec desunt qui hanc interpretationem sequantur. Dicunt porro Mariam Alphæi uxorem ex secundis B. ANNÆ cum CLEOPHÆ nuptiis oriundam : ideoque ipsam a Joh. XIX. 25. sororem Matris Jesu vocari. — β) Quid prohibet quominus MARIAM, defuncto ALPHÆO, novas cum CLEOPHÆ nuptias iniisse dicamus? — γ) Alia demum, et quidem longe probabilior, solutio statuit, ALPHÆUM et CLEOPHAM unum idemque nomen esse, diversimode tantummodo scriptum. Rem optime exponit

(1) Κλωπας quem hic vocat JOHANNES, distinctus est ab illo Κλεοππας cujus meminit Luc. XXIV. 18.

D. J. POTT, ideoque ejus verba hic recitare juvat. « Hæc nomina, ait (1), quamvis e nostra scribendi ratione valde diversa vidcantur, facile tamen derivantur e communi fonte, hebraïca nempe scriptura, qua nomen viro erat חלפאי , quod duplici modo efferri poterat, tam *Chalphai*, quam *Chlopai*. Priorem pronuntiationem sequuntur MATT. MARC. et LUC., abjecta, more Græcorum, adspiratione orientali, et addita terminatione Græca $\alpha\varsigma$, unde Αλφαιος ; veluti Hagg. I. 1. ubi Alexandrini חלפאי efferunt Αγγαιος . Posteriorem sequitur JOHANNES, qui habet Κλωπας , π mutato in K; ut כוס 2 Paralip. XXX. 1. ab Alexandrinis effertur per Φασακ ; כבד Gen. XXII. 24. per Ταδεκ etc..... Quam pronuntiationis diversitatem eo minus in JOHANNES mirari possumus, quo magis constat, diversa adeo ab iis, quæ reliqui Evangelistæ habent, nomina eundem exhibere, v. g. *Nathanaelis* pro *Bartholomæo*, quorum illud nomen viro proprium, hoc vero παρθωνυμικον fuisse videtur. Cf. invicem Joh. I. 43-54; XXI. 2; Luc. VI. 14. » Hucusque POTT.

Dicunt 2^o Fratres Domini ab Apostolis non uno in loco, maxime vero Joh. VII. 3, et Act. I. 13, distingui: imo ipsum JACOBUM speciatim ab illis secerni 1. Cor. XV. 7 volunt.

Verum α) quod attinet ad locum JOHANNIS quem summo opere urgent adversarii, gratis assumunt, fratres Domini, præter quatuor a MATT. et MARC. enumeratos, nullos prorsus fuisse. Audiant igitur AUGUSTINUM dicentem (2): *Non mirum est* (nempe propter Judæorum con-

(1) *Prolegom. in Epist. Jacobi*, pag. 86. not. 169. — Gottingæ 1816.

(2) *Quæst. XVII in Matt.* Opp. tom. III. part. 2. pag. 286. Ed. BENEDICT.

suetudinem) (1), dictos esse fratres Domini ex materno genere quoscumque cognatos; cum etiam ex cognatione Joseph dici potuerint fratres ejus ab eis qui illum patrem Domini arbitrabantur. Nec quidquam cogit nos, ut putemus JOHANNEM fratres Domini omnino omnes subindicare voluisse. Fortassis, ut notat LUCAS BRUGENSIS in h. l., eos tantum præ oculis habuit qui erant seniores ætate, utpote patruos, qui plusculum sibi juris in nepotes solent arrogare. Non ergo implicat quod inter fratres Domini, et Apostoli fuerint, et etiam tales qui nondum perfecte in eum crederent.

β) Quod ex Actibus profertur nil omnino probat. Cum enim e fratribus Domini duo tantum Apostoli essent, JACOBUS scilicet et JUDAS, de ceteris, si adfuerint, peculiaris mentio fieri debuit. Plurimos autem adfuisse, vel e v. 15 valde probabiliter conjeceris. — Nec γ) illud 1 Cor. XV. 5. 7. *Visus est Cephæ et post hoc undecim... Deinde visus est Jacobo, deinde Apostolis omnibus*: negotium nobis facessit. Num, quæso, quia *visus est Cephæ, et post hoc undecim*, ideo inter undecim CEPHAS computari non debeat? Apostolus unum significare voluit: nempe sicut PETRUM, ita

(1) Notum est hanc apud Hebræos obtinuisse consuetudinem, ut *fratres* vocarentur non ii tantum qui ex eodem patre aut matre ortum ducerent, sed omnes fere cognati. Sic, Gen. XIII. 8; XIV. 14, 16, *frater Abram* LOT dicitur, cum tamen ex cap. XII. 5. manifestum sit ipsum nonnisi filium *fratris Abram* fuisse. — Gen. XXIX. 12. 13, JACOB *frater Laban* vocatur; nec tamen erat nisi *filius sororis Laban* (Gen. XXIV. 29. XXIX. 13). — Pariter, Tob. VII. 4, RAGUEL TOBIAM, *consobrinum* suum, *fratrem* nominat. — Imo Gen. XXXI. 25 LABAN dicitur *fratres* suos assumpsisse ad persequendum JACOB. Porro LABAN fratres non habuit; nec de filiis JACOB sermo esse potest, utpote qui cum parentibus ipsi fugiebant (v. 17). Ideoque R. RASCHI אֶחָיו quod ibidem legitur, per קרובים, *propinquos*, reddere non dubitavit.

et JACOBUM speciali CHRISTI redivivi apparitione dignatum fuisse. Si adversarii sibi constarent, JACOBUM e numero illorum, qui sub *Apostolis omnibus* (v. 7.) comprehenduntur, pariter expungere deberent. Quod tamen minime faciunt.

Urgent 3° Si JACOBUS *frater Jesu* unus idemque sit cum Apostolo, quare huic in Apostolorum catalogis, honorificum illud nomen *frater Jesu*, alias toties frequentatum, ne semel quidem tribuatur? Maxime cum in iisdem et de ANDREA (Matt. X. 2. Luc. VI. 14) et de JOHANNE (Matt. X. 2. Marc. III. 17) notetur, quod prior PETRI, posterior JACOBI frater fuerit.

Verum dicant ipsi cur JUDAS, qui et de fratribus Domini fuit, *Jacobi frater* simpliciter vocetur (Act. I. 13. Ep. Judæ v. 1). Nec animadvertunt illos, qui in Apostolorum catalogis fratres dicuntur, vere et proprie dictos fratres fuisse; dum econtra JACOBUS nonnisi latiori sensu frater Domini dictus fuerit. Cavendum porro erat, ne ex diverso ejusdem vocis in eodem loco significato, errandi ansa præberetur.

Instant 4° Si JACOBUS *frater Domini* Apostolus vere fuisset, id proculdubio in epistolæ suæ inscriptione declarasset, nec se *δουλον* JESU CHRISTI simpliciter dixisset.

Sed si valeret argumentum, jam utique dicendum foret epistolam ad Philippenses, utramque ad Thessalonicenses, illam ad Philemonem, necnon et ad Hebræos; pariter tres epistolas JOHANNIS, haud secus ac illam JUDÆ, ab Apostolis non fuisse conscriptas. Ceterum, vocem *δουλος*, quam JACOBUS, vestigiis PAULI hærens, adhibet, non adeo a

vocabuli *Ἀποστολος* sensu abudere, suo loco videbimus.

Argumentantur 5° ex eo quod nonnulli Patres et Auctores ecclesiastici JACOBUM a PETRO et JOHANNE Hierosolymorum Episcopum ordinatum fuisse passim testentur. Hanc autem ordinationem cum apostolica dignitate non consistere arbitrantur.

Quæstionem valde agitatum de tempore quo Apostoli ad episcopalem dignitatem evecti fuere, solvendi non est hic locus. Duo tantum ad argumentum adversariorum elevandum protulisse suffecerit. Unum est, quod nonnulli e SS. Patribus omnes Apostolos a PETRO episcopos ordinatos fuisse asserant. Alterum vero, et potissimum quidem, quod PAULO apostolicam dignitatem, quam non ab homine sed ab ipso CHRISTO sibi collatam toties testatur (cf. Gal. I. 1; Rom. I. 1; Act. XXVI. 16), nemo unquam abjudicaverit, eo prætextu quod et ipse, jam Apostolus constitutus, episcopus ordinatus fuerit. Hoc enim sensu locum Act. XIII. 3 communior et probabilior sententia interpretatur.

6° Demum, nonnullos Veteres, qui suam sententiam tenere, nobis opponunt. Citant præsertim lubentique animo S. CLEMENTEM ROMANUM, S. EPIPHANIUM, S. CYRILLUM HIEROSOLYMITANUM, S. HIERONYMUM et alios: inter historiographos HEGESIPPUM et EUSEBIUM laudant.

Respondemus: α) Nonnullos ex antiquis Patribus *Jacobum fratrem Domini* a *Jacobo filio Alphæi* diversum reputavisse, verissimum est. Sed etiam negari non potest, plures ex eis necessitate potius logica quam historica veritate coactos, in hanc sententiam devenisse. Quotquot enim putarunt, JACOBUM ideo *fratrem Domini* dictum fuisse, quod ex priori

S. JOSEPHI conjugio ortum traxisset (1), ipsum a *Jacobo Alphæi*, ut secum constarent, secernere debuerunt.

β) Quid hac in re CLEMENS ROMANUS senserit, nos penitus latet: cum jam communi fere criticorum calculo, ipsi adscribi nequeant *Constitutiones Apostolicæ* et *Recognitionum libri*, e quibus textus suos adversarii depromunt.

γ) Quod ad HIERONYMUM attinet, quem, propter magnam ejus in re exegetica auctoritatem, multum urgent, verum est S. Doctorem in *comment. in Isaiam lib. V. ad cap. XVII. 5. 6* (2), *Jacobum fratrem Domini* extra duodecim Apostolos recensere. Sed apprime. notandum est HIERONYMUM non propriam, sed quorundam interpretationem, et quidem mysticam, in hoc loco proponere. Quæ in *lib. de vir. illustr. cap. II* (3) scribit, neutri sententiæ favere putem. Meliori forsitan jure, ex *comment. in ep. ad Gal. lib. I. ad cap. I. v. 19* concluderet aliquis S. Doctorem *fratrem Domini* pro uno e duodecim reapse non habuisse. Dicit enim (4): « *quod autem exceptis duodecim, quidam vocentur apostoli...* » Attamen cum ibidem (5) ad ea, quæ in libro *de*

(1) Ita porro senserunt EPIPHANIUS, *Hær. XXIX. Tom. I. pag. 419. Ed. Pelavii.* — GREGORIUS NYSSENUS, *Orat. II in Resurrect. Christi. Tom. III. col. 647. Ed. Migne.* — CHRYSOSTOMUS, *hom. in Annunciationem.* Hæc tamen pro spuria habetur. — HILARIUS in *Matt. cap. I. n. 4. Tom. I. pag. 674. Ed. Benedict.* — EUSEBIUS, *Hist. Eccl. I. II. cap. 1.* — THEOPHYLACTUS in *Matt. XIII. 33.* — In eandem sententiam propendere videtur ORIGENES in *Matt. tom. X. n. 17. Opp. tom. III. pag. 463.* — Ipsam proponunt, sed cum hæsitatione, AMBROSIIUS, *de instit. virg. cap. VI. n. 45. Tom. II. col. 317. Ed. Migne;* et AUGUSTINUS, in *epist. ad Gal. n. 8.*

(2) Ed. *Veronensis. tom. IV. pag. 194.*

(3) Tom. II. pag. 830.

(4) Tom. VII. pag. 396.

(5) Pag. 395 ad fin.

perpetua virginitate B. Mariæ scripserat, remittat dicens : « qualiacumque sunt illa quæ scripsimus, his contenti esse debemus » ; æquum est ut, si mentem Auctoris penitus inspicere velimus, ad citatum opus recurramus : eo vel magis quod prædictum epist. ad Gal. locum ibidem etiam interpretetur. En porro quæ hujus libri n. 15 (1) leguntur : « Nulli « dubium est, ait, duos fuisse Apostolos JACOBI vocabulo « nuncupatos, Jacobum Zebedæi, et Jacobum Alphæi. Istum, « nescio quem minorem Jacobum, quem MARIÆ filium, nec « tamen matris Domini, scriptura commemorat, Apostolum « vis esse, an non ? Si Apostolus est, ALPHÆI filius erit ; « et credet in JESUM ; et non erit de illis fratribus, de quibus « scriptum est : neque enim tunc fratres ejus credebant in « eum. Si non est Apostolus, sed tertius nescio quis JACOBUS, « quomodo est frater Domini putandus, et quomodo tertius « ad distinctionem majoris appellabitur minor, cum major « et minor, non inter tres, sed inter duos soleant præbere « distantiam ; et frater Domini Apostolus sit, PAULO dicente : « Deinde post triennium veni Jerusalem videre Petrum, et « mansi apud illum diebus quindecim. Alium autem Aposto- « lorum vidi neminem, nisi Jacobum fratrem Domini (ad « Gal. I. 18. 19)?... Ne autem hunc putes Jacobum filium « Zebedæi, lege Actus Apostolorum. Jam ab Herode fuerat « interemptus. Restat conclusio, ut MARIA ista quæ Jacobi « minoris scribitur mater, fuerit uxor ALPHÆI, et soror « MARIÆ matris Domini, quam Mariam Cleophæ JOHANNES « Evangelista cognominat, sive a patre, sive gentilitate fa- « milia aut quacumque alia causa ei nomen imponens. »

(1) Tom. II. pag. 219.

Hæc utique aperta sunt, et Hieronymum nobiscum hic sentire plane demonstrant.

δ) EUSEBIUS, postquam *Hist. Eccl.* lib. I. cap. XII de JACOBO scripserat : « εἷς δὲ καὶ οὗτος τῶν φερομένων τοῦ Σωτῆρος μαθητῶν, ἀλλὰ μὴν καὶ ἀδελφῶν ἦν (1)* », hoc est : *unus autem et ipse erat ex iis qui dicebantur Salvatoris discipuli, imo et fratribus* ; lib. II. cap. I (2), sequentia S. CLEMENTIS ALEXANDRINI verba, quæ pro nobis omnino faciunt, recitat : « Ἰακώβῳ τῷ Δικαίῳ καὶ Ἰωάννῃ καὶ Πέτρῳ μετὰ τὴν ἀνάστασιν παρέδωκε τὴν γνῶσιν ὁ Κύριος. Οὗτοι τοῖς λοιποῖς ἀποστόλοις παρέδωκαν. Οἱ δὲ λοιποὶ ἀπόστολοι τοῖς ἐβδομήκοντα, ὧν εἷς ἦν καὶ Βαρνάβας. Δύο δὲ γεγόνασιν Ἰάκωβος, εἷς ὁ Δίκαιος, ὁ κατὰ τοῦ πτερυγίου βληθείς, καὶ ὑπὸ κυρφέως ξύλῳ κληγείς εἰς θάνατον ἕτερος δὲ ὁ κατατομηθείς ». h. e. *Jacobo justo et Joanni et Petro Dominus post resurrectionem scientiæ donum impertiit. Quod illi ceteris Apostolis, hi vero septuaginta discipulis, quorum unus fuit Barnabas, tradiderunt. Duo vero fuere Jacobi; unus cognomento Justus, qui e templi fastigio præcipitatus, et a fullone fuste percussus interiit; alter qui capite truncatus est.* Subdit vero EUSEBIUS : « Αὐτοῦ δὲ τοῦ Δικαίου καὶ ὁ Παῦλος μνημονεύει γράφων· « Ἐτερον δὲ τῶν ἀποστόλων οὐκ εἶδον, εἰ μὴ Ἰάκωβον τὸν ἀδελφὸν τοῦ κυρίου. » h. e. *Illius autem Jacobi Justi meminit etiam Paulus scri-*

(1) Ed. *Migne. Patrol. Græc.* tom. XX. col. 120. — Notandum est lectionem hanc esse codicis *Regii*, quam ROB. STEPHANUS expressit. Verum in reliquis codicibus, *Mazarino* scilicet, *Mediceo*, *Fuketiano* et *Savillii* desunt hæc verba, *μαθητῶν, ἀλλὰ μὴν καὶ*. Neque RUFINUS illa agnoscit. Vertit enim : *Post etiam dicit eum visum esse Jacobo, qui erat unus ex his qui fratres Salvatoris appellabantur.*

(2) *Ibid.* col. 136.

bens : Alium autem apostolorum non vidi, nisi Jacobum fratrem Domini. — Ceteroquin et ipse EUSEBIUS in falsa opinione de fratribus Domini e Josepho oriundis fuit (1).

ε) Ceterum plures ex antiquis nobis adversari non diffitemur. Quod si omnes consentientes habuissemus, de hac quaestione tam prolixè disserere non oportuisset. Porro ex hactenus disputatis, hoc merito concludi posse arbitramur, *Jacobum fratrem Domini* unum prorsus esse et eundem cum *Jacobo Alphæi*, qui unus e duodecim Apostolis fuit.

Quo posito, dicimus : *Jacobo Zebedæi tamquam auctori epistolam catholicam nullo pacto tribui posse.* Obstat enim unanims fere veterum, qui hæc de re locuti sunt, sententia : quæ firmissimo aliunde fundamento nititur. Si enim attento animo epistola JACOBI pervolvatur, facile quisque persuasum habebit id, quod jam notabat AUGUSTINUS in libro *de fide et operibus*, cap. XIV. n. 21 (2), scilicet epistolam hanc contra eos intentionem maxime dirigere, qui, non intellectis quibusdam subobscuris sentiis apostoli Pauli, ad salutem obtineendam sufficere fidem putabant, bene autem vivere et bonis operibus viam Dei tenere negligebant. Scripta vero Paulina, e quibus falsum istud dogma temere accipiebant illi, epistolæ erant *ad Romanos* et *ad Galatas*. Itaque, si perspectum habeas ex una parte, utramque Pauli epistolam mox memoratam vix ante annum post CHRISTUM natum 58^{um} conscriptam esse; ex altera vero, *Jacobum Zebedæi* circa annum 44^{um} ab HERODE

(1) Ibid. col. 433.

(2) Ed. *Benedict.* tom. VI. pag. 177.



fuisse occisum (Act. XII. 2), utique fatearis necesse est huic JACOBO catholicam epistolam nullo jure tribui posse. Neque etiam apostoli doctrinam suam tam cito litteris exarasse videntur.

Remanet ergo, ut *epistolam hanc Jacobo Alphæi sive minori, fratri Domini ac primo Hierosolymitanæ ecclesiæ antistiti, adscribamus*. Et re quidem vera, quod fratri Domini tribuenda sit, antiquiores fere omnes consentientes habemus, licet eorum nonnulli, uti diximus, *fratrem Domini* ab *Alphæi filio* diversum immerito existimaverint. Nec est cur hanc discrepantiam miremur. Potuerunt enim e constanti ecclesiastica traditione unum hoc accipere : *auctorem epistolæ esse Jacobum fratrem Domini*. Quis autem præcise fuerit ille, et quo sensu *frater Domini* dictus sit, cum eadem via non ita diserte edocerentur, sed proprio Marte rem quisque discutere ac definire deberet, hinc in diversas circa hanc peculiarem quæstionem sententias facillime abierunt.

Fuit autem ille JACOBUS, testibus HEGESIPPO (1), EUSEBIO (2) et HIERONYMO (3), ob singularem sanctitatem adeo celebris, ut cognomen *Justi* obtinuerit; imo et Judæorum prudentissimi, uti testatur JOSEPHUS ipse (apud EUSEB. l. c.), causam subsecutæ mox obsidionis Hierosolymitanæ fuisse existimaverint, violentam necem a Judæis ipsi illatam. E pinnaulo enim templi, ob solemnem Divinitatis JESU CHRISTI professionem, jussu ANANI vel ANNIANI, Judæorum

(1) Ap. EUSEBIUM. *Hist. Eccl.* l. II. cap. XXIII.

(2) Ibid.

(3) *De vir. illustr.* cap. II. — Opp. tom. II. pag. 820.

pontificis, præcipitatus; cum, contractis cruribus, adhuc semianimis, manus ad cælum tendens, diceret : *Domine, ignosce illis : quod enim faciunt, nesciunt*; fallonis fuste in cerebro percussus interiit (1). Per triginta annos, HIERONYMO (2) teste, ecclesiæ Hierosolymitanæ præfuerat.

CHRISTO PORRO JACOBUS *frater Domini* dictus sit, non una est, ut jam innuimus, antiquorum sententia. Prætermisso siquidem impio et hæretico sensu HELVIDII et nonnullorum, qui JACOBUM ex conjugio JOSEPHI et B. VIRGINIS ortum duxisse blasphemabant, quosque in prælaudato libro *de perpetua virginitate B. Mariæ* D. HIERONYMUS egregie confutavit; fuere inter patres nonnulli, quod supra monuimus, qui ex ignoratione usus loquendi Hebræorum, et etiam monumentis apocryphis decepti, JACOBUM e priori S. JOSEPHI conjugio natum censuerint. Verum hæc sententia, præterquam quod piæ traditioni de virginitate a JOSEPHO perpetuo servata, quam S. PETRUS DAMIANUS, *op. XVII ad Nicol. II Pontificem*, cap. III, *Ecclesiæ fidem* (3) vocat, contradicat; vel exinde aperte refellitur, quod MARIA *mater Jacobi* juxta crucem CHRISTI morientis astitisse ab Evangelistis narretur (cf. Matt. XXVII. 56; Marc. XV. 40). Ecquis porro credet JOSEPHUM, quem scriptura *justum* proclamat (Matt. I. 19), vivente ac dimissa priori conjuge, novas cum B. Virgine nuptias inisse?

Fuere itaque alii qui fraternitatis illius originem ex eo repeterent quod, HEGESIPPO teste (ap. EUSEB. *Hist. Eccl.*

(1) *De vir. illustr.* cap. II. pag. 831.

(2) *Ibid.* pag. 833.

(3) Non quasi res ab Ecclesia definita umquam fuerit; sed quatenus communis fidelium sensus ita ferre deprehendatur.

lib. III. cap. XI), CLEOPHAS seu ALPHÆUS, JACOBI pater, frater JOSEPHI fuerit. Quæ si admitteretur sententia, jam utique fatendum foret, non vere sed tantum in apprehensione vulgi JACOBUM *fratrem Domini* fuisse. Caro enim CHRISTI quæ nihil e JOSEPHO traxit, cum ipsius consanguineis nil commune habere potuit.

Jam vero cum JOHANNES (XIX. 25) *Mariam Cleophæ*, seu JACOBI matrem, *sororem matris Jesu* vocet, non dubitaverim fraternitatis JACOBI et JESU rationem in hoc esse quærendam. Duplex autem modus rem explicandi nobis præsto est, et uterque suos patronos habet. Possumus quidem cum HIERONYMO *adv. Helv.*, et S. THOMA *Sum. p. 3. q. 28. a. 3. ad 3*, admittere *Mariam Jacobi matrem* Deiparæ sororem stricto sensu fuisse : adeo ut JACOBUS consanguineus CHRISTI in secundo gradu fuerit. Verum est cum hac sententia non consistere opinionem, apud Græcos maxime vulgatam, B. Virginem a parentibus senibus et sterilibus miraculose in lucem editam fuisse. Notat vero BILLUART (1) hanc opinionem vix ante sæc. VIII invaluisse, nec umquam apud Latinos magni habitam esse, utpote ex scriptis partim dubiæ auctoritatis, partim recentioris ætatis, excerptam. Quæ ceterum expositio si minus placeat, nil prohibet quominus dicamus *Mariam Jacobi* Sanctissimæ Virginis sororem latiori sensu vocari : quatenus nempe ipsius consobrina fuerit, ex fratre aut sorore sive JOACHIM sive ANNÆ oriunda. Quam latiore significationem apud Hebræos vocem מרים obtinuisse nemo negaverit (cf. Job. XLII. 11).

(1) *Tract. de mysteriis Christi*, Diss. I. art. II. tom. III. pag. 433, sq. Ed. Lugdunensis, 1852.

Tunc utique dicendum erit JACOBUM CHRISTI consanguineum in tertio tantum gradu fuisse; ac nihilominus ex consuetudine Hebræorum *fratrem Jesu* dictum esse. Atque hæc de auctore epistolæ disputanda nobis erant.

§. 3. *De hujus epistolæ canonicitate.*

Canonicam epistolæ S. JACOBI auctoritatem, primis Ecclesiæ sæculis, in dubium a nonnullis, inter quos THEODORUS MOPSUESTENUS recensetur (1), adductam fuisse negari non potest. Hoc enim testatur EUSEBIUS (2), quamvis et hanc epistolam cum ceteris quoque in plurimis ecclesiis publice legi solitam esse fateatur. Idem tradit D. HIERONYMUS (3), qui pariter animadvertit ipsam, procedente tempore, auctoritatem obtinuisse. Sedulo porro notandum est, dubium illud privatorum hominum pene fuisse, qui nimis mirum divinam hujus epistolæ originem scientificè non sufficienter sibi demonstrari autumabant. Nec mirum: cum enim singuli N. T. libri nec eodem tempore conscripti, nec ad easdem ecclesias directi fuerint, de eorum auctoritate apud omnes ecclesias statim ab initio ex æquo constare non potuit, sed tunc demum, cum inter ecclesias ab invicem dissitas relationes frequentiores obtinere cœpissent. Ex altera parte, hæc est epistolæ nostræ indoles, ut adversus hæreses prima Ecclesiæ ætate grassantes vix allegari potuerit. Hinc factum est ut a SS. Patribus minus frequenter recitaretur, sicque de ejus auctoritate non adeo omnibus constaret.

(1) Cf. J. S. ASSEMANI *Biblioth. Orient.* tom. III. part. 2. pag. 236.

(2) *Hist. eccles.* l. II. cap. XXIII.

(3) *De vir. illust.* cap. II.

Nec hujusmodi negotii solutio tunc temporis tantopere urgebat. Fideles quippe alta in mente repositum habebant, non solam scripturam, sed vivum ac infallibile Ecclesiae magisterium credendorum regulam constituere. Exacto ceterum saeculo IV, in omnibus ecclesiasticis canonibus epistola JACOBI reperitur, nec amplius de ea quaestio habita est, donec saeculo XVI ERASMUS et CAJETANUS, nescio qua ratione ducti, circa ipsius canonicitatem dubia denuo moverent. Epistolam hanc gravitatem apostolicam non redolere prior (1) suspicabatur; ejus vero salutationis modus gravem alteri suspicionem ingerebat! Mox LUTHERUS, qui palmare suum de sola fide justificante principium inclutabiliter in hac epistola damnari non patiebatur, ipsam, utpote *stramineam* (2) et *apostolico spiritu indignam* (3), e suo canone, haereticorum more, expunxit. Magistri temeritatem discipuli plurimi improbarunt, maxime cum CALVINUM ipsi contradicentem animadvertissent, atque, invito LUTHERO, epistolam JACOBI retinuerunt.

Interea tamen intellexerat Ecclesia, propter urgentes temporum necessitates opportunum fore, contra impios haereticorum conatus solemni ac decretorio judicio sancire, quinam essent libri tum veteris tum novi Foederis pro sacris habendi. Quod, perpetuae constantique traditioni innixa, praestitit sacrosancta Tridentina Synodus, sess. IV, decreto *de canonicis scripturis*. Inter quas cum et epistola JACOBI reposita fuerit, utique de ipsius canonicitate du-

(1) Asserunt tamen nonnulli ERASMUM de auctore quidem epistolae ambigisse, de ipsius vero inspiratione nullatenus dubitasse.

(2) *Præfat. in N. T.*

(3) *Præfat. in epist. Jac.*

bium excitare viro catholico non amplius licet. Quia tamen credenti suave est infallibilia S. Matris Ecclesiae judicia criticæ scientiæ ope confirmare ac vindicare, ideo nos quoad epistolam JACOBI, pro instituto nostro, hoc præstare conabimur.

Hæc porro quæstio hujus generis est, quæ antiquorum testimoniis maxime solvenda sit. Inquirendum nimirum nobis est quid de illius epistolæ auctoritate vel ab ipsis Ecclesiae incunabulis SS. Patres senserint : utrum scilicet eam tamquam scripturam sacram allegare consueverint. Quod ut debito cum ordine fiat, ecclesiae latinæ primum, deinde ecclesiae græcæ, ac demum ecclesiae syriacæ monumenta ac sensum investigabimus. Monumenta vero illa de quorum authentia dubitandi auctoribus gravibus locus remanet, necnon ea quæ sententias non apud solum JACOBUM, sed et apud alios scriptores sacros eodem prorsus modo occurrentes referunt, silentio prætermitemus.

I. Ecclesiae latinæ traditio.

1. Traditionis ecclesiae latinæ primus testis apparet S. CLEMENS ROMANUS, quem secum in Evangelio laborasse PAULUS testatur (Philip. IV. 3), quique S. PETRI in Sede Romana successor, sæc. I exeunte, pro CHRISTI nomine martyrium subiit. Porro e JACOBI epistola non pauca in rem suam CLEMENS assumpsit, servato tamen Patrum Apostolicorum more, qui, tacito auctoris nomine, verba sacra recitare solent. Sic *Epist. I ad Virgines* cap. XI scribit :

وَلَا مَضَحَ خَمْدٌ ؟ اَمْ نَ : وَلَا هَقَّ اَلَا مَضَحْنَا نَهْمًا صَفْرًا

أَسْتَب... أَمَلًا يَمُنْ بِصَفَائِهِ لَا مَلْأَحْصَى ، نَا صَمْتًا مِ
 حَيْثُهَا بِمَقْصَدٍ مَقْصُوفٍ مَقْصُوفٍ لِحَالِهِ قَدْ نَ .

h. e. *neque attendunt ad id quod dicit : ne multi inter vos sint doctores, fratres..... qui in verbis suis non prævaricatur, hic homo perfectus est, potens domare et subigere totum corpus suum* (1) : quæ verba sunt JAC. III. 1, 2.

2. Legebatur epistola JACOBI in versione *Itala*, quam SABBATIER (2) *Apostolorum temporibus vicinam* asserit, et de qua WALTON, *Proleg. X*, n. 1, scribit : *probabile est ipsam ab ipsis Ecclesiæ primordiis in usu fuisse, cum ecclesia latina sine versione latina esse non potuerit, eamque ecclesia Romana, quæ principem inter ecclesias locum semper tenuit, et antiquarum traditionum tenacissima fuit, in communi usu reciperet.*

3. Post CLEMENTEM ROMANUM, S. IRENÆUS, POLYCARPI discipulus, ac Lugdunensis ecclesiæ sæc. II ad finem vergente antistes, nobis occurrit. Qui lib. IV *contra hæreses* cap. XVI, n. 2 (3) : « Abraham, inquit, sine circumcissione et sine observatione sabbatorum credidit Deo, et reputatum est illi ad justitiæm, et amicus Dei vocatus est. » Sunt ipsa JAC. II. 23. verba.

4. Eodem fere tempore, TERTULLIANUS, celeberrimus ecclesiæ

(1) S. P. N. Clementis Romani epistolæ binæ de Virginitate, Syriacæ, quas ad fidem cod. mss. Amstelodamensis, additis notis criticis, philologicis, theologicis et nova interpretatione latina, edidit J. T. BEELEN. Lovanii 1836. — pag. 30 et 51.

(2) *Bibliorum Sacrorum Latinæ versiones antiquæ*, præf. n. XXV et XLVIII. Parisiis 1731.

(3) Ed. Massueti. pag. 246.

Africanæ scriptor, *lib. adv. Judæos cap. II* (1), ad eadem JACOBI verba alludebat scribens : *Unde Abraham amicus Dei reputatus est.....*

5. S. HILARIUS qui tam christiano zelo quam ecclesiastica doctrina in ecclesia Pictaviensi excelluit, circa an. 350 scribebat (*de Trinitate lib. IV. n. 8*) (2) :... *Et Jacobus apostolus dixerit : apud quem non est demutatio* (I. 17).

6. LIBERIUS qui ab an. 353 ad 363 usque summum pontificatum tenuit, in sua *ad omnes generaliter Episcopos epistola*, inter varia S. Scripturæ loca quæ ibidem congerit, et locum *Jac. V. 9.* reponit : *Ecce enim judex ante januam assistit* (3).

7. S. PHILASTRIUS, anno circiter 370, hujus epistolæ auctoritatem pariter agnoscebat, quippe qui *hæresi LXXXVIII* (4) : *statutum est, ait, ab Apostolis et eorum successoribus, non aliud legi in Ecclesia debere catholica, nisi Legem et Prophetas et Evangelia et Actus Apostolorum et Pauli tredecim epistolas et septem alias, Petri duas, Joannis tres, Judæ unam et unam Jacobi : quæ septem Actibus Apostolorum conjunctæ sunt.*

8. Eodem fere tempore, S. AMBROSIIUS, Mediolanensis episcopus, et catholicæ fidei defensor strenuus, *lib. I de vocatione Gentium, cap. IX* (5) scribebat : *Omnis autem boni Deum esse auctorem, cujus dona nec incerta sint nec mutabilia, sed ex æterna voluntate venientia, Jacobus Apos-*

(1) *Patrol. Lat.* Migne, tom. II. col. 660.

(2) *Opp.* tom. II. pag. 76. Ed. Benedict.

(3) *Patrol. Lat.* Migne, tom. VIII. col. 1402.

(4) *Ibid.* tom. XII. col. 1199 sq.

(5) *Patrol. Lat.* Migne. tom. XVII. col. 1104.

tolus ita loquitur : « Nolite errare, fratres mei dilecti. Omne datum optimum, et omne donum perfectum desursum est, descendens a Patre luminum, apud quem non est transmutatio nec vicissitudinis obumbratio. Voluntarie enim genuit nos verbo veritatis, ut simus initium aliquod creaturæ ejus (Jac. I. 17. 18). »

9. Epistolam JACOBI in canone suo posuerunt S. DAMASUS, in concilio Romano an. 379 (1); concilium HIPPO-NENSE an. 393 (2); CARTHAGINENSE IV an. 398 (3); INNO-CENTIUS I an. 405 (4), ac CARTHAGINENSE V, an. 419 (5).

10. HIERONYMUS, quem in exponendis S. Scripturis Doctorem maximum Ecclesia prædicat, in *epist. ad Paulinum LIII*, circa annum 394 conscripta, hæc habet (6) : *Jacobus, Petrus, Joannes, Judas Apostoli, septem epistolas ediderunt tam mysticas quam succinctas, et breves pariter et longas : breves in verbis, longas in sententiis, ut rarus sit qui non in earum lectione cæcutiat.* Quæ si perpendisset LUTHERUS, de JACOBI epistolæ valore judicium suum forsitan mutasset.

11. RUFFINUS, Aquileiensis presbyter initio sæc. V,

(1) Ap. SEDULIUM. *Patrol. Lat.* Migne. tom. XIX. col. 792. — Notandum est canonem hunc, quem nonnulli eruditi non DAMASO sed GELASIO adscribendum esse putant, non exhiberi tamquam canonem ecclesiæ tantum Romanæ proprium. Incipit enim hisce verbis : *Nunc vero de Scripturis divinis agendum est, quid universalis catholica Ecclesia teneat, et quid vitari debeat.*

(2) BALLERINI, opp. S. LEONIS. tom. III. p. 99. — Cf. quæ contra QUESNELLUM editores in nota B ibidem scripsere.

(3) *Ibid.*

(4) *Ep. VI ad Exuper.* n. 13, ap. COUSTANT, *Epist. Rom. Pont. genuinæ.* p. 795.

(5) BALLERINI, l. c.

(6) Opp. tom. I. pag. 280. Ed. Veron.

comment. in symbol. Apost. n. 37 (1), sacrorum librorum catalogum recitans, *Jacobi fratris Domini et Apostoli* epistolam laudat. Dein subdit : *hæc sunt quæ Patres intra canonem concluderunt, et ex quibus fidei nostræ assertiones constare voluerunt.* — Ejusdem auctoris fragmentum in quo JACOBI verba tamquam scriptura sacra proferuntur, recentissime edidit D. PITRA *Spicil. Solesm.* t. I. p. 284.

12. Tandem, S. AUGUSTINUS, celeberrimus Hipponensis ecclesiæ antistes, *lib. II de doctr. Christ.* cap. VIII (2), eundem prorsus canonem recitat quem post undecim sæcula, S. Tridantina Synodus solemnī definitione sanxit.

Atque hæc ecclesiæ latinæ primævæ traditionis monumenta protulisse suffecerit. Neque enim ullus adversariorum de JACOBI epistolæ canonicitate post AUGUSTINI tempora apud latinos dubitatum fuisse contendit.

II. Ecclesiæ græcæ traditio.

1. Inter ecclesiæ græcæ monumenta, librum qui *Pastor* inscribitur, utpote græcæ primitus et a græco conscriptum, reponimus. Porro hujus libri auctor, S. CLEMENTI ROMANO, ut videtur, coætaneus, ad epistolam JACOBI bis alludit; videlicet *lib. I, visionis III cap. IX*, ubi scribit : *ne forte ingemiscant ii qui egent, et gemitus eorum ascendat ad Dominum* (cf. Jac. V. 4); et *lib. II, mandat. XII cap. V* : *Si enim resistitis illi (diabolo), fugiet a vobis confusus* (cf. cap. IV. 7) (3).

(1) P. 400. Ed. Veron.

(2) Opp. tom. III. pag. 48.

(3) *Patrol. Græc.* Migne. tom. II. col. 907 et 950.

2. S. EPHRAIM, circa an. 450 Chersonis archiepiscopus, scribebat (1) : Τὸ δὲ (βαῦμα) ἐστὶ πρῶτα μὲν θεοῦ, παρ' οὗ πάντα θύσις ἀγαθὴ καὶ πᾶν θῶρημα τέλειον. h. e. *Illud autem (miraculum) primo quidem est Dei, a quo omne datum bonum et omne donum perfectum est.* Quæ ultima verba leguntur JAC. I. 17.

3. Liber de cœlesti hierarchia, DIONYSIO AREOPAGITÆ a pluribus adscriptus, et quem omnes magnæ antiquitatis esse agnoscunt, ab ipsismet JAC. I. 17 verbis incipit : Πᾶσα θύσις ἀγαθὴ, καὶ πᾶν θῶρημα τέλειον ἀνωθέν ἐστὶ, καταβαίνον ἀπὸ τοῦ Πατρὸς τῶν φώτων (2). Idem auctor de Eccles. hierarchia cap. VII §. VII, (3) hæc habet : Ἀκούσεται γὰρ καὶ αὐτὸς πρὸς τοῦ δικαίου λογίου· Αἰτεῖτε, καὶ οὐ λαμβάνετε. Ἔστι δὲ τὸ ῥητὸν ἐκ τῆς τοῦ Ἰακώβου Ἐπιστολῆς. h. e. *Audiet enim etiam ipse a justo eloquio : Petit is, et non accipitis. Est autem hæc sententia ex epistola Jacobi (cap. IV. 3).* »

4. CLEMENS ALEXANDRINUS, qui sæc. II ORIGENIS magister fuit, Stromatum l. IV cap. XVII (4), ad epistolæ JACOBI cap. II. 23 alludit quando scribit : Ἀβραάμ ὃς διὰ πίστιν καὶ φιλοξενίαν « φίλος Θεοῦ »... προσηγορεύθη. h. e. *Abraham qui propter fidem et hospitalitatem amicus Dei est appellatus.* — Imo CLEMENTEM ipsum in epist. JACOBI quædam attico sermone declarasse testatur CASSIODORUS (5).

(1) *Patrol. Græc.* tom. II. col. 634.

(2) *Ed. Corderii.* pag. 1.

(3) *Ibid.* pag. 279.

(4) *Ed. Oxoniensis* an. 1715. pag. 221.

(5) *De instit. div. litt.* cap. VIII. Opp. tom. II. p. 543. *Ed. Garetii.* — Qui ibidem tradit S. AUGUSTINUM pariter solita diligentiae suæ curiositate hanc epistolam tractasse. Verùm ad nos non pervenit ille S. Doctoris commentarius.

5. ORIGENES qui, sæc. III ineunte, in ecclesia Alexandrina florebat, variis in locis auctoritatem hujus epistolæ agnovit. Scribit enim *Hom. III in Exodum* (1) : *Hoc idem namque et Jacobus apostolus cohortatur dicens : Resistite autem, et fugiet a vobis* (IV. 7); et *comment. in epist. ad Rom.* lib. IV (2) : *Audiet Jacobum fratrem Domini similia protestantem, cum dicit : qui voluerit amicus esse sæculi hujus, inimicus Dei constituetur* (IV. 4).—*In Proverb. cap. XXVIII. v. 15* (3) scribit : *Καὶ ὁ Ἰάκωβος φησὶν ἀλλήλοις ἐξαγγέλλετε τὰ παραπτώματα ὑμῶν, ὅπως ἰαθῇτε.* h. e. *et Jacobus ait : confitemini alterutrum peccata vestra, ut sanemini.*

6. S. DIONYSIUS, Alexandrinæ ecclesiæ episcopus, qui, teste HIERONYMO, ORIGENIS auditor valde insignis fuit, et ab antiquis Patribus *magni* cognomine decoratus est, in sua *Interpretatione S. Evang. secundum Lucam cap. XXII, v. 42-48* (4), ipsamet JACOBI I. 15 verba recitat : *Ὁ γὰρ θεὸς, φησὶν (ἡ γραφή), ἀπειραστος ἐστὶ κακῶν.*

7. S. ATHANASIUS, an. 320 ad Alexandrinam sedem evectus, et fidei catholicæ adversus Arianos propugnator acerrimus, in *Epistola festali XXXIX* (5) sacrorum librorum catalogum texens, JACOBI epistolam inter illos recenset.

8. S. ORSIESIUS, Ægyptius, ut videtur, an. 545 Tabennensis abbas, in libro *de Institutione monachorum*, triplici vice JACOBI verba usurpat, videlicet : n. XXXI, verba

(1) Opp. tom. II. p. 439. Ed. Delarue.

(2) Tom. IV. pag. 536. — ORIGENIS opera, e quibus loca ista excerpsumus, non amplius græce, sed ex latina RUFFINI versione exstant.

(3) *MAH Nov. Patr. Bibl.* t. VII. part. II. pag. 54.

(4) *Patrol. Græc.* Migne. tom. X. col. 1596.

(5) *MAH Nov. Patr. Bibl.* tom. VI. pag. 154.

JAC. IV. 4; n. XLI, JAC. IV. 4; et n. L, JAC. I. 12. (1).

9. S. CYRILLUS HIEROSOLYMITANUS, medio sæc. IV, *Catech. IV*, n. XXXV (2), inter libros quos in Ecclesia μετα παρησιας αναγινωσκόμεν, ut ait, hanc epistolam reponit; et aliquem ejus locum tamquam verbum sacrum *Catech. XXIII*, n. XVII (3) recitat.

10. Eodem tempore S. SERAPIO, Thmuitanus episcopus in Ægypto, in *Epist. ad monachos*, bis intra paginas septem ad JACOBI epistolam alludit, plurimaque ejus verba adhibet; nimirum n. III verba JAC. cap. V. 17, 18, et n. XI, verba cap. V. 16 (4).

11. S. ANTONIUS MAGNUS, an. 356 abbas, frequentissime textus a JACOBO mutuatur. Sic *sect. I Sermonum ad filios monachos*, quos ex arabico idiomate latinos fecit ABRAHAM ECHELLENSIS, pronuntiat quod *fides sine operibus mortua est* (JAC. II. 20); et *sect. XIX*, verba JAC. III. 5. 6, tamquam Scripturæ eloquium recitat. Cf. pariter *Epist. I* et *XX* (5), ubi ipsum apostolum JACOBUM aperte designat.

12. S. BASILIUS, Cæsareæ Cappadociæ circa an. 329 natus, et ejusdem civitatis episcopus, *lib. II adv. Eunomium* n. 19, ad JAC. II. 19 alludit, et *lib. V. n. 2* (6), ipsa verba cap. II. 23, recitat.

13. S. GREGORIUS NAZIANZENUS, ecclesiæ Constantinopolitanæ antistes, *Carminum lib. I, sect. I, Poem. Dogm.*

(1) *Patrol. Græc.* Migne. tom. XL, col. 883, 887, 891.

(2) *Ed. Benedict.* pag. 68, sq.

(3) *Ibid.* pag. 350.

(4) *Patrol. Græc.* Migne. tom. XL. col. 950, 958.

(5) *Patrol. Græc.* Migne. tom. XL. coll. 964, 975, 1002 et 1057.

(6) *Opp.* tom. I. pagg. 254 et 314. *Ed. Benedict.*

XII, de veris scripturæ libris (1), JACOBI epistolam inter catholicas primam recenset.

14. S. AMPHILOCHIUS, Iconii episcopus, BASILII amicus et familiaris, in *Iambis ad Seleucum* scriptis (2), v. 314 sq., inter epistolas catholicas *ab omnibus admissas*, JACOBI unam numerat.

15. S. EPIPHANIUS, e Phœnicia oriundus, et Constantiæ in insula Cypri circa an. 367 episcopus factus, *Hæresi LXX* (3) verba JACOBI III. 8, 9, 10, ex æquo cum PAULI verbis recitat.

16. S. ASTERIUS, Amasææ, metropolis Ponti, circa an. 400 episcopus, *Hom. XVII in Psalm. V* (4), sententiam JAC. Εὐθύμει τις ψαλλέτω (V. 13), laudat.

17. Sæc. V ineunte, S. CHRYSOSTOMUM testem habemus : qui *Hom. I* ad populum Antiochenum (5), verbis JAC. V. 17 utitur.

18. Tandem S. CYRILLUS ALEXANDRINUS, qui Nestorianam hæresim egregie profligavit, *Explan. in Luc. cap. VI* (6), scribit : Ὁ γὰρ κρίνων τὸν ἀδελφόν, κατὰ φησὶν ὁ τοῦ Χριστοῦ μαθητὴς, καταλαλεῖ νόμου, καὶ κρίνει νόμον· Εἰς ἐστὶν ὁ νομοθέτης καὶ κριτής. h. e. *Nam qui judicat fratrem suum, aut Christi discipulus, detrahit legi et judicat legem. Unus est legislator et judex.* Sunt verba JAC. IV. 11, 12. Cf. pariter ejusdem

(1) Opp. tom. II. pag. 261. Ed. Benedict.

(2) Reperiuntur in Ed. Benedict. opp. S. GREGORII NAZIANZENI, tom. III. pag. 1103. Ipsos tamen S. AMPHILOCHII sincerum fortum esse probat auctor *Bibliot. Galland.* tom. VI. Proleg. n. VI, quem recitat Migne *Patrol. Græc.* tom. XXXIX, col. 12 sq.

(3) Opp. tom. II. pag. 814 sq. Ed. Petavii.

(4) *Patrol. Græc.* Migne. tom. XL, col. 422.

(5) Opp. tom. II. pag. 16. Ed. Gaume. Paris 1838.

(6) *Maii Novæ Patrum Biblioth.* tom. II. pag. 300.

explanat. in *Ep. ad Rom.* ad cap. IV. 2 et VII. 16. (1). — Nonnulla insuper hujus epistolæ loca annotationibus suis illustravit (2).

Hic vero consistere liceat. Hæc enim quatuor priorum sæculorum monumenta manifestum plane faciunt varias ecclesias quæ Ecclesiam græcam constituiebant, JACOBI epistolam indubitata fide recepisse.

III. Ecclesiæ syriacæ fides.

Ecclesiæ syriacæ fidem seorsim interrogare juvat, utpote cujus cum ecclesia Romana consensus maximi faciendus sit, cum ob maximam hujus ecclesiæ, quæ jam apostolico ævo (3) florebat, antiquitatem, tum quia multæ et famosæ hæreses in ipsa exortæ sunt.

Jamvero de epistolæ JACOBI auctoritate Syros numquam dubitasse, testatur J. S. ASSEMANUS (4). Et revera ipsa inter canonicos libros in versione syriaca, quam *Peshito* seu *simplicem* vocant, reponitur (5). Quam versionem ve-

(1) MAH tom. III. pagg. 4, 23, 31.

(2) Cf. *Catena* J. A. CRAMERI. Oxonii 1840.

(3) Antiochiæ, Syriæ metropoli, discipulos primum Christianos vocatos fuisse testantur *Act. Apost. XI. 26*.

(4) *Bibliothecæ Orientalis*, tom. III. part. I. pag. 9. nota 1.

(5) Notandum porro est nonnisi tres ex epistolis catholicis in antiquissima illa versione apparere. Quod testatur COSMAS INDICOPLEUSTES (ante med. sæc. VI.) *Christ. opin. de mundo*, l. VII. (apud MONTFAUCON, *Coll. nov. Pat. et Script. Græc.* tom. II. pag. 292): "Ἐτεροι καὶ τῇ ἱακώβου ἐν ταῖς δυὸ ταύταις (I Pet. et I Joh.) δέχονται ἑτεροι δὲ πάσας δέχονται παρὰ Σύροις δὲ εἰ μὴ αἱ τρεῖς μόναι αἱ προγεγραμμέναι εὐχὴ ὑπέρκειται λέγω δὲ ἱακώβου καὶ Πέτρου καὶ Ἰωάννου αἱ ἄλλαι γὰρ οὕτε κίπται παρ' αὐτοῖς. h. e. Alii et epistolam Jacobi cum duabus illis admittunt : alii vero universas recipiunt. Apud Syros autem

tustissimam esse nemo negabit, quippe quæ in decursu sæc. II exarata videatur. *Syriacam tam novi quam veteris Testamenti versionem*, ait WALTON (1), *non multo post Apostolorum tempora factam esse, constans est orientalium traditio : nec desunt argumenta quæ idem suadent.*

Multa porro hujus ecclesiæ traditionis monumenta proferre non possumus : cum omnia fere, antiquissima præsertim, vel perierint, vel inter bibliothecarum manuscripta ignota adhuc jaceant. S. EPHRÆMI, qui Syrorum propheta dictus est, opera, partim syriace et latine, partim græce et latine ASSEMANI et PETRI BENEDICTI cura, an. 1743 Romæ edita, satis ostendunt quantæ nobis utilitatis forent veterum Syrorum scripta. Pluribus vero in locis ad epistolam JACOBI S. EPHRÆMUS provocat. Sic in *Sermone de charitate* (2), hæc habet : περί ἧς ὁ Ἀπίστολος ἔλεγεν· ὅς ἐάν φίλος εἶναι δοκεῖ τοῦ κόσμου, ἐχθρὸς τοῦ θεοῦ καὶ δίσταται. Sunt ipsa verba JAC. IV. 4. Citata pariter reperies cap. IV. 14, pag. 82; III. 6, p. 89; V. 9, p. 154; II. 17, p. 219; IV. 4, p. 296; I, 3, p. 460 etc.

Imo famosiores Syriæ hæretici hujus epistolæ auctoritatem agnoverunt. Etenim Nestorianos ipsam pro canonica habuisse, patet ex eo quod EBED-JESU eam inter libros sacros, *Catalogi* sui cap. II (3), recenseat. Hæc sunt ejusverba :

ܐܠܬܐ ܕܠܥܝܠܐ ܕܡܝܬܐ ܕܡܝܬܐ ܕܡܝܬܐ ܕܡܝܬܐ ܕܡܝܬܐ
ܕܡܝܬܐ ܕܡܝܬܐ ܕܡܝܬܐ ܕܡܝܬܐ ܕܡܝܬܐ ܕܡܝܬܐ ܕܡܝܬܐ

nonnisi tres prædictæ reperiuntur : nimirum epistola Jacobi, epistola Petri et epistola Johannis; aliæ quippe penes illos nequidem habentur.

(1) *Bibltiorum sacrorum Polyglotta*. Proleg. V. n. 4. Londini 1657.

(2) Tom. III. græce et latine, pag. 46.

(3) Ap. ASSEMAN. *Biblioth. Orient.* tom. III. part. I. pag. 9. sq.

reverentia suscipere et venerari tenemur, inseruit,* ab apostolica et antiqua doctrina minime recessisse, neque aliquid novi in hoc præstitisse; sed constanti perpetuæque traditioni innixam, id unum declarasse, quid nempe hac de re ab initio crediderit Ecclesia catholica, cui a CHRISTO dictum est : *Et ecce ego vobiscum sum omnibus diebus, usque ad consummationem sæculi* (Matt. XXVIII. 20.).

Nonnullas difficultates, quæ adversus epistolæ hujus canonicitatem motæ fuerunt, utpote ab iutrinseco petitas, opportunior solvendi locus erit in ipsa textus sacri interpretatione. Ex qua pariter innotescunt variæ internæ rationes quæ divinam hujus libri inspirationem summopere suadeant.

§. 4. *De causa scribendi epistolam, deque ejus argumento ac stylo.*

Quænam potissimum causa JACOBUM ad hanc epistolam conscribendam impulerit, neque ex ipsa epistola, neque ex certa aliqua traditione liquido constat. Si tamen ea, quæ Apostolus specialius tractanda curavit, attentius inspiciamus, non immerito prorsus, opinor, conjecerimus ipsum triplici causa ad scribendum adductum fuisse. Et primo quidem, Judæos recens-conversos, variis persecutionibus a parte popularium suorum adhuc incredulorum obnoxios, et solamine et confortatione ad eas forti ac patienti animo tolerandas indiguissse, ex ipso epistolæ initio recte concluderis. Deinde, uti tradit AUGUSTINUS, *de fid. et*

oper. cap. XIV. n. 21, jam ævo apostolico non deerant qui, non intellectis quibusdam subobscuris sententiis apostoli Pauli, ad salutem obtinendam, fidem, operibus neglectis, sufficere putarent. Jamvero adversus hunc errorem epistola Jacobi, sicut et ceteræ catholicæ pleræque, intentionem maxime dirigere videtur, ipsum modo *directe* impugnando, modo *indirecte*, varia nempe morum præcepta tradendo et urgendo. Tertio tandem, nonnulla vitia inter fideles grassantia, maximeque contentiones ac lites, opportunam et sedulam correctionem postulasse putaverim. In hoc enim multum allaborat Apostolus, et ita quidem, ut nec suavitate in adhortando, nec gravitate in reprehendendo careat. Dogmata porro, si illud de operum necessitate excipias, vix attingit, quamvis ea quæ ad scopum suum magis conducunt, breviter commemorare non omittat.

Quod ad hujus epistolæ stylum attinet, a ceterorum N. T. scriptorum stylo nonnihil differre deprehenditur. Ipsi quippe oratio maxime concisa est et vivida, sæpiusque asyndetica. Et, quod mirum est, in hac tam brevi epistola vocabula occurrunt fere sexaginta (1), nec quidem

(1) Hæc autem ex ordine hic recensere operæ pretium duximus. Sunt porro : Cap. I. *Απλως, οικει, αντιζομινη, ρικιζομινη, ακαταστατος, διψυχος, ευπριπισια, μαρτυρησεται, πειραστος, εξελκεμινος, αποτελισθισια, απικυησι, παραλλαγη, τροπη, προσκισμα, ταχυς, ιμφοτες, ρυπαρια, επιλησμοση, ποιησις, θρησκος, χαλιναγωγισιν.*—Cap. II. *Χρυσοδακτυλιος, προσωποληπτειν, ανιλεως, ιφημερες, επιτηθεια, φρισσιν.*—Cap. III. *Μεταγισιν, μεγαλχυισιν, φλογιζισιν, τρεχος, ιναλισι, ακαταρχιτος, θιακτηφορες, ομοιωσις, βρουιν, πικριν, αλυκος, πιστημων, δαιμονιωδης, ευπειθης, αδικριτες.*—Cap. IV. *Κινωσι, ταλαιπωρειν, κατηφεια, νομοδιτης, αγι.*—Cap. V. *Ολολοζισιν, σισσηπι, σπητρωτα, κατωται, αμνησαντων, ιτροφησασι, πρωϊμος, οψιμος, κακοπαθια, πολυπληγχοτες.*

infimæ græcitatîs, quæ in N. T. libris nullibi adhibita reperiuntur. JACOBO insuper poeticum ingenium non defuisse, plura testantur. Enimvero imaginibus, orientalium more, iisque haud adeo vulgaribus, delectatur (cf. I. 6. 11. 14. 15. 23. 24. III. 3-7. 11. 12. IV. 15. V. 2. 3.); interrogationibus et gradationibus studet; antitheses easque, quo fortiores sint, asyndetice junctas captat. Lectores suos subinde dramatico more interpellat, et in rem ipsam quasi introducit (cf. II. 2, sqq.; 15, sqq. IV. 1, sqq.; 13, sqq. V. 1, sqq.; 13, sqq.). Vehementiori etiam affectu nonnumquam abreptus, absque ulla apparenti transitione, ab una materia ad alteram distrahitur. Ipsi denique librorum V. T. lectionem perquam familiarem fuisse, tum ex sententioso dicendi genere, tum ex allusionibus, imo et ipsis locutionibus in scriptis illis usurpari solitis, abunde constat. Hæc quidem de scopo ac scribendi genere JACOBI annotasse suffecerit.

§. 5. *Qua lingua, quo tempore et quo loco conscripta fuerit epistola Jacobi.*

Epistolam JACOBI græce scriptam fuisse, uti communior fert sententia, eo verisimilius existimaveris, quod ad Judæos dispersos directa fuerit. Notum enim est linguam græcam tunc temporis vulgarissimam fuisse, adeo ut ipsi Judæi versione septuaginta-virali pro hebraico textu promiscue uterentur. Communem autem sententiam illud pariter confirmat, quod nempe tradit auctor *Synopseos Scripturæ sacræ* diu, sed immerito, ut videtur, D. ATHANASIO adscriptæ. Scribit igitur vetustissimus ille auctor, JACOBUM fratrem Domini secundum carnem, et primum Hieroso-

lymorum episcopum, Evangelium S. MATTHÆI, hebraïco idiomate primitus conscriptum, in linguam græcam transluisse (1). Quod si opportunum duxit JACOBUS, utique et ipse epistolam suam Græce exarare opportunum duxerit.

Annus conscriptæ hujus epistolæ certo definiri nequit: quod ceteroquin de omnibus fere libris sacris dicendum est. Unum tamen statui posse videtur: nimirum JACOBUM tunc tantum scripsisse, cum jam PAULUS epistolam suam *ad Romanos* misisset. Quod ut teneamus nonnulla suadent. Et quidem uti, AUGUSTINO duce, modo notabamus, JACOBI epistola adversus eos, qui sententiis PAULI in epistolis *ad Romanos* et *ad Galatas* præsertim traditis abutebantur, maxime directa videtur: cum summopere allaboret JACOBUS in operum necessitate adstruenda et comprobanda. Immo, ad thesim suam stabiliendam, ipsum ABRAHÆ exemplum urget; et ad eadem *Geneseos* verba, quæ PAULUS *Rom. IV. 3.* ut probaret ABRAHAM non ex operibus sed ex fide justificationem hausisse, adduxerat, ipse, ad operum necessitatem asserendam, provocat. Porro cum ex una parte epistola *ad Romanos* anno circiter post CHRISTUM natum 58 scripta fuerit; ex altera vero, septimo NERONIS anno sive 62 juxta alios (2), decimo autem sive 65 juxta nonnullos (3), JACOBUS morti traditus fuerit, intra duos extremos terminos epistolam nostram conscriptam concluderim.

Quod ad locum attinet, Hierosolymis, ubi JACOBUS sedem fixam habuisse videtur, illa exarata haud arbitrario præsumitur.

(1) Opp. S. ATHANASHI tom. IV. pag. 155. Ed. Benedict.

(2) Cf. BARONI *Annal. Eccles.* tom. I. pag. 621. Antverpiæ 1612.

(3) J. E. CELLÉRIER, *Introd. au N. T.* pag. 465.

MONITUM.

Textum Vulgatæ cum interpunctione sua imprimendum curavimus secundum editionem Vaticanam anni 1598. In textu græco exprimendo, quia editione ab eminentissimo card. ANGELO MAIO elaborata, atque, ipso morte prærepto, cura P. VERCELLONE anno 1857 Romæ publici juris facta, nobis uti non licuit, editionem COMPLUTENSEM secuti sumus, ibidemque orationem pro nostro judicio interpunximus.

Quod ad variantes lectiones attinet, ne longiores essemus, illas tantummodo notavimus, quæ alicujus momenti essent, simulque nonnihil auctoritatis præ se ferrent. Notum autem est externa monumenta, quorum ope quænam lectio pro genuina habenda sit, dijudicari valeat, triplicis potissimum generis esse, scilicet: codices qui *Unciales*, utpote *uncialibus* litteris scripti, dicuntur; codices *minusculos*, litteris nempe cursivis conscriptos; ac demum versiones antiquas. Nonnihil etiam subsidii afferunt veterum Patrum scripta.

Porro codices *unciales*, ad quos imprimis attendendum est, nonnisi *quinque*, quod epistolas catholicas spectat, numerantur; videlicet:

Codex A, sive *Alexandrinus*, Musei Britannici, qui sæc. V exaratus censetur.

Codex B, seu *Vaticanus*, omnium antiquissimus (sæc. IV.). Ipse est quem modo laudavimus, quiq[ue] ROMÆ an. 1857 editus est.

Codex C, *Regius*, sæc. V exaratus. Mutilus autem est a cap. IV. 2.

Codex G, *Angelicus*, bibliothecæ nimirum Angelicæ, monachorum ordinis S. AUGUSTINI Romæ. Non videtur scriptus ante medium sæc. IX.

Codex K sive *Mosquensis*, ex monasterio S. DIONYSII in monte Atho. Non videtur esse sæculi.

Inter antiquas versiones memorandæ maxime veniunt:

Itala et *Syriaca Peshito*, quarum summam antiquitatem supra pagg. 28 et 37, delineavimus.

Coptica, sive *Memphitica*, dialecto Ægypti inferioris, et *Sahidica*, sive *Thebaïdica*, dialecto Ægypti superioris, exeunte sæc. III, ut videtur, conscriptæ.

Æthiopica, quæ exeunte fere sæc. IV suscepta plerumque putatur.

Armenica, sæc. V confecta.

CAPUT PRIMUM.

ARGUMENTUM. Statim post epistolæ inscriptionem, qua apostolica scribentis dignitas declaratur, iique, ad quos scribit, exprimuntur (1), orditur Jacobus ab adhortando Judæo-Christianos, ad varias tribulationes, quibus obnoxii erant, læto ac constanti animo perferendas (2-4). Sapientiam porro ad hoc præstandum necessariam, a Deo, cujus summam benignitatem extollit, magna cum fide postulandam esse docet (5-8). A generali vero exhortatione transit ad speciales quasdam tribulationes perlustrandas, ad quas lubenti animo tolerandas auditores suos specialius incitat. Et primo quidem eos, qui pro Christi nomine bonorum suorum rapinam passi fuerant, solatur et roborat, tum gloriam in cælo talibus repositam, tum divitiarum instabilitatem ipsis exhibendo (9-11). Deinde eos qui tentationibus, quibus ad peccata interius alliciuntur, fortiter obsistunt, beatos prædicat; quia post probationem fideles reperti, coronam gloriæ consequentur (12). Ne tamen tentationum suarum causam in Deum refundant, quod afflictis satis pronum est, ipsas nequaquam a Deo immitti, sed ex propria cujusque concupiscentia ortum

ducere tradit (13-15). *Et quo magis falsam illam opinionem ab auditorum mente avertat, Deum immutabilem omnis boni fontem esse proclamat : ad quod firmandum, ad eximium humanæ regenerationis beneficium, ex mera Dei benevolentia profectum, provocat (16-18). Exinde vero occasionem sumit varias proponendi exhortationes, ad vitam, uti regeneratorum genus electum decet, instituendam : sicque primarium epistolæ suæ thema aggreditur. Præmissa itaque generali ac bipartita propositione (19-20), priorem partem, quæ est de verbo evangelico, quo mediante regenerationis gratiam assecuti erant, studiose suscipiendo, nunc evolvit (21). Statim vero errori tunc temporis grassanti occurrere volens, fideles suos serio admonet, parum esse si doctrinam evangelicam auditu percipiant, eam vero in praxim deducere non sategant. Qua propositione duplici generali exemplo illustrata, ad ea quæ postea dicenda erunt viam parat (22-27).*



§. 1. *Jacobus Dei, et Domini nostri Jesu Christi servus, duodecim tribubus, quæ sunt in dispersione, salutem.*

§. 1. Ἰάκωβος, Θεοῦ καὶ κυρίου Ἰησοῦ Χριστοῦ δούλος, ταῖς θώδεκα φυλαῖς ταῖς ἐν τῇ διασπορᾷ, χαίρειν.

PARAPHRASIS : *Jacobus, Dei ac Domini Jesu Christi servus, Judæo-Christianis omnibus per varia loca dispersis salutem adprecatur.*

§ 1. *Jacobus Dei, et Domini nostri Jesu Christi servus.)*

Sicuti mortalem gloriam homines appetentes, αἱ ΔΙΔΥΜΟΣ ΑΛΕΞΑΝΔΡΙΝΟΣ (1), in suis conscriptionibus, dignitates quas putantur habere, præponunt : ita sancti viri in epistolis quas scribunt ad ecclesias, principaliter proferunt se servos esse Domini nostri Jesu Christi, æstimantes hanc appellationem supra regna totius mundi consistere.

Jacobus.) Nomen erat apud Judæos celebre, propter Patriarcham qui duodecim tribuum parens fuit. Est autem JACOBUS, יַעֲקֹב, a יָכַב calcem tenuit (cf. Gen. XXV. 23.). Quæ ad JACOBI nostri personam spectant, supra pag. 22 sq. delineavimus.

Dei, et Domini nostri Jesu Christi servus.) Quod JACOBUS JESU CHRISTI servum (δούλον) se vocet, id non est eo sensu intelligendum quo servi dicuntur quotquot obedientiam CHRISTO præstant, uti Rom. XVI. 18; Ephes. VI. 6; etc.; sed servus dicitur, ut ESTI verbis utar, propter ministerium verbi, in quo serviebat Christo Domino. Hunc autem sensum vocem δούλον obtinere posse, vel exinde patet quod haud raro cum voce ἀπόστολος permutetur. (Cf. Gal. I. 10, coll. v. 1; Judæ v. 1; Apocal. I. 1.) Eodem prorsus sensu in V. T. formula יְהוָה יָכַב sæpe usurpatur; v. g. de MOSE, Exod. XIV. 31; Jos. I. 1; de JOSUE, Jud. II. 8. Non erat igitur cur CAJETANUS in h. l. scriberet, hujus epistolæ auctorem minus certum reddi, eo quod seipsum non nomet Apostolum.

Plerique ex interpretibus voces *Dei* et *Domini* sejungunt, ita ut

(1) In *Epist. Jac. brevis enarratio*, *Patrol. Græc.* Migne. tom. XXXIX. col. 1749.

illud ad PATREM, hoc vero ad FILIUM referant. Nobis tamen præplacet sententia S. CYRILLI ALEXANDRINI dicentis : *Deum hinc et Dominum Jesum Christum appellat : id enim natura esse Jesum non ignorabat prædicator veritatis* (1). Et quidem, si duas distinctas personas auctor sacer designare voluisset, videtur quod non tam arcte voces Θεὸς et κυρίου conjunxisset, sed ante κυρίου articulum apposuisset. Scripsisset etiam, opinor, ut ordinarie sit, κυρίου ἡμῶν : verum pronomen quod in quibusdam antiquis versionibus comparet, a codicibus græcis, immo ab ipsa Italia prorsus abest. Huic autem interpretationi Æthiops interpres plurimum favet, vult enim : *a Jacobo servo Dei Domini nostri Jesu Christi*. Igitur locus iste vim dogmaticam ad Divinitatem CHRISTI comprobendam habet. — De sacratissimi nominis JESU etymo et notione erudite scripsit ill. D. BEELEN, *Comment. in epist. ad Philipp.* edit. II. pag. 66 sq. not. 4.

Duodecim tribubus, quæ sunt in dispersione, salutem.)

Per duodecim tribus quæ sunt in dispersione, omnes Judæo-Christianos extra Hierosolymam commorantes intelligit. Fuere quidem qui hunc numerum mysticum haberent, et sub eo omnes christi-fideles, sive e Judæis sive e Gentibus, comprehendi putarent. Verum, præter communem loquendi usum, illud etiam huic interpretationi obstat, quod nempe ii, ad quos præscns epistola dirigitur, variis persecutionibus subjacere dicantur. Porro in Gentiles conversos persecutionem tunc temporis jam sævisse, nihil probat : dum econtra neminem latet qualiter Judæi populares suos, qui CHRISTO nomen dabant illumve prædicabant, insectari consueverint (Cf. Act. VIII. 1. XIII. 46. 50 ; XIV. 3. 12. etc.).

Εν τη διασπορᾷ subaudi οὔσαις. Hujus abstractæ locutionis sensum interpres Syrus optime reddidit per ⲉⲛ ⲧⲉ ⲧⲉⲛⲧⲉⲛⲧⲉ i. e. *quæ dispersæ (sunt) inter gentes*. Porro JACOBUS specialem quamdam dispersionem præ oculis habuisse non videtur ; sed alloquitur tum Judæos illos ex omni natione, qui die Pentecostes baptismum susceperant (Act. II. 5. 41) ; tum illos qui, post STEPHANI necem, ingravescente perse-

(1) Θεὸν ἐνθάδε καὶ Κύριον ἀπακαλιῖ τὸν Ἰησοῦν Χριστὸν, τοῦτο κατὰ φύσιν ὅτια γινώσκων τῆς ἀληθείας ὁ κήρυξ. — *Thesauri assertion* XXXII. Opp. tom. VIII. pag. 300. Ed Auberti.

cutione, per regiones Judææ et Samariæ dispersi fuerant (Act. VIII. 1); tum demum eos qui a dispersis evangelizati CHRISTI fidem susceperant (Ib. v. 4).

Salutem.) *Χαίρειν*, scilicet *λέγει*; salutem et incolumitatem adprecatur. — CAJETANUS in h. l. salutationem istam carpit, utpote profanam ac nulli salutationi cujuscumque alterius apostolicæ epistolæ conformem. Et in hoc præcipitanter egit. Eadem enim prorsus est salutatio quam epistolæ suæ synodali Apostoli Hierosolymis congregati præfixerunt. Neque aliter GABRIEL angelus B. Virginem salutavit (Luc. I. 28); nec alio verbo CHRISTUS redivivus pias mulieres primum allocutus est (Matt. XXVIII. 9). Ceterum vox ista ad salutem corporis non necessario coarctatur.

§. 2-4. Omne gaudium existimate fratres mei, cum in tentationes varias inciditis : ³ scientes quod probatio fidei vestræ patientiam operatur. ⁴ Patientia autem opus perfectum habet ⁵: ut sitis perfecti et integri in nullo deficientes.

§. 2-4. Πᾶσαν χαρὰν ἡγήσασθε ἀδελφοί μου, ὅταν πειρασμοῖς περιπέσῃτε ποικίλοις, ³ γινώσκοντες, ὅτι τὸ δοκίμιον ὑμῶν τῆς πίστεως ⁴ κατεργάζεται ὑπομονήν· ⁵ ἡ δὲ ὑπομονὴ ἔργον τέλειον ἐχέτω, ἵνα ᾗτε τέλειαι καὶ ὁλόκληροι, ἐν μηδενὶ λειπόμενοι.

PARAPHRASIS. Summo gaudio locum esse existimate, fratres mei, quotiescumque variis tribulationibus affligi vobis acciderit : quippe qui scitis quod illud ipsum, quo fides vestra probatur, constantiam efficiat. Constantia autem vestra opus suum ad finem usque perducatur : ut in adventu Domini inveniamini undique perfecti atque integri, nulla re, quæ ad salutem requisita sit, destituti.

VARIANS LECTIO.

a) Voces *τῆς πίστεως* Tischenbortius in textum an. 1839 editum recepit. Et recte quidem. Leguntur enim in omnibus codd. uncialibus; in versionibus Syriaca, Coptica, Æthiopica, Armenica et Vulgata. Eas pariter legerunt THEOPHYLACTUS, OECUMENIUS et BEDA.

b) Pro *habet* quod in Vulgata occurrit, Græce est *ἔχτω*, i. e. *habeat*, idque absque ulla lectionis varietate. Bæza in textu suo latino *habeat* pariter legit: quod, teste ESTIO, in plerisque est emendationibus, et exhibent veteres concordantiæ, et editio Lovaniensis. Insuper lectioni græcæ suffragatur tum major ipsius lectionis difficultas, tum contexta oratio.

§. 2. Primum quod in scribendo sibi proposuerat Apostolus statim aggreditur. Judæo-Christianos, multis tribulationibus et persecutionibus obnoxios, consolatur, cosque ad illas patienter tolerandas adhortatur.

Omne gaudium existimate.) Græce: *πάντα χαράν ᾠήσαθε*, h. e. *summum gaudium existimate*. « Πᾶς ubi dicitur de re quæ ex sui notione non pluralitatem sed gradus admittit, *intensive* non *extensive* significat, notatque id quod in hoc rerum genere *eximium*, *plenum*, *summum*, *maximum* sit. Nomen cum *πᾶς* constructum Articulum eo casu nunc habet, nunc non habet; ubi habet, *eximia*, *plena*, *summa* illa res definite cogitatur ut res hujus vel illius; ubi non habet, cogitatur universe. » Hæc ill. D. BEELLEN (1).

Fratres mei.) Modeste de se sentiens, uti notat OECUMENIUS, fratres ipsos vocat, non filios.

Cum in tentationes varias incideritis.) Ὅταν, *si quando*, *quoties*. « Legitur hæc particula in N. T. cum *Conjunctivo*, ait WAHL in

(1) *Grammatica Græcitatæ N. T. quam ad GEORGIUM WINERI ejusdem argumenti librum, germanico idiomate conscriptum, in usum suorum auditorum composuit J. T. BEELLEN.* pag. 110. Lovanii 1857. — Hunc porro librum intelligi volumus, quoties in hujus commentarii decursu Lectorem ad *Gramm. Græcæ* remiserimus.

Clavi N. T. ad h. v., ubi agitur de re, quam fieri et repeti posse nunc et postero tempore, judicamus. » — Πειρασμός, qui est a πειράζω, et ad recentiorē Græcitatē pertinet, generatim notat *experimentum virtutis seu virium alicujus rei*, ut 1 Pet. IV. 12. Sed per metonymiam *effectus pro causa*, πειρασμός sæpe dicitur de omni re quæ hoc experimentum sumere nata sit. Sic πειρασμός dicitur id quod malarum cupiditatum irritamentum constituit (Matt. VI. 13. XXVI. 41; 1 Tim. VI. 9). Πειρασμοί pariter vocantur tribulationes alicui ob religiosam ipsius professionem immissæ, utpote quæ ejus fidei veluti experimentum capiunt (Act. XX. 19). Hoc autem sensu vocem πειρασμός in præsentī loco intelligendam esse, vel exinde patet quod pro ea mox ponatur το δοκιμὸν τῆς πίστεως. — Afflictiones Apostolus hic cogitaverit maxime eas, quas Christiani Evangelii causa paterentur, quasque PAULUS ad Heb. X. 32. seq. commemorat: *magnum certamen passionum, opprobria, tribulationes, vincula, rapinam bonorum*, etc.

Porro gaudium in mediis afflictionibus, quod ceteroquin et ipse CHRISTUS (Matt. V. 11. 12) et Apostoli (Rom. V. 3; 1 Pet. IV. 13. etc.) constanter prædicarunt, divina opitulante gratia, impossibile non esse, vel ex Apostolis liquet, qui, postquam cæsi fuissent, ibant gaudentes a conspectu concilii, quoniam digni habiti sunt pro nomine Jesu contumeliam pati (Act. V. 41).

§. 3. *Scientes quod probatio fidei vestra patientiam operatur.*)

Causam exponit cur tantopere gaudere debeant cum in afflictiones varias inciderint; et causa est, quia tribulatio patienter tolerata effleat constantiam cui gloria cœlestis reservatur. Sensus autem est: quippe qui scitis (γινώσκοντες) quod illud ipsum, quo fides vestra probatur (το δοκιμὸν), constantiam (ὑπομονήν) operetur. — Participium γινώσκοντες in Verbum Finitum ope conjunctionis quippe vertendum esse, satis indicat contexta oratio. — Δοκιμὸν est id quo exploratur vel probatur aliquid: ipsa probatio sive experimentum δοκιμὴ dicitur, ut 2 Cor. VIII. 2. Δοκιμὸν itaque cogitantur οἱ πειρασμοί. Plenius scripsisset: γινώσκοντες ὅτι ὁ πειρασμός, ὃς ἐστὶ τὸ δοκιμὸν ὑμῶν τῆς πίστεως... scientes quod tribulatio, quæ est medium quo fides vestra probatur... Ὑπομονή quamvis notione secundaria de patientia seu tolerantia dicatur (2 Cor. I. 6), primario tamen

constantiam notat. Quæ significatio, ut Luc. XXI. 19; Rom. II. 7 etc., hic etiam obtinet. Non enim agit JACOBUS de modo quo afflictiones subeundæ sint, sed de eo quod afflictio patienter tolerata efficiat. Unde patet nullam inter JACOBUM et PAULUM (Rom. V. 3. 4), antilogiam dari, sed utrumque unum idemque asserere : nimirum tribulationem, si patienti animo toleretur, *constantiam* operari. Ἡ Ἐλπίς PAULI re non differt ab eo quod JACOBUS το δοκιμίων vocat. Confusio inde nata est quod auctor Vulgatæ duo nomina δοκιμη (1) et δοκιμίων, notione prorsus diversa, eodem vocabulo (*probatio*) reddiderit.

§. 4. *Patientia autem opus perfectum habet.*) Orationem in hoc versiculo *paræneticam* fieri, ostendit imperativus *adhortantis* ἐχέτω (*habeat*), quæ lectio probatissima est (cf. lect. var.). Sensus tamen exhortationis sat obscurus videtur. Quid enim intelligendum sit per illud *εργον τελειον* non statim apparet. Sunt qui putant JACOBUM bonorum operum necessitatem jam inculcare velle, ita ut sensus sit : *constantia autem vestra in fide sterilis non sit; sed econtra conjuncta semper sit cum factis perfectis, seu cum perfecta agendi ratione.* Cum tamen constantia in fide absque illis operibus vix cogitari possit, putaverim *εργον τελειον* ad ipsam constantiam melius referri, ipsiusque *perseverantiam* ad finem usque connotare. Alluserit ergo JACOBUS ad Matt. X. 22 et XXIV. 13, ubi CHRISTUS, postquam Apostolis suis persecutiones, quæ ipsos et fideles manerent, prænuntiasset, addidit : *qui autem perseveraverit (ο δε ὑπομεινας) usque in finem, hic salvus erit.* Indirecte vero fideles illos arguere voluerit, qui nempe primum ferventes et persecutiones æquo constantique animo perpassi, demum, infirmati ac calamitatibus pressi, pugna cederent et a fide deficerent. Sensum igitur, quamvis liberius, sequentibus ESTII verbis expresserim : *Patientia vestra ne deficiat, sed opus suum perducatur usque ad finem : sic enim erit opus absolutum atque perfectum, et re et fructu.* Quem sensum admittere videntur CORNELIUS A LAPIDE, SALMERO et LORINUS.

Δε non est hic *opponentis*, sed *continuantis* — Τελειος proprie est *ad finem perductus, absolutus, perfectus*, in quo nihil desideratur quod adesse debeat.

(1) Δοκιμη Rom. V. 4. *probatam virtutem* denotat, uti 2 Cor. II. 9.— Philipp. II. 22. etc.

Ut sitis perfecti et integri in nullo deficientes.) Constantiæ illius, quæ ad finem usque duraverit, finem (ἔνα) simulque effectum aperit. Sensus est : *ut in adventu Domini inveniamini undique perfecti et integri, nulla re quæ ad salutem sit requisita, destituti.*—Ολοκληρον dicitur id quod omnes partes suas easque integras habet; quod proinde omnibus est numeris absolutum. — *In nullo deficientes* pro appositione, quæ duo præcedentia complectatur et explicet, habuerim.—Λειπομαι τινος vel εν τινι, destituor, indigeo aliqua re.

Eundem effectum perseveranti constantiæ CHRISTUS tribuit dicens : *In patientia vestra (εν τη υπομονη) possidebitis animas vestras* (Luc. XXI. 19.). Quæ LUCAS BRUGENSIS sic exponit : *si constanter patientes fueritis, possidebitis, id est, servabitis, satvas facietis, obtinebitis salutem animarum vestrarum, æternam consequemini salutem.*

γ. 5-8. Si quis autem vestrum indiget sapientia, postulet a Deo, qui dat omnibus affluenter, et non impropere : et dabitur ei. ⁶ Postulet autem in fide nihil hæsitans : qui enim hæsitat, similis est fluctui maris, qui a vento movetur et circumfertur. ⁷ non ergo æstimet homo ille quod accipiat aliquid a Domino. ⁸ Vir duplex animo inconstans est in omnibus viis suis.

γ. 5-8. Εἰ δὲ τις ὑμῶν λείπεται σοφίας, αἰτεῖτω παρὰ τοῦ διδόντος Θεοῦ πᾶσιν ἀπλῶς καὶ οὐκ ἐνεδίζοντος· καὶ δοθήσεται αὐτῷ. ⁶ Αἰτεῖτω δὲ ἐν πίστει, μηδὲν διακρινόμενος· ὁ γὰρ διακρινόμενος ἔοικε κλύδωνι θαλάσσης ἀνεμιζομένῳ καὶ ῥιπιζομένῳ. ⁷ Μὴ γὰρ αἰέσω ὁ ἄνθρωπος ἐκεῖνος, ὅτι λήψεται τι παρὰ τοῦ κυρίου. ⁸ Ἄνθρωπος δίψυχος, ἀκατάστατος ἐν πῶσαις ταῖς ὁδοῖς αὐτοῦ.

PARAPHRASIS. Si quis autem vestrum indiget sapientia, qua afflictionum utilitatem atque pretium rite æstimare valeat, ipsam postulet a Deo, qui lubenti ac benevola mente dat omnibus, nec,

hominum more, semel concessa exprobrat: et dabitur illi sapientia. Sed postulet cum fide firma, nihil prorsus addubitans. Qui enim hæsitanter rogat, propter instabilitatem suam similis est fluctui maris vehementi tempestate huc et illuc jactato. Cum ergo nonnisi constanti et perseveranti orationi repromissio facta sit, non existimet homo ille quod accepturus sit aliquid a Domino. Nec tantum in oratione sed et in omnibus consiliis suis anceps animus inconstans est.

γ. 3. *Si quis autem vestrum indiget sapientia etc.)*

Tacitæ objectioni Apostolus hic occurrit. Nam dicere aliquis poterat: quomodo tribulationes maximum gaudium nos reputare jubeas? Quantopere enim humana natura ab eis abhorreat, quis ignoret? Respondet itaque JACOBUS: Si quis vestrum indiget illa sapientia qua tribulationum utilitatem ac pretium rite æstimare valeat, postulet a Deo..... Porro casum hypotheticæ ponit, non quia putaverit illum vix obtinere, sed ne ab initio auditorum animos offendat, necnon ut illius sapientiæ necessitatem magis inculcet.

Ε..... λεπέται. « In locutionibus *hypotheticis*, quando rem, quæ in propositione hypothetica ponitur, is qui loquitur, veram certamque, atque reapse factam esse aliquo tempore, aut fieri, aut futuram esse simpliciter fingit, neque ad cogitationem, neque ad eventum aliquando experiendum eam revocans, Græci adhibent *εἰ* cum *Indicativo* omnium temporum (1).» — Σοφία generatim consistit in cognitione rerum divinarum ac humanarum, illiusque recto usu, ut *Sap. VII* præclare describitur. Hic tamen ob contextam orationem σοφία specialius intelligenda videtur de *prudencia* illa, quæ metu persecutionum temporalium non amittit regna cælorum, sed, tribulationum pretil conseia, in ipsis *gloriatur*, recte existimans quod non sunt condignæ passionēs hujus temporis ad futuram gloriam quæ revelabitur in nobis (Rom. VIII. 18.). Hinc egregie Ven. BEDA in h. l. « Si quis vestrum, ait, non potest intelligere utilitatem tentationum quæ fidelibus probandi causa eveniunt, postulet a Deo tribui sibi

(1) *Gram. Græc.* §. 42. pag. 318. n. 2. A.

sensum, quo dignoscere valeat quanta pietate pater castigat filios, quos æterna hereditate dignos efficere curat.»

Postulet a Deo qui dat omnibus affluenter.) Respexerit JACOBUS ad Eccli. I. 1. *Omnis sapientia a Domino Deo* (παρὰ Κυρίου) est. — Παρὰ, quod primaria notione convenit cum Gallorum *de chez, de la part de* (Marc. XIV. 43. Joh. XVI. 28. etc.), et Hebræorum כִּנְיָ, tropice jungitur verbis *inquirendi* aut *discendi aliquid ab aliquo* (1).

Ut autem auditores suos ad petendum alliciat, liberalitatem Dei proclamatur qui dat omnibus; *utique his omnibus*, ait AUGUSTINUS (*de nat. et grat. c. 17*) *qui sic petunt, et tantum petunt, quomodo et quantum res tanta petenda est.* — *Affluenter*: græce est ἀπλως. Porro Rom. XII. 8, legitur: ὁ μεταδιδούς, ἐν ἀπλότητι, quod Vulgata vertit: *qui tribuit, in simplicitate*. CHRYSOSTOMUS tamen (*hom. XXI in Ep. ad Rom.*) illud ἐν ἀπλοτητι interpretatur μετα θαψιλειας, h. e. *largiter, liberaliter*: sicque translationi vulgatæ in præsentī JACOBI loco concinit. Verum, quamvis ἀπλως hanc notionem obtinere queat, si respicias *ad rei consequentiam*, uti notavit ESTIUS, putem tamen vocem illam in propria sua significatione hic sumendam esse, eamque mentem candidam ac benevolam qua Deus largitur, declarare. Et hoc innuere videtur illud quod immediate sequitur: *et non improperat.* — Forsan ἀπλοτης illa quam JACOBUS cogitat, non ita dissimilis est a προθυμια quam PAULUS 2 Cor. VIII et IX commendat, et qua fit ut non ex tristitia et necessitate, sed hilari detur animo.

Et non improperat.) h. e. non exprobrat (sic ονειδίζειν ipsa vulgata vertit Matt. XI. 20; Marc. XVI. 14), more hominum, beneficia jam collata: quem proinde sæpius adire nemo vereri debeat. Beneficiorum exprobratio a frequentiori petitione homines avertere solet.

Participia græca per verba finita vulgatus auctor reddidit. — Notandum est græce, juxta probatiorem lectionem, legi μη ονειδίζοντος. Ea autem est in præsentī loco vis particulæ negantis μη, ut notet Deum non tantum de facto non exprobrare, sed nequidem cogitari posse ut exprobrantem. Intellige, ut bene notat CAJETANUS in h. l., quantum ex parte Dei: nam ex parte ingratorum testatur scriptura quandoque exprobrari beneficia collata.

(1) *Gramm. Græc.* §. 51. pag. 395 sq.

Et dabitur ei.) Juxta promissum CHRISTI : *omnis qui petit, accipit* (Matt. VII. 8), et : *amen, amen dico vobis : si quid petieritis Patrem in nomine meo, dabit vobis* (Joh. XVI. 23.).

ŷ. 6. *Postulet autem in fide nihil hæsilians.)* Qualis autem esse debeat postulatio, ut efficax sit, nunc edocet. Dixerat quippe CHRISTUS : *omnia quaecumque petieritis in oratione, credentes accipietis* (Matt. XXI. 22). Quem MATTHÆI locum explanans LUCAS BRUGENSIS, quid sit *postulare in fide nihil hæsilians*, optime exponit : « Nihil *dubilians*, ait, de potentia Dei, quin *possit* dare eam quæ postulatur sapientiam, quamvis res magna ac difficilis sit; nec *diffidens* de benignitate Dei, quin *velit* dare id quod recte petitur, quamvis vili ac minime promerenti, de sua tamen erga Deum voluntate securo. » Et re quidem vera, ut non minus recte ad v. 21 idem Auctor notaverat : « quamvis, si suas ipsius vires, indignitatemve ad impetrandum a Deo res hujuscemodi magnas, homo consideret, habeat causam hæsitandi ac diffidendi; tamen fretus, tum rei æquitate, tum Dei potentia, promissionibus ac bonitate, effert se ipse supra omnem imbecillitatis indignitatisque propriæ considerationem. » Attamen, ut opportune notat ESTIUS ad h. l., « quia promissio conditionem habet hanc, *modo petat sicut oportet*, de qua nemo certus est (cf. Rom. VIII. 26); inde fit ut *cum ea fide promissionis divinæ* consistat, te *haud plane certum* esse, num sis impetraturus quod petis. » Ex his patet CALVINUM JACOBI sententiam non intelligere, et doctrinam catholicam calumniari, dum scribit in h. l. : « insignis hic locus ad refellendum impium illud dogma, quod in toto papatu pro oraculo habetur : nempe dubitanter et incerta successus opinione esse orandum. »

Particula *de* hic orationem sic continuat, ut tamen aliquid novi addat. — Præpositio *ev* notionem suam localem hic fere obtinet, quatenus nempe dicitur de eo quo petens instructus esse debeat. — *Μηδεν* pro voce substantiva, in *accusativo objecti patientis adverbialiter* posita, habuerim. — *Διαρπυσσας* (med.) proprie est *secum litigare*, moxque *dubius hærere*. Qui enim dubitat, secum ipse quasi disputat, alternantibus videlicet oppositis sentiis.

Qui enim hæsitat, similis est fluctui maris, qui a vento

movetur et circumfertur.) His verbis rationem reddi cur postulandum sit in fide, nihil hæsitando, satis innuit particula *causatis γαρ*. Quominus enim aliam notionem in præsentī loco huic voculae tribuamus, contexta oratio, ut opinor, prohibet. Verum in quo præcise sita sit illa ratio, sub elegantis comparationis involucre tradita, non adeo liquet. Nullus sane interpretum, quos perlegere potui, quæstionem discrete sibi proposuit. Jam vero JACOBUS virum in oratione hæsitantem fluctibus maris, tempestatum arbitrio huc illuc jaetatis, comparat. Et revera, quemadmodum fluctus illi in eodem statu numquam permanent, sed modo *ascendunt usque ad coelos*, modo *descendunt usque ad abyssos*; ita qui orando dubiis exagitatur, utrum nempe obtenturus sit necne id quod postulat, inter spem et desperationem continuo fluctuans, nunc patiens et confidens Deum invocat, nunc impatiens conqueritur quod exaudiri non valeat, et orationem dimittit. Hominis igitur ejusmodi oratio nec *constans* nec *perseverans* esse potest. Hunc porro perseverantiæ defectum JACOBUM sub imagine illa significare voluisse, tum ex natura rei, tum ex vers. 8 haud arbitrario conjeceris. Et quidem noverat Apostolus dixisse CHRISTUM: *oportet semper orare et non deficere* (Luc. XVIII. 1); et *petite et dabitur vobis: quærite et invenietis: pulsate et aperietur vobis* (XI. 9). Ad quem locum apposite notat LUCAS BRUG. «Hæc omnia orandi ardorem et perseverantiam præscribunt, et tria ipsa unum hoc declarant: orate perseverantissime, certoque certius impetrabitis.» Plena fuisset argumentatio Apostoli, si prælaudatæ imagini hanc similemve propositionem subjunxisset: *qui vero in oratione sua perseverans non est, hic proculdubio id quod postulat obtinere non valet*. Conclusio autem v. 7. habetur: *non ergo æstimet homo ille* (qui nempe hæsitat) *quod accipiat aliquid a Domino*.

Ἐαγε, attice, bis tantum in N. T. occurrit, hic et v. 23. Idem porro valet ac ὡμοιωται. — Ανεμίζομενος et ριπίζομενος, in præsentī solum loco obvia, ita componenda videntur, ut prius ad causam, posterius ad effectum referatur. Fluctus nimirum cogitatur ριπίζομενος quia ανεμίζομενος. PHILO sane dixit: *προς ανεμους ριπιζενθαι*. Ανεμίζεσθαι, Græcis inusitatum, ab ανεμος, est ventis agitari. Ριπιζειν, a ριπις, proprie est ignem folle excitare; indeque ventilare, huc et illuc jactare.

§. 7. *Non ergo æstimet homo ille quod accipiat aliquid a Domino.*) Concludit ex præcedenti argumentatione. — « Particula γαρ, ait Ill. D. BEELEN (1), ex γὲ et ἄρα composita, proprie hanc vim habet ut valeat sane pro rebus comparatis, ubi primum affirmatur res pro potestate particulae γε, deinde refertur eadem ad antecedentia per ἄρα. Itaque conclusivam primum vim habet particula γαρ. » Et hanc primariam significationem particulae γαρ in præsentī loco competere, non dubitaverim, sicut et 1 Thess. II. 20; Matt. XXVII. 23, ubi τι γαρ κακὸν ἐπαίησεν, Gallice reddiderim : *quel mal a-t-il donc fait ?* etc. Sensum igitur vocis interpretes noster rectissime expressit, vertendo *ergo*. — Μη dissuadentis est. — Οἴμαι, existimo. — Ο ἀνθρώπος ἐκεῖνος, scl. ille quem modo significavi, ο διακρινόμενος.

§. 8. *Vir duplex animo inconstans est in omnibus viis suis.*) Ad modum epiphonematis hæc dicta putaverim. Asseruerat modo JACOBUS virum qui hæsitat non posse accipere aliquid a Domino, propter orationis suæ inconstantiam. Jam vero, quo magis auditores suos ab illa hæsitazione deterreat, exhortationem suam per hanc generalem sententiam claudit : *qui animi ancipitis est, non tantum in oratione, sed et in omnibus actibus suis inconstans est.* Sæpissime enim a propositis deficit, et quæ modo cum ardore fuerat amplexus, præ diffidentia et formidine mox respuit.

Διψυχός (δύς, ψυχή), proprie *biantimis*, duplici significatione occurrit. Nam, ut notat POTT in h. l., « διψυχός dicitur tum is qui aliter agit ac sentit, ita ut ex alio animo actiones, ex alio cogitata proficisci videantur, verbo hypocrita; tum is qui inconstans est in sentiendo, cogitandoque.... Hoc loco διψυχόν denotare hominem qui modo sperat modo desperat, utrum votorum compos futurus sit necne, vel hominem qui modo Deo confidit, modo diffidit (διακρινόμενος), contextus satis declarat. » Nec aliter Syrus interpretes vocem illam intellexisse videtur. Vertit enim : *أَمَّا مَنْ فِي مَذْهَبِهِ* h. e. *qui divisus (est) in mente sua*, qui nempe in cogitationibus suis anceps est. — Ellipsis, alioquin frequentissima, verbi εἶπε, hic agnoscenda

(1) *Gram. Græc.* §. 57. pag. 474.

est. — Ἀκαταστατος (α priv. et κατῴησις), qui in uno loco non consistit, inconstans. — Ὀδοι, ut hebr. דרך (cf. Ps. X. 5; CXIX. 5. etc.), metaphorice usurpatur de universa vitæ ratione. Cf. Act. XIV. 15; 1 Cor. IV. 17.

§. 9-11. Glorietur autem frater humilis in exaltatione sua:¹⁰ dives autem in humilitate sua, quoniam sicut flos fœni transibit : " exortus est enim sol cum ardore, et arefecit fœnum, et flos ejus decidit, et decor vultus ejus deperit : ita et dives in itineribus suis marcescet.

§. 9-11. Καυχᾶσθω δὲ ὁ ἀδελφὸς ὁ ταπεινὸς ἐν τῷ ὕψει αὐτοῦ.¹⁰ ὁ δὲ πλούσιος ἐν τῇ ταπεινώσει αὐτοῦ, ὅτι ὡς ἄνθος χόρτου παρελεύσεται. " Ἀνέτειλε γὰρ ὁ ἥλιος σὺν τῷ καύσωνι, καὶ ἐξήρανε τὸν χόρτον, καὶ τὸ ἄνθος αὐτοῦ ἐξέπεσε, καὶ ἡ εὐπρέπεια τοῦ προσώπου αὐτοῦ ἀπώλετο· οὕτω καὶ ὁ πλούσιος ἐν ταῖς πορείαις αὐτοῦ μαρανθήσεται.

PARAPHRASIS. *Lætabundus porro gloriatur de exaltatione sibi reservata frater in abjectam paupertatem propter Christum redactus; dives autem gloriatur et ipse, si lubeat; sciat tamen se non habere unde gloriatur, nisi de misera conditione sua, quippe qui tamquam flos graminis evanescet. Sol siquidem exortus est, simulque cum eo ventus urens; et gramen adussit, et flos graminis decidit, et periit decora species ejus : sic et dives, dum per florida incedit itinera, subito marcescet.*

§. 9. *Glorietur autem frater humilis in exaltatione sua.)*

Vers. 2 et sq. totus fuerat JACOBUS in adhortando Christi-fideles, ut summum gaudium reputarent, in varias tribulationes incidisse. Ab hoc vero themate aliquantisper digressus fuerat, ut eos, qui sapientia ad tribulationum utilitatem rite æstimandam necessaria indigerent, edoceret quomodo illam consequi valerent. Porro orationem

per digressionem hanc interruptam, mediante particula *δε* nunc recipit, ita tamen ut de generali ad particulare descendat, quasdam speciales tribulationes perlustrando, ad quas lubenti animo tolerandas auditores suos iterum incitat. Orditur itaque ab iis, qui pro CHRISTI nomine bonorum suorum rapinam passi fuerant (Heb. X. 34), eosque sic alloquitur : *laetabundus gloriatur de exaltatione sibi reservata frater in abjectam pauperiorem propter Christum redactus.*

Καυχασθω, quia referre videtur illud v. 2. *πασαν χαραν ηγησασθε*, de tali gloriatione intelligimus, quæ *laetando* et *exsultando* se prodat, ut Rom. V. 2. 3. Quem sensum et in versione septuaginta virali vox illa obtinet, nempe Ps. XCIII. (Heb. XCIV.) 5; et CXLIX. 3, ubi *καυχασθαι* respondet hebraïco *יִשְׂבֹּחַ* quod est *exsultavit*, *jubilavit*. Objectum illius exsultationis hic per præpositionem *ἐν*, alibi (Rom. V. 2.) per *ἐπὶ* inducitur. — Voel *ἀδελφος* articulus præponitur, utpote *collective* significanti. Inter universos Christianos certum ac definitum aliquod genus Apostolus cogitat, illorum scilicet qui, propter suam Christianæ fidei professionem, *ταπεινω* effecti fuerant. — *Ταπεινω*, quod proprie est *humili repens*, *humilis*, metaphorice illum qui in *humili* sive *abjecta conditione* versatur designat. Quum autem huic voci antithetice opponatur *πλουσιος*, abjectio hæc respectu divitiarum potissimum intelligenda est. LXX interpretes eodem vocabulo verterunt *יָתוֹם* (Is. XXXII. 7), ubi Vulgata ipsa *pauper* habet. — *Υψος*, proprie *altitudo*, metaphorice *statum summæ dignitatis* denotat. Quod ad rem attinet, *gloriarî in exaltatione sua*, vix differre putaverim ab eo quod dicit PAULUS (Rom. V. 2): *gloriarî in spe gloriæ filiorum Dei*; ubi omnis qui reliquerit sua propter CHRISTUM, *centuplum accipiet et vitam æternam possidebit* (Matt. XIX. 29). Cf. 1 Petri IV. 12. 13.

§. 10. *Dives autem in humilitate sua.*) Hæc cum præcedenti versiculo intime coherere, ipsa *antithetica* (*δε*) structura, immo et omissio Verbi satis demonstrant. Verum, quis sit præcise nexus qui inter duos versus illos intereadat, haud ita facile est decernere. Quod vel ex interpretum in hisce verbis exponendis dissensu abunde liquet. Tota res a Verbo quod supplendum sit fere pendet. Sunt porro qui cum OECUMENIO et ESTIO putant *eclypticum* (1) esse sermonem,

(1) De hac breviloquentiæ specie vid. *Gram. Græc.* §. 66. pag. 510. *δ*.

qui supplendus sit verbo contrariæ significationis, ut 1 Tim. IV. 3. Sensus igitur hunc faciunt : *Dives autem confundatur in humilitate sua*, id est, pudeat ac sibi displiceat, cogitans ac secum reputans suam vilitatem, atque rerum, in quibus confidit, instabilitatem. — Alii cum CAJETANO volunt verbum *gloriatur* hic esse repetendum, et quidem in eadem prorsus significatione : ita ut edicat Apostolus : *divitem gloriari debere in humiliatione sui*, hoc est, dum contingit ipsum humiliari et a statu divitiarum cadere. Hæc vero interpretatio et antithesim tollit, et cum sequentibus, quæ increpationem continere videntur, parum coheret. — Equidem maluerim cum Ven. BEDA verbum *gloriatur* ita repetere, ut *ironice* dictum habeatur. PAULUS pariter *ironice* loquitur 1 Cor. IV. 8. Putaverim autem duplicem fuisse in hoc proferendo JACOBI scopum. Voluerit enim et fidelibus, propter CHRISTUM in paupertatem reductis, novum patientiæ immo et gaudii motivum, ex instabilitate divitiarum ductum, proponere; et simul divites illos qui fratres a persecutoribus spoliatos superbe despiciebant, nec de sua substantia adjuvabant, quosque capp. II et V durius increpat, jam indirecte impetere. Sensus igitur hujus commatis liberius sic reddiderim : *Dives autem gloriatur et ipse, si taceat : sciat tamen se non habere unde gloriatur nisi de misera conditione sua....* Divitiæ quippe nullam *per se* regni coelorum obtinendi spem faciunt. Cf. Matt. XIX. 23. 24. — Itaque per *τον πλουσιον*, non quemlibet divitem, sed illum qui Christianæ charitatis immemor sit et in divitiis suis spem suam reponat, Apostolus intellexerit. — *Ταπεινωσις* licet proprie significet *actum* quo ea quæ altitudine sua eminebant deprimuntur, nonnumquam tamen *conditionem abjectam et miseram* denotat. Cf. Luc. I. 48.

quoniam sicut flos fœni transibit.) Illam divitis *ταπεινωσις* Apostolus comprobât, vivida quadam et auctoribus sacris, quoties aliquid maxime fluxum et caducum describere volunt, usitatissima (cf. Isai : XL. 6-9; Job. XIV. 2; Ps. XXXVI. 2; Chl. 45; 1 Pet. I, 24.) comparatione usus; floris nempe graminis (*χορτου*), qui vix natus aruit. Sic enim dives cum omni gloria sua mox evanescet (*παρελευσεται*).

§. 11. *Exortus est enim sol cum ardore, cet.)* Comparationem tribus vocabulis modo expressam, eleganti descriptione JACOBUS explicat, eamque quasi *justificat* (*γαρ*). — Aoristi qui in hoc ver-

siculo occurrunt, non aliam vim habent quam *Temporis historici* : Aoristus quippe solenne Tempus est *narrantis*. — Καυσων primario quidem *æstum*, maxime solis, significat; sæpe tamen in versione septuagintavirali, pro כִּיָּרָה חַיִּי seu illo *vento orientali* vehementissimo, qui media quandoque spirat testate, atque segetes plantasque ardore suo confestim exurit, ponitur. Cf. Job. XXVIII. 21; Jerem. XVIII. 17; Ezech. XVII. 10, ubi ξηραίνειν ipsi tribuitur; Jonæ IV. 8, ubi ἀμα τῷ ἀνατεῖλαι τὸν ἡλίον consurgit; cet. Eadem voce כִּיָּרָה AQUILA (Gen. XLI. 6) et SYMMACHUS (Exod. X. 13) interpretantur (1). Porro JACOBUM per καυσωνα ventum illum exprimere voluisse, cum ex articuli appositione, tum ex effectu huic καυσωνι adscripto, haud immerito concluderis. — Εξηρανε, forma attica est Aor. a ξηρανω. — Ευπρεπεια, quæ alibi in N. T. non comparet, HESYCHIO est *εὐμορφία*, pulchritudo. — Προσωπον, ut et hebraicum פָּנֶיךָ, quando de rebus inanimatis prædicatur, externam earum speciem denotat.

ita et dives in itineribus suis marcescet). Per Πορτεας sive itinera, metaphorice varia divitis studia significantur, quibus, quasi per totidem semitas incedens, opes, honores et gaudia continuo anhelat, iisque fruitur.

Hunc itaque divitem, dum lætus per amœnas vias suas progreditur, insperata rerum conversione, morbo, morte aliove infortunio correptum, et, tamquam florem adustum, marcescentem JACOBUS cogitat.

ŷ. 12. Beatus vir, qui suffert tentationem : quoniam cum probatus fuerit, accipiet coronam vitæ, quam repromisit Deus diligentibus se.

ŷ 12. Μακάριος ἀνὴρ ὃς ὑπομένει πειρασμὸν ὅτι ὁ κίμωσ γενόμενος λήβεται τὸν στέφανον τῆς ζωῆς, ὃν ἐπηγγείλατο ὁ κύριος τοῖς ἀγαπῶσιν αὐτόν.

(1) S. Hieronymus comment. in Ezech. I. VIII. ad cap. XXVII. 26, ad verba græca τὸ πνεῦμα τοῦ Νότου, notat : qui significantius כִּיָּרָה, græce καυσων interpretatur; quem nos in ventum urentem transferre possumus. — Opp. tom. V. pag. 321.

PARAPHRASIS : *Beatus vir qui tentationi non cedit : quia , probatus et fidelis repertus , accipiet præclaram illam coronam , vitam dico æternam , quam Deus veris Christianis repromisit.*

§. 12. *Beatus vir qui suffert tentationem.*) Interpretes plerique statuunt præsentem versiculum ad anteriorem pericopam etiam pertinere, eoque claudi exhortationem illam ad tribulationes, ob fidem immissas, constanti lætoque animo perferendas. Verum Apostolum sermonem suum hic convertere ad eos qui variis tentationibus internis, calamitates externas ceteroquin comitari solitis, ad peccatum sollicitantur, duo mihi suadent. Unum est, quod vers. 12 cum sequentibus, ubi de tentationibus illis certo certius agitur, intime cohærere videatur; nec putaverim Apostolum voces *πειρασμοῦ*, *πειράζει* (v. 13), *πειράζεται* (v. 14), in significatione prorsus diversa ab ea quam voci *πειρασμός* hic tribuerit, ex abrupto usurpasse. Alterum autem hoc est : si, cum plerisque interpretibus, de tribulationibus externis in præsentī loco sermonem iterum fieri voveris, tunc utique fatendum erit JACOBUM, eos alloquentem qui internis tentationibus torquentur ac solamine summopere indigent, nullum pro ipsis adhortationis et consolationis verbum posuissc. Igitur *πειρασμόν* hic intelligimus, ut Matt. VI. 13, et alibi, tentationem qua homo interius, instigante scilicet diabolo, vel etiam naturæ fragilitate suadente, ad malum inclinatur. Et ita præsentem locum intellexisse videtur OECUMENIUS.

Itaque sicuti dixerat (v. 2) : *Omne gaudium existimate*, et (v. 9) *glorietur frater...* ita nunc proclamat : *beatus vir*, i. e. *beatus prædicandus est vir...* Solennis autem hæc formula fuit auctoribus sacris utriusque fœderis, atque etiam CHRISTO, sive cum hortarentur ad aliquid magni præstandum, sive cum eximiam aliquam virtutem laudarent. Formula opposita, æque usitata, erat : *vix homini...* — *ὑπομένειν* proprie est *remanendo sustinere*, ac proinde hic prævæ suggestioni non cedere, sive ut habet MATT. XXVI. 41, *non intrare in tentationem*.

quoniam cum probatus fuerit, accipiet coronam vitæ, cet.)

*Οτι rationem reddit cur beatus prædicandus sit is qui in tentatione immotus permanet. — Δοκιμὸς γενομένος verbotenus est *probat* factus, ideoque fidelis ac sincerus inventus. Δοκιμὸς quippe proprie dicitur de metallis quæ, ab aurifabris in igne examinata, probata ac genuina reperiuntur. JACOBUS in mente habuerit illud Eccli. XXVII. 6 : *vasa figuli probat* (δοκιμαζει) *forax, et homines justos tentatio tribulationis*. — In dictione τὸν στεφανῶν ζώης, vox ζώης est Genitivus appositionis, ut vox περιτομῆς Rom. IV. 11. Sensus est : *accipiet coronam, id est, vitam æternam*. Articulus vocis στεφανῶς præponitur, quia non agitur de qualicumque corona, sed de illa κατ' ἐξοχὴν, quæ quidem in mentem auditorum non poterat non venire. Hæc autem metaphora scriptoribus sacris perquam familiaris est, ntpote qui præsentem vitam tamquam *agonem*, æternam vero tanquam *coronam* his, qui in hoc agone vicerint, decernendam, spectare consueverunt. Cf. 1 Cor. IX. 25; 2 Tim. II. 5; Apocal. II. 10, cet. — Per diligentes Deum intellexerim, ut verbis utar ill. D. BEELEN, eandem locutionem (ad Rom. VIII. 28) interpretantis, *eos qui Dei mandata observant, adeoque pie, juste, ac sobrie vitam suam instituunt; uno verbo veros Christianos*. — Insignis est præsens locus ad firmandum Catholicum dogma de merito bonorum operum.

ῥ. 13-15. Nemo cum tentatur, dicat quoniam a Deo tentatur : Deus enim intentator malorum est : ipse autem neminem tentat.
 "Unusquisque vero tentatur a concupiscentia sua abstractus, et illectus."¹⁵ Deinde concupiscentia cum conceperit, parit peccatum : peccatum vero cum consummatum, generat mortem.

ῥ. 13-15. Μηδεὶς πειράζομενος λεγέτω· "Οτι ἀπὸ Θεοῦ πειράζομαι· ὁ γὰρ Θεὸς ἀπειραστός ἐστὶ κακῶν, πειράζει δὲ αὐτὸς οὐδέν·.¹⁴ "Ἐκαστος δὲ πειράζεται ὑπὸ τῆς ἰδίας ἐπιθυμίας ἐξελκόμενος καὶ δειλαζόμενος·"¹⁵ εἴτα ἡ ἐπιθυμία συλλαβοῦσα τίκτει ἁμαρτίαν· ἡ δὲ ἁμαρτία ἀποτελεσθεῖσα ἀποκτείνει θάνατον.

PARAPHRASIS. *Nemo tamen cum tentatur dicat : a Deo tentor : Deus enim , ut ad ea quæ mala sunt sollicitari ipse nequit , ita nec homines ad hæc sollicitat. Sed unusquisque tentatur a sua concupiscentia , dum nempe per eam a bono abstrahitur et ad malum allicitur. Concupiscentia porro simul atque aliqualem mentis adhæSIONem provocaverit , jam peccatum parit : peccatum vero statim ut perfectum fuerit , perfecto scilicet mentis assensu , mortem infert animæ.*

§. 13. *Nemo cum tentatur , dicat cel.)* Quum optime novisset Apostolus , fideles in æstu tentationum facile in obmurmurationem adversus Deum incidere , quasi ipse eorum pressuræ auctor foret ; ad hoc præcavendum , veram tentationum causam ipsis aperire voluit. Hanc porro causam a Deo absolute removet (v. 13) ; illam vero propriæ uniuscujusque concupiscentiæ adscribit , variosque gradus , per quos concupiscentia fideles ad interitum trahat , describit (vv. 14. 15). — Improbabile autem non est , uti post nonnullos , ad h. l. notavit ESTIUS , hujus loci doctrinam adversus eos etiam dirigi , qui ex epistolis Paulinis , ubi legebant quosdam a Deo tradi in desideria cordis eorum , et in passiones ignominie , et in reprobum sensum (Rom. I. 24) ; item obdurari et excæcari (IX. 18 ; XI. 7 sqq.) ; occasionem erroris sumpserint , ut putarent homines nonnumquam ab ipso Deo ad peccandum impelli.

Participium *πειραζομενος* in Verbum Finitum , adhibita conjunctione *cum* , interpretes noster scite vertit. *Πειραζομαι* autem , ut jam monuimus , de tentatione qua homo ad peccatum allicitur , in his versiculis adhibetur. — Particula *ὅτι* (Vulgata : *quoniam*) est hic *recitativo* , ut vocant ; h. e. inservit ad inducendam recitationem illius sententiæ quam JACOBUS tentatos proferre vetat. In græco est oratio *directa*. Non ideo tamen lectionis varietatem cogitare debemus : alibi enim in simili casu (Act. VI. 11) orationem obliquam vulgatus interpretes pariter usurpavit. — In locutione *απο Θεου* , præpositio *απο* , translata significatione , causam a qua aliquid *ortum* sive *originem* trahit , denotat. Notandum tamen est *απο* rarius in prosa de rebus viventibus hoc sensu adhiberi.

Opportunum quidem in præsentī loco exemplum habemus , ad ele-

vandum falsum Rationalistarum principium^{*}, quo statuunt, voci *θεος*, quoties in S. Litteris summum ac verum Deum declarat, articulum præponi.

Deus enim intentator malorum est, cet.) Rationem reddit (*γὰρ*) cur nefas sit dicere aliquem a Deo tentari. Ratio autem hæc in eo sita est quod *Deus*, ill. D. BEELEN (1) verbis utor, *ut ad ea quæ mala sunt sollicitari ipse nequit, ita nec homines ad hæc sollicitat*. Hunc quidem sensum vulgata versio non patitur: verum putem D. HIERONYMUM vocem *ἀπειραστός* (2) (legerit forsitan *ἀπειραστής*) non recte vertisse. Præterquam enim quod voci *ἀπειραστός* significationem *activam*, quæ alias non occurrit et verbalibus in *τος* rarius competit, tribuat, orationem tautologicam facit; his enim idem repetit. Antiquus interpres Syrus passivo sensu vocem hanc etiam intellexit: nam *ἀπειραστός κακῶν* reddit: *ܐܝܢܐ ܠܐ ܬܢܬܐܬܐ ܠܐܝܬܐ ܕܡܠܚܐ* h. e. *non tentatus a malis*. Pariter Arabs: necnon THEOPHYLACTUS et OECUMENIUS.—Apposite porro ESTIUS ad h. l. notat: « Valet Apostoli probatio: nam ejusdem naturæ est, incitari posse ad peccandum, et alios incitare: quare si illud non potest Deus, nec istud poterit. »

Genitivum *κακῶν* ad Genitivos *dependentiæ* recte reduxeris. Cf. 1 Cor. II. 13; 2 Pet. II. 14. Mala autem hæc *moralia* esse intelligenda, contexta oratio dubitare non sinit.— *Δε* hic intime conjungere videtur, non tamen sine aliqua verborum oppositione.— Est inter *ἀπειραστός* et *πειράζει* elegans quædam *Paronomasia*, sive *Agnominatio*.—Quonam vero sensu Deus in S. Litteris tentare nonnumquam dicatur, in peculiari excursu, in quo quæstionem de *tentationibus* breviter contrahemus, ad finem capitis exponetur.

ŷ. 14. *Unusquisque vero tentatur a concupiscentia cet.)*

Falsæ huic opinioni, qua aliquis se a Deo ad malum incitari arbitraretur, quæmq; statim confutavit, Apostolus veram *tentationum* causam nunc opponit (*δε*), earum *ortum*, *progressum* ac *terminum* vivida quadam metaphora describendo.—*Tentationum* autem originem

(1) *Gramm. Græc.* pag. 196.

(2) Pro *ἀπειραστός*, qui tamen apud GALENUM et JOSEPHUM et nonnullos Patres græcos occurrit, veteres dixere *ἀπειρατός* et *ἀπειρήτος* (Ionice).

a concupiscentia repetendo, frequentem Diaboli operam non ideo excludit. Quinimmo illam aperte asserit, ubi cap. IV. 7 scribit : *resistite autem diabolo, et fugiet a vobis*. Ceterum diabolus concupiscentia tanquam medio plerumque utitur ut homines ad peccatum sollicitet.

Itaque *tunc* incipit tentatio (εκαστος πειραζεται) cum homo, inclinante concupiscentia, a boni studio abstrahitur (εξεληκμενος) et oblectamenti mali allicitur (δელταζομενος). In græco duo Participia Passiva Præsentis temporis occurrunt, quæ a Verbo finito πειραζεται pendent : ideoque dubium non est quin per talem conjunctionem, quæ coexistentiam denotet, in Verbum finitum vertenda sint. — Δελεαζειν proprie dicitur de piscatoribus qui, esca proposita, pisces in retia aut ad lineam alliciunt, ut eos capiant. — Υπο in libris N. T. quam frequentissime translato sensu post verba Passiva de auctore actionis ut et de rei causa efficiente legitur (1). Notione igitur cum απο (vers. præc.) fere convenit : arctius tamen υπο nectere solet. — Επιθυμια, concupiscentiam, sensu generali hic intellexerim, ut Rom. VII. 7 et Gal. V. 16, quatenus nempe singulas cupiditates malas comprehendat. Loquitur enim JACOBUS non de peculiari quadam tentatione, cujus quidem causa et radix est specialis aliqua concupiscentia, sed omnem generaliter tentationem præ oculis habet. — Concupiscentia autem per Προσωπαίαν tamquam insignis quædam meretrix exhibetur, quæ hominem illecebris suis allicere et illaqueare, ut ipsum ad crimen attrahat, nitatur.

Quod ad rem Theologicam attinet, notandum est concupiscentiæ motum in hoc versiculo descriptum, et quem Theologi vulgo *primo-primum* vocant, ex mente JACOBI culpa prorsus carere : concupiscentia enim nonnisi postquam conceperit, peccatum parit. Imo tentatum, si motus illos superaverit, coronam vitæ inde promereri, vers. 12 Apostolus obtestatus est. Valet igitur præsens locus (collatis scilicet vv. 12, 14 et 15), ad firmandam catholicam doctrinam quam Sancta Tridentina Synodus, sess. V. de peccato originali n. 3, hisce verbis declaravit : *Manere autem in baptizatis concupiscentiam, vel fœilem, hæc sancta synodus faletur, et sentit : quæ quum ad agnem relicta sit, nocere non consentientibus, et viriliter per Christi*

(1) Gram. Græc. §. 51. pag. 399.

Jesu gratiam repugnantibus non valet : quinimmo qui legitime certaverit, coronabitur. Hanc concupiscentiam, quam aliquando Apostolus peccatum appellat, sancta synodus declarat, Ecclesiam Catholicam numquam intellexisse peccatum appellari, quod vere et proprie in renatis peccatum sit, sed quia ex peccato est, et ad peccatum inclinat.

§. 15. *Deinde concupiscentia cum conceperit, parit peccatum ;* cel.) *Tentationis progressum, ejusque effectum, si homo ipsi totis viribus non obsistat, JACOBUS describit. Ad rectam vero hujus loci intelligentiam, sequentia notanda sunt. 1º Concupiscentia concipere, metaphora dempta, dicitur, cum ejus, quam accendit, vividæ imaginationis ope, aliqualem mentis adhæSIONEM seu delectationem provocat. — 2º Concepta autem hac imperfecta delectatione (συλλαβουσα), concupiscentia statim peccatum parit. Quod tamen, quia nondum consummatum est, sed imperfecto tantum mentis assensu constat, nondum generat mortem. Motus est quem Ethici secundo-primum vocant. Veniale autem non excedit. — 3º Per peccatum consummatum seu perfectum (αποτελεσθαισαν), nonnulli veteres, quos ESTIUS sequitur, peccatum opere externo completum intelligunt : quippe qui partum peccati in absoluto jam consensu reposuerunt. Verum huic interpretationi illud maxime obstat quod peccato consummato tantum JACOBUS generationem mortis tribuat. Jam vero peccatum mere internum hunc effectum procurare Catholicorum nemo negaverit. Insuper, actus exterior peccati per se nullam malitiam formaliter distinctam addit actui interiori efficaci. Itaque peccatum consummatum intelligimus illud quod pleno ac deliberato mentis rei aut delectationi illicitæ assensu perficitur. Nobiscum plane sentit el. STAPLETONIUS qui (in *Antid. Evang. ad Matt. V. 28*), recitatis JACOBI verbis, subjungit : « distinguit discretissime conceptus peccati, quæ sunt primæ punctiones, a partu, id est, ab ipso peccato, veniali scilicet et imperfecto ; et partum a consummatione, id est, a consensu, qui solus ex se generat mortem, et est mortale peccatum. » — 4º Mortem porro, quam peccatum consummatum generare dicitur, rationalistæ, utpote ordinem supernaturalem penitus rejicientes, de pœnis ac miseriis hujus vitæ, arbitraria prorsus et contorta explicatione, interpretantur. Ex contexta oratione manifesto patet Apostolum agere*

de morte *spirituali*, qua nempe anima *gratia* sanctificante, quæ ipsius vita est, privatur. Hanc mortem JOHANNES intelligebat scribens (Apocal. III. 1) : scio opera tua, quia nomen habes quod vivas, et mortuus es. — Vim igitur dogmaticam habet locus iste JACOBI ad stabiliendum catholicum dogma de distinctione peccatorum in *venialia* et *mortalia*.

γ. 16-18. Nolite itaque errare fratres mei dilectissimi. ¹⁷ Omne datum optimum, et omne donum perfectum desursum est, descendens a Patre lumen, apud quem non est transmutatio, nec vicissitudinis obumbratio. ¹⁸ Voluntarie enim ^a genuit nos verbo veritatis, ut simus initium aliquod creaturæ ejus.

γ. 16-18. Μὴ πλανᾶσθε, ἀδελφοί μου ἀγαπητοί. ¹⁷ Πᾶσα δόσις ἀγαθὴ καὶ πᾶν δῶρημα τέλειον ἄνωθεν ἐστὶ καταβαίνον ἀπὸ τοῦ πατρὸς τῶν φώτων, παρ' ᾧ οὐκ ἔστι παραλλαγή, ἢ τροπῆς ἀποσκίασμα. ¹⁸ Βουλῆθεῖς ἀπεκύησεν ἡμᾶς λόγῳ ἀληθείας, εἰς τὸ εἶναι ἡμᾶς ἀπαρχὴν τινα τῶν αὐτοῦ κτισμάτων.

PARAPHRASIS. Absit procul a vobis, fratres mei dilecti, error ille quo Deum tentationum auctorem reputaretis. Contra quidquid est boni, quidquid perfecti, cælitus descendit, videlicet a Patre lumen, cui nulla inest mutatio, immo nec mutationis umbra; qui proinde homines ad malum incitare nequit. Ipse gratuito prorsus benignitatis suæ decreto regeneravit nos per verbum veritatis, quod est Evangelium; idque ut essemus veluti primitiæ sive pars aliqua præcipua creaturarum suarum, hominum dico.

VARIANS LECTIO.

a) Particula *enim* hoc loco a codicibus græcis prorsus abest, ut et ab antiquis versionibus Syriaca, Arabica et Itala. Imo testatur Esius multos et probatos codices latinos eam non agnoscere. Nec eam legit ipse Hieronymus lib. I. adv. Jovinianum, ubi ad n. 39, vv. 17 et 18 Jacobi recitat.

§. 16. *Nolite itaque errare fratres mei dilectissimi.*)

Græce et syriace absque ulla illationis nota legitur : *ne erretis, fratres mei dilecti*. Transitiō est qua præcedentia cum sequentibus feliciter nectuntur. Sensum autem liberius sic expresserim : *Absit procul a vobis, fratres dilecti, error ille quo Deum tentationum auctorem reputaretis : cum econtra ipse sit immutabilis auctor et fons omnis boni*. Argumentaturus est a contrario. — Πλανασθαι (med.) proprie : a recta via aberrare ; hic igitur a veritate abduci et in errorem induct.

§. 17. *Omne datum optimum, et omne donum perfectum cel.)* Δosis et δωρημα, quamvis si Grammaticæ leges spectes, inter se cohæreant uti actio et effectus, sive donatio et donum, ex usu tamen loquendi pro synonymis sæpe habentur. Majoris emphaseos causa auctor sacer illa conghesserit. Interpres syrus utrumque per unum vocabulum ; ܕܢܝܡܐ h. e. donum, reddidit. — Πας, quando a Nomine, quocum in Singulari Numero construitur, abest Articulus, significat omnes singulatim esse intelligendos. — Εστι καταβαινον. Hæc structura participii præsentis cum verbo ειναι, simplex est verbi finiti periphrasis : quæ quidem Aramæis solennis est. — Quid sit ἀνωθεν, statim explicatur per verba απο του πατρος των φωτων. Απο, originis. — Των φωτων pro genitivo effectus habuerim, sicut Rom. VIII. 2. πνευμα της ζωης. Deus autem recte Pater luminum dicitur, qui et ipse lux est, et tenebræ in eo non sunt ullæ (1. Joh. I. 5), et lucem inhabitat inaccessibilem (1. Tim. VI. 16); qui fecit cælum, et cælum cælorum, et omnem exercitum eorum

(II Esd. IX. 6); qui est *lux vera quæ illuminat omnem hominem* (Joh. I. 9); a quo demum procedunt quæcumque ad homines beandos spectant. Notum est Hebræos imaginem *lucis* frequenter usurpare ad prosperitatem et felicitatem quamvis exprimendam. Apposite valde JACOBUS *Patrem luminum* illum vocat, a quo concupiscentiæ, cujus proprium est animos hominum obtenebrare et excæcare, causam procul arcendam prædicat. — Per Patrem luminum totam SS. Trinitatem esse intelligendam, dubitari non potest : cum omnia opera *ad extra* tribus Personis communia sint.

apud quem non est transmutatio, nec vicissitudinis obumbratio.) Dixerat Apostolus : *quidquid est boni et perfecti, cælitus descendit, videlicet a Patre luminum*. Nunc subdit : *cui nulla inest mutatio, immo nequidem mutationis umbra*. Unde cuique primum erat concludere : ergo Deus tentationum auctor esse nequit. Quod erat probandum.

De forma *ἐνι* quæ hic occurrit, ut et I Cor. VI. 5, Gal. III. 28, et Coloss. III. 11, non una est omnium sententia : aliis ex *ἐνεστι* contractam, aliis pro simplici *εστι* positam existimantibus. Equidem ill. D. BEELEN (1) secutus, senserim cum VALCKENARIO cui WINERUS, KÜHNERTS, alique consentiunt. « Verborum *παρεμι*, inquit VALCKENARIUS (*Schol.* in I Cor. VI. 5), *επειμι*, *μετειμι* et *ενειμι* tertiæ personæ tam singulares quam plurales, apud elegantiores scriptores græcos nonnumquam designantur per solas *Præpositiones*, in quibus accentus tum ex ultima retrahitur in penultimam. Sic *πάρα* scribitur pro *παρεστι*, vel *παρεσι*, eademque ratio est in *επι*, *μετα*. Quia autem *ἐν* erat monosyllabicum, ad illud *ι* adjecerunt, ut scribi posset et pronunciari *ἐνι*, quod nostrum est *Paulinum* (*οὐκ ἐνι ἐν ὑμῖν*. I. Cor. VI. 5). Propter loca N. T. paulo propius spectandum est *ἐνι*. Eximie illud ponitur pro *ἐνεστι inest*. Sed hoc compositum quandoquidem ponitur sæpe pro simplici *εστι*, non mirum est *ἐνι* quoque in hunc sensum adhiberi. In PAULI locis citatis (Gal. III. 28; Coloss. III. 11) *ἐνι* ponitur pro *ἐστι est*. Sed nostro loco (I Cor. VI. 5.) ponitur propria vi, et significat *inest*, uti etiam in ep. JACOB. I. 17.... Fluxit autem ille usus ad HOMERO, in cujus observari poterit *Ilad.* ξ. v. 216.

(1) *Gram. Græc.* §. 14. adnot. 2. p. 60 sq.

Præ ceteris frequentavit SOPHOCLES.... In *Electra* v. 1037; *OEdip. Tyr.* v. 178; *OEdip. Col.* v. 1129; in *Philoct.* v. 650. » Hactenus ille. Igitur παρ' ὧ σκ ἐνι pleonastice dictum fuerit pro ὧ σκ ἐνι : nec hujusmodi pleonasmus græcis infrequens est.

Voces παραλλαγή η τροπῆς ἀποσκίασμα, quæ alibi in N. T. non occurrunt, e scientia astronomica desumptas esse, jam notarunt CORN. A LAP., ESTIUS et LORINCUS, ac defendunt nonnulli recentiores Philologi. Nolim tamen vim illam astronomicam urgere : tum quia in ipsa vocabulorum notione definienda non parum dissentiunt Philologi illi ; tum quia JACOBUM de subtiliori hac metaphora vix cogitasse facile crediderim ; tum demum, quia voces græcas notionem propriam per se habere ex Lexicographis abunde constat. Sic HESYCHIO παραλλαγή est ἑναλλαγή, ἀλλοιώσις : h. e. *immutatio, conversio* ; et τροπῆς ἀποσκίασμα ἀλλοιώσεως καὶ φαντασίας ὁμοίωμα : h. e. *conversionis et imaginationis simulacrum*. Quod ETYM. M. explicat per μεταβολῆς ἵχνος, *mutionis vestigium* : et SUIDAS τροπῆς ἀποσκίασμα ἀντὶ τοῦ ἀλλοιώσεως καὶ μεταβολῆς ἵχνος, καὶ ὁμοίωμα φαντασίας : h. e. *conversionis et mutionis vestigium, et imaginationis simulacrum*. Quidquid sit, mens Apostoli aperta est, et omnimodam mutationem a Deo removet. Præcipuus est præsens locus ad firmandam absolutam Dei immutabilitatem, quam sequentibus verbis præclare describit S. HILARIUS (1) : *Nihil, ait, in æternam illam et perfectam naturam novum incidit : neque qui ita est, ut qualis est, tatis et semper sit, ne aliquando non idem sit, potest effici aliquid aliud esse quam semper est..... Deus beatus atque perfectus profectu non eget, cui nihil deest : demutatione non novus est qui origine caret. Ipse est, qui quod est non aliunde est : in sese est, secum est, a se est, suus sibi est, et ipse sibi omnia est, carens omni demutatione novitatis, qui nihil aliud quod in se posset incidere, per id quod ipse sibi totum totus est, reliquit.*

§. 18. *Voluntarie enim genuit nos verbo veritatis.*) Quamquam versiculus iste cum præcedentibus nulla particula (vid. var. lect.) copulatur, non est tamen dubitandum quin eum antecedente ver-

(1) In *Ps.* 2. n. 13. Opp. tom. I. p. 37 sq. Ed. BENEDICT.

siculo intime cohaereat. Quod evincit vel ipse subjecti defectus in Verbo finito *ἀπεκύησε*. Nexum autem rite perspexit Ven. BEDA. « Quod ergo dixerat, ait, *omne datum optimum et omne donum perfectum a Deo descendere*, consequenter astruit addendo, quia non nostris meritis, sed suae beneficio voluntatis, per aquam regenerationis, de filiis tenebrarum nos in filios lucis mutaverit. » Addiderim JACOBUM thesim suam, quod nimirum Deus non sit tentationum auctor, in praesenti loco *indirecte* confirmare. Ex his enim quae hic scribit, non concludere nemo poterat Deum, qui ex mera benignitate uos regenerare dignatus est, tentationes nullo pacto immittere posse: quum illae ad regenerationis gratiam in homine perimendam praecise tendant.

Βουληθεῖς, quod Vulgata vertit *voluntarie*, Participium est Aoristi Verbi *βουλομαι*, de classe *Deponentium Passivorum*. Putaverim autem JACOBUM per illud *βουληθεῖς* nil aliud significare voluisse, quam quod Paulus significat quando scribit: *κατὰ τὴν εὐδοκίαν τοῦ θελήματος αὐτοῦ* (Eph. I. 5), et *κατ' ἰδίαν προῶσιν καὶ χάριν* (II Tim. I. 9) vel simpliciter *κατὰ προῶσιν* (Rom. VIII. 28). Intelligimus igitur *Dei decretum quo ab aeterno statuit lapsum perditumque hominum genus ex mera sua bonitate et clementia per Christum restituere in viam salutis* (1). — *Ἀπεκύησε* de mera vitae ac morum emendatione per Christianam Religionem effecta, Rationalistae, quotquot sunt, intelligunt. Ast insolens est valde isthaec interpretatio.

Quamvis enim verbum *ἀποκύειν* de vera ac naturali generatione, quae in Divinis soli Verbo competit, hic intelligi nullatenus valeat, non ideo tamen cuique licet quemlibet sensum metaphoricum pro lubitu ipsi affligere, sed illum solum quem fert communis usus: nam ad ejus normam omnis metaphora redigenda est. Porro nil frequentius in libris N. T. occurrit, quam notio illius generationis seu potius regenerationis spiritualis qua *filiī Dei nominamur et sumus* (I Joh. III. 1. 2). Et si mente a praedudicatis opinionibus aliena ea loca (2) quis pervolverit, utique cum S. Tridentina Synodo (sess. VI. *de justificatione*) fateatur necesse erit: hanc regenerationem hujus-

(1) Cf. III. D. BEELLEN: *Comm. in ep. ad Rom. ad cap. VIII. 28.*

(2) Annotentur sequentia: Joh. III. 3, 5, 6, 14-17; Rom. III. 24, 25. V. 10-15, 17-19. VI. 9-11. VIII. 15-17; I Cor. III. 16. VI. 11; II Cor. V. 17; Gal. VI. 15; Eph. I. 7. II. 1-10. IV. 23, 24; Tit. III. 5, 6, 7; I Pet. I. 3, 18, 19, 23; II. Pet. I. 4; I Joh. II. 2. III. 9.

modi esse qua transferamur ab eo statu, in quo homo nascitur filius primi Adæ, in statum gratiæ, et adoptionis filiorum Dei per secundum Adam Jesum Christum, salvatorem nostrum (cap. IV); et justificationem consequamur quæ non est sola peccatorum remissio, sed et sanctificatio, et renovatio interioris hominis per voluntariam (1) susceptionem gratiæ et donorum, unde homo ex injusto fit justus, et ex inimico amicus, ut sit hæres secundum spem vitæ æternæ..... (cap. VII). Quod fit dum JESU CHRISTI sanctissimæ passionis merito per Spiritum Sanctum charitas Dei diffunditur in cordibus nostris, atque ipsis inhæret (Ibidem). Hanc, quam descripsimus, spiritualem regeneracionem, per vocabulum ἀπεκωσσε JACOBUM intellexisse, suadent et tota contexta oratio et locus parallelus I Pet. I. 23. 23: *Renati non ex semine corruptibili, sed incorruptibili per verbum (δια λόγου) Dei vivi..... Hoc est autem verbum quod evangelizatum est in vos.*

Equidem interpretationi nostræ contradicunt S. ATHANASIUS, *Orat. III in Arianos* (2), et OECUMENIUS, ἀποκωσσε intelligentes ipsum creationis beneficium quo Deus sponte sua nos genuit, Idque *Verbo veritatis*, h. e. per Verbum sibi consubstantiale, quod est ipsa veritas: conformiter ad illud Joh. I. 3: *omnia per ipsum (Verbum) facta sunt.* — Verum hæc interpretatio ad scopum Apostoli et ea quæ in sequentibus traduntur minus recte quadrat. Deinde *verbum veritatis* intelligere debet ipsum Dei Filium. Porro CHRISTUM a nemine nisi a solo JOHANNE in N. T. *Verbum* appellari, Interpretes merito observant. — In dictione

(1) Ad hoc vocabulum apposite notat VEGA, de *Justificatione* lib. V. cap. 2. « Ut significaretur, neminem adultorum absque propria voluntate sanctificari, adjectum est verbum *voluntariam*. Voluerunt enim Patres hoc loco stabilire veritatem fidei adversus dogma Lutheri, asserentis etiam nolentes et reluctantes adultos justificari. »

(2) Opp. tom. I. pag. 485. n. 61. Ed. BENEOICT. Hæc sunt ejus verba: Τα μιν γὰρ μὴ ὅσα πεῖτε, ἀλλ' ἐξ ὧν ἐπιγινώσκοντα, ὁ Θεμιουργὸς βουλεύεται ποιεῖν· τοῖς δ' ἐῖδοι Λόγον ἐξ αὐτοῦ φῶσι γινώσκοντες οὐ προβουλεύεται· ἡ τοῦτ' γὰρ ὁ Πατὴρ τα ἀλλὰ, ὅσα βουλεύεται, ποιεῖ, καὶ θεμιουργεῖ ἡ τοῦτ'· καθὼς καὶ Ἰακώβος ὁ ἀποστολὴ διδάσκων ἡμεῖς· βουλήθει ἀπικωσσει ἡμᾶς Λόγῳ ἀληθείας. h. e. Nam ea quidem, quæ aliquando non erant, sed extrinsecus postea fiunt, facere Creator deliberat: cum autem Verbum suum ex seipso natura gignit, præviam nullam adhibet deliberationem. Siquidem in eo Pater, quæcumque producere statuit, facit et creat: uti nos etiam Jacobus apostolus his verbis docet: *Volens genuit nos Verbo veritatis.*

λογῷ ἀληθείας, λογῷ est Dativus instrumenti; ἀληθείας vero pro Genitivo appositionis habuerim, ita ut sensus sit: *verbo quod est veritas*; sicut aiebat CHRISTUS (Joh. XVII. 17): *ὁ λόγος ὁ σὸς ἀληθεῖα ἐστὶ*. Illud porro *verbum veritatis* proculdubio doctrina Evangelica est, quæ in S. Litteris modo *ὁ λόγος* simpliciter (Act. VIII. 4, et passim), modo *ὁ λόγος τοῦ Θεοῦ* (Act. VI. 7. XIII. 44. etc.); nunc *ὁ λόγος τῆς χάριτος τοῦ Θεοῦ* (Ibid. XIV. 5), nunc *λόγος ἀληθείας* (II Cor. VI. 7) dicitur. Atque hanc etiam interpretationis nostræ partem locus PETRI, quem modo recitabamus, maxime commendat. Et re quidem vera *verbum evangelicum regenerationis sive justificationis quasi-instrumentum* merito habetur: nam, ut ait Paulus (Rom. I. 17): *justitia Dei..... ex fide in fidem*; *verum quomodo credent ei quem non audierunt* (X. 14)?..... Ergo *fides ex auditu, auditus autem per verbum Christi* (v 17). Ideoque *Evangetium virtus Dei est in salutem omni credenti* (I. 16), h. e. *Dei salvifica quædam vis cuicumque qui credit*.

ut simus initium aliquod creaturæ ejus.) Indicatur *consitium* seu *finis* (εἰς ut Rom. IV. 11) quem Deus in hac regeneratione nostra sibi proposuit. — Εἰς τὸ εἶναι reddendum erat, non *ut simus*, sed *ut essemus*. Hoc enim postulabat *consecutio* Temporum, cum præcessisset Aoristus ἀπεκύησε (*genuit*). Ceterum interpretes noster sæpissime hanc consecutionem negligit. — Ἀπαρχὴν cur Vulgatus auctor verterit *initium*, quod sane orationem obscuriorem facit, non video. Novies in N. T. vox illa occurrit, et nullibi sic reddita est. Vetus Italica *primitiæ* legit, nec aliter ipse HIERONYMUS, lib. I. *adv. Jovinianum*. Porro ἀπαρχή proprie designat *primitias frugum*, quæ a reliquis frugibus separandæ et Deo consecrandæ erant (Levit. XXIII. 10, 11. Deuter. XXVI. 2). Itaque, dempta metaphora, JACOBUS significare voluerit, Deum nos regenerasse, ut essemus *primitiæ* quædam, id est, pars selecta generis humani, quæ ipsi offerretur et consecraretur: uno verbo, *genus electum et populus acquisitionis* (I Pet. II. 9). Qua sane interpretatione et excellentia doni nobis a Deo gratis concessi multum commendatur, et adhortationibus quæ statim sequuntur via sternitur. — Τις *Substantivis Nominibus* interdum additur ad extenuandam eorumdem notionem, maxime ubi inusitata aut audacior quædam metaphora, ut in hoc loco, adhibita fuit. (1). — Κτισμα,

(1) *Gramm. Græc.* §. 25. 2. pag. 169.

quamvis proprie ad omnem creaturam pertineat, de hominibus per *synecdochen* usurpari posse, deficientibus quidem exemplis, haud immerito ex eo concluderis quod *χρῆσις*, quocum in multis convenit *χρῆμα*, quæ purioris græcitatæ vox est, de hominibus sæpe adhibeatur. Cf. Marc. XVI. 13; Colos. I. 23, etc. Ad homines porro vocem illam in præsentī restringendam esse, ipsa rei, de qua hic agitur, natura suadet.

ῥ. 19-20. Scitis fratres mei dilectissimi. Sit autem omnis homo velox ad audiendum : tardus autem ad loquendum, et tardus ad iram. ²⁰ Ira enim viri, justitiam Dei non operatur.

ῥ. 19-20. Ὡστε ^a, ἀδελφοί μου ἀγαπητοί, ἔστω ^b πᾶς ἄνθρωπος ταχύς εἰς τὸ ἀκούσαι, βραδύς εἰς τὸ λαλῆσαι, βραδύς εἰς ὀργήν. ²⁰ Ὀργὴ γὰρ ἀνδρὸς δικαιοσύνην Θεοῦ οὐ κατεργάζεται.

PARAPHRASIS : *Hoc scitis, fratres mei dilecti. Sit porro quivis homo celer ad audiendum verbum illud veritatis; tardus autem et providus ad illud proferendum, ut sic ad iram non deveniat. Vir quippe iratus longe est ab illa justitia quam Deus a nobis requirit.*

VARIANS LECTIO.

a) Quamvis Complutensis lectio testibus gravibus non destituatur, ipsi tamen lectionem Vulgatæ auctoritate præstare putaverim. *ἴστε* enim legitur in codd. ABC, ac in antiquis pluribus minusculis. Hanc quoque lectionem referunt versiones Itala, Coptica, et Armenica.

b) Post *ἴστε* additur particula *ἵνα* in codd. BC et Barberino sæc. XI; necnon in versionibus Itala, Coptica et Vulgata.

ῥ. 19. Scitis fratres mei dilectissimi. Sit autem omnis homo cel.) Ex indicato regenerationis fine a Deo intento, Apostolus occasionem sumit varias proponendi exhortationes ad vitam, uti regeneratorum *genus electum* decet, instituendam.

Quæ parænesis, si complutensem lectionem sequaris, inducitur per ὥστε *concludentis* (sic ὥστε legitur Rom. XIII. 2); si vero Vulgatæ adhaereas, inducitur per *de transeuntis* (ἐστὼ δὲ). Oratio sane gravior apparet, si cum Vulgata legas : *scitis fratres*. Est enim in illa quasi-contestatione, aliquid solemnitatis quod animos ad considerationem magis attentam sollicitet. Dubium autem non est, illud *scitis* referendum esse ad ineffabile regenerationis mysterium, quod Apostolus modo declaravit. — Ἰστε, pro quo in seriore græcitate adhibitum reperimus οὐδατε, apud veteres in usu frequentissimo fuit. Legitur etiam Ephes. V. 5; Hebr. XII. 17. — Πας ἄνθρωπος, *quivis homo* : πας ut supra v. 17.

velox ad audiendum : tardus autem ad loquendum, et tardus ad iram.) Græce tria hæc *asyndetice* enunciantur : quod orationem vividiorum facit. Hujusmodi *asyndeton* sæpe obtinet in sententiis antitheticis, quo nempe fortior fiat oppositio. Cf. 1 Cor. XV. 43 seq.; 2 Tim. IV. 2. etc. Sensus est : *esto porro quivis homo celer ad audiendum, tardus ad loquendum, tardus ad iram*. Bene ESTIUS ad h. l. : « Quoniam mentionem fecit Apostolus, ait, de verbo veritatis, per quod fuerant renati; nunc, ut in eo, per quod renati erant, permaneant atque proficiant, hortatur ad ejusdem verbi audiendi velocitatem, id est, promptitudinem et diligentiam. » — Εἰς hic valet quod attinet ad (1). — Infinitivus ἀκούσαι, ut et insequens λαλῆσαι, *nominascit*, ideoque præmissum Articulum habet : est autem uterque in Accusativo casu. Qui Infinitivi nominascentis usus, etiam in casibus obliquis, frequens est in libris N. T.

tardus autem ad loquendum.) Utique idem verbum veritatis : hoc enim postulat antithetica propositionis ratio. SALMERO ad h. l. apposite notat : « Verisimile est in illis Ecclesiæ incunabulis viguisse spiritum æmulationis, ut apostolicum et ecclesiasticum munus multi appeterent (cf. Phil. I. 15). Unde et in principio tertii capitis habet : *Notite plures magistri fieri, fratres mei*. Unde et de hoc erant disputationes, ex quibus iræ, rixæ, et contentiones oriebantur : quod quidem vitium frater Domini tollere conatur, dum

(1) Exempla illius usus præpositionis *εἰς* e scriptoribus græcis collegit HERMANNUS ad Fig. cap. IX. sect. II. n. XI. not. 93.

hortatur ut omnes sint veloces ad audiendum, tardi autem ad proferendum sermonem.» Hoc autem ultimum in presenti loco obiter tantum, et ex occasione, tangit : id ipsum in cap. III uberius tractaturus.

et tardus ad iram.) Putaverim JACOBUM iram illam respicere de qua modo SALMERO; de ipsa autem mentionem nunc fecerit, quo magis fideles ab inordinato docendi desiderio jam deterreret. Quod ad rem attinet, vix aliud per *οργην* intelligendum hic videtur, quam id quod Apostolus infra (cap. III. 14) per *ζηλον πικρον* et *εριθειαν* expressit. Notandum porro est, quod merito observat ESTIUS ad h. l., Apostolum « non sic præcipere tarditatem irascendi, quomodo præcepit tarditatem loquendi; quasi bonum sit irasci, sicut bonum est loqui, modo tardi et providi simus ad utrumque : sed ab ira revocare tamquam ab affectu vitioso. »

§. 20. *Ira enim viri, justitiam Dei non operatur.*) Rationem breviter reddit (*γαρ*) cur ad iram, proinque ad loquendum, tardi simus oportet. — *Οργη ανδρος* metonymice pro *ανηρ οργιζομενος*. — *Operatur justitiam Dei* phrasis hebraïca est *עָשָׂה דִּיקָוָה* (Deuter. XXXIII. 21) : in qua vox *עָשָׂה* amplissimam notionem obtinet, et de recte factis universe usurpatur. Quo sensu *δικαιοσυνη* pluries in libris N. T. occurrit. Cf. Matt. III. 45; Luc. XII. 34; Act. X. 35 cet. — *Justitia Dei* ea est quam Deus requirit ac præcipit. *Litotes* est in illo *non operatur justitiam Dei* : negando enim contrarium, plus significat quam dicit. Vult autem dicere : *vir iratus multa committit contraria illi justitiæ quam Deus omni Christiano servandam præcipit.*

§. 21-25. Propter quod abjicientes omnem immunditiam, et abundantiam malitiæ, in mansuetudine suscipite insitum verbum, quod potest salvare animas vestras. ²² Estote autem factores verbi, et non auditores

§. 21-25. Διὸ, ἀποθέμενοι πᾶσαν ῥυπαρίαν καὶ περισσείαν κακίας, ἐν πραότητι δέξασθε τὸν ἔμψυτον λόγον, τὸν δυνάμενον σῶσαι τὰς ψυχὰς ὑμῶν. ²² Γίνεσθε δὲ ποιηταὶ λόγου, καὶ μὴ μόνον ἀκροαταὶ, παραλογιζόμενοι ἑαυτοὺς. ²³ Ὅτι εἰ τις ἀκροα-

tantum : fallentes vosmetipsos. ²³ Quia si quis auditor est verbi, et non factor : hic comparabitur viro consideranti vultum nativitat^{is} suæ in speculo : ²⁴ consideravit enim se, et abiit, et statim oblitus est qualis fuerit. ²⁵ Qui autem perspexerit in legem perfectam libertatis, et permanserit in ea, non auditor obliviosus factus, sed factor operis : hic beatus in facto suo erit.

τῆς λόγου ἐστὶ καὶ οὐ ποιητής, οὗτος ὅμοιον ἀνδρὶ κατανοῶντι τὸ πρόσωπον τῆς γενέσεως αὐτοῦ ἐν ἐσόπτρῳ· ²⁴ κατενόησε γὰρ ἑαυτὸν, καὶ ἀπελήλυθε, καὶ εὐθέως ἐπελάθετο ὅποιος ἦν. ²⁵ Ὁ δὲ παρακύνθας εἰς νόμον τέλειον τὸν τῆς ἐλευθερίας καὶ παραμείνας, οὗτος οὐκ ἀειροατὴς ἐπιλησμονῆς γενόμενος ἀλλὰ ποιητὴς ἔργου, οὗτος μακάριος ἐν τῇ ποιήσει αὐτοῦ ἔσται.

PARAPHRASIS. *Itaque, abjecta omni carnis immunditia, omnique animi malitia, cum omni spiritus modestia suscipite doctrinam vobis traditam, quæ animabus vestris æternam valet afferre salutem. Ad hoc autem ea, quæ lex Evangelica jubet, opere præstetis necesse est, et non auditores tantum hujus legis sitis, vosmetipsos graviter decipientes. Nam si quis legis quidem cognitionem habeat, eam vero opere adimplere non satagat, is similis est viro qui faciem suam in speculo obiter tantum conspicit : qui scilicet semetipsum consideravit, et statim abiit, ideoque statim oblitus est qualis esset, ac proinde nullum exinde commodum reportavit. Qui vero incubuerit in legem perfectam, quæ est lex veræ libertatis, et inhæserit ei, non mera cognitione, quæ cito oblivioni datur, contentus, sed ea, quorum cognitionem adeptus est, executioni mandans, hic utique beatus erit eo quod legi obsecutus fuerit.*

γ. 21. *Propter quod abjicientes omnem immunditiam, cet.)*

Revertitur jam Apostolus ad præceptum de verbo Dei cum omni animi promptitudine audiendo, illudque disertius tradit et explicat. Transitio autem fit per *δις* h. e. *δι' ὅ*, *quare*, significatione relativa (ut Rom. II. 4); refertur enim ad hoc : *sic autem omnis homo velox ad audiendum* (v. 19). Sensem hujus commatis in paraphrasi expressimus.

Vis vocabuli *αποθμενοι*, quod est participium Aoristi II medii verbi *αποτιθημι*, non poterat quidem latine adæquate reddi : nec tamen per participium Præsentis temporis erat vertendum (1). Melius certe fecisset interpretes, si, Ablativo absoluto usus, scripsisset : *Quare, deposita omni immunditia etc.* — Pro *immunditia* græce est *ρυπαρια* quæ alias in N. T. nullibi occurrit. Porro *ρυπαρια* (a *ρυπας*) proprie est *sordes, spurcitia corporibus adherens* : sic infra cap. II. 2, adjectivum *ρυπαρος* de veste sordibus fœdata prædicatur. Jam vero existimaverim JACOBUM vocem illam *sensu ethico de peccatis quæ carnem commaculant* hic usurpasse. Quam sane interpretationem imprimis commendat ipsa natura rei de qua in præsentī loco agitur. Notum quippe est peccata carnis, eo ipso quod mentem obnubilant et hebetant, maximum ponere verbi divini susceptioni impedimentum.

Περισσειαν κακίας pro *κακίαν περίσσην* poni putem : sic Rom. VI. 4, *καινότης ζωῆς* est pro *καινή ζωῇ* et I Tim. VI. 17, *πλουτου ἀθλητοῦς* pro *πλουτος ἀθλητος* : cujusmodi structura epitasi aliqua seu majori vi significationis non caret. *Κακίαν* in amplissima sua notione intellexerim de *omni animi improbitate seu malitia* : quam ideo Apostolus *περίσσην* vocaverit, ut illam innumeris modis vim suam exerere significaret. Huic nostræ interpretationi concinit BEDA, qui Apostoli in hisce proferendis scopum optime perspexit. « Prius, ait, et corpus et mentem a vitiis jubet expurgare, ut digni existere possint, qui verbum salutis percipiant.... Omnem quippe immunditiam et carnis et animæ

(1) Hoc translationis vitium interpretes noster non semel admisit : unde factum est ut nonnumquam sensus obscurior evaserit. Sic, ut exemplo manifesto utar, quod Hebr. I. 3 legitur : *καθαρισμοῦ ποιησαμενος τας αμαρτίας ἡμῶν, ἐκάθισεν...* obscure sane vertit : *purgationem peccatorum faciens, sedet...* cum sensus sit : *cum purgationem peccatorum fecisset, sedit.*

nuncupat. Malitia autem proprie ad interioris hominis pravitatem respicit.» Eandem, quam statuimus, distinctionem PAULUS non obscure tradit in loco a nostro, ut videtur, haud adeo dissimili, scilicet 2 Cor. VII. 1, ubi ait : *Has ergo habentes promissiones charissimi, mundemus nos ab omni inquinamento carnis, et spiritus.*

in mansuetudine suscipite insitum verbum, cet.) Πραϋτης (sic enim cum ABCG etc., legendum est), ut I Pet. III. 15, ubi interpres noster *modestiam* scite vertit, ita et h. l. *animi modestiam* significat, talem nempe quæ ab omni contumacia et repugnandi libidine aliena sit. — Εν hic dicitur de ea qualitate quæ fidelis *instructus* esse debet, ut cum fructu suscipere valeat verbum evangelicum, quod procul dubio per τον εμφυτον λογον intelligendum est, quamvis de lumine naturali THEOPHYLACTUS (1) et OECUMENIUS (2) ipsum interpretati fuerint. Etenim huic sententiæ obstant tum ipsa vox δεχασθαι quæ proprie *accipere aliunde* notat; tum tota contexta oratio, maximeque effectus huic λογῳ adscriptus, utpote qui *animas salvare* posse dicatur. Ceterum vocabulum εμφυτον non tantum de eo quod a *natura inditum* est, sed et de eo quod *ab alio*, sive institutione, sive consuetudine, *quasi insertum est*, Græci usurparunt (3). PAULUS pariter de ecclesia quam CORINTHI *predicatione* fundaverat, dicit εγω εφτευσα (I Cor. III. 6.). — Itaque sensus est : *cum omni animi modestia suscipite doctrinam vobis traditam.*

quod potest salvare animas vestras.) Dicendo *quod potest* (τον δυναμενον), jam satis innuit evangelicæ doctrinæ susceptionem per se solam non salvare, sed ad hoc ut salutem præstet, aliud quid ipsi accedere debere. Illud autem, uti statim declarabit, in exacta eorum, quæcumque lex Evangelica servanda præcipit, obser-

(1) Εμφυτοι λογος καλει τον καθ' εν λογικοι γεγενησιν, διακριτικοι του βελτιους και χειρους. h. e. *Insitum verbum vocat illud per quod rationales facti sumus, discretiores boni et mali.*

(2) Εμφυτον λογον καλει, το διακριτικον του βελτιους και του χειρους καθ' ο και λογικοι ισμιν και λογομεθα. h. e. *Insitum verbum vocat illud quod est discretor boni et mali, a quo rationales et sumus et dicimur.*

(3) Varia in hanc rem exempla collegit RAFFELIUS *Annotat. philolog. in N. T., ex Xenophonte, Polybio, Arriano et Herodoto collectæ*, tom II. pag. 739 seq. LECD. BATAVORUM 1750.

vatione, et in sedula eorum, quæ quominus fiant ipsa prohibet, evitatione, situm est. — Per *salutem*, æternam felicitatem intelligendam esse vix dubitaverim. Cum enim ii, quos alloquitur JACOBUS, jam regenerati fuerant (ἀπεκμησεν ἡμᾶς v. 18.), de salute quæ in ipsa justificatione homini obtingit sermo esse nequit. Deinde, quum dicat *quod potest salvare*, salutem in futurum repositam se respicere haud obscure innuit.

γ. 22. *Estate autem factores verbi, et non auditores tantum :*)

Explicat qualis debeat esse Evangelicæ verbi susceptio, ut salvifica sit. Simul vero primarium epistolæ suæ scopum, videlicet de operum necessitate inculcandâ, jam attingit. Mira autem est doctrinæ JACOBI concordantia cum iis, quæ tradit PAULUS ad Rom. II. 13 : *Non enim auditores legis justi sunt apud Deum, sed factores legis justificabuntur.* — Particula *de* est hic *transguntis* ad elucidandum id quod modo dictum fuerat : *suscipite insitum verbum.* — Πατητης classici scriptoribus est *effector* seu *conditor* alicujus rei. Verum ex hebraismo πατητης λογου hic dicitur *de eo qui observat* quæcumque in Evangelio præscribuntur : sicut Rom. II. 13 πατητης νομου, referens hebraicum הַיְיִתֵּן הַצֵּב, *de observante legem* adhibetur. — Ακροατης, *auditor* : doctrina quippe Christiana viva voce ac Apostolicæ prædicationis ope fidelibus tradebatur.

fallentes vosmetipsos.) Refertur ad hanc partem : *et non auditores tantum ;* hoc nimirum sensu : *si auditores tantum verbi, et non simul factores fueritis, utique vosmetipsos deceptis.* Ex hoc loco haud arbitrario concluderis, quod ceteroquin, AUGUSTINUM secuti, in prolegomenis jam monuimus, non defuisse tunc temporis qui, inutilibus quibusdam ratiunculis innixi, persuadere sibi conarentur satis esse ad salutem si Evangelio fides præberetur, neglectis quantumvis operibus. — Παραλογιζεσθαι proprie est *præter rei veritatem supputare*, moxque speciosis rationibus imperitos circumvenire ac decipere.

γ. 23-24. *Quia si quis auditor est verbi, et non factor, cet.)*

Eleganti comparatione usus, antegressæ sententiæ rationem reddit. Ratio autem hæc in eo sita est, quod *sicut* ille qui obiter tantum et inconsiderate vultus sui imaginem in speculo reflectit, nullam exinde

utilitatem reportare valet, utpote qui statim obliviscatur qualis sibi visus fuerit : *ita*, qui verbum evangelicum audire quidem satagit, audita vero opere complere ac perficere negligit, is nullum prorsus ex audito verbo salutarem effectum percipere potest. Nec ulterius urgenda videtur comparatio.

"Οτι rationi reddendæ inservit. — Et casum simpliciter ponit ut v. 5. — Pro *comparabitur* græce est *εἰσέχειν* : quod interpretes nos- ter v. 6. rectius reddidit : *similis est*. — Verbum *κατανοεῖν* non tantum de *mentis consideratione* (quæ primaria ejus notio est), sed et de *oculorum perlustratione*, ab ipsis scriptoribus græcis usurpari, certis exemplis constat (1). — *Vultum nativitatis* (το προσωπον της γενεσεως), h. e. *vultum nativum* seu *naturalem*. Quid porro JACOBUS per illud της γενεσεως exprimere voluerit, interpretes sollicitè inquirunt, variasque hac de re sententias proferunt. Verum, non possum quin fatear ipsorum expositiones me parum movisse : vel enim ad rem nihil prorsus faciunt; vel proprios auctorum sensus Apostoli verbis imponentes, verum ejus sensum nequaquam exponunt. Putave- rim autem JACOBUM nil specialius per illud vocabulum significare vo- luisse, sed potius elegantix sermonis ac phraseos mensuræ studuisse. In omni fere comparatione talia occurrunt quæ nimis urgeri non possunt. Nec omittendum est interpretem Syrum vocem γενεσεως in translatione sua penitus neglexisse. — *In speculo* : specula inde a remotissimis temporibus etiam apud Hebræos in usu fuisse, vel ex Exodi XXXVIII. 8, constat. Erant autem veterum specula ex metallo polito confecta : ipsis tamen nec vitrea omnino defuisse, ex PLINIO (2) erui posse videtur.

§. 24. *consideravit enim se, et abiit, cet.*) Similitudinem vers. præcedenti expressam, clarius et distinctius proponit, illius, quam cogitaverat, *κατανοησεως* naturam et effectum describendo. — Γαρ est *explicantis*, valetque *scilicet*, ut Matt. I. 18. — Aoristis qui hic occurrunt, non alia vis inest quam Temporis, ut dicunt, historici.

(1) Nonnulla ex XENOPHONTE, JOSEPHO et PHILONE, collegit KUNOBEL ad Act. Apost. VII. 31.

(2) *Hist. natur.* lib. XXXVI. n. LXVI. Ed. LEMAIRE. « Et aliud (vitrum) flatu figuratur, aliud torno teritur, aliud argenti modo cœlatur, Sidone quondam iis officinis nobili : siquidem etiam specula excogitaverat. »

Cf. v. 11. — Quāvis κατανοῶν per se *attentam perlustrationem* significet, attamen contexta oratio, ac maxime antithetica vox παρακυβας, verbum illud de levi quadam inspectione in praesenti loco esse su-mendum satis monent.

γ. 25. *Qui autem perspexerit in legem perfectam libertatis, cet.*) Missa jam similitudine, servata tamen verborum translatione (παρακυβας, παραμεινας), opponit (δε) auditori otioso auditorem operosum, et inani speculatori verbi, eum qui legem Christi introspicit cum affectu bonae operationis (ESTIUS). — Παρακυπτειν (scl. εαυτον) εις τι, proprie est se incurvare ad aliquid diligentius introspicendum (Luc. XXIV. 12. Joh. XX. 5): metaphorice vero, rem aliquam penitus considerare, seu sedulo in eam inquirere: quae ultima notio hic obtinet, ut I Pet. I. 12. — Παραμεινας opponitur praecedenti απεληλυθε. Cernitur autem hic species quaedam Zeugmatis, quo nempe factum est, ut Verbi παραμεινας objectum per praepositionem εις, quae ipsi minime convenit, inductum fuerit, eo quod παρακυβας cum εις construendum erat. Similis Brachyologia Act. I. 21 occurrit, ubi legitur εισηλθε και εξηλθε εφ' ημας pro εισηλθε εφ' ημας και εξηλθε αφ' ημων.

Νομος in N. T. modo Pentateuchum solum (Act. XIII. 15), modo, et quidem frequentius, totum foedus antiquum designat. Hic vero legem novam in Evangelio promulgatam per νομον intelligendam esse demonstrant tum contexta oratio (cf. v. 21), tum epitheton τελειως: de lege enim Moesaica scriptum est (Heb. VII. 19.): nihil ad perfectum adduxit (ετελειωσε) lex, et (X. 1), nunquam potest accedentes perfectos facere (τελειωσαι). «Lex autem nova est lex perfectionis, quia est lex charitatis, de qua Apostolus dicit (Col. III. 14) quod est vinculum perfectionis.» S. THOMAS Sum. 1. 2. q. 107. a. 1. in corp.; et quia «non est exspectandum quod sit aliquis status futurus, in quo perfectius gratia Spiritus S. habeatur.» Ib. q. 104. a. 4. in corp. — Legem hanc JACOBUS insuper vocat των της ελευθεριας, i. e. legem libertatis, iterum per oppositionem ad legem Moesaicam quam PAULUS (Gal. V. 1) jugum servitutis appellat, et PETRUS (Act. XV. 10) jugum quod neque patres nostri, neque nos portare potuimus. In quo porro sita sit illa libertas in quam CHRISTUS nos vocavit, docte ac nervose,

pro more suo, adversus sectarios exponit STAPLETONIUS (1) : cujus verba recitare operæ pretium duximus. « Liberatio ista sive libertas per CHRISTUM nobis data, erat triplex; prout servitus qua partim Judæi, partim ceteri mortales omnes tenebantur, triplex erat. *Una* erat servitus legalis Judæis propria, qui in statu servorum sub legalibus ceremoniis et timore servili vivebant, tamquam veteris Testamenti filii, magis ex timore quam ex amore legem servantes, ideoque non vere eam servantes, quamquam hoc posterius nec solis Judæis proprium erat, sed omnibus veteris Testamenti filiis, et juxta veterem hominem adhuc viventibus; nec in omnibus Judæis locum habebat, sed carnalibus tantum. Hanc utramque PAULUS docuit ad Galat. IV, et ad Rom. VIII. *Altera* servitus peccati est, qua homo suis cupiditatibus et instigatori dæmoni servit : Rom. VI. *Servi fuistis peccati. Tertia* servitus corruptionis pœnalis est, cui corpora etiam justorum in hac vita subjiciuntur : Rom. VIII, *Creatura liberabitur a servitute corruptionis*, cet. Ab his tribus CHRISTUS omnes in ipsum credentes liberavit. A *prima* ponens nos in statu filiorum adoptionis, quoad legalia : ad Gal. IV, *Non sumus ancillæ filii, sed liberi*; quoad servilem timorem; ad Rom. VIII, *Accepimus spiritum adoptionis filiorum Dei, in quo clamamus, Abba Pater*. A *secunda*, partim per remissionem peccatorum gratuitam, partim per gratiæ suæ auxilia et dona, sive per spiritum regenerationis : Rom. VI, *Liberati a peccato, servi facti estis justitiæ. Peccatum vobis non dominabitur, quia non estis sub lege, sed sub gratia*; Rom. V, *Ut sicut peccatum regnavit per mortem, ita et gratia regnet per justitiam in vitam æternam*..... A *tertia* : Rom. VIII, *liberabitur a servitute corruptionis*, scilicet in altera vita. » Hæc STAPLETONIUS.

non auditor obliviosus factus, sed factor operis.) Appositio est ad antecedentem sententiam, qua nempe Apostolus significantius declarat quid per παρακύβας et παραμεινας indicare voluerit. — Hebraismus est in ἀκροατῆς ἐπιλησµανῆς, auditor oblivionis (i. e. obliviosus), ut in illo LUCÆ XVI. 8, οἰκονοµος τῆς ἀδικίας, dispensator iniquitatis (iniquus).

(1) *Antidota Evangelica* in Joh. cap. VIII. v. 36. Opp. tom. III. pag. 238 seq. Ed. Parisiensis 1620.

hic beatus in facto suo erit.) Εν τη ποιήσει αὐτοῦ WARLIO (*Clavis N. T.*) ex hebraica dicendi ratione valet εν τῷ ποιῆν αὐτὸν κατὰ τὸν νόμον τῆς ελευθερίας, i. e. eo quod obsequitur τῷ νόμῳ et factis eum exprimit. In hac autem locutione præpositio εν dicta est veluti *de fundamento*, quo quid nititur, ac proinde notionem habet *causæ ob quam* quid est aut fit : ut Act. VII. 29. — Beatus porro ille erit, quippe qui *salvabit animam suam* (v. 21).

γ. 26-27. Si quis autem ^a putat se religiosum esse, non refrenans linguam suam, sed seducens cor suum, hujus vana est religio.
²⁷ Religio munda, et immaculata apud Deum et Patrem, hæc est : visitare pupillos, et viduas in tribulatione eorum, et immaculatum se custodire ab hoc sæculo.

γ. 26-27. Εἴ τις δοκεῖ θρησκὸς ἐν ὑμῖν ^b εἶναι, μὴ χαλαναγωγῶν γλῶσσαν αὐτοῦ ἀλλὰ ἀπατῶν καρδίαν αὐτοῦ, τοῦτου μάταιος ἡ θρησκεία.
²⁷ Θρησκεία καθαρά καὶ ἀμίαντος παρὰ Θεῷ καὶ πατρὶ, αὕτη ἐστὶν ἐπισκέπτεσθαι ὀρφανοὺς καὶ χήρας ἐν τῇ θλίψει αὐτῶν, ἁσπίλον ἑαυτὸν τηρεῖν ἀπὸ τοῦ κόσμου.

PARAPHRASIS. *Itaque, si quis putat se verum Dei cultorem esse, quamquam linguam suam non refrenet sed cor suum decipiat, sciat religionem suam omni effectui carituram. Religio sincera ac perfecta coram Deo et Patre, in hoc sita est : ut pupillis et viduis in tribulationibus eorum prospicias, et a contagione mundi teipsum incontaminatum serves.*

VARIANS LECTIO.

a) Particula autem quæ in Vulgata hic occurrit, a textu græco prorsus abest.

b) Voces *ἐν ὑμῖν* desunt in ABC, et in antiquis fere omnibus versionibus.

§. 26-27. Propositionem quam inde a vers. 22 Apostolus evol-
verat, videlicet : *estote factores verbi et non auditores tantum*, duplici
hic exemplo illustrat; quorum prius religionem illius qui ab iis
non abhorret, quæ in Evangelio prohibentur, respicit ac omni fructu
caritaturam declarat; posterius vero illam professionem salvificam fore
docet, quam caritatis opera et puritas vitæ, in Evangelio præscripta,
comitata fuerint. Nec inconsulto exempla sua protulit, sed ex inten-
tione eas materias selegit, quas in decursu epistolæ potissimum
tractaturus erat.

*Si quis autem putat se religiosum esse, non refrenans
linguam suam, cet.)* Εἰ τις δοκεῖ, *si quis sibi videtur.* Græci ser-
monis usu pronomen reciprocum nonnunquam subauditur. — Participia
χαλινάγων et ἀπατῶν in verba finita per conjunctionem *quam-*
quam (ut Rom. I. 32) solvenda esse, contexta oratio aperte docet.
Sensus igitur est : *si quis putat se verum Dei cultorem esse, quamquam*
linguam suam non refrenet, sed cor suum decipiat.... Χαλινάγων
proprie dicitur de equis, quibus frenum in ora mittimus, ad eorum
impetum coercendum. Qua metaphora, classicis etiam scriptoribus
usitata, quam difficile sit homini linguam coercere ac prudenter
moderari, proculdubio JACOBUS innuere voluerit. — Ἀπατῶν καρδίαν
αὐτοῦ non est quid diversum a παραλογίζομενος εαυτὸν (v. 22) :
ponit siquidem JACOBUS virum quemdam ex Evangelica prædicatione
optime perspexisse ab omnibus peccatis linguæ, a mendaciis videlicet,
detractionibus, calumniis, stultiloquiis, etc., abstinendum sibi prorsus
esse : et nihilominus, falsis ac fucatis ratiunculis semetipsum deci-
plentem, et divina mandata quæ didicit, opere non adimplentem :
cujus ideo cultum vanum pronuntiat. — Vox θρησκεία proprie de
cultu religioso dicitur. SUIDAS : θρησκεία ἡ λατρεία. — Ματαιῶν
hic intelligo, ut I Cor. XV. 17, coll. v. 14, id quod frustra fit et
utilitate caret.

§. 27. Religio munda et immaculata apud Deum et Pa-
trem, cet.) Jam, altero exemplo usus, ostendit qualis cultus sincerus
(καθαρά ut 2 Tim. II. 22) sit ac perfectus (αμικτός ut I Pet. I. 4)
judicio Dei (παρὰ Θεῷ), Patris nostri. — Παρὰ hoc metaphorico
sensu legitur etiam Act. XXVI. 8; Rom. XII. 16 etc. Et quidem, quod

penes cujuspiam judicium est, spirituali quodam modo apud ipsum existit. — *Επισκεπτεσθαι* (1), ut et hebraicum *רָחַם*, de tali visitatione sæpe usurpatur quæ consistat in *conferendo insigni aliquo beneficio* (Gen. XXI. 1; Luc. I. 68), aut in *prospiciendo ac succurrendo* iis qui in tribulatione positi sunt (Jer. XXIII. 2; Matt. XXV. 36): Quam ultimam notionem in presenti loco obtinet. PHAVORINUS: *επισκεπτομαι' το προμηθευμαι και κηδομαι τινος, h. e. prospicio aticui et curam ejus gero.* — *Pupillum et viduam*: nil fere in V. T. frequentius inculcatur quam justitia ac misericordia erga pupillos et viduas: quibus etiam sæpe conjunguntur advenæ seu peregrini. Et hoc præceptum JACOBUM præ oculis habuisse, non dubitaverim. Putem tamen cum Ven. BEDA ad h. l. « in eo quod pupillos et viduas in tribulatione eorum visitare jussit, cuncta quæ erga proximum misericorditer agere debemus, insinuare. »

et immaculatum se custodire ab hoc sæculo.) In græco hæc sententia *asyndetice* præcedenti jungitur, quod, uti jam monuimus, orationem vividiorē facit. Officiis erga proximum adimplendis, officia a vero Dei cultore erga semetipsum servanda, Apostolus præclare conjunxit. Universa autem in hoc præcepto comprehendit: *se se incontaminatum a mundo servare.* Quid porro per *mundum* (*κοσμον*) intelligendum sit, habemus ex I Joh. II. 16: *omne quod est in mundo, concupiscentia carnis est, et concupiscentia oculorum, et superbia vitæ.*

(1) Verbi *επισκοπεωμαι* formæ Præsentis et Imperfecti apud scriptores Atticos raro occurrunt; erat his ad illa Tempora exprimenda usitatum verbum *εσκεπεω* vel *εσκεπευμαι*. *Gramm. Græc.* pag. 74.



EXCURSUS.

DE TENTATIONIBUS.

Quoniam de tentationibus plurima in præsentî capite JACOBUS disseruerit, atque de ipsis in S. Litteris sæpissime sermo instituitur, eæque modo Deo auctori referantur, modo vero, ut JAC. I. 13, ab ipso prorsus ablegentur; ideo scripturasticam de tentationibus doctrinam in speciali excursu contrahere ac proponere, operam haud inutilem fore duximus.

1. Porro «tentare, ait S. THOMAS, *Sum. Theol. p. I. q. 114. a. 2*, est proprie experimentum sumere de aliquo. Experimentum sumitur de aliquo, ut sciatur aliquid circa ipsum, et ideo proximus finis cujuslibet tentantis est scientia. Sed quandoque ulterius ex scientia quæritur aliquis alius finis, vel bonus, vel malus. Bonus quidem, sicut cum aliquis vult scire qualis aliquis sit, vel quantum ad scientiam, vel quantum ad virtutem, ut cum promoveat: malus autem, quando hoc scire vult, ut eum decipiat vel subvertat.» Hinc Theologi AUGUSTINUM (1) secuti, duplex tentationum genus admittunt, *probationis* unum, *seductionis* alterum: quæ distinctio præ oculis maxime habenda est, si ea quæ de tentationibus Scriptura tradit rite interpretari velimus.

2. Jamvero ad tentationem *probationis* pertinent variae illæ afflictationes, necnon particularia ac extraordinaria prorsus mandata

(1) De consensu Evangeliorum. l. II. cap. XXX. n. 71. Opp. tom. III. p. II. pag. 65.

(v. g. Gen. XXII. 2), quibus Deus nonnumquam utitur ad fideles suos probandos, eorumque virtutem ac constantiam explorandam. Quod tamen recto sensu intelligamus oportet. Audiamus ergo AUGUSTINUM hac de re disserentem : « Sic ergo, ait (1), ignarus est Deus rerum, sic nescius cordis humani, ut tentando hominem inveniat? Absit, sed ut ipse homo sese inveniat... Ergo noverit charitas vestra, tentatione Deum non id agere, ut ipse aliquid cognoscat quod ante nesciebat; sed ut, ipso tentante, id est interrogante, quod est in homine occultum prodatur. Non enim sibi homo ita notus est, ut Creatori; nec sic niger sibi notus est, ut medico. Ægrotat homo; ipse patitur, medicus non patitur; et ab illo qui non patitur, exspectat audire qui patitur. Ideo in Psalmo clamat homo : *ab occultis meis munda me, Domine*. Quia sunt in homine occulta ipsi homini in quo sunt; et non procedunt, neque aperiuntur, neque inveniuntur, nisi in tentationibus. Si Deus cessat tentare, magister cessat docere... Quid ergo dicimus, fratres? Etsi sciebat se Abraham, nos non novimus Abraham. Aut sibi, aut certe nobis prodendus erat : sibi, ut sciret unde gratias ageret; nobis, ut sciremus vel quid a Domino deprecaremur, vel quid in homine imitaremur. » Hactenus AUGUSTINUS.

3. Huiusmodi porro tentatio optima in se est, ac multorum meritorum fons et radix. Unde JACOBUS fideles alloquitur (1. 2) : *Omne gaudium existimate fratres mei, cum in tentationes varias incideritis*. Non est igitur cur miremur tentationes illas in S. Litteris Deo auctori tribui. Et quidem hominem nonnumquam ipse tentat, quod ABRAHÆ contigit (Gen. XXII. 2); sæpius tamen perversorum hominum malitia ad hoc utitur, ut sic ex ipso malo bonum eliciat. Quod AUGUSTINUS nos iterum admonet, scribens (2) : « Ne putetis gratis esse malos in hoc mundo, et nihil boni de illis agere Deum. Omnis malus aut ideo vivit ut corrigatur : aut ideo vivit ut per illum bonus exerceatur. »

(1) Serm. II de tentatione Abrahæ a Deo, n. 2, seqq. Opp. tom. V. pag. 6 seq.

(2) Enarrat. in Ps. LIV. n. 4. Opp. tom. IV. pag. 501 sq.

Immo munus illud Diabolo, ad nocendum homini semper parato, quandoque permittit Deus, ut ex libro *JOB* abunde constat : ex quo tamen non minus luculenter patet Diabolum ultra limites a Deo sibi præfixos numquam progredi posse. Cf. cap. I. 12 ; II. 6. — *Matt.* X. 29. 30. — *Luc.* XXI. 18.

4. Per tentationem *seductionis*, de qua potissimum sermo nobis habendus est, sollicitatio ad peccatum proprie intelligitur. Hanc præ oculis habebat *JACOBUS* dum scriberet (I. 13) : *Nemo cum tentatur, dicat quoniam a Deo tentatur : Deus enim intentator malorum est : ipse autem neminem tentat.* Cujus ratio perspicua est. Nam « malum culpæ, ut ait *S. TH. p. I. q. 48. a. 6*, opponitur proprie bono increato. Contrariatur enim Impletioni divinæ voluntatis, et divino amori, quo bonum divinum in seipso amatur, et non solum secundum quod participatur a creatura. » Si igitur hominem Deus tentaret, ipsum incitando ad malum culpæ, eo ipso bonitatem suam, quam ex necessitate vult esse, jam esse nollet : quod implicat. Ad hoc autem si mente sincera attendissent Pseudo-reformatores, Deum peccatorum nostrorum auctorem et causam activam atque operatricem esse numquam docuissent (1) : quam tamen impiam et blasphemam doctrinam *CALVINUS* maxime, quavis data occasione, lectori obtrudit.

5. Nec putandum est *JACOBI* doctrinæ adversari et novatorum placitis favere ea Scripturarum loca in quibus dicitur Deus *indurare cor hominis* (*Exod.* IX. 12; *Rom.* IX. 18.), et *excavare oculos ejus* (*Joh.* XII. 40); item *tradere hominem in desideria cordis sui* (*Rom.* I. 24), aut *tradere ipsum servire militiæ cæli* (*Act.* VII. 42). Quamvis enim hæc et similia plusquam nudam ac meram quamdam *permissionem* peccati importent, causam tamen *positivam* seu *directam* nequaquam involvunt. Sed et divina attributa salva manent, et vis verborum sacrorum non perimitur, si ipsa intellexeris de causa *negativa* et

(1) Cf. *MOENLER Symbolique*, tom. I. liv. I. §. 4.

indirecta tantum : quatenus nempe Deus, justissimo consilio, homini peccatori *gratias efficaces* aut etiam *proxime sufficientes* (1) ad peccatum vitandum nonnumquam *subtrahat*, immo et protectionem externam quæ pericula removeat ac provocantia ad peccatum comprimat. Sed præstat de ardua quæstione D. THOMAM disserentem audire. « Deus non *directe*, inquit S. Doctor (*in Ep. ad Rom. Cap. I. 24*), sed *indirecte* tamen *tradit* homines in peccatum, in quantum justo subtrahit gratiam, per quam homines continebantur ne peccarent; sicut si aliquis alicujus sustentaculum tolleret, diceretur facere casum ejus. Et per hunc modum, primum peccatum est causa sequentis peccati; sequens vero est pœna prioris. » Eandem doctrinam uberius ac disertius tradit *Sum. 1. 2. q. 79. art. 3.* « Dicendum, inquit, quod excecatio et obduratio duo important. Quorum unum est motus animi humani inhererentis malo et aversi a divino lumine; et quantum ad hoc Deus non est causa excecationis, sicut non est causa peccati; aliud autem est subtractio gratiæ, ex qua sequitur, quod mens divinitus non illuminetur ad recte videndum, et cor hominis non emolliatur ad recte vivendum, et quantum ad hoc Deus est causa excecationis et obdurationis. Est autem considerandum, quod Deus est causa universalis illuminationis animarum, sicut sol est universalis causa illuminationis corporum; aliter tamen et aliter. Nam sol agit illuminando *per necessitatem naturæ*; Deus autem agit voluntate per ordinem suæ sapientiæ. Sol autem, licet quantum est

(1) Peccatoribus tamen, etiam obduratis et excecatis, gratias *vere sufficientes* conferri pro loco, et tempore, quibus a peccatis respicere possint, late probat KROLL, *Instit. Theol.* part. IV. sect. I. cap. IV. art. II. §. 446. — tom. IV. pagg. 381 seqq. Taurini 1855. — Idem Ecclesiæ sensu confirmat cl. PERRONE, *de grat.* part. I. cap. V. prop. 3. n. 409 : « Receptum est in Ecclesia, ait, ut quoties casus contingat, ut aliquis ex ejusmodi perditis hominibus, ei effusis in omne vitium, imo et in incredulitatem, graviter decumbat, toties accurrant ejus ministri, ut eum hortentur ad resipiscentiam salutarem, ac fideles pro eo preces ad Deum fundant. Ergo pro certo habet Ecclesia, neminem, quamdiu in vivis est, omni prorsus gratia destitui : alioquin ridicula et absurda esset ejusmodi sollicitudo. »

de se, omnia corpora illuminet; si quod tamen impedimentum inveniat in aliquo corpore, relinquit illud tenebrosum, sicut patet de domo, cujus fenestræ sint clausæ : sed tamen illius obscuracionis nullo modo causa est sol ; non enim *suo judicio agit* ut lumen interius non immittat, sed causa ejus est solum ille qui claudit fenestram. Deus autem *proprio judicio* lumen gratiæ non immittit illis in quibus obstaculum invenit; unde causa subtractionis gratiæ est non solum ille qui ponit obstaculum gratiæ, sed etiam Deus, qui suo judicio gratiam non apponit. Et per hunc modum Deus est causa *excacationis* et *aggravationis aurium*, et *obdurationis cordis*; quæ quidem distinguuntur secundum effectus gratiæ, quæ et perficit intellectum dono sapientiæ, et affectum emollit igne charitatis. Et quia ad cognitionem intellectus maxime deserviunt duo sensus, scilicet visus et auditus, quorum unus deservit intentioni, scilicet visus, alius disciplinæ, scilicet auditus : ideo quantum ad visum ponitur excacatio, quantum ad auditum aurium aggravatio, quantum ad affectum obduratio. » Hæc S. THOMAS cui præverat AUGUSTINUS scribens (1) : « sic excæcat, sic obdurat Deus, deserendo et non adjuvando ; quod occulto judicio facere potest, iniquo non potest. » Itaque dum singulis diebus Deum oramus : *et ne nos inducas in tentationem*, hoc petimus « ne agat nobiscum Deus sua pro severa justitia, ut ne destituti adjutorio ejus, eumque nobis patientes iratum, alicui tentationi, *vel consentiamus decepti, vel cedamus afflicti*. AUGUST. *epist.* 121. (nunc 130) cap. XI. » (LUC. BRUG. in Matt. VI. 13).

6. Porro tentatio *seductionis* quæ Deum auctorem habere non potest, utpote cujus sanctitati directe adversatur, e triplici fonte ortum ducit. *Mundus* scilicet, et *caro*, et *diabolus* hominem ad peccatum sollicitare non desinunt, adeo ut verissime, divino afflante Spiritu, vir sanctus JOB protulerit : *militia est vita hominis super terram* (Cap. VII. 1).

(1) In *Joh. cap. XII. tract. LIII. n. 6. Opp. tom. III. pag. 646.*

Et *mundus* quidem, i. e. homines perversi ac rebus mundanis dediti, quos Apostolus 2 *Tim. III.* 1-10 partim describit atque vitandos jubet, modo suadendo et blandiendo, modo pravis suis exemplis incitando, nonnumquam etiam cogendo ac terrendo, eos qui pie volunt vivere in CHRISTO, ad peccatum perducere perpetuo conantur. Quod Psalmista sæpius testatur : *funes peccatorum circumplexi sunt* (Ps. CXVIII. 64), et *narraverunt mihi iniqui fabulationes* (ib. v. 85), et *posuerunt peccatores laqueum mihi* (v. 110), cet.

7. Radix altera tentationum uberrima *caro* est, sive *concupiscentia innata, habitualis*, seu, quod idem est, *lapse humanæ naturæ vitiositas illa* quæ ex peccato est, et ad peccatum inclinât, et quæ ab unoquoque homino nascendo contrahitur. Hæc est de qua Apostolus ad Gal. V. 17 scribit : *caro concupiscit adversus spiritum*, et JACOBUS I. 14 : *unusquisque tentatur a concupiscentia sua abstractus, et illectus*. Ipsa tamen *quum ad agonem relicta sit, nocere non consentientibus, et viriliter per Christi Jesu gratiam repugnantibus non valet : quinimmo qui legitime certaverit, coronabitur* (1).

8. Tertius demum tentationum auctor *Diabolus* est, qui ideo ab Apostolo (1 *Thess. III.* 5) *Tentator* (ὁ πειράζων) simpliciter vocatur. Hanc porro veritatem, quam et S. Litteræ (2) et SS. Patres (3) unanimi consensu tradidere, post Sadducæos et Anabaptistas, aggressi sunt quotquot recentioribus hisce temporibus Rationalistarum nomine gloriantur. Quorum gravamina hac de re excipiens WEGSCHEIDER, ita scribit (*Institt. Theol.* §. 106) : « Fatendum est, ait, singula dæmonologię biblico-ecclesiasticę placita, ea præsertim, quæ ad effectus dæmonum spectant, ita esse comparata, ut neque cum vera philosophia

(1) Conc. Trid. sess. V. *decret. de pecc. orig.* n. 5.

(2) Cfr. Gen. cap. III. — 1 Paralip. XXI. 1. — Matt. IV. 1-11. — Luc. XXII. 31. — Joh. XIII. 2. — Act. V. 3. — 2 Cor. IV. 4. — Ephes. VI. 11, 12. — Jac. IV. 7. — 1 Petr. V. 8.

(3) Eorum testimonia vid. ap. KROLL, part. II. sect. I. cap. III. art. VII. §. 179. n. 3. — tom. II. pag. 308 sqq.

nullo modo conciliari possint (ipsa enim spiritus idea natura sua maligni atque æternum infelicis sibi non constat), neque cum alijs quibusdam Scripturæ S. præceptis quæ numinis divini naturam optime declarant. Accedit, quod *Dualismus*, rudiori cuique populo, alii sub alia specie, probatus, istique doctrinæ suppositus, omnem religionem puriorem tollit.... » Hæc ille.

9. Cum tamen nondum ausi fuerint plerique Germanicæ Rationalistæ, utpote verbi divini prædicatores aut Theologiæ in scholis publicis professores, S. Scripturas aperta fronte impugnare ac rejicere, nulli percerunt labori ut ea, quæ in libris sacris traduntur, cum commentis suis specietenus saltem conciliarent. Ad hoc autem multiplicem, quod erroris proprium est, viam inierunt.

10. Alii siquidem ad interpretationem *naturalizantem*, quæ PAULUM HEIDELBERGENSEM patronum præcipuum habuit, confugientes, docuerunt duo in quacumque historia evangelica probe esse distinguenda : *factum* scilicet, et *judicium* quod de facto latum est ab iis qui vel illud experti sunt, vel illi interfuere, aut illud scriptis tradidere. Hæc quippe duo, aiunt, quantumvis a se invicem diversa, facili tamen ratione confunduntur, et reapse a Scriptoribus historicis N. T. continuo permixta fuere. Sapientis igitur interpretis est hæc duo sedulo secernere; *facta* nempe, prout communiter contingunt, intelligendo; *causas* vero *supernaturales* quibus referuntur, et *circumstantias extraordinarias* quibus adornantur, *erroneo ac superstitioso* iudicio tribuendo. — Quid in hoc arbitrario systemate de divina inspiratione supersit, nemo non videt. Immo, admissio semel hujusmodi principio, omnis historica veritas pereat necesse est.

11. Itaque alii SEMLERUM, systematis *accommodationis* propagatorem, secuti, statuunt duplicis generis sententias in libris N. T. esse agnoscendas. Aliæ enim sunt *universales ac immutabiles*, a quibus proinde viro Christiano numquam recedere licet. Aliæ vero *locales* sunt, et pro

locorum ac temporum varietate diversæ. JESUS nimirum ne Judæorum animos offenderet, eosque a doctrina sua averteret, rudiores ipsorum opiniones statim impugnare noluit, sed plurima doctrinæ suæ capita ad judaicos errores *accommodavit*; imo multa illis convenientia, quæ tamen in erratis esse optime noverat, tradidit. Ad illas porro sententias mere *locales* reducit SEMLERUS quæcumque in N. T. præter Religionem naturalem occurrunt: ac proinde dæmonum impugnationem.

12. Huic systemati, cujus imbecillitatem et falsitatem facili negotio demonstraverat, supposuit STRAUSS *Mythismum* quem, mira cum impietate, maxime in libro *de vita Jesu*, systematice exposuit et evolvit. Fingit itaque ille, contra disertissima totius antiquitatis testimonia, Evangelia non ab immediatis JESU discipulis conscripta fuisse, sed serius tantum, cum nempe per tempus traditioni jam lieuisset facta JESU amplificare ac circumstantiis extraordinariis adornare. Omnia igitur quæ in Evangeliiis narrantur, pro *mythis* habenda decernit. Jam vero sub nomine *mythi*, quem accuratius definire non curat, tria complecti videtur. *Mythos* namque vocat illa facta sub quorum involuero, ut opinatur, primi Christiani notiones æternas ac metaphysicas, quibus solis constat et perficitur religio, quæque a veritate historica minime pendent, tradiderint. *Mythis* deinde annumerat narrationes illas vividiores, quas ex falsa opinione vulgi ortum duxisse contendit. Cum enim invaluisse sententia quod JESUS esset Messias ille quem Judæi ex vaticiniis suis sibi fingeant, tunc de ipso prædicare ceperunt quæcumque in Veteri Testamento pro vaticiniis de Messia futuro habebantur. Præter duplex istud *mythorum* genus, agnoscendæ sunt variae *scriptorum additiones* prorsus singulares, cumque in finem narrationibus insertæ, ut res melius colligantur vel illustrentur. — Quibus principiis semel admissis, fidenter utique scripturarum interpretationem suscipere potest Rationalista, quin supernaturale quid in ipsis offendere timeat.

En vero quo scepticismi, inseltiæ ac impietatis, viros, felici alio-

quin ingenio præditos, adduxit famosus ille pseudo-reformationis canon, quo scripturarum interpretatio privato cujusque judicio permit-
tenda statuitur (1)!

13. Sed ne aliquibus adversarios nostros calumniari videamur, ipsorum systemata, justo latius, teterrimis coloribus depingendo, ideo rationalisticæ interpretationis specimen hic exhibere volumus. Sic enim cuique manifestum erit quomodo prædicta principia intellexerint Rationalistæ, illaque in praxim deduxerint. Scilicet porro ea quæ scripserunt de tentatione illa quam a dæmone CHRISTUM ipsum in deserto expertum fuisse Evangelistæ testantur (Matt. IV. 1-11; Marc. I. 12, 13; Luc. IV. 1-13.).

« Equidem non dubito, scribit ROSENMÜLLER (*Scholia in N. T.*; ad Matt. IV. 1), nostro etiam loco intelligendum esse (diabolum) hominem improbum, callidum, qui amicitiam simulans, impellere ad facinus aliquod indignum, vel etiam prorsus deterrere a proposito conaretur JESUM..... quis is fuerit, id plane ignoramus, et ipse JESUS ignorare videtur. » Attamen ad v. 5, « suspicatur hunc fuisse quemdam ex primoribus Judæorum, insignem JESU adversarium, cum eo congressurum, eumque coram synhedrio rebellionis accusaturum. » Cum vero triplicis tentationis ridendam prorsus interpretationem proposuerit, ad v. 11 ubi dicuntur Angeli accessisse et CHRISTO ministrasse, hæc scribit : « Innuitur ergo hoc loco, ut mihi quidem videtur, CHRISTUM ab eo tempore luculentissima providentiæ, tutelæ et benevolentiae divinæ documenta expertum esse ! »

« Alii, ap. KUINOEL (*Comment. in lib. hist. N. T.*; ad Matt. IV.), ea quæ h. l. narrantur, de ἐκστάσει (*exstasi*) explicanda esse statuerunt, cum interdum accidere soleat, ut animi, repentino quodam furore concitati, exardescant acrius, atque a corpore abstracti, ante oculos versari cernant spirituum species, quarum vultus et lineamenta agnos-

(1) Qui plura de hisce systematibus desiderat, perutilem adeat Ex. D. LAFORET *dissert. de methodo theologiæ*, part. I. sect. II. cap. IV et V. — Lovanii 1849.

cant, ac loquentium voces auribus percipiant : vel de *viso nocturno*. »

« Alii (*ibid.*) contenderunt, omnia esse explicanda de pravis cogitationibus in animo JESU (!) subortis, ab eo vero etiam statim repressis, cum in deserto, ut se ad munus obeundum praepareret, commoraretur, atque ibi perpenderet difficultates et molestias, quibuscum ipsi in posterum confluetandum esset, et reputaret viam ac rationem, qua sibi apud Judæos auctoritatem conciliare facile posset, parum convenientem fore consiliis suis, munerisque officiis et partibus. JESUM igitur cogitationes pravas illo tempore animo volutas, more Judæorum Satanæ tamquam auctori adscripsisse, remque ita proposuisse, ac si genius malus ipsi præsens apparuisset, ut sub parabolæ involucri discipulos edoceret, quomodo ipsi futuri religionis doctores animati esse deberent, eosque excitaret ad modestiam, constantiam, fiduciam in Deo collocandam. »

Alii demum (*ibid.*) « opinati sunt continere hunc locum *mythum*, eundemque vel *historicum*, ita ut traditioni res in facto posita subsit, vel *philosophicum*. Scilicet fabulam inventam esse vel ab iis qui sibi explicare vellent, qui factum sit, ut JESUS per quadraginta dies in deserto commoraretur, antequam doctoris partes suseiperet... (*mythus historicus*) ; vel ab iis qui in libris sacris reperissent MOSEN et ELIAM quadraginta dies jejunasse.... et inde conclusissent etiam JESUM, prophetam ELIA longe majorem per quadraginta dies in deserto quodam jejunasse (*mythus philosophicus*). » Hæc, opinor, aperta sunt : et ex fructibus facile dignoscitur arbor.

14. Ad has porro ineptias deveniunt viri illi, quia dogma catholicum de impugnatione dæmonum neque cum recta ratione, neque cum recta Dei notione consistere posse arbitrantur. Verum, dum talia asserunt, se id quod blasphemant penitus ignorare ostendunt. Doctrinam enim catholicam cum *dualismo* Persarum perperam confundunt : quod ceteroquin ex verbis WEGSCHEIDER modo citatis manifestum est. Quantum vero ab hoc monstro doctrinæ distet dogma nostrum, vel

rudissimi inter catholicos perspectum habent. Et re quidem vera, dogma catholicum, si rite exponatur, prout nempe ex Revelationis fontibus hauritur, non tantum cum vera Dei notione non pugnat, sed econtra divinas perfectiones patefacit atque commendat.

Et primo quidem, neque cum ratione neque cum Dei notione pugnat quod Deus omnipotens substantias incorporeas et pure intellectuales creaverit: immo hoc fieri oportuisse præclare docet S. THOMAS, p. 1. q. 50. art. 1. Creaturæ illæ potuerunt, salvis omnibus Dei attributis, in *statu viæ* creari, ita ut, non secus ac homo, æternam felicitatem recto libertatis suæ usu sibi promererentur. Cum autem ex ipsa libertatis creatæ natura sequatur possibilitas peccati, ut ex S. BONAVENTURA solide probat P. VAN LOO (1), facillime conceipimus creaturas illas, liberi arbitrii abusu, in peccatum lapsas, nec a Deo, justissimis de causis, reparatas fuisse. Quo posito, intelligimus spiritus illos, æternis suppliciiis addictos, pro suo erga Deum odio, homini, quem ad imaginem suam Deus condidit et ad æternam gloriam destinavit, maxime invidere, eumque in interitum secum, si fieri possit, perduci desiderare. Jam vero non implicat quod creaturæ illæ, pro viribus perfectiori suæ naturæ inditis, nec per peccatum amissis, possint, *Deo permittente*, corpora movere, eum et anima humana corpus sibi unitum movere valeant; quodque proinde imaginationem et sensum hominis, spiritus et humores commovendo, immutare queant, voluntate tamen ejus sui juris semper manente (S. TH. p. 1. q. 111. art. 2, 3 et 4). Immo nec implicat quod creaturæ illæ corpus, ex aere virtute divina condensato, sibi quandoque assumant et sic sub specie visibili hominibus appareant eosque alloquantur, sonos vocibus humanis similes in aere formando (S. TH. p. 1. q. 51. art. 2 et 3).

His vero positis, dico: non tantum rationi ac divinis attributis non repugnat, sed et congruum est Deum permittere hominem a dæmone impugnari. Cujus assertionis sequentes rationes assignari possunt.

(1) *De justa ac sapienti permissione mali*, pag. 39 sqq. — Lovanii 1856.

Prima ex S. BONAVENTURA (1) desumitur : « Sic Deus res omnes administrat, ait, ut eas agere proprios motus sinat; et ideo tam hominem quam diabolum constituit in libertate arbitrii, et in manu consilii sui reliquit, et utrumque permisit agere quod voluit, sive hunc in tentando, sive illum in consentiendo : hoc enim competeat regimini in conservatione ordinis, qui attenditur ex comparatione virtutis ad proprium actum. »

Secunda ratio est S. AUGUSTINI (*De Gen. ad litt., lib. XI, cap. IV*) : « Non mihi videtur, inquit, magnæ laudis futurum fuisse hominem, si propterea posset bene vivere, quia nemo male vivere suaderet; cum in natura posse, et in potestate haberet velle non consentire suadenti, adjuvante tamen illo, qui *superbis resistit, humilibus autem dat gratiam.* »

Tertia iterum a S. BONAVENTURA (l. c.) affertur : « Quia nemo dignus est coronari, nisi qui certat legitime, ideo decuit Deum hominem militem suum in campo certaminis prius examinare quam ipsum in gloria exaltare; et quia examinatio consistit in conflictu et pugna, permittere debuit hominem a diabolo impugnari. »

Quarta demum hæc est : congruum est Deum id permittere, quod ad divinorum attributorum manifestationem potissimum conducit. Atqui impugnatio demonum, imo et mala ex ipsa sequi solita, hanc manifestationem maxime promovent. Ergo congruum est Deum illa permittere.

Minorem hujus argumentationis sequenti modo probat D. BONAVENTURA (2) : « Quatruplex potest ratio assignari, quare Deus fecit talem hominem, ut possit ab adversario expugnari. Et prima est manifestatio divinæ potentiae. Voluit enim Deus ostendere homini, quia sicut

(1) *In lib. II sent. dist. 23, art. 1, q. 2.* — Loquitur autem S. Doctor, sicut et S. AUGUSTINUS, mox laudandus, de tentatione ADÆ. Sed eadem est de omnibus ratio; nisi quod impugnatio dæmonis post hominis lapsum, faciliori adhuc ratione concipiatur.

(2) *In lib. II. sent. dist. 23, q. 1, art. 1, in conclus.* — ap. VAN LOO *diss. cit.* pag. 68 seq.

sine eo factus non fuerat, ita nec sine ipso persistere poterat. Ut igitur homo nosset quod divinum posse non solummodo est omnis potentiae causativum, sed etiam conservativum, et quod ipsum solum est quod non potest deficere nec expugnari, ideo placuit sibi creaturam rationalem facere vertibilem et expugnabilem, nec ipsam confirmare, quousque experimento disceret, quod ipse solus est in quo non cadit non posse.

« Secunda ratio est manifestatio divinae sapientiae : majoris enim sapientiae est ostensivum, scire ordinare bona cum malis, et eligere bona ex malis, quam ordinare solum bona cum bonis; et ideo cum non deceret eum ibi mala facere, debuit talem facere creaturam, quae posset in operando deficere et malum committere, ut Deus, mala illa ordinando, suam sapientiam declararet.

« Tertia ratio sumitur ex manifestatione divinae misericordiae, quae potissime manifestata est, cum unigenitum Filium tradcret ad liberationem servi.

« Quarta ratio desumitur ex manifestatione divinae justitiae, quae potissime manifestatur in hoc, quod Deus retribuit unicuique secundum opera sua, praecipue in aeterna punitione malorum. Haec autem retributio, et punitio, et praefata misericordiae liberatio non esset, nisi Deus creaturam rationalem et praecipue hominem in statu veritabilis fecisset, et ita potentem impugnari et expugnari; et ideo congruum fuit, Deum hominem in statu tali facere. »

13. Nec ideo putandum est adeo infelicem esse sortem justi. Fides enim catholica nos aperte docet, diabolus nil in hominem posse nisi permittente Deo. *Fidelis autem Deus est*, ait Apostolus (1 Cor. X. 13), *qui non patietur vos tentari supra id, quod potestis, sed faciet etiam cum tentatione proventum ut possitis sustinere*. Unde Beatus JACOBUS exclamat (1. 12) : *Beatus vir, qui suffert tentationem : quoniam cum probatus fuerit, accipiet coronam vitae, quam repromisit Deus diligentibus se*.

Paulo quidem diutius quam nobismetipsis pridem proposueramus, huic quaestioni immorati sumus. Sed cum in decursu rationalistas, quorum error hac nostra ætate longe lateque grassatur, et Ecclesiae ruinas undique minari gloriatur, offendissemus, non poteramus quin ipsorum fallacias lectoribus nostris detegeremus, ac impia commenta diluere conaremur. Neminem enim amplius latere debet, omnem Theologorum operam hujus formidolosissimi erroris confutationi deinceps impendendam esse : quod nos jam monebat S. S. D. N. PIUS IX in epistola encyclica (1) IX novembris 1846.

(1) Cf. *Revue Catholique*, an. 1846-47. pag. 601 sqq.

CAPUT SECUNDUM.

ARGUMENTUM. Versiculo 19 capitis præcedentis sententiam hanc generalem protulit Jacobus : sit omnis homo velox ad audiendum : cujus sensum mox declaravit per illa verba : estote autem factores verbi, et non auditores tantum. Ad eam vero doctrinam illustrandam duo allegavit exempla, quorum posterius charitatis opera partim respiciebat. Hanc porro materiam in præsentî capite tractandam suscipit, et ita quidem ut ipsâ, veluti quodam themate, utatur ad stabiliendum id quod primarium epistolæ objectum videtur, fidem scilicet absque operibus non prodesse ad salutem. Incipit itaque a redarguendo vitio illo, charitati maxime opposito et a Judæis frequenter admissio, quod personarum acceptionem vocat, cujusque fœditatem variis rationibus aperit (1-9). Ne autem hoc leve quid esse existiment, auditores suos admonet, illum qui legem in uno transgreditur totius legis violatæ reum constitui (10-11). Hinc vero progreditur ad opera misericordiæ generatim commendanda (12-15), hac præcipue ratione innixus quod fides, si opera non habeat, non prosit ad salutem (14). Quam thesim, epistolæ præcipuam, variis confirmat rationibus (15-19); maxime vero exemplis Abrahæ et Rahab, quibus potissimum, ut videtur, abutebantur nonnulli ad falsum dogma stabiliendum (20-26).

ῥ. 1. Fratres mei, nolite
in personarum acceptione
habere fidem Domini nostri
Jesu Christi gloriæ.

ῥ. 1. Ἀδελφοί μου, μὴ ἐν
προσωποληψίαις ἔχετε τὴν πίσ-
τιν τοῦ Κυρίου ἡμῶν Ἰησοῦ
Χριστοῦ τῆς δόξης.

PARAPHRASIS. *Fratres mei, cavete ne simul cum fide Do-
mini nostri Jesu Christi, Domini, inquam, gloriæ, vitium
acceptionis personarum consociare velitis.*

ῥ. 1. *Fratres mei, nolite in personarum acceptione, cel.)*
Ad finem antegressi capitis dixerat Apostolus : *Religio munda, et im-
maculata apud Deum et Patrem, hæc est : visitare pupillos, et viduas
in tribulatione eorum.* Hanc materiam fusius tractaturus, incipit a
redarguendo turpi illo vitio, charitati maxime contrario, quod *perso-
narum acceptionem* (προσωποληψίαν) vocat.

Est autem προσωποληψία, ut προσωποληπτης (Act. X. 34) et
προσωποληπτεον (Jac. II. 9), vox Græcis penitus ignota, ad dictionem
προσωπον λαμβανειν (Luc. XX. 21) efficta; quæ ipsa dictio græca
non est, sed prosus hebraica, referens usitatissimum וְיָצַח אִישׁ
i. e. *personam alicujus accepit*, quod usurpatur in *malam partem* de
eo qui temere alicui favet, aut partium studio ducitur (Job. XIII. 10);
quique proinde aliquem judicat, non ut fert veritas aut æquitas
rei, sed *personæ rationem habendo*. Judæos quidem ad hoc vitium
propensissimos fuisse, testantur V. T. eloquia quæ personarum accep-
tionem frequenter commemorant atque exprobrant. Sacerdotes ipsos
ab hoc vitio in ipsa legis interpretatione admittendo non abhorruisse,
MALACHIAS Propheta conqueritur (Cap. II. 9.), et ob id divinam vind-
ictam denuntiat. — Notandum est nomina abstracta, ut προσωπολη-
ψίαι, plurali forma adhibita, denotare varios modos actionesque
quibus sese manifestat res illa quam significat Nomen abstractum in
singulari Numero positum (1).

Habere fidem Jesu Christi in personarum acceptione est fidem JESU
CHRISTI (Genitivus objecti) profiteri, et nihilominus huic vitio indul-

(1) Gram. Græc. §. 27. 3. pag. 178.

gere, sive cum fidei Christianæ professione personarum acceptionem componere velle. — *Εν* hic dicitur de *eo quo quis instructus est*, et per latinam præpositionem *cum* reddi potest. — Illud *της δόξης*, *gloriæ*, in fine sententiæ positum, nonnihil obscuritatis habet : non enim statim apparet quo referendum sit. CAJETANUS Genitivum illud cum *προσωποληψιας* conjungit, quasi Apostolus talem acceptionem personarum exprimere voluerit, quæ *penes gloriam* sive externum alicujus splendorem fiat. Verum huic sententiæ plurima obstant : nam vocabula ista nimio intervallo separantur ut ad invicem referri queant ; deinde notio quæ voci *δόξης* subest, in *προσωποληψια* jam aliquatenus latet ; nec tandem putaverim Apostolum ad illam tantum personarum acceptionem, quæ externum alicujus splendorem respeceret, increpationem suam coarctare voluisse. — Itaque non desunt qui Genitivum *δόξης* cum voce *πιστιν* construant, ita ut *πιστις της δόξης* sit *πιστις ενδοξος*, *fides gloriosa*, vel, ut syrus interpres intellexit, *πιστις η της δόξης* (*Genitivus objecti*), i. e. *fides de gloria* D. N. J. C. : vertit enim : *فِي مَجْدِهِ* *لِإِيمَانِهِ* h. e. *fidem gloriæ (ejus) Domini nostri* (1). — Equidem maluerim, S. CYRILLUM ALEXANDRINUM (2) plurimosque interpretes secutus, vocem *δόξης* ad ipsum *κυριον* referre, *Hyperbaton*, haud adeo insolitum (3), et, quæcumque eligatur sententia, admittendum agnoscendo. Et hanc interpretationem non modo ipsa verborum dispositio, sed et innumera loca in quibus *δόξα* CHRISTO tribuitur, summopere mihi suadent : immo I Cor. II. 8 *κυριος της δόξης* ipse dicitur : Apposite vero JACOBUS, personarum acceptionem impugnans, gloriæ Domini meminit. Per hoc enim non obscure innuit homines non secundum externum meritum aut splendorem esse æstimandos, sed eo gloriosiores habendos quo CHRISTO, *Domino gloriæ*, per gratiam et vitæ ejus imitationem propinquiore sunt.

Si rationem quæras cur *Domini* vocabulum proprie CHRISTO tribuatur, respondet ESTIUS (*comm. in ep. ad Rom. I. 7*) : « Ea est, quia

(1) Video *Æthiopem* interpretem illud *δόξης* pro doxologia habuisse, cum verterit, *cui sit gloria*. Verum hanc sententiam nullo pacto posse defendi existimaverim.

(2) *Thesauri assert. XXXII et de Trinitate Dialog. VI.* — Opp. tom. VIII. pag. 300 et 603. Ed. AUBERTI.

(3) Cf. Rom. V. 6 (*ετι*) ; IV. 15 (*επαγγελια*).

CHRISTUS in assumpta carne pretio sui sanguinis nos e servitute diaboli redemit, sibiue vindicavit in populum peculiarem, cujus proinde ipse quatenus homo, Dominus pleno jure effectus sit. Hinc passim in Apostolicis litteris honoris causa *Dominus* appellatur. » — Multiplici porro titulo CHRISTUS *Dominus gloriæ* (κυριος της δξης sive ενδοξος) vocatur et est. Nam, et secundum Divinitatem, *splendor est gloriæ* (απαργασμα της δξης) Patris (Heb. I. 3); et secundum humanitatem, *suscitatus a mortuis, constitutus est ad dexteram Patris in cælestibus, supra omnem principatum et potestatem, et virtutem, et dominationem, et omne nomen, quod nominatur non solum in hoc sæculo, sed etiam in futuro, et omnia subjecta sunt sub pedibus ejus* (Eph. I. 20 sqq.); et secundum utramque naturam *salvator noster est, qui reformabit corpus humilitatis nostræ, configuratum corpori claritatis suæ* (της δξης), *secundum operationem, qua etiam possit subjicere sibi omnia* (Philip. III. 21).

§. 2-4. Etenim si introierit in conventum vestrum vir aureum annulum habens in veste candida, introierit autem et pauper in sordido habitu, ³ et intendatis in eum, qui indutus est veste præclara, et dixeritis ei: Tu sede hic bene: pauperi autem dicatis: Tu sta illic; aut sede sub scabello pedum meorum: ⁴ nonne judicatis apud vosmetipsos, et facti estis judices cogitationum iniquarum?

§. 2-4. Ἐὰν γὰρ εἰσέλθῃ εἰς τὴν συναγωγὴν ὑμῶν ἀνὴρ χρυσοδακτύλιος ἐν ἐσθῆτι λαμπρᾷ, εἰσέλθῃ δὲ καὶ πτωχὸς ἐν ῥυπαρᾷ ἐσθῆτι, ³ καὶ ἐπιβλέψῃτε ἐπὶ τὸν φοροῦντα τὴν ἐσθῆτα τὴν λαμπράν, καὶ εἴπητε αὐτῷ· σὺ κάθου ὡς καλῶς· καὶ τῷ πτωχῷ εἴπητε· σὺ στῆθι ἐκεῖ, ἢ κάθου ὡς ἐπὶ τὸ ὑποπόδιόν μου· ⁴ καὶ οὐ διεκρίθητε ἐν ἑαυτοῖς, καὶ ἐγένεσθε κριταὶ διαλογισμῶν πονηρῶν;

PARAPHRASIS. Etenim, ut hoc exemplo utar, si ingrediatur in conventum vestrum sacrum vir aureis annulis ornatus, et splendida veste indutus; ingrediatur vero etiam pauper indutus vili ac sordida veste; et si cum nescio qua admiratione eum, qui vestem illam præclaram gerit, solius splendoris ejus causa, contemplerini et dicatis ei: considas hic, commode et honorate; pauperi vero, solius vilis vestitus habita ratione, dicatis: tu illic consistas, vel hic sub scabellum pedum meorum considas: nonne in vobismetipsis dijudicastis, et iniqui iudices facti estis?

VARIANS LECTIO.

a) Particula καί non multum sane auctoritatis habet, quamquam eam TISCHENDORFIUS receperit: non enim legitur in AB²C, nec in antiquis versionibus, neque in pluribus minusculis. Eam pariter non legit S. CYRILLUS ALEX.

§. 2-4. Etenim si introierit in conventum vestrum cet.)

Quid per acceptionem personarum intellexerit Apostolus, allato exemplo, jam explicat (γάρ ut Rom. VII. 2); simulque hujus rei iniquitatem declarat. — Εαν cum *Conjunctivo* (εἰσελθῇ), in locutionibus hypotheticis Græci usurpant, quando rem sumunt simpliciter tamquam talem quæ sit *objective*, i. e. spectatis rei circumstantiis, possibilis (1). — Vox συναγωγή (a συναγω) proprie *cætum* sive *congregationem* hominum, translata vero significatione *ipsum locum*, in quo congregatio illa fit, designat. Sic in libris N. T. usitatissimus ejus vocis usus est de locis in quibus ad preces publicas fundendas atque etiam, singulis sabbatis, ad legem audiendam (Act. XV. 21) Judæi convenire solebant. In præsentī tamen loco putaverim συναγωγῇ *conventum Christianorum* et quidem *sacrum*, non vero *synagoga*

(1) Gram. Græc. §. 42. pag. 318. B.

denotare. Conventum sacrum orationis series satis innuit : non enim culpæ verti posse videtur si in conventu civili seu privato pauperes in habitu sordido simul cum divitibus non admittantur. Ex altera parte, primos Christianos in ædibus privatis sacra peragere solitos novimus : nec est cur putemus Judæos in synagogis suis æmulos Christianos divino cultui vacare facile sivisse.

vir annulum aureum habens in veste candida, cet.)

Card. BARONIUS (1) *annulum aureum in veste candida* intelligendum putat de aurea fibula qua vestis perstringeretur : et, aliquo JOSEPHI testimonio nixus, virum quemdam regium, cui hujusmodi ornamentum gestare liceret in veste candida, hic a JACOBO describi opinatur. Verum hujusmodi interpretationem nequaquam postulat scopus Apostoli, quippe qui divitem pauperi simpliciter opponit; nec ipsam verba ferunt : nam vox χρυσδακτυλιος (2) nil aliud denotare potest quam virum *digitos aureis annulis ornatos habentem* (3). — Præpositio ἐν de eo quo quis indutus est, ut Matt. VII. 15; Marc. XII. 38, hic usurpatur : nec ideo vim suam *localem* amittit; nam qui aliqua veste induitur, in ea est. Non igitur opus erat, quod nonnulli fecerunt, præpositioni ἐν in hisce casibus notionem præpositionis συν affingere. — Λαμπρος de eo dicitur quod est *splendidum et fulgidum*, absque ullius connotatione coloris : neque hoc interpretem nostrum latere potuit, quum, versiculo immediate sequenti, eandem vocem non amplius *candidam* sed *præclaram* verterit. Syrus pariter vocat bulum ܠܥܡܡܐ quod simpliciter *pulcher, speciosus* sonat, adhibuit.

introierit autem et pauper, cet.) i. e. introierit vero (de antithesi Inserviens) *etiam* (καὶ) *pauper, vili ac sordida* (ρυπαρὰ) *veste indutus* (ἐν).

ŷ. 3. *et intendatis in eum qui indutus est veste præclara,*

(1) *Annalium* tom. I. ad an. 54. n. LXXXI.

(2) De hac voce dubitatur utrum apud aliquem scriptorem græcum occurrat, quamvis eleganter composita sit ex χρυρος et δακτυλιος, ad similitudinem vocabulorum χρυσοζυγος, χρυσοζυγος, χρυσοδακτυλοι etc. quæ apud HOMERUM satis obvia sunt.

(3) Adeo invaluerat apud divites annulorum usus, ut scribere potuerit ΣΕΠΕΚΑ (*Nat. quæst.* I. VII. n. XXXI) : *Exornamus annulis digitos, in omni articulo gemma disponitur.* — Cf. PLINII *Hist. Nat.* lib. XXXIII. n. VI.

cel.) Quomodo fiat in casu personarum acceptio Apostolus describit: Illam porro in hoc reponit, quod dives prædicta (την) veste præclara indutus, cum nescio qua admiratione aspi-ciatur, et locus honoratior (καλώς) ei statim designetur, idque absque alia consideratione quam splendidi ipsius habitus: dum econtra in pauperem, licet fors in rebus divinis instructiorem atque Deo gratiorem, quia tamen elegantius quo vestiatur indumentum non habet, oculos attollere ei que sedem præbere vix digneris, vel si forte concesseris, nonnisi talem quæ ipsi confusionem faciat. — Satis verisimile est in conventibus Christianorum, ut et in synagogis Judæorum (cf. Matt. XXIII. 6), sedes alias aliis honoratiores fuisse.

pauperi autem dicatis: Tu sta illic, cel.) Pro autem græce legitur καί: huic tamen particulae notionem *adversativam* in præ-senti loco recte tribueris, ut I Thess. II. 28. Quam notionem καί non ex se habet, sed tantum vi antitheticarum sententiarum quæ copulantur. — Υπο το υποπόδιον μου, *infra, sub scabellum meum*, periphrastica iocutio est quæ valet *humis*.

§. 4. *Nonne iudicatis apud vosmetipsos, cel.)* Varias hujus loci interpretationes a variis excogitatas enarrare longum foret. Difficultas ex duplici potissimum capite oritur, nempe ex particulis καί οὐ quibus præsens versiculus inchoatur, et ex notione formæ Passivæ διεκριθῆτε tribuenda. In hoc vero sententiarum discrimine, eam quæ simplicior ac contextæ orationi convenientior nobis visa est, interpretationem proponimus. Putamus igitur versiculum hunc per vividam interrogationem Apodosin orationis vers. 2 inceptæ Inducere. Et quidem notum est in *negativis* interrogationibus particulam οὐ plerumque adhiberi ubi *affirmativum* sequi debet responsum (Cf. Matt. VII. 22; I Cor. IX. 12). Quod attinet ad particulam καί quæ in editione Complutensi hic occurrit, ad textum, uti in var. lect. diximus, pertinere non videtur; quamvis, si legenda foret, nil negotii facesscret. Non enim est Græcis insuetum particulam hanc interrogationibus *indignantis* præponere. Cf. Act. XXIII. 3. — Nec est cur forma Passiva Aoristi διεκριθῆτε nos valde moveat. Nam, ut notat VIGERUS (1) « parcius

(1) De præcipuis græcæ dictionis idiotismis lib. pag. 215. Ed. 3. Lipsiæ 1822.

quidem, aliquando tamen Aorista etiam, et Præterita passiva, pro activis aut mediis sumuntur. » Quod exemplis probat HERMANNUS (*Ibid. in nota*). Verbum autem διακρίνειν in usitatissima sua significatione *discrimen faciendi*, ita ut unum alteri præferatur, hic sumpserim ut Act. XV. 9. Hanc enim notionem suadet *epexegetica* (καί) sententia : *et facti estis judices cogitationum iniquarum* : qua videlicet explicatur *qualis* sit illa *discretio* quæ personarum acceptionem constituat. — Κρίται διαλογισμῶν πονηρῶν sunt judices qui ex iniquis cogitationibus sive rationibus judicant. Latiori hujusmodi dependentiæ exprimentæ Genitivum nonnumquam inservire, exemplis late probat ill. D. BEELEN, *Gram. Græc.* §. 30. pag. 190 sqq.

ῥ. 5-7. Audite fratres mei dilectissimi, nonne Deus elegit pauperes in hoc mundo, divites in fide, et heredes regni, quod repromisit Deus diligentibus se? ⁶ Vos autem exhonorastis pauperem. Nonne divites per potentiam opprimunt vos, et ipsi trahunt vos ad judicia? ⁷ Nonne ipsi blasphemant bonum nomen quod invocatum est super vos?

ῥ. 5-7. Ἀκούσατε ἀδελφοί μου ἀγαπητοί· οὐχ ὁ Θεὸς ἐξελέξατο τοὺς πτωχοὺς τοῦ κόσμου πλουσίους ἐν πίστει καὶ κληρονόμους τῆς βασιλείας ἧς ἐπηγγειλάτο τοῖς ἀγαπῶσιν αὐτόν; ⁶ ὑμεῖς δὲ ἡτιμάσατε τὸν πτωχόν. Οὐχ αἱ πλοῖσαι καταδυναστεύουσιν ὑμῶν, καὶ αὐτοὶ ἔλκουσιν ὑμᾶς εἰς πριτήρια; ⁷ Οὐκ αὐτοὶ βλασφημοῦσι τὸ καλὸν ὄνομα τὸ ἐπικληθὲν ἐφ' ὑμᾶς;

PARAPHRASIS. Audite, fratres mei dilecti : nonne Deus sibi elegit pauperes mundi, qui fide divites forent et heredes regni quod repromisit diligentibus se? Et vos, contrariam prorsus rationem secuti, pauperem contemptui habetis! Quid est porro in divitibus quod vos adeo allicitat? Nonne ipsi tyrannidem exercent adversum vos, ipsique ad paganorum

tribunalia vos rapiunt? Nonne ipsi blasphemant aut actione sua diffamant honorificum illud nomen, de quo Christiani vocati estis?

γ. 5. *Audite fratres mei dilectissimi.)* Probaturus jam quam foeda sit atque ideo sedulo fugienda personarum acceptio, auditorum attentionem excitare (*audite*), eorumque benevolentiam sibi conciliare (*fratres dilecti*) enititur.

Nonne Deus elegit pauperes in hoc mundo, cet.) Primam rationem ad thesim suam firmandam repelit ex singulari benignitate ac dilectione qua Deus pauperes prosequitur, et quæ in eo maxime enituit quod potiori quodam modo ipsos sibi elegerit (εξελεξατο Aor. Med.) ad hoc ut essent fide divites, et heredes illius regni quod repromisit diligentibus se. Hanc porro rationem sicut et duas sequentes, Apostolus per huiusmodi interrogationem quæ affirmativum responsum expostulet, inducit. Qui proeundi modus quadam emphasi non caret, et ad certitudinem rei magis inculcandam conducit. — Deus autem pauperes elegit non quidem ad exclusionem ceterorum, sed tamen potiori quadam ratione: nam eos et maturius et majori numero vocavit. Quod PAULUS I Cor. I. 26 sqq. testatur: *Videte enim vocationem vestram fratres, quia non multi sapientes secundum carnem, non multi potentes, non multi nobiles: sed quæ stulta sunt mundi elegit Deus, ut confundat sapientes: et infirma mundi elegit Deus, ut confundat fortia: et ignobilia mundi, et contemptibilia elegit Deus, et ea, quæ non sunt, ut ea quæ sunt destrueret: ut non gloriaretur omnis caro in conspectu ejus.*

Sive eum editione Complutensi *πτωχῶς του κοσμου* legeris, sive *πτωχῶς τῷ κοσμῷ*, quæ sane lectio auctoritate destituta non est, res eodem fere recidit. In priori casu Genitivus est *laxe dependentiæ*, et intelligendi sunt illi qui in hoc mundo pauperes sunt: Gallice pariter diceret: *les pauvres de la terre*. In posteriori vero casu agnoscendus est *Dativus iudicii*, et *πτωχοι τῷ κοσμῷ* illi sunt qui iudicio mundi pauperes reputantur.

divites in fide, et heredes regni, cet.) Exprimitur ad quid pauperes

mundi Deus elegerit. Non enim ad modum *appositionis* verba illa accipi possunt, quasi dicere velit JACOBUS tunc Deum elegisse pauperes, quum divites in fide essent. Quod evincit vel illud additum : *et heredes regni* : nam manifestum est Deum neminem jam heredem regni elegisse, sed eligendo regni heredem fecisse. *Eligendo ergo facit divites in fide*, ait AUGUSTINUS (1), *sicut heredes regni..... Elegit Deus fideles, sed ut sint, non quia jam erant.* « Nihil ergo hic habent Pelagiani, ut recte animadvertit CORNELIUS A LAPIDE ad h. l., quo probent fidem esse ex nobis, non ex gratia Dei, quasi ob fidem viribus naturæ elicitam Deus fidelem eligat, infidelem respuat. » — Nee nos movere debet carentia Verbi quod Subjectum eum Prædicato conjungat : nam præterquam quod usitatissima sit verborum *ειναι* et *γενεσθαι* ellipsis, verbum *εκλεγμαι* ex illorum classe est quæ duplicem admittunt Accusativum, unum *subjecti* et alterum *prædicati* : cujus structuræ apud LXX interpretes 3. Reg. III. 8 exemplum occurrit.

Πλουσιος hic est *abunde instructus*, ut Eph. II. 4. De valore præpositionis *εν* in hæc et simili locutione notat WAHL (2) : « Suspensum interdum est *εν*, sequente nomine statum indicante, a verbis, adjectivis et participiis qualitatem designantibus, ut, *qualis* appareat aliquis *in conditione aliqua* indicetur. — Vox *η βασιλεια*, pro qua sæpius *η βασιλεια του Θεου* vel *metonymice η βασιλεια των ουρανων*, alia atque alia significatione in libris N. T. legitur. Imprimis enim de *adventu et regno Messiae* dicitur (Matt. III. 2; Lue. X. 9. etc.); tum, et quidem frequentius, de societate visibili a CHRISTO in terris fundata, sive de *præsentis temporis Ecclesia*, neenon de rebus ad ipsam pertinentibus. Insuper, speciali quodam modo, per Metonymiam *adjuncti pro subjecto*, de *ratione vitæ* in illo regno Dei instituenda Rom. XIV. 17 et I Cor. IV. 20 adhibetur. Denotat tandem *vitam in æternum beatam* (Aet. XIV. 21) : et hanc ultimam significationem in præsentī loco obtinet vox *η βασιλεια*, quæ proinde re non differt ab illa *corona vitæ* ejus Apostolus supra (I. 12) meminit. Ibi pariter quinam per *diligentes Deum* intelligendi essent, exposuimus. — In *Genitivo* Pronominis Relativi *ης* cernere est *Attractionem*, scriptoribus sacris usu-

(1) Lib. de prædest. Sanctorum, cap. XVII.

(2) *Clariv N. T.* ad voc. 49. pag. 168.

tatissimam : qua nempe fit ut Relativum ponatur non in casu quem postulat Verbum ad quod illud pertinet, sed in casu obliquo antecessi Nominis (1).

Cl. VASQUEZ (2) ex præsenti loco probare contendit electionem efficacem ad gloriam ex meritis gratiæ prævisis fieri. Neutri tamen sententiæ verba JACOBI favere putaverim.

§. 6. *Vos autem exhonorastis pauperem.*) Apostolus huic, qua Deus pauperes prosequitur, benignitati ac dilectioni, contumeliam qua egenum afficiunt quotquot *personas accipiendo* ipsum diviti inique postponunt, nervose opponit (δε). Quam vero inordinata esset ac damnable hujusmodi agendi ratio, concludere unicuique primum erat. — Nomen των πτωχων referendum non est ad definitum illum pauperem quem exempli causa vers. 2 JACOBUS introduxit, sed *collective* significat et *totum* pauperum *genus* designat. — Aoristo ητιμασκατε non aliam vim quam *Temporis historici* iterum tribuerim.

Nonne divites per potentiam opprimunt vos, cet.) Argumentatur nunc ostendendo divites indignos prorsus esse qui pauperibus præferantur, propter odiosam nempe ipsorum agendi rationem tum respectu proximi (et est secunda ratio), tum respectu ipsius Dei : quam tertiam rationem vers. seq. exponit. — Jam vero non putaverim cum ESTIO verba JACOBI de solis divitibus Christianis esse intelligenda. Quamquam enim ad illustrandam propositionem suam exemplum divitis conventum sacerum adeuntis, ac proinde Christiani, allegavit, non ideo tamen putandum est ipsum eam tantum personarum acceptionem, quæ in locis sacris fieret, prohibere voluisse. Ejus quippe verba (v. 1) prorsus generalia sunt, et vitium illud in universum damnant.

Καταδυναστευειν τινας est *dominium exercere contra aliquem*. Præpositio κατα, quæ hujus Verbi compositionem ingreditur, translata notionem suam obtinet qua, ubi cum Genitivo casu construitur, de *directione hostili adversus aliquem* usurpatur. Cf. Act. VI. 13; Rom. VIII. 33. — Κριτηριον proprie est *judicium* (I Cor. VI. 2. 4); sæpe tamen dicitur de *loco* ubi *judicium* exercetur, sive de *tribunali*;

(1) Cf. Gram. Græc. § 24. pag. 161 sqq.

(2) In I part. disp. 89. cap. 2.

et hoc sensu vocem *κατεθρονισεν* in praesenti loco syrus interpres intellexit. Vertit enim : *בֵּית דִּין* q. e. *domus judicii*.

Porro Judæos conversos ex parte popularium suorum incredulorum, maxime divitum, Innumeris vexis ac persecutionibus obnoxios fuisse testantur *LUCAS Act. VIII. 1; XIV. 21; XVII. 5 sqq.*, et *PAULUS ad Heb. X. 33, 34*. Divites vero Christianos non ea, qua par erat, sollicitudine et charitate erga fratres suos egenos affectos fuisse, tum ex infra (cap. V. 4. 6) dictis, tum ex *1 Cor. VI. 1. 8* abunde constat. Nec inconsulto specialem de judiciis mentionem *JACOBUS* iniecerit : non erant enim tunc temporis nisi tribunalia Gentium : *PAULUS* vero jam opprobrio vertebat, quod auderet aliquis fidelium *habens negotium adversus alterum, judicari apud iniquos, et apud infideles* (*1 Cor. VI. 1. 6*).

§. 7. *Nonne ipsi blasphemant bonum nomen, quod invocatum est super vos?*) Tertia ratio est quam allegat Apostolus ut ostendat divites, si ipsorum merita respectu Dei attendantur, non magis honore ac praelatione dignos esse. — *Βλασφημειν* proprie est *βλαπτειν την φημην τινος* i. e. *alterius famam et existimationem quocumque modo lædere*. Quod quidem respectu Dei dupliciter fieri potest : uno modo *directe*, summam ejus majestatem conviciis proscindendo; et hoc modo Judæos incredulos, maxime vero, ut dubitari nequit, divites ac potentes, sanctum CHRISTI nomen lacerare solitos, ex *Act. XIII. 43; XVIII. 6*, etc., abunde patet. Altero modo *indirecte*, talia nempe opera patrando, ob quæ Deus apud eos qui non credunt in infamiam adducitur, quasi nimirum ipse facinora ea, quæ ab ejus cultoribus admitti deprehenduntur, vel non prohibeat, vel saltem in iisdem conniveat : unde fit ut *via veritatis blasphemetur* (*2 Pet. II. 2*). Et hoc sensu ipsi fideles *blasphemare* nonnumquam dicuntur : cf. *Rom. II. 24*. Hoc igitur modo divites illi Christiani qui pauperes opprimebant eosque ad judicia trahabant, *bonum nomen* blasphemabant : nam propter indignam suam agendi rationem, in causa erant cur *nomen Domini ejusque doctrina blasphemaretur*. — Verba græca *ονμα το επικληθεν εφ υμας* phrasim hebraicam *שְׁמִי וְשֵׁם אֱלֹהֵי אֲבֹתֵינוּ* (*nomen vocatum super vos*) serviliter referunt. Hebræi enim ut significant aliquem *hoc vel illo nomine appellari*, nomen illud *super ipsum invocari* dicunt. Cf. *Deuter. XXVIII. 40*. — *Isaï. IV. 1*. etc.

Græce vero dicitur ex τινος ονομαζεσθαι vel καλεισθαι : qua locutione PAULUS Eph. III. 15. utitur. Nomen porro illud *honorificum* (καλον ut I Tim. III. 7.) quod blasphemabant isti, JACOBUS intelligit CHRISTI nomen, unde fideles *Christiani* dicti sunt (Act. XI. 26. — I Pet. IV. 16). — Vix moneamus opus est Apostolum non omnes divites indiscriminatim hic impetere : unum quippe probare intendit, videlicet divites, qua tales, nil habere cur præ pauperibus æstimentur et honorentur; immo sub plurimo respectu ipsis sæpe inferiores esse.

§. 8-9. Si tamen legem perficitis regalem secundum Scripturas : Diliges proximum tuum sicut teipsum : bene facitis : ⁹ si autem personas accipitis, peccatum operamini, redarguti a lege quasi transgressores.

§. 8-9. Εἰ μέντοι νόμον τελεῖτε βασιλικὸν κατὰ τὴν γραφὴν· ἀγαπήσεις τὸν πλησίον σου ὡς ἑαυτόν· καλῶς ποιεῖτε·
⁹ εἰ δὲ προσωποληπτεῖτε, ἁμαρτίαν ἐργάζεσθε, ἐλεγχόμενοι ὑπὸ τοῦ νόμου ὡς παραβάται.

PARAPHRASIS. Si tamen nil aliud intenditis divites honore prosequendo quam adimplere præstantissimum illud Domini mandatum : Diliges proximum tuum sicut teipsum, bene facitis. Si vero in hoc personas accipitis, utique peccatum admittitis, lege vos arguente tamquam violatores.

§. 8. Si tamen legem perficitis regalem secundum Scripturas cet.) Ne ex verbis suis male intellectis alicui errandi ac divites vituperandi occasio præbeatur, et ut simul omni vanæ excusationi via præcludatur, Apostolus mentem suam disertius aperit. Non omnem erga divites reverentiam prohiberi declarat : magnum quippe dari discrimen inter reverentiam eam quæ ex studio legis Charitatis adimplendæ proficiscatur, et illam quæ ex fædo acceptionis personarum vitio ortum ducat. Priorem si exhibueris, minime ad te pertinet superior illa reprehensio : immo præstantissimum Domini

mandatum perfeceris; ad posteriorem vero si declinaveris, utique peccatum admiseris.

Particula *μεντοι*, quæ hic transitioni inservit, conjunctio *discretiva* est, significans *sane*, *tamen*: eaque ultima significatio omnium frequentissima est, ut notat HERMANNUS *ad Viger. pag. 843*. Cf. Joh. IV. 27; VII. 15. etc. Componitur autem particula hæc ex *μεν quidem*, et enclitica *τοι* quæ adverbis et conjunctionibus annecti solet.— *Νομος* h. l. præceptum singulare denotat ut Rom. VII. 3, videlicet præceptum charitatis erga proximum: quod ratione suæ *præstantiæ βασιλικον* dicitur. Hoc est enim præceptum quasi peculiare CHRISTI (Joh. XV. 12), *simile maximo et primo* (Matt. XXII. 38. sqq.), quod qui servat *legem implevit*, quia *plenitudo legis est dilectio* (Rom. XIII. 8. 10). Eodem plane sensu classici scriptores adjectivum *βασιλικον* adhibuere. Ita XENOPHONTES *Sympos. I. 8. βασιλικον καλλος* commemorat; PHILO pariter *quod omnis probus liber*, pag. 888 ait: *βασιλικωτερον ουδεν αρετης*. Nec alio sensu adjectivo *regali* usus est CICERO *De off. I. 12* (1). Galli ipsi vocem *royal* de aliqua re in suo genere valde præstanti nonnumquam usurpant (2).

Locutio *κατα την γραφην* nil prorsus differt a locutionibus *κατα το γεγραμμενον*, *καθως ειπεν η γραφη*, *καθως γεγραπται*, et similibus, quæ verbis sacris recitandis inserviunt. Præceptum porro quod hic allegatur, ex septuaginta-virali versione Levit. XIX. 18 verbotenus desumitur. Sub veteri tamen Lege, non ea, quam ex divina CHRISTI ordinatione (Matt. V. 44; Joh. XIII. 34; XV. 12. etc.) obtinuit, amplitudine et excellentia gaudebat. — *Αγαπησεις*: frequentissimus est, etiam apud classicos, usus Futuri pro Imperativo in *jubendo* et *præcipiendo*, ut leniori orationis forma præceptum emolliatur. — Pro *εαυτον* codices plurimi habent *σταυτον*. Ceterum « Pronomen *εαυτου*, uti scribit ill. BEELEN (*Gram. Græc. pag. 146*), quod, si originem ejus spectes, ad tertiam personam proprie pertinet, non raro etiam cum prima et secunda Persona construitur ubi hoc nocere nequeat perspicuitati orationis. » In singulari tamen nonnisi secundæ Personæ, et quidem rarius, jungitur ut Joh. XVIII. 34. — Verba *sicut teipsum* non *æqualitatem* sed *similitudinem* tantum dilectionis impor-

(1) *Regalis* sane et digna *Æacidarum* genere sententia.

(2) Cf. *Dict. de l'Acad.* ad h. v.

tare manifestum est. Cujus rationem reddit D. TH. 2. 2. q. 26. a. 4. in corp.: « Deus, ait, diligitur ut principium boni super quo fundatur dilectio eharitatis. Homo autem seipsum diligit ex eharitate secundum rationem qua est particeps prædicti boni. Proximus autem diligitur secundum rationem societatis in ipso bono. Consoeatio autem est ratio dilectionis secundum quamdam unionem in ordine ad Deum. Unde sicut unitas potior est quam unio, ita quod homo ipse particeps bonum divinum, est potior ratio diligendi, quam quod alius associetur sibi in hac participatione. Et ideo homo ex charitate debet magis seipsum diligere quam proximum. »

§. 9. Si autem personas accipitis, peccatum operamini, cet.)

Si vero (δε) non ex motivo eharitatis, sed solius externi status aut splendoris habita ratione, divitem honoratis, idque non sine pauperis injuria, tunc utique peccatum operamini, lege vos arguente tamquam transgressores. — Participium passivum praesentis temporis *ελεγχόμενοι* per participium latnum iterum adaequate reddi non poterat : vertendum autem erat in Verbum finitum, ope conjunctionis quippe (*quippe qui arguimini a lege* etc.), ut rei natura satis manifestum facit; aut ablativus absolutus adhibendus erat (*lege vos arguente*). Legem autem, quæ hic arguere dicitur, intelligunt nonnulli legem Levit. XIX. 15 acceptionem personarum expresse prohibentem. Verum, si hanc cogitasset Apostolus, non video cur legem illam non disertius allegasset, uti de lege charitatis modo fecerat. Itaque legem plurimi interpretantur de ipsa lege regali : *Diliges proximum tuum sicut teipsum*, quam sane transgreditur is qui personas accipiendo unum præ altero indebito cultu prosequitur. Non desunt tamen qui legem in universum intelligendam esse putent : tum quia Apostolus absolute dicit του νομου, tum quia hac interpretatione nexum eum sequentibus facilius constitui existimant.

§. 10-11. Quicumque autem totam legem servaverit, offendet autem in uno, factus est omnium reus. " Qui

§. 10-11. "ὅστις γὰρ ὅλον τὸν νόμον τηρήσει", πταισεί δὲ ἐν ἐνί, γέγονε πάντων ἑνοχος. Ὁ γὰρ εἰπών· μὴ μοχλεύσῃς

enim dixit, Non mœchaberis, dixit et, Non occides. Quod si non mœchaberis, occides autem, factus es transgressor legis.

εἶπε καὶ μὴ φονεύσης· εἰ δὲ οὐ μοιχεύσεις^b, φονεύσεις δὲ, γέγονας παραβάτης νόμου.

PARAPHRASIS. Neque putetis leve quid esse in hoc uno legem transgredi : quicumque enim, servatis ceteris omnibus legis mandatis, unum tantum transgressus fuerit, quasi omnia violaverit reatu tenetur. Nam qui dixit : non mœchaberis, dixit pariter : non occides. Quod si non mœchatus quidem, occidas tamen, factus es simpliciter transgressor legis atque contemptor legislatoris.

VARIANS LECTIO.

a) BC, THEOPHYLACTUS, OECUMENIUS, HIERONYMUS atque Vulgata legunt *τηρησῇ* : *παισῇ* pariter apud eosdem occurrit, et insuper in cod. A.

b) Lectionem *μοιχεύσεις*, *φονεύσεις*, auctoritate præstare putaverim.

ŷ. 10-11. Devenimus jam ad locum explicatu difficillimum, uti testatur ipse AUGUSTINUS, qui de his Apostoli verbis ad HIERONYMUM prolixè scribens (1) : « quæso, ait, et per Deum obsecro ut exponas mihi, quod multis existimo profuturum, aut si jam vel abs te vel ab alio aliquo expositum habes, dirigas nobis, quomodo accipiendum sit quod in epistola JACOBI apostoli scriptum est, *quicumque enim totam legem servaverit, offendet autem in uno, factus est omnium reus*. Quæ res talis ac tanta est, ut quod hinc tibi non jam olim scripsi, multum me pœniteat. » HIERONYMUS tamen dispu-

(1) *Epist. CLXVII* (alias *XXIX*). Opp. tom. II.

tationem hae de re instituere non opportunum duxit, sed brevissime respondit (1) : « Duobus libellis tuis (*de origine animæ ac de sententia Jacobi*) quos meo nomini dedicasti, eruditissimis et omni eloquentiæ splendore fulgentibus, ad tempus respondere non potui : non quo quidquam in illis reprehendendum putem; sed quia juxta beatum Apostolum : *unusquisque in suo sensu abundet; alius quidem sic, alius autem sic* (Rom. XIV. 5). Certe, quidquid diei potuit, et sublimi ingenio de Scripturarum sanctarum hauriri fontibus, a te positum atque dissertum est. » Sententiam porro AUGUSTINI suo loco proferemus : ut autem in hujusmodi quæstione aliquid proficere valeamus, imprimis inquirendum nobis est, quemnam scopum in hisce proferendis Apostolus sibi præstituerit, sive quonam logico nexu præsens pericopa cum antecedentibus cohæreat. Textum igitur inspiciamus :

Quicumque autem totam legem servaverit, offendet autem in uno, factus est omnium reus.) Jam vero sciendum est, pro conjunctione autem quæ in Vulgata nostra legitur, in textu græco particulam *γὰρ* absque lectionis varietate occurrere. Huic concinit Syrus, neenon AUGUSTINUS qui et ipse *enim* habet. Ex altera parte *γάρ* pro *de* alicubi positum fuisse, nullo firmo exemplo hactenus probari potuit. Quæ eum ita sint, minime dubitandum est logicum orationis nexum ex particula *γὰρ* desumendum esse. Non omnes tamen in illo definiendo consentiunt. Existimant siquidem nonnulli particulam *γὰρ* ad ultima præcedentis versiculi verba esse *directe* referendam : ita ut præsentem sententiam Apostolus adduxerit ad probationem ejus quod proxime dictum est : *redarguti a lege quasi transgressores*. Hunc igitur sensum statuunt : *notite mirari quod absolute pronuntiaverim vos quasi transgressores argui a lege, nam reapse quicumque totam legem servaverit, uno tantum præcepto neglecto, hic factus est omnium reus*. Ita ESTIUS, SALMERO, POTT et alii. Nec diffidendum est huic sententiæ nonnihil roboris accedere ex verbis quibus Apostolus ratiocinationem suam vers. 11 claudit : *factus es transgressor legis*. Hanc ceteroquin cum contexta oratione satis cohærrere nemo non videt.

Non desunt tamen qui alteram sententiam præferendam arbitren-

(1) Opp. S. AUGUSTINI tom. II. pag. 612.

tur. Hi nimirum vim *ætiologicam* particulæ γὰρ non respuunt : verum conjunctionem hanc non *directe* ad antecedentem sententiam referri, sed *elliptice* poni, eamque sententiæ *subintellectæ*, non expressæ, rationem reddere defendunt : qui sane usus particulæ γὰρ in libris N. T. haud infrequens est (†). Sententiam porro subintelligendam eam esse putant, quam S. AUGUSTINUS, et post eum Ven. BEDA, innuit, videlicet : *ne putetis contemptibile esse peccatum in hac una re legem transgredi : nam etiamsi aliunde totam legem servaveritis, ob hanc tamen unam transgressionem totius legis violatæ rei constituemini*. Notat quippe cl. VASQUEZ (in 1. 2. q. 73. a. 1. annot.) ex BURGENSE : « errorem Phariseorum fuisse, ut putarent non damnari cum qui majori ex parte legem observaret, quasi homines salvarentur qui majorem cumulum bonorum operum haberent quam peccatorum. » Ad hunc igitur errorem in auditoribus suis aut præcavendum aut præscindendum, sententiam illam JACOBI protulerit : *quicumque totam legem servaverit* etc. Equidem putaverim, admissa hac interpretatione, orationem Apostoli vividiorē fieri atque minus in abstracto versari. Et huic sententiæ suffragari videtur Vulgatus auctor dum pro γὰρ scribit *autem*. Quamvis enim in casu dicendus foret interpretem potius quam translatores egisse, si tamen eum, quem exposuimus, nexum in mente reapse habuerit, illum aliter quam per conjunctionem *autem* exprimere non poterat.

Quædam nunc de verbis ipsis annotanda veniunt. *Quicumque totam legem servaverit, offendat autem in uno*, h. e. *quicumque omnia legis mandata, uno excepto, servaverit*. Exceptiones quippe in S. Litteris nonnumquam ita exprimuntur, ut absolute primo *totum* affirmetur, et deinde negetur *pars* illa quæ excipitur. Ad hunc modum dicit CHRISTUS (Matt. XII. 31) : *omne peccatum, et blasphemia remittetur hominibus, spiritalis autem blasphemia non remittetur*. — Εν τινι scilicet νόμῳ, particulari tamen ut v. 8. — Πάντων scil. νόμων itidem particularium, quique όλον τον νόμον constituunt. — Ενεχός (ab ενεχεται) proprie est *adstrictus, alligatus* : quo sensu in N. T. non occurrit.

(†) Sic v. g. Act. IV. 22, particula γὰρ non est *directe* referenda ad expressam sententiam : *et omnes Deum celebrabant propter id quod evenerat*, sed ad hanc subintellectam : *et vero valde illustre erat hoc miraculum*. Pariter IX. 41, ante γὰρ supplenda est hæc sententia : *neque timeas illum adire*. — Plurima exempla dabit WAHL *Clavis N. T.*, ad voc. γὰρ sub b.

Metaphorice vero eum generatim designat qui *moralī quodam vinculo quasi vinctus et obstrictus est*, et specialim *criminis reum* aut *obnoxiū pœnæ* deuotat. Construitur modo cum *Genitiuo* (I Cor. XI. 27), modo cum *Datiuo* (Matt. v. 21), modo cum *etiā* et *Accusatiuo* (Matt. V. 22), quod tamen pro simplici *Datiuo* scriptum videtur.

§. 11. *Qui enim dixit, Non mæchaberis, dixit et, Non occides, cet.*) Rationem (γὰρ) affert cur ille qui offendit in uno fiat omnium reus. Ratio autem hæc desumitur ex identitate legislatoris, cujus auctoritas, uti modo, S. THOMAS secuti, dicemus, non minus in transgressione hujus quam illius præcepti negligitur: ita ut si, servato uno præcepto, alterum transgressus fueris, legislatorem simpliciter contempseris, ideoque tamquam legis transgressor traduceris.

Καὶ valet hic etiam. — Particula δὲ, quæ priori loco occurrit, est *continuantis* argumentationem, ut Rom. VII. 16. Reddi potest per conjunctionem *quod, jam vero*. — Quod ad Perfectum γέγονας attinet, sciendum est, quod monet ill. D. BELEN (*Gram. Græc. pag. 291*): « Perfectum nonnumquam de actione futura adhibitum legi in Apodosi post Protasin quam ducit particula εἰ, εἴν, sequente Futuro aut Aoristo (vid. tamen var. lect.); quo casu ea est Perfecti vis ut indicet summam rei futuræ certitudinem, sive rem tam certo futuram, ac si jam facta esset. » Qui Perfecti usus nec Latinis ignotus fuit. Sic LIVIUS alicubi scripsit: *Si tales animos in prælio habebitis, quales hic ostenditis, vicimus*. — Vocem ποῦν de lege in universum intelligendam esse dubitaverit nemo qui attenderit Apostoli ratiocinationem, cujus hoc comma conclusio est, ad id unice tendere, ut demonstret *omnium reum* fieri eum qui vel in uno offendat.

Jam vero inquirendum nobis est quonam sensu præsens Apostoli sententia *theologice* vera sit. Ea quippe graviter abusi sunt sæc. XVI Novatores, ex hoc præsertim loco eruere contententes commentitiam prorsus esse illam, quam Ecclesia Catholica ab omnibus retro sæculis semper agnovit, peccatorum in *mortalia* et *venialia* distinctionem. In hoc autem Apostoli sensu definiendo non parvam difficultatem jacere, præter ea, quæ modo recitavimus, AUGUSTINI verba, et eam, quam memoravimus, HIERONYMI hæsitacionem, varia interpretum ad illam sententiam explicandam conamina satis produnt.

Imprimis porro non eam fuisse JACOBI mentem ut senserit peccata

adeo esse connexa, ut non possit unum admitti quin eo ipso cetera omnia simul admittantur, quod Stoici olim et post eos Novatiani somniarunt, ipse manifestum facit. Aperte enim significat totam legem servari posse, uno excepto; et aliquem furari posse quin mœchia peccato contaminetur. Et eum quidem qui furtum admisit non ideo homicidii et adulterii et calumnie et aliorum criminum reum dici posse, recta ratio clamat.

Deinde quando dicit Apostolus *omnium reum fieri eum qui offendit in uno*, culpam utique gravem audit, uti ex allegatis statim exemplis (v. 11) patet. Acceptionem autem personarum ad grave peccatum pertinere posse, v. g. si in judiciis vel in rerum spiritualium dispensatione obtineat, aut cum gravi alterius detrimento fiat, apud omnes Theologos in confesso est. Aliunde non omnia indiscriminatim peccata æque gravia JACOBUM reputasse, quod tamen sectarii jactitare solent, vel ex ea distinctione quam cap. I. 15 inter partem peccati et ipsius consummationem instituit, abunde constat. Insuper, cap. III. 3 scribit: *in multis offendimus omnes*; si igitur ex mente Apostoli omnia peccata mortalia dicenda forent, ultro sequeretur inde *omnes* omnino fideles ipsumque JACOBUM *omnium reos* fuisse, nec proinde *justos*. Et tamen cap. V. 16 auditores suos ad orandum pro invicem hortatur quia *multum valet deprecatio justis apud Deum*.

Et hæc quidem extra dubii aleam posita sunt. Nunc vero videntum est quonam sensu JACOBI sententia ea, quam diximus, ratione restricta, consistere queat. Ad quod explicandum varias, uti jam innuimus, vias interpretes inierunt.

Et primo quidem, non defuere qui, difficultate rei componendæ pressi, asserere non dubitarent pro πάντων (v. 10) legendum esse πάντως, ita ut sensus sit: quisquis totam legem servaverit, peccaverit autem in uno, reus omnino fit. Hæc utique via ad difficultatem expediendam facillima apparet: sed merum commentum est, nulla prorsus codicum auctoritate nixum, ac proinde nihili habendum.

Alii putant JACOBUM, Hebræorum (1) morem secutum, numerum *cardinalem* pro *ordinali* posuisse, et sic εν ένι idem valere ac εν πρώτῳ.

(1) Verum notandum est usum numeri *cardinalis* יחיד pro *ordinali* positi, vix obtinere nisi in numerandis mensium diebus. Quod autem dicunt יחיד ימים hoc valet Gallorum: *l'an un*. Cf. Geseui lexicon ad h. v.

Quem usum in libris N. T. plurics obtinere observant: v. g. Matt. XXVIII. 1; Marc. XVI. 2 etc., ubi, aiunt, *μία σαββάτων* pro *πρωτῇ σαββάτων* indubie ponitur. Illam autem *primam* legem intelligunt qua præcipitur dilectio proximi: in qua quia tota lex recapitulatur (Rom. XIII. 9), ideo omnium reus fit qui eam unam transgreditur, v. g. personarum acceptionem admittendo. Verum philologicum hujusce sententiæ fundamentum maxime infirmum est. Nam etiamsi probare possent nomen *cardinale* εἰς eo sensu alicubi adhibitum esse ut non tantum vim *ordinatis* nominis habeat, sed et *primariæ dignitatis* notionem includat, quod ad thesim suam firmandam necessario statuere debent, attamen hanc notionem in præsentī casu non obtinere, vel defectus articuli satis demonstraret. Deinde, admissa hac interpretatione, non amplius apparet quomodo vers. 10 cum insequenti cohareat.

AUGUSTINI sententiā, quam et Ven. BEDA suam fecit, et quæ pariter THEOPHYLACTO et OECUMENIO placuit, sequenti modo proponitur prælaudatæ epistolæ cap. V. n. 16: « Unde fiet omnium reus, si in uno offēdat, qui totam legem servaverit? An forte, quia plenitudo legis charitas est qua Deus proximusque diligitur, in quibus præceptis charitatis tota lex pendet et Prophetæ (Matt. XXII. 40), merito fit reus omnium, qui contra illam facit, in qua pendent omnia? Nemo autem peccat, nisi adversus illam faciendo: quia, *non adulterabis, non homicidium facies, non furaberis, non concupisces, et si quod est aliud mandatum, in hoc sermone recapitulatur*, in eo quod est, *Diliges proximum tuum tanquam teipsum. Dilectio proximi malum non operatur. Plenitudo autem legis, charitas* (Rom. XIII. 9. 10). Nemo autem diligit proximum, nisi diligens Deum, et hoc, quantum potest proximo impendat, quem diligit tanquam semetipsum, ut et ille diligit Deum: quem si ipse non diligit, nec se, nec proximum diligit. Ac per hoc qui totam legem servaverit, si in uno offēderit, fit omnium reus; quia contra charitatem facit, unde tota lex pendet. Reus itaque fit omnium, faciendo contra eam in qua pendent omnia. » Dein N. 17 objectioni occurrit: « Cur ergo non dicantur paria peccata? An forte quia magis facit contra charitatem qui gravius peccat, minus, qui levius? et hoc ipso quod admittit, fit quidem omnium reus: sed gravius peccans, vel in pluribus peccans, magis reus; levius autem vel in paucioribus peccans, minus reus: tanto majore scilicet reatu, quanto amplius; tanto minore, quanto minus peccaverit: tamen

etiamsi in uno offenderit, reus omnium est, quia contra eam facit in qua pendent omnia? » Hæc AUGUSTINUS. Verumtamen, ingenue dicam, salva reverentia tanto doctori debita, hæc ejus expositio quietem mihi nondum facit. Quamvis enim *in se vera* sint ea quæ ibidem disputat, vereor tamen an Apostoli mentem in præsentī loco referant: nec enim, admissa hujusmodi interpretatione, vim argumentationis vers. 11. Institutæ perspicio.

Alias hypotheses ad præsentem difficultatem solvendam excogitatas enarrare supersedeo: secus enim recensionis nostræ vix esset finis. Quod si in tanto opinionum conflictu, aliquid proponere liceret, multum propenderem in illam simplicissimam Doctoris Angelici sententiam, quam *Sum. 1. 2. q. 73. a. 1. ad 1* tradit: « Dicendum, ait, quod JACOBUS loquitur de peccato non ex parte conversionis, secundum quod peccata distinguuntur: sed loquitur de eis ex parte *aversionis*, in quantum scilicet homo peccando recedit a legis mandato: omnia autem legis mandata sunt ab uno et eodem, ut ipse ibidem dicit: et ideo idem Deus contemnitur in omni peccato; et ex hac parte dicit, quod *qui offendit in uno, factus est omnium reus*; quia scilicet uno peccato peccando incurrit pænæ reatum ex hoc quod contemnit Deum, ex cujus contemptu provenit omnium peccatorum reatus. » — Atque hæc explicatio ad argumentationem et scopum Apostoli optime quadrare videtur, sive dicas ipsum personarum acceptores legis transgressores esse probare voluisse; sive potius ipsum auditores suos ab errore, quo nonnulli putaverint unius præcepti violationem non aliquid grave esse nec saluti obfuturum, avertere existimes.

ῥ. 12-13. Sic loquimini, et sic facite sicut per legem libertatis incipientes judicari. ¹³ Judicium enim sine misericordia illi, qui non fecit misericordiam: superexaltat autem misericordia judicium.

ῥ. 12-13. "Οὕτω λαλεῖτε καὶ οὕτω ποιεῖτε ὡς διὰ νόμου ἐλευθερίας μέλλοντες κρίνεσθαι· ¹³ ἡ γὰρ κρίσις ἀνίλεως τῷ μὴ ποιήσαντι ἔλεος· κατακαυχᾶται ⁸ ἔλεον κρίσεως.

PARAPHRASIS. *Sic loquimini et sic agite, tamquam qui per legem Evangelicam, quæ ceteroquin veræ libertatis lex est, judicandi sitis. Judicium quippe absque misericordia erit respectu illius qui erga proximum misericordem se non exhibuerit: misericordia vero præstita judicium superat ac vincit.*

VARIANS LECTIO.

a) Magna hic cernitur codicum varietas: etenim A legit *κατακαυχασθε*; B, teste BENTLEIO, *κατακαυχαι*, item *κατακαυχᾶτε* vel *κατακαυχᾷτε*; C*, cui concinit Syrus, *κατακαυχασθε*; TISCHENDORFIUS probatiorem habet lectionem *κατακαυχᾶται* quam exhibent BCK, minusculi plures, atque Itala. Eodem modo legerunt THEOPHYLACTUS et OECUMENIUS.

§. 12-13. *Sic loquimini, et sic facite, cel.)* Generalis hæc admonitio transitio est qua præcedentem exhortationem de personarum acceptione sedulo fugienda Apostolus claudit, simulque thema de operibus misericordiæ exercendis aperit. Quo themate tamquam exemplo præclare utitur ad illustrandam doctrinam de necessitate bonorum operum ad salutem: hæc autem doctrina, uti jam diximus, velut primarium epistolæ objectum apparet.

Præsentem pericopam sequenti paraphrasi reddiderim: *sic loquimini et sic agite, tamquam qui per Legem Evangelicam, quæ ceteroquin veræ libertatis lex est, judicandi sitis. Judicium quippe absque misericordia erit respectu illius qui erga proximum misericordem se non exhibuerit: misericordia vero præstita judicium superat ac vincit.*

sicut per legem libertatis incipientes judicari.) Pro incipientes judicari, græce legitur *μελλοντες κρίνεσθαι*: quæ structura in libris N. T. haud infrequens est, ita tamen ut *μελλειν* cum Infinitivo Præsentis ibidem plerumque construat, dum econtra apud

Græcos cum Infinitivo Futuri *frequentissime*, cum Infinitivo vero Præsentis *minus frequenter* constructum occurrat. Quamvis et hoc ultimum alienum videri non debeat, cum ipsum verbum *μελλειν* notionem Futuri jam includat. Non est porro existimandum hujusmodi structuram meram esse Futuri periphrasim. « Nam, uti notat HERMANNUS *ad Viger pag. 754. n. 200*, ποιήσω, ut *faciam*, futurum est aoristum, i. e. indefinitum, ea indicans quæ aliquando, quandoque id sit, eventura sint. Μελλω ποιῆν autem, *facturus sum*, futurum est præsens, significans nunc aliquem in eo esse, ut quid facturus sit. » Et putaverim quidem HIERONYMUM hoc discrimen specialius connotare velle, quoties *μελλειν* per verbum *incipere* reddit (cf. Marc. XIII. 4; Joh. IV. 47; Act. III. 3. etc.). Sæpius tamen pro structura græca Verbum Substantium cum Participio Futuri Temporis posuit. — Διὰ hic usurpatur, ut Rom. II. 12, de *instrumento per quod* quid efficitur. *Lex* autem *libertatis* non alia intelligenda est quam lex Evangelica : quam Apostolus, iudicium ad ipsius normam instituendum commemorans, non sine industria legem libertatis vocat. Quonam sensu lex Evangelica sit lex libertatis, ad cap. I. 23 (pag. 83) diximus.

γ. 13. *Judicium enim sine misericordia illi, qui non fecit misericordiam.*) Explicat (γάρ) cujusmodi futurum sit iudicium per legem libertatis instituendum, simulque innuit quomodo loqui et agere debeant ii qui per illam legem quondam judicandi sunt. Manifestissime porro alludit ad doctrinam ab ipso CHRISTO traditam Matt. XVIII. 23-35; XXV. 34-46.

Ἀνελεος (sic enim cum plurimis et probatissimis codicibus legendum est), pro quo Græci dixerint ἀνηλεης aut certe ἀνελεης, analogice ex α priv. et ελεος formatum, proprie est *immisericors*. — Τῷ μὴ ποιήσαντι ελεος Dativus est *incommodi*. Ποιῆν ελεος locutio est hebraica קָחַ חַיִּימָה quæ, ubi de homine usurpatur, notat benigne et humanitas cum aliquo, maxime cum misero, agere.

superezzaltat autem misericordia iudicium.) Græce : κατακαυχᾶται ἔλεος κρίσιως. Verbum κατακαυχῶμαι quater in N. T. occurrit, nempe : hic et infra cap. III. 4; bis vero Rom. XI. 18. Iam vero, si præsentem locum excipias, reperies HIERONYMUM ver-

bum istud per locutionem *gloriari adversus* ubique reddidisse. Et re quidem vera, κατακαυχῶμαι τινος, quod idem est ac καυχῶμαι κατὰ τινος, est ita *gloriosior ut alterum præ me contemnam*. Quam notionem hic etiam obtinere non dubitaverim, ita ut, dempla metaphora, voluerit JACOBUS significare eos, qui misericordiam proximo suo impenderint, divinum judicium minime reformidaturos; quia misericordia quodammodo *superat ac vincit* judicium, quatenus ejus severitatem flectit et emollit, sicque *adversus* ipsum quasi *gloriatur*. Dixit quippe CHRISTUS: *Beati misericordes, quoniam ipsi misericordiam consequentur* (Matt. V. 7). — Hæc igitur sententia præcedenti *antithetice* respondet: et ex *asyndeto* (nam juxta probatorem lectionem nulla particula hic agnoscenda est) fortior evadit oppositio (cf. supra cap. I. 19). Haud aliter Apostoli verba syrus interpres intellexit: ea enim interpretatur: **فَمُتَكَبِّرِينَ بِإِدْنِهِمْ** h. e. *gloriantes vos propter misericordias supra judicium*.

Nec improbabilis apparet ERASMI conjectura qui codices latinos vitiatos esse suspicatur, et pro *superexaltat* legendum esse *superexultat*, quemadmodum et AUGUSTINUS *cit. epist. XXIX. n. 19 et epist. LXXXIX. n. 36* legit: *superexultat* *judicio*. Vetus Italia habet: *supergloriatur autem misericordia judicium*.

§. 14. Quid proderit fratres mei si fidem quis dicat se habere, opera autem non habeat? Numquid poterit fides salvare eum?

§. 14. Τί τὸ ὄφελος, ἀδελφοί μου, εἰὰν πίστιν λέγῃ τις ἔχειν, ἔργα δὲ μὴ ἔχῃ; μὴ δύναται ἡ πίστις σώσαι αὐτόν;

PARAPHRASIS. *Quænam est utilitas, fratres mei, si fidem dicat aliquis se habere, opera vero bona non curet? Numquid potest ipsum sua fides salvum facere?*

Ad eam epistolæ partem nunc pervenimus; quæ LUTHERO bilem maxime movit, et propter quam in totam epistolam stolidè debacchatus est. Ex hac enim pericopa (14-26) occasionem sumpsit ipsam, uti

spuriam, e sacrorum librorum canone expungendi : illud quidem prætexens, quod doctrinæ PAULI adversaretur; re autem vera, ea sola ratione ductus, quod placitis suis aperte contradiceret. Ceteri Novatores qui epistolam JACOBI rejicere opportunum non existimaverunt, non minus ridiculos se præbent dum, ad elevandam vim argumenti quod ex præsentī loco adversus fundamentale ipsorum principium Catholici urgere solent, Apostoli verba contorquent et ad absurdissimam sententiam reducunt. Cum porro ex logica systematis necessitate interpretationem suam conflingere debuerint, putaverim illam non posse satis recte intelligi ac refelli, nisi perspectum habueris quænam sint in negotio renovationis ac salutis humanæ fidei et operum partes, sive in systemate Novatorum, sive in doctrina Catholica. Ne prolixiores simus, cavebimus : locus ceteroquin dignus est qui copiosius a nobis illustretur.

Protestantes, posito semel principio, « justitiam esse de natura hominis; ea autem per peccatum amissa, non mansisse integra naturalia » (LUTHERUS in *Genes. cap. III*), consequenter « docent, quod post lapsum Adæ omnes homines, secundum naturam propagati, nascantur cum peccato, hoc est, sine metu Dei, sine fiducia erga Deum, et cum concupiscentia » (*Confess. August. Art. II. p. 12*). Credunt « igitur, quod hominis non renati intellectus, cor et voluntas in rebus spiritualibus et divinis prorsus nihil intelligere, credere, amplecti, cogitare, velle, inchoare, perficere, etc., possint.» Et affirmant « hominem ad bonum (vel cogitandum vel faciendum) prorsus corruptum et mortuum esse : ita quidem, ut in hominis natura, post lapsum, et ante regenerationem, ne scintillula quidem spiritualium virium reliqua sit » (*Solid. Declar. II. de lib. arbitr., § 7, p. 629*). Consequenter homo « ad conversionem suam prorsus nihil conferre potest » (*Ibid. § 43. p. 644*). « Etsi autem Dominus hominem non cogit, ut convertatur.... attamen trahit Deus hominem, quem convertere decrevit » (*Ibid.*). Illum porro per *fidem* trahit. « Sola fide in Christum, non per dilectionem, non propter dilectionem aut opera consequimur remissionem peccatorum, etsi dilectio sequitur fidem » (*Apolog. IV. de justific., § 26. p. 76*). Hæc autem fides obtinet, « cum credunt se in gratiam recipi, et peccata remitti propter Christum, qui sua morte pro nostris peccatis satisfecit » (*Confess. Aug. art. IV. fol. 13*). « Justa igitur fidel definitio est, si dicamus esse

divinae erga nos benevolentiae firmam certamque cognitionem, quae gratuita in Christo promissionis veritate fundata, per Spiritum Sanctum et revelatur mentibus nostris et cordibus obsignatur.» (CALVIN. *Instit.*, I. III. c. 2. §. 7. fol. 195.) « Fides vero tantum eam ob causam justificat, et inde vim illam habet, quod gratiam Dei et meritum Christi in promissione Evangelii tamquam medium et instrumentum apprehendit et amplectitur.» (*Solid. Declar.* III. de fidei justif. §. 36. p. 662.) « Interim diligenter in hoc negotio cavendum est, ne bona opera articulo justificationis et salutis nostrae immisceantur.» (*Solid. Declar.* IV. §. 13. p. 672.) Nec post justificationem magis necessaria sunt homini opera. « Ita dives est homo christianus, etiam volens non potest perdere salutem suam quantiscumque peccatis, nisi nolit credere. Nulla enim peccata eum possunt damnare, nisi sola incredulitas. Cetera omnia, si redeat vel stet fides in promissionem divinam baptizato factam, in momento absorbentur per eandem fidem.» (LUTHER. *de Captivit. Babyl.*, tom. II. fol. 284.)

En quae statuit Reformatio de opere justificationis et renovationis humanæ! Homo, si fidem, i. e. fiduciam in gratuita Dei misericordia, habeat, non potest non justificari. Nec cogitari potest fides quae non justificet, quia omnis fides, eo ipso quod fides sit, gratiam Dei et meritum Christi apprehendit, in qua apprehensione justificationem totam jacere dicunt. Et hoc praestat fides quamdiu perdurat.

Istis delirantium placitis ex adverso respondet Ecclesiae catholicae doctrina. Cum enim firmiter credat, per peccatum originale in homine « liberum arbitrium minime extinctum esse, viribus licet attenuatum, et inclinatum » (*Conc. Trid. sess. VI. de justific. cap. I*), propriam in ipso, ad gratiam justificationis obtinendam, dispositionem consequenter requirit : « ita ut, tangente Deo cor hominis per spiritus sancti illuminationem, neque homo ipse nihil omnino agat, inspirationem illam recipiens, quippe qui illam et abjicere potest, neque tamen sine gratia Dei movere se ad justitiam coram illo libera sua voluntate possit » (*cap. V*). « Disponuntur autem ad ipsam justitiam, dum excitati divina gratia, et adjuti, fidem ex auditu concipientes, libere moventur in Deum, credentes vera esse, quae divinitus revelata, et promissa sunt; atque illud imprimis, a Deo justificari impium per gratiam ejus, per redemptionem, quae est in

CHRISTO JESU : et dum peccatores se esse intelligentes, a divinæ justitiæ timore, quo utiliter concutiuntur, ad considerandam Dei misericordiam se convertendo, in *spem* eriguntur, fidentes Deum sibi propter CHRISTUM propitium fore : illumque, tamquam omnis justitiæ fontem, *diligere* incipiunt; ac propterea moventur adversus peccata per odium aliquod, et detestationem, hoc est, per eam poenitentiam, quam ante baptismum agi oportet : denique dum proponunt suscipere baptismum, inchoare novam vitam, et servare divina mandata » (*cap. VI*). « Hanc dispositionem, seu præparationem justificatio ipsa consequitur, quæ non est sola peccatorum remissio, sed et sanctificatio, et renovatio interioris hominis per voluntariam susceptionem gratiæ et donorum, unde homo ex injusto fit justus, et ex inimico amicus, ut sit heres secundum spem vitæ æternæ » (*cap. VII*). Itaque « quum Apostolus dicit, justificari hominem per fidem, et gratis; ea verba in eo sensu intelligenda sunt, quem perpetuus Ecclesiæ catholicæ consensus tenuit, et expressit : ut scilicet per fidem ideo justificari dicamur, quia fides est humanæ salutis initium, fundamentum, et radix (1) omnis justificationis, sine qua impossibile est placere Deo, et ad filiorum ejus consortium pervenire : gratis autem justificari ideo dicamur, quia nihil eorum, quæ justificationem præcedunt, sive fides, sive opera, ipsam justificationis gratiam promeretur. Si enim gratia est, jam non ex operibus, alioquin, ut idem apostolus inquit, gratia jam non est gratia » (*cap. VIII*). Sic porro « justificati, et amici Dei, ac domestici facti,...

(1) Hæc concilii verba præclare illustrat Card. TOLETUS, *Comm. in Epist. ad Rom.* ad cap. III. 22.; quem ideo hic recitare operæ pretium duximus. « Fides, ait, est initium, fundamentum et radix ceterarum dispositionum. Et *initium* quidem dicitur, quia ipsa præcedit; nisi enim peccator peccasse se contra Deum, et per Christum sibi justitiam oblatam credat, — nec sperat, nec diligit, nec se peccasse dolet; fides ergo initium est. *Fundamentum* autem dicitur, quia ipsi ceteræ innituntur; ablata namque fide, ceteræ corruunt, nec subsistere possunt; ceteris vero sublati, non continuo fides destruitur : sicut ablato fundamento ædificium ruit; non autem e contrario, ædificio destructo, fundamentum eruitur. *Radix* tandem dicitur, quia ad ceteras dispositiones producendas ipsa concurrat; non quod hæc necessario consequantur fidem, nec quod sola fides sine adjutorio supernaturali eas inducat; sed quod ex parte ad actus tales producendos concurrat una cum auxilio divinæ gratiæ. Charitati enim proponitur per fidem Deus amandus; spei per fidem offertur Dei misericordia speranda; timori justitia timenda; poenitentię peccatum et offensa dolore et contritione punienda. »

per observationem mandatorum Dei, et Ecclesiæ, in ipsa justitia per CHRISTI gratiam adepta, cooperante fide bonis operibus, crescunt, atque magis Justificantur » (cap. X). « Nemo autem, quantumvis Justificatus, liberum se esse ab observatione mandatorum putare debet;..... Nemo sibi in sola fide blandiri debet, putans fide sola se heredem esse constitutum, hereditatemque consecuturum, etiamsi CHRISTO non compatiatur, ut et conglorificetur » (cap. XI).

Itaque ex doctrina Catholica, fides quæ hominem ad Justificationem disponit ac preparat, non est vana illa, quam Novatores finxere, fiducia; sed ea fides quæ est *actus intellectus assentientis divinæ veritati ex imperio voluntatis motæ per gratiam* (S. TH. 2. 2. q. 2. art. 9). Nec fides sola, quantumvis vera fides sit, hominem justificat, sed necesse est ut aliæ dispositiones seu actus alliarum virtutum ipsi cooperentur, non quasi rationem meriti proprie dicti habeant, cum prorsus gratuita sit justificationis gratia, sed rationem *præparationis* seu *dispositionis* removentis obicem; et quæ aliunde vim suam totam hauriunt ex principio fidei et gratiæ, tum excitantis tum adjuvantis, vi cujus eliciuntur. Tandem homo Justificatus non potest in otiosa fide quiescere, sed magis satagere debet, *ut per bona opera certam suam vocationem et electionem faciat* (2 Pet. I. 10).

Et hæc breviter exposuisse necesse fuit, ut quæ postea dicenda erant rite intelligerentur. Quam vero facile sit, doctrina catholica semel bene perspecta, PAULUM et JACOBUM, specie tenus discrepantes, inter se componere, in quo reformatores frustra allaborant, e speciali excursu, quem huic capiti subjiçiemus, manifesto cuique patebit. Interim JACOBUM interpretari pergimus.

Itaque accepta occasione ex generali, quam præmisit, operum misericordiæ commendatione, thesim de necessitate operum ad salutem aggreditur : quam illustrando, opera misericordiæ iterum iterumque inculcat.

Quid proderit fratres mei si fidem quis dicat se habere, opera autem non habeat? Numquid poterit fides salvare eum?)

Propositio est, quam deinceps ad finem usque capitis Apostolus evoluit. Illam porro per duplicem interrogationem vivide profert : quarum altera disertius explicat cujusnam generis utilitatem intellexerit

quando dixit : *Quid proderit?* quia vero *negativam* responsionem ipsi dari vult, ideo eam per $\mu\eta$ inducit. — Sensus perspicuus est : *quamnam est utilitas, fratres mei, si fidem dicat aliquis se habere, opera vero bona non curet?* Numquid potest ipsum sua fides saluum facere? Verum hic sensus perspicuus Novatorum placitis prorsus adversabatur. Quid inde? LUTHERUS epistolam simpliciter rejecit : CALVINUS autem, recte existimans ejus authentici in dubium nullo jure posse revocari, sequentem, ut a difficultate, qua premebatur, se expediret, explicationem seu potius depravationem proposuit. Ipsius verba recitamus : « Et sanc perversa hujus loci expositio, ait (1), tritam illam apud sophistas (catholicos audit) distinctionem peperit fidei informis et formatae. Atqui, nihil tale JACOBUS cogitavit : nam ipsum de falsa professione loqui, ex primis verbis constat. Neque enim sic incipit : *si fidem quis habeat*, sed, *si quis se habere dicat*, quo certe innuit jactare hypocritas inane fidei nomen, quod reipsa minime in eos competit. Ergo quod ipse quoque *fidem* appellat, *concessio* est, ut Rhetores vocant..... Meminerimus cum non ex proprio animi sensu loqui, quoties hic fidem nominat; sed potius adversus eos disputare, qui fidem, qua prorsus carent, falso prae-tendunt. » Hæc ille.

Equidem in re tanti momenti (de æterna quippe animæ salute agitur) interpretationem suam aliquo fundamento munire debuisset CALVINUS. Verum non solebant reformatores de vi argumentorum suorum adeo solliciti esse (2). Quid roboris habeat illa argutiola, ex forma apostolicæ orationis *si quis fidem dicat se habere* etc. conficta, minime video. Unum vero perspicio, nimirum calvinianam interpretationem ex multiplici capite falsam demonstrari.

Et primo quidem, vocabulum $\pi\iota\sigma\tau\iota\varsigma$ eam constanter obtinet notionem ut *firmum animi assensum* denotet : nec ullum N. T. locum novi, in quo $\pi\iota\sigma\tau\iota\varsigma$ de falsa professione externa usurparetur. Rhe-

(1) *Comment. in Epist. Canonicas*, pag. 117. Genevæ 1554.

(2) Exemplum quondam præbuit LUTHERUS qui, ut dogma suum de sola fide justificante aliquo scripturæ textu fulciret, particulam *solum* in versione germanica Rom. III. 24 addidit contra fidem omnium tam græcorum quam latinorum codicum. Quod neque ipse, cum hac de re esset postulatus, negare putuit, sed pro ea, qua erat, modestia respondit : *sic volo, sic jubeo, stat pro ratione voluntas*. Cf. SCHWETZ, *Theol. Dogm. cathol.* tom. II. pag. 503. Viennæ 1853.

torica vero *concessio*, ad quam hic confugit CALVINUS, desperatæ causæ figmentum est. — 2^o Si JACOBUS non veram fidem, sed fictitiam tantummodo, sive hypocritam fidei jactationem intellexisset, nihil prorsus dixisset: ecquis enim de hujusmodi fidei insufficientia umquam dubitaverit? Aut forsitan numquid suffecerit ad salutem hypocrita fidei professio si opera habeat? Ceterum veram fidem non *necessario* produunt opera: sunt etenim qui nonnulla operantur, licet interna fide destituti sint; sicut nec interna vera fides *necessario* producit opera: nam non desunt qui interius credant, et tamen præ infirmitate aut humano timore operari non audeant. — 3^o JACOBUS illam fidem laudat: *tu credis quoniam unus est Deus, bene facis* (v. 19). Verum potestne laudari hypocrita fidei professio ac simulatio? — 4^o Provocat ad exemplum ABRAHÆ, ut ostendat hominem *ex operibus justificari, et non ex fide tantum*. Fides porro ABRAHÆ vera, immo et robustissima erat (cf. Rom. IV. 18). Debuisset ergo juxta CALVINUM *per se solam ABRAHAMUM* justificare: cum tamen ex mente JACOBI absque operibus id factum non fuerit. — 5^o Tandem fidem illam, quam *mortuam* vocat, *corpori sine spiritu* (v. 26) comparat. Sed tale corpus, quamvis nullius utilitatis esse valeat, utpote omni sensu carens, verum tamen corpus remanet, et omnia quæ ad corpus constituentium necessaria sunt, retinet: ergo et illa fides, quamvis ad salutem non prosit, quia anima quasi destituta est, vera tamen fides dici potest et debet. — Ex his sane certo certius constat fidem illam quam JACOBUS *hominem salvare non posse* asserit, veram et proprie dictam fidem habendam esse, quamvis quidem hominem salvare non possit, quia opera non habens, solitaria remanet et mortua est.

§. 15-17. Si autem frater, et soror nudi sint, et indigeant victu quotidiano,¹⁵ dicat autem aliquis ex vobis illis: *Ite in pace, calefacimini et saturamini: non dederitis autem eis, quæ necessaria*

§. 15-17. Ἐὰν δὲ ἀδελφὸς ἢ ἀδελφὴ γυμνοὶ ὑπάρχωσι καὶ λειπόμενοι ὥς τι τῆς ἐφημέρου τροφῆς, ¹⁵ εἶπη δὲ τις αὐτοῖς ἐξ ὑμῶν Ὑπάγετε ἐν εἰρήνῃ θερμαίνεσθε καὶ χορτάζεσθε· μὴ δώτε δὲ αὐτοῖς τὰ ἐπιτήδεια

sunt corpori, quid proderit?

¹⁷ Sic et fides, si non habeat opera, mortua est in semet-ipsa.

τοῦ σώματος, τί τὸ ὄφελος;

¹⁷ Ὅτως καὶ ἡ πίστις, ἐὰν μὴ ἔργα ἔχῃ, νεκρά ἐστὶ καὶ ὠφελήν.

PARAPHRASIS. Si, exempli causa, frater aut soror vestitu et victu diurno careat, dicat porro aliquis vestrum ipsis: omnia prospera sint vobis; habeatis quo vosipsos vestire ac nutrire possitis: non dederitis autem illis ea quæ corpori legendo et alendo necessaria sunt, quid, quæso, egentibus proderit vestra hujusmodi compassio? Sic et fides, si sit operum vacua, mortua est utpote solitaria, et nihil quidquam proderit.

γ. 15-17. Si autem frater, et soror nudi sint, cet.)

Apostolus propositionem suam exemplo, non absque industria selecto, illustrat. Quemadmodum, ait, egeno minime prodest compassio vestra verbis et votis expressa, si non curetis simul ejus inopiam datis vestris sublevare; sic et fides vestra, si opera conjuncta non habeat, mortua est et nihil vobis prodest. Et hæc est summa comparisonis, quæ ultra urgeri non debet.

Particula *ἔ* est hic *transeuntis*, et argumento ad thesim comprobendam inducendo inservit (cf. Rom. VIII. 28). — *Γυμνοὶ* ii etiam dicuntur qui vix aut nonnisi dilaceratis vestibus vestiti sunt. Et sic in præsentī vocem illam intelligendam, ut et Matt. XXV. 36. 38, ipsa rei natura suadet. — *Λεητομένοι* ad modum prædicati sumendum est et eum verbo *ὑπάρχωσι* jungendum: nam illud *ὥστε*, quod in complutensi editione legitur, ad textum non pertinere videtur. Aliquid porro inusitati in constructione prædicatorum (*γυμνοὶ* et *λεητομένοι*) hujusce phraseos cernitur. Nam ubi duo aut plura Nomina singularis numeri ope particule *ἢ* (*aut*) conjunguntur, ibi commune illorum prædicatum in singulari ponitur ut Matt. XII. 25 (1). — *Ἐξημέρος*

(1) Gram. Græc. §. 57. pag. 386.

(ab *ἐπὶ* et *ἡμερᾶ*) proprie est *diurnus*, in diem durans, ita ut *ἐφημερὰ τροφή* sit *victus ad diem unam necessarius*. Quotidianus vero dicitur *καθημερινός* (Act. VI. 4).

§. 16. *dicat autem aliquis ex vobis illis : Ite in pace, cet.)*

Particula *ὅτε* est *continuantis* inceptam similitudinem. — Ex *sensu partitivo* de toto ex quo *τις* *ἐπὶ* sumitur. — Ὑπαγετε *εν* *εἰρήνῃ* usitata formula est *עֲלֵיְכֶם שָׁלֵם* qua nempe Hebræi abeuntibus valedicendo fausta precari solebant. — Imperativi *calefacimini* et *saturamini* optativo sensu sumendi sunt : *habeatis quo vos ipsos vestire et satiare possitis*. *Θερμαίνεσθαι* (Med.) est *se calefacere*, sive ad ignem (Marc. XIV. 54. 67), sive vestium ope (Job. XXXI. 20) : et hunc ultimum significatum illi voci in præsentī, propter præcedens *γυμναί*, tribuerim. — *Χορταζέιν* proprie de animalibus, quibus pabulum datur, usurpatur. Frequenter tamen, etiam apud classicos, de hominibus cum notione *saturandi* adhibitum occurrit. — *Ἐπιτηδεύς* Græcis primario est *idoneus, opportunus*; ac deinde *necessarius*. *Τὰ ἐπιτηδεύα του σώματος* ea cogita quæ corpori tum alendo, tum tegendo necessaria sunt. — Habetur hic *oratio*, uti dicunt, *variata* : qua nempe fit ut in altero unius sententiæ membro, adhibeatur alia constructionis forma quam quæ adhibita fuerat in priori (1). Cum enim incoeperat : *ἐπεὶ δὲ τις*, pergere debuisset in tertia Persona singulari : *μὴ δὲ δέ....* Hanc autem variationem scriptoris *industriæ* tribuere non dubitaverim : sic quippe auditores suos magis percellit, et quid singuli eorum præstare debeant, melius innotescit.

quid proderit ? τί το σφέλος ; quamnam, quæso, ex affectuosis quidem sed sterilibus votis tuis utilitatem reportabit egenus ? Nullam omnino.

§. 17. *Sic et fides, si non habeat opera, mortua est in semetipsa.)* Allegatæ similitudinis applicatio fit ad fidem quæ opera non habet. — Fides porro *mortua* dicitur, uti jam supra diximus, non quasi vera fides amplius nou sit, quod somniarunt Reformatores, sed quatenus opera non producens, vim nullam exserit ac veluti mortua

(1) Gram. Græc. §. 64. pag. 352 sq.

jacet. Eodem prorsus sensu Adjectivum νεκρὸς legitur Rom. VII. 8.

Quid præcise significare voluerit Apostolus per additum illud καὶ ἑαυτὴν, quod Vulgata vertit in *semetipsa*, non statim liquet. Communis fere interpretum sententia est locutionem hanc valere *per se*, i. e. *seorsim*, *solam*, *solitariam*, ita ut sensus sit : *mortua est fides quæ opera non habet, quia solitaria*. Sane locutio καὶ ἑαυτὴν, quæ in N. T. nonnisi Act. XXVIII. 16 occurrit, hanc notionem ibidem obtinet. Insuper LXX interpretes eam pluries synonymice pro vocabulo μόνῳ adhibuere : sic Gen. XLIII. 32, postquam ἰηρὴ per μόνῳ vertissent, ἰηρὴ per καὶ ἑαυτὸς statim reddidere. Eodem prorsus sensu locutionem nostram interpres syrus accepit; vertit enim : *كحده* q. e. *sola*. Imo et antiquæ Italiæ celeberrimus Corbeijensis codex *sola* pariter legit.

ŷ. 18. Sed dicet quis : Tu fidem habes, et ego opera habeo. ostende mihi fidem tuam sine operibus : et ego ostendam tibi ex operibus fidem meam.

ŷ. 18. Ἀλλ' ἐρεῖ τις Σὺ πίστιν ἔχεις, καὶ γὰρ ἔργα ἔχω· δεῖξόν μοι τὴν πίστιν σου ἐκ τῶν ἔργων σου, καὶ γὰρ δεῖξω σοι ἐκ τῶν ἔργων μου τὴν πίστιν μου.

PARAPHRASIS. Equidem gloriaris tu quod fidem habeas licet opera non cures; verum poterit aliquis hoc modo derisorie te compellare : tu fidem te habere dicis, ego autem opera habeo. Ostende mihi, quæso, si potes, fidem tuam sine operibus : ego vero ostendam tibi fidem meam ex operibus meis.

VARIANS LECTIO.

a) Pro præpositione *ex* quæ in textu Complutensi occurrit, vix dubium esse potest quin legendum sit *χωρίς* cum ABC, et antiquis versionibus plerisque,

maxime latinis et syriaca ($\beta\eta$). Favei porro interna ratio: cum, admissa compluensi lectione, nimis jejuna videatur Apostoli oratio, pereatque nervosa illa antithesis quæ ex altera lectione exsurgit. Addiderim librarii oculum ob insequens $\epsilon\kappa\tau\omega\nu\epsilon\gamma\gamma\omega\nu$ facillime aberrare potuisse, sicque eadem verba utrobique conscribere.

§. 18. *Sed dicet quis: Tu fidem habes, et ego opera habeo.*)

Si externam modo orationis formam consideraveris, utique JACOBUM adversarium quemdam obloquentem introducere facile credideris. Objectiones enim in S. Litteris per hujusmodi formulas induci solent: cf. I Cor. XV. 33; Rom. IX. 19; X. 18. 19. etc. Si vero ipsam Apostoli orationem penitus inspexeris, maximeque scopum ejus perspectum habueris, certe vel prima ipsius verba aliam tibi mentem injicient. Thema siquidem quod Apostolus in hac tota pericopa illustrare intendit hoc est: fides sine operibus mortua est, nec te salvum facere valet. Cui si aliquem contradicentem hic fingeret, hæc procul dubio ipsi verba commodaret: *ego quidem fidem habeo, tu vero opera: non autem illa: tu fidem habes, et ego opera habeo.*

Hujus porro sententiæ nexus cum antecedentibus a notione quæ particulæ $\alpha\lambda\lambda\alpha$ in præsentī tribuenda sit, totus pendet. Putaverim autem $\alpha\lambda\lambda\alpha$ eandem prorsus notionem hic obtinere ac Rom. VII. 7. Existimaverim scilicet JACOBUM Inani illi de fide gloriatiōi, quam v. 14 commemoravit, jam *opponere* quid ex rei veritate huic glorianti unusquisque objicere possit. Novimus aliunde Apostolum, vehementi quodam affectu præoccupatum, artificiosas transiōnes non adeo curare solitum. Itaque sensus sit: *equidem gloriaris tu quod fidem habear, quamvis opera non cures: verum poterit aliquis hoc modo derisorie te compellare: tu fidem te habere dicis, ego autem opera habeo. Ostende mihi, quæso, si potes, fidem tuam sine operibus: ego vero ostendam tibi fidem meam ex operibus meis.* Cum nimirum fides interni quid sit, non potest utique de ipsa hominibus constare, nisi per opera sibi consentanea exterius prodatur. Econtra, ubi adsunt opera externa veræ fidei professioni conformia, hominibus, qui de exterioribus tantum judicant, concludere pronum est ibidem adesse et veram fidem internam. — Itaque non ea est mens Apostoli ut neget veram fidem subsistere posse in eo qui opera non exerceat: sed tantum

asserere intendit ex operum defectu vehementem nasci suspicionem quod et ipsa fides desit.

ῥ. 19. Tu credis quoniam
unus est Deus : bene facis :
et dæmones credunt , et
contremiscunt.

ῥ. 19. Σὺ πιστεύεις ὅτι
ὁ Θεὸς εἷς ἐστὶ· καλῶς ποιεῖς·
καὶ τὰ δαιμόνια πιστεύουσι καὶ
φρίσσαντι.

PARAPHRASIS. *Utique tu credis quod unus est Deus : et in hoc bene agis ; verum dæmones etiam id credunt , indeque timore perfunduntur.*

ῥ. 19. *Tu credis quoniam unus est Deus : cct.)* Novum argumentum profert Apostolus ad ostendendum fidem , si opera non habeat , non esse tanti faciendam , cum et dæmones ipsi eam fere habeant , nec tamen aliquid commodi sed terrorem tantum exinde reportent. Dico fere : quia , uti modo videbimus , magnum certe datur discrimen inter fidem dæmonum et fidem hominis etiam mortuam. Nec ideo perit argumentum : omnis quippe comparatio , eo ipso quod comparatio est , æqualitatem inter membra non supponit. Unum tantum ex præsentī comparatione Apostolus vult eruere , nempe Christianæ Religionis notitiam , cum firmissimo etiam assensu habitam , non esse hujusmodi quæ propria vi et independenter ab omni alio influxu hominem salvare queat.

Tu credis quoniam unus est Deus.) Quædam hic breviter dicenda veniunt de questione : an et quatenus Dei existentia fidei divinæ objectum sit. Imprimis enim « hominem , rationis exercitio fruentem , hujus facultatis applicatione posse percipere aut etiam demonstrare plures veritates metaphysicas et morales , inter quas existentia Dei.... , annumeratur , constanti scholarum catholicarum doctrina compertum est (1). » Et hoc sensu asseruerit D. TH. 1. q. 2. a. 2 ad 1 : quod Deum esse , non sit articulus fidei , sed præambulum ad articulos.

(1) CONC. AMBLANENSIS , AN. 1853 habiti , cap. XVI. III. de Philosophia.

Attamen nemini dubium esse potest quin non sufficiat homini ad salutem, divinam existentiam ex argumentis naturalibus, quantavis cum certitudine, cognovisse; sed debeat veritas illa, ut salutaris sit ipsius cognitio, fide divina supernaturali teneri, dicente Apostolo: *sine fide autem impossibile est placere Deo. Credere enim oportet accedentem ad Deum quia est, et inquirentibus se remunerator sit* (Heb. XI. 6). Ideoque in symbolo fidei primum ponitur: *credo in unum Deum*.

Qua porro ratione veritas illa naturalis objectum fidei supernaturalis sit, optime tradit D. TH. 2. 2. q. 2. a. 4. « Dicendum, ait, quod necessarium est homini accipere per modum fidei non solum ea, quæ sunt supra rationem: sed etiam ea, quæ per rationem cognosci possunt. Et hoc propter tria: primo quidem, ut *cittus* homo ad veritatis divinæ cognitionem perveniat. Scientia enim ad quam pertinet probare Deum esse et alia huiusmodi de Deo, ultimo hominibus addiscenda proponitur præsuppositis multis aliis scientiis. Et sic nonnisi post multum tempus vitæ suæ homo ad Dei cognitionem perveniret. Secundo, ut cognitio Dei sit *communior*. Multi enim in studio scientiæ proficere non possunt, vel propter hebeludinem ingenii, vel propter alias occupationes et necessitates temporalis vitæ, vel etiam propter torporem addiscendi, qui omnino Dei cognitione fraudarentur nisi proponerentur eis divina per modum fidei. Tertio modo propter *certitudinem*. Ratio enim humana in rebus divinis est multum deficiens. Cujus signum est, quia Philosophi de rebus humanis naturali investigatione perscrutantes in multis erraverunt, et sibiipsis contraria senserunt. Ut ergo esset indubitata et certa cognitio apud homines de Deo, oportuit quod divina eis per modum fidei traderentur quasi a Deo dicta, qui mentiri non potest. »

bene facis.) Valet igitur præsens locus ad catholicum dogma firmandum adversus placita novatorum, qui asserere non dubitarunt, opera omnia quæ ante justificationem fiunt, quacumque ratione facta sint, vera esse peccata. Quibus anathema dixit Conc. Trid. sess. VI. *de justif. can. 7.*

et dæmones credunt, et contremiscunt.) i. e. dæmones etiam (xai) credunt, indeque timore perfunduntur. « Contremiscere dicuntur

dæmones, ait ESTIUS ad h. l., *metaphorice*, ut et angeli boni juxta illud ecclesiasticum, *tremunt potestates*; diverso tamen sensu. Nam bonorum angelorum tremor aliud non est, quam reverentia, quam in amante parit consideratio majestatis ejus, quem amat: Dæmonum autem tremor, verus ac vehemens timor est, quo refugiunt eum, quem certissimum ac severissimum judicem expectant. »

Quid de dæmonum fide sentiendum sit, recte exponit ESTIUS in *lib. III. Sent. Dist. 23. §. 5*; cujus ideo verba hic exscribere non absque pretio fore duximus. « Cum dæmones, ait, subtilitate suæ naturæ et perspicacitate ingenii videant dogmata religionis nostræ non repugnare veritati sibi naturaliter cognitæ, videantque eadem confirmari miraculis naturæ facultatem ipsis probe perspectam excedentibus; experiantur denique virtute Christianæ doctrinæ plurimos e suo regno et potestate eripi; atque his similibusque argumentis adducti et convicti cogantur fateri verissimam esse Religionis Christianæ doctrinam; cum nulla sit alioqui in iis erga veritatem divinam spontanea voluntatis submitio atque obedientia, non potest illorum de rebus divinis assensus proprie fides appellari; sed certa quædam cognitio per experientiam, et rerum vel signorum evidentiam extorta... Quamvis ergo dæmones firmitatem assensus, in multis religionis articulis nobiscum habeant communem, quem assensum Patres JACOBUM Apostolum secuti, sæpe fidei nomine generaliter expresserunt: quia tamen assensus ille neque principaliter innititur veritati primæ, sed rationi creatæ; neque conjunctam habet voluntatis inclinationem, sed rebellionem potius, qua cuperent falsum esse quod verum fateri coguntur, hinc fidei Theologicæ nomine censi non potest. » Hucusque ESTIUS.

Præclarus est præsens JACOBI locus ad firmandum catholicum dogma de dæmonum existentia.

ῒ. 20-24. Vis autem scire
o homo inanis, quoniam
fides sine operibus mortua
est? ²¹ Abraham pater nos-
ter nonne ex operibus jus-

ῒ. 20-24. Θέλεις δὲ γινῶναι,
ὡ ἄνθρωπε κενὸν, ὅτι ἡ πίστις
χωρὶς τῶν ἔργων νεκρά ἐστίν;
²¹ Ἀβραάμ, ὁ πατὴρ ἡμῶν,
οὐκ ἐξ ἔργων ἐδικαιώθη, ἀνε-

tificatus est, offerens Isaac filium suum super altare?

²² Vides quoniam fides cooperabatur operibus illius: et ex operibus fides consummata est? ²³ Et suppleta est Scriptura, dicens: Credidit Abraham Deo, et reputatum est illi ad justitiam, et amicus Dei appellatus est.

²⁴ Videtis quoniam ex operibus justificatur homo, et non ex fide tantum?

νέγκας Ἰσαὰκ τὸν υἱὸν αὐτοῦ ἐπὶ τὸ θυσιαστήριον; ²² Βλέπεις ὅτι ἡ πίστις συνήργει τοῖς ἔργοις αὐτοῦ, καὶ ἐκ τῶν ἔργων ἡ πίστις ἐτελειώθη; ²³ καὶ ἐπληρώθη ἡ γραφὴ ἡ λέγουσα Ἐπίστευσε δὲ Ἀβραὰμ τῷ Θεῷ, καὶ ἐλογίσθη αὐτῷ εἰς δικαιοσύνην, καὶ φίλος Θεοῦ ἐκλήθη. ²⁴ Ὁρᾶτε τοίνυν ὅτι ἐξ ἔργων δικαιοσύναι αὐθροπῶς καὶ οὐκ ἐκ πίστεως μόνον;

PARAPHRASIS. Vis porro, o homo de inani fide inaniter glorians, ex Scripturis ipsis addiscere quod fides absque operibus mortua sit? Abraham pater noster secundum carnem et justificationis nostræ exemplar, nonne ex operibus justitiam accepit, quum nempe Isaac filium suum super altare Deo obtulisset? Videsne et fidem operibus ejus cooperatam esse, et vicissim ex operibus fidem perfectam fuisse? Sicque suppleta est Scriptura illa quæ dicit: Credidit Abraham Deo, et reputatum est illi ad justitiam; et amicus Dei singularis effectus est. Videtisne ex operibus justificari hominem et non ex fide tantum?

VARIANS LECTIO.

a) Particulam hanc cum Vulgata omittunt ABC, minusculi multi, omnesque fere antiquæ versiones. THEOPHYLACTUS pariter eam non legit.

§. 20. *Vis autem scire o homo inanis, cet.)* « Quoniam PAULUS apostolus prædicans justificari hominem per fidem sine operibus, non bene intellectus est ab eis qui sic acceperunt dictum, ut putarent, cum semel in CHRISTUM credidissent, etiamsi male operarentur, et facinorose flagitioseque viverent, salvos se esse posse per fidem : locus iste hujus epistolæ eundem sensum PAULI apostoli, quomodo sit intelligendus, exponit. Ideoque magis ABRAHÆ utitur exemplo, vacuam esse fidem si non bene operetur, quoniam ABRAHÆ exemplo etiam PAULUS apostolus usus est (*Rom. IV. 2. 3*) ut probaret justificari hominem per fidem sine operibus legis. » HÆC AUGUSTINUS (1).

Itaque thesim suam, *fidem sine operibus mortuam esse*, exemplis ABRAHÆ et RAHAB jam confirmaturus, quo magis auditorum attentionem provocet, per vividam interrogationem, more suo, rem aggreditur. Ad enunciandum vero novum hoc argumentum, per particulam *de iterum transit*. — *Κενός*, qui proprie est *vacuus, inanis*, talem in præsentī loco hominem designare videtur, qui, *cum operum sit vacuus, de nuda fide gloriatur* (2).

§. 21. *Abraham pater noster nonne ex operibus justificatus est, cet.)* Argumentatur Apostolus *a contrario* : *fidem* scilicet *sine operibus esse mortuam* ex eo conficit, quod ABRAHAM non ex fide tantum sed et ex operibus justificationem hauserit. Noverint autem Judæi se habere in ABRAHAMO veluti formam suæ justificationis : quod et PAULUS *Rom. IV. 11-12, 23*, et *Gal. III. 6-9* diserte tradit.

Porro quin de *justificatione* quam Theologi *secundam* vocant, et quæ in incremento ipsius justitiæ per CHRISTI gratiam acceptæ consistit, præsens locus intelligendus sit, vix dubitari posse putaverim. Et quidem, præter auctoritatem AUGUSTINI (l. c.) et PATRUM TRIDENTINORUM qui, *Sess. VI de justif. cap. X*, Apostoli verba hoc sensu interpretati sunt, ipsa contexta oratio id omnino suadet. Agitur enim

(1) *De div. quest. LXXXIII. lib. un. Quest. LXXVI. n. 1.*

(2) OECUMENIUS ad h. l. : *κενὸν ἐκάλεσεν ἄνθρωπον τὸν ψιλῇ τῇ πίστει αὐχοῦντα, μηδὲν τῆς διὰ τῶν ἔργων ὑπεσταίας κτετημένος εἰς πληρωσιν* h. e. *inanem vocavit hominem, qui, nuda fide glorians, nihil ejus, quæ per opera est, subsistentiæ nactus est ad completionem.*

de illa justificatione quam adeptus est ABRAHAM quando *fide obtulit Isaac* : jam vero, ABRAHAMUM multo ante tempore quam eximium illud fidei et obedientiæ documentum præstitisset, coram Deo justificatum fuisse, non obscure tradit PAULUS (Heb. XI. 8. sqq.) scribens : *Fide qui vocatur Abraham obedivit in locum exire, quem accepturus erat in hereditatem : et exiit, nesciens quo iret. Fide demoratus est in terra repromissionis, tanquam in aliena.... Expectabat enim fundamenta habentem civitatem : cujus artifex et conditor Deus.* Idem exinde pariter eruitur quod jampridem de ipso dictum fuerat : *credidit Abram Deo, et reputatum est illi ad justitiam* (Gen. XV. 6). Addiderim ipsum Apostoli scopum hanc quam defendimus interpretationem suadere. Quid enim in præsentī loco sibi velit JACOBUS, nisi, uti modo ex AUGUSTINO audiebamur, illos erudire *qui putarent, cum semel in Christum credidissent, etiamsi male operarentur, et facinorose flagitioseque viverent, salvos se esse posse per fidem* ? Ideoque ipsos, ABRAHÆ exemplo proposito, edocet quid præstare debeant ad justitiam per fidem semel acceptam conservandam ac perficiendam. Quo sensu verbum *δικαιοῦνται* legitur Apocal. XXII. 11.

Novatores, maximeque CALVINUS, cum principio suo constantes, hanc ABRAHÆ ex operibus justificationem de mera declaratione justitiæ intelligunt. Quoniam, dicunt, ex operibus ab ABRAHAMO præstitis, manifestum evasit ipsum *veram* habuisse fidem, hinc declaratus est justus, utpote justitiam per *veram fidem* unice adeptus. Verum quam inane sit hujusmodi commentum, ipsemet JACOBUS demonstrat. Etenim v. 24 docet *ex operibus justificari hominem, et non ex fide tantum*. Atqui fides, latentibus ipsis adversariis, non ad justitiæ declarationem sed ad ipsius collationem confert ; ergo pariter opera. Immo, v. 22 tradit Apostolus fidem ABRAHÆ ex ipsius operibus consummatam fuisse : unde patet opera, ex mente JACOBI, non meræ declarationi justitiæ jam acceptæ, sed et ipsius incremento ac perfectioni inservire.

offerens Isaac filium suum super altare ?) Ad hoc peculiare ABRAHÆ factum JACOBUS provoeat, utpote præclarissimum atque Judæis notissimum fidei et obedientiæ sancti Patriarchæ documentum, ex quo insigne quoddam præmium reportaverat. Tunc enim audire meruit : *per memetipsum juravi, dicit Dominus ; quia fecisti*

hanc rem, et non pepercisti filio tuo unigenito propter me : benedicam tibi, et multiplicabo semen tuum sicut stellas cæli, et velut arenam quæ est in littore maris : possidebit semen tuum portas inimicorum suorum, et benedicentur in semine tuo omnes gentes terræ, quia obedisti voci meæ (Gen. XXII. 16 sqq.).

Pro latino *offerens*, in græco est participium Aoristi ἀνεύχας, quod ideo vel per Ablativum, uti dicunt, *absolutum*, reddendum erat, vel in verbum Finitum, adhibita conjunctione *quum* (quia), resolvendum. — Ἀναρρῆσαι quod proprie est *sursum ferre, sursum ducere*, (Matth. XVII. 1), in præsentii loco, ut et Heb. VII. 27, refert hebraicum הִקְלִיל (forma *hiktil* a הִקְלִיל) in dictione עֹלֶתֶת holocausta obtulit.

ŷ. 22. *Vides quoniam fides cooperabatur operibus illius, cet.)*

Doctrinam ex illo ABRAHÆ exemplo accipiendam diserte tradit Apostolus, ut auditores sui ipsam alta in mente repositam habeant. Docet itaque, et fidem *cooperatam* esse (συνργει) operibus ABRAHÆ, quippe quæ sine ipsa salutaria esse nequissent; et vicissim ex operibus fidem, quæ sine ipsis mortua fuisset nec eum salvare potuisset, *consummatam* et *perfectam* fuisse. Vult igitur, ut monet ESTIUS ad h. l., « innuere societatem quamdam individuum inter fidem et opera; ut sicut fides sine operibus esse non debet, ita nec opera sine fide : tametsi partes fidei potiores sunt, utpote dirigentis, et imperantis. »

et ex operibus fides consummata est.) Ετελειωθη, *perfecta est, absoluta est*; non quod antea fides vera non fuerit; quod enim nondum est, perfici non valet : sed quod fides ABRAHÆ perfectior Deoque gratior evaserit *per charitatem operando*. Ideoque insigne præmium reportare meruit.

ŷ. 23. *Et suppleta est Scriptura, dicens : Credidit Abraham Deo, et reputatum est illi ad justitiam.)* Quis PAULUS Rom. IV. 3 hoc ipsum scripturæ effatum usurpaverat ad probandum ABRAHAM non ex operibus sed ex fide justificatum fuisse; ideo JACOBUS, qui id quod a PAULO obscurius dictum videri poterat, clarius exponere, et id quod ab ipso, utpote extra Paulinam thesim positum, omissum fuerat, supplere intendebat, quo sensu hæc scriptura intelligi deberet, auditores suos edocere voluit.

Verba porro quæ hic allegantur desumpta sunt ex Genes. cap. XV. 6; recitantur autem juxta versionem septuaginta-viralem, quæ textus hebraici sensum exprimit. Hebraice enim legitur : וַיִּשְׁכַּח אֱבְרָהָם אֶת ה' וַיִּשְׁכַּח אֶת ה' וַיִּשְׁכַּח אֶת ה' h. e. *et credidit Deo, et reputavit* (Deus) *illud* (credere) *ipsi justitiam*. — Ελογισθή grammatice quidem dictum est *impersonaliter*; logicum tamen ejus verbi *subjectum* in antecedente *πιστευσε* continetur. Λογισθαι (Depon. med.) autem verbum est Denominativum, a λογος (*computatio*) ductum, quod primario de arithmetiis *plures numeros in unum redigentibus* dicitur, mox vero in *rationes referre, imputare*, simpliciter valet. — Præpositio *εις* sumenda hic est, ut 1 Cor. XI. 17. *de effectu* divinæ illius *imputationis*.

Jam vero quonam sensu præsens effatum a MOSE prolatum fuerit, definire non adeo facile est. Et quidem verba *reputatum est ad justitiam* per se ad unam justificationem significandam coarctari non videntur. Sane 1 Mach. II. 52 incrementum justitiæ designant. Quod si contextam orationem *Gen. XV*, ubi prolata sunt verba *credidit Abraham* etc., inspexeris, utique facilius et contextui multo magis consentanea tibi videbitur interpretatio quæ verba illa de *secunda Abrahamæ justificatione* dicta intelligit. Nemini enim dubium esse potest ABRAHAMUM multo ante tempore quam relata in prædicto capite apparitione dignaretur, justificationis gratiam adeptum fuisse.

Si tamen ad rationem qua PAULUS *Rom. IV. 3* ex laudato textu argumentatur debite attendatur, non amplius video quomodo Geneseos verba ad *primam Abrahamæ justificationem* non referri possint. Quod ut rite perspiciatur, præ oculis habeamus necesse est scopum quem PAULUS in epistola sua ad Romanos conscribenda sibi præstituit. Volens igitur redarguere Romanos, tam Judæo-Christianos quam Ethnico-Christianos, qui justificationis gratiam non gratuite Dei misericordiæ, sed suis suæque gentis meritis perperam adscribebant, totus in eo est Apostolus ut ostendat justificationem esse donum Dei, illudque homini *gratis* obtingere *per fidem*, non vero ex ullo operum merito. Ad hanc vero thesim stabiliendam, declarat primum et probat tam Judæos quam Gentiles peccatores fuisse, ac proinde eos, qui justificationis gratiam consecuti fuerant, ipsam operum suorum merito nullo pacto deputare posse. Deinde thesim suam ex ipsis scripturis confirmare volens, provocat ad exemplum ABRAHÆ, quem prædicat exemplar fuisse ac veluti patrem eorum omnium qui credituri erant

et justificandi (IV. 11. 12.). ABRAHAMUM porro non ex præcedentium operum merito sed ex fide justificatum fuisse, deducit ex prælaudato Geneseeo testimonio : *credidit Abraham Deo, et reputatum est illi ad justitiam* (IV. 3.).

Jam vero interpretes et theologi qui verba Mosis de *secunda Abraham justificatione* intelligenda opinantur, et quidem nec pauci sunt nec infirmi subsellii, PAULUM a *minori ad majus* argumentari censent. Dicunt nimirum cum BELLARMINO, de *justif.* l. IV. c. XVIII, Apostoli ratiocinium huc reduci : si ABRAHAM justus, non est factus justior ex operibus sine fide, multo magis impius non poterit fieri justus ex operibus sine fide.

Verum hæc interpretatio quæ, si vera esset, commoditate non careret, quominus admittatur duo maxime prohibere videntur. Unum est, quod ex ea multum efficacia Paulinæ argumentationi detrahatur. Poterant enim Romani argumentum hoc modo retorquere : utique fides ad justificationem ABRAHÆ secundam necessaria fuit; sed opera non minus necessaria fuere : ergo et a fortiori opera ad justificationem primam requiruntur. Quæ illatio, rite intellecta, vera quidem est : illam tamen tunc temporis tacere merito volebat Apostolus : cavendum enim erat ne Romanis, doctrinam hanc perverse intelligentibus, ulla in errore permanendi ansa præberetur. — Immo longius progredi poterant Romani, ut scite animadvertit Card. TOLETUS (1), « et dicere, postquam operibus justificatus est, ABRAHAM fide etiam auxisse justitiam, non tamen fidem ipsam præcipuam, et primam justitiam esse. » Et sic infirmior fuisset ratiocinatio PAULI.

Alterum autem quod prædictæ interpretationis patronis majus adhuc negotium facessit, et a quo qui se expedire valeant non video, hoc est, quod PAULUS illud *reputatum est* ita interpretetur, ut ad *justificationem primam* necessario coarctandum sit. Hanc enim argumentationem prælaudatis verbis subjungit (cap. IV. 4. 5) : *Ei autem, qui operatur, merces non imputatur secundum gratiam, sed secundum debitum. Ei vero, qui non operatur, credenti autem in eum, qui justificat impium, reputatur fides ejus ad justitiam secundum propositum gratiæ Dei.* Quorum verborum sensum sequenti paraphrasi aperit ill. BEELEN (ad h. l.) : *Jam vero laboranti merces non impu-*

(1) In *epist. ad Rom. comment. et annot.* Ad cap. IV. annot. V.

latur ex gratia, sed rependitur ex debito. Illi autem (Abrahæ) non operanti sed tantum credenti in eum qui justificat impium, fides ejus imputatur ad justitiam; is ergo gratis justificatur. Verum si verba Geneseos de secunda justificatione simpliciter intelligenda forent, ex ipsis ita argumentari PAULO nequaquam liceret. Ipse enim fidei actus, a viro justo, gratia adjuvante, elicitus, qualis fuit assensus ab ABRAHAMO verbo Dei præstitus (Gen. XV. 6), revera est opus meritum, cui incrementum justitiæ rependitur non ex gratia tantum, sed etiam ut *merces* (1). — Ceterum eadem Geneseos verba de prima justificatione iterum intelligit PAULUS *ad Gal. III. 6.*

Itaque verba illa MOSES : *Credidit Abraham Deo, et reputatum est illi ad justitiam*, ad primam ABRAHÆ justificationem esse referenda non dubitaverim. Equidem objiciet aliquis, nec immerito : si verba Geneseos ad primam ABRAHÆ justificationem referenda sint, ad quid MOSES ea tandem protulerit cum jam a multo tempore ABRAHAM justificatus esset; immo elcito statim actu fidei, incrementi justitiæ merito?

Objectionem hanc difficultate non carere fatcor, ipsamque decretorio modo solvi non posse facile existimaverim. Ceterum hujusmodi solutionem in re tam ardua, urgentibus utrimque difficultatibus, immerito exigere quisque videretur : eo vel magis quod, ubi de auctoribus sacris inter se componendis agitur, probabilibus rationibus contenti esse debeamus. Itaque cum Card. TOLETO (*in epist. ad Rom. l. c.*) responderim : « Sententiam hanc a MOYSE prolatam, *credidit Abraham Deo, et reputatum est ei in justitiam*, non esse referendam tantum ad promissionem tunc a Deo illi factam : sed ad omnia præcedentia simul. Cum enim jam multa de ABRAHAM, et de promissionibus a Deo factis, et de operibus ipsius ABRAHÆ narrasset, ne quis Deo gratum esse, aut justitiam apud Deum habuisse ex operibus arbitratus esset : declaravit MOYSES unde fuerit apud Deum justificatus, et ex peccatore et imple Deo reconciliatus : ex fide, inquit, quia *credidit Abraham Deo, et reputatum est illi in justitiam*. Merito autem non statim MOYSES id dixit, quando primo credidit ABRAHAM, sed narravit prius præter fidem opera multa insignia ; et tunc protulit fide justificatum. Sic enim manifestum faciebat, non operum virtute, sed fide justificatum esse coram Deo, quia *credidit, et id reputatum est ei in justitiam*. Verba

(1) Conc. Trid. Sess. VI. de justif. can. XXIV.

ergo de prima justificatione intelligenda sunt; sed non sunt referenda ad solam promissionem immediate præcedentem, sed ad omnia præcedentia, per quæ expressit MOYSES, narratis operibus ABRAHÆ et fide, non ex operibus, sed ex fide justificatum, nec præcessisse opera, sed fidem, per quam sunt postea opera facta. » Hucusque TOLETUS.

Voluerit autem MOSES illud eo potius (Gen. XV. 6) quam alio loco significare, occasione scilicet accepta a præstantissimo illo fidei actu quo ABRAHAM *contra spem in spem credidit, ut fieret pater multarum gentium secundum quod dictum est ei: Sic erit semen tuum. Et non infirmatus est fide, nec consideravit corpus suum emortuum, cum jam fere centum esset annorum: et emortuam vulvam Saræ. In repromissione etiam Dei non hæsitavit diffidentia: sed confortatus est fide, dans gloriam Deo: plenissime sciens quia quæcumque promisit, potens est et facere* (Rom. IV. 18 sqq.). Nec improbabilis apparet conjectura THOMÆ ANGLICI (1) dicentis: « Secunda causa est, quia in subsequenti apparitione Dei, ABRAM circumcisisus est. Voluit autem ostendere divina scriptura, ABRAM justificatum esse per fidem, et non per corporalem circumcisionem; eoque palam fieret, semen ejus similiter quoque justificatum iri; nec quicquam per se profuturam circumcisionem, sed propter fidem tantum quæ in ipsa sacramentaliter includebatur. »

Itaque dum JACOBUS scribit: *et suppleta est Scriptura, dicens: credidit etc.*, auditores suos admonet, ne forsan existiment solam prædictam scripturam de *totali Abrahæ justificatione* audiendam esse. Ipsam quippe *suppletam fuisse* per narrationem operum quæ præstitit ABRAHAM postquam credidisset, et quibus justitiam, per fidem primum acceptam, conservavit mirumque in modum auxit. — *Επληρωθη* scitissime ab interprete nostro hic redditum est per *suppleta est*: quam notionem verbum istud Matt. XXIII. 32 pariter obtinet.

et amicus Dei appellatus est.) Non sunt amplius Geneseos verba, sed ipsius JACOBI, qui tamen procul dubio in mente habuerit illud Judith VIII. 22: *Memores esse debent, quomodo pater noster Abraham tentatus est, et per multas tribulationes probatus, amicus Dei effectus est.* Amicitiam autem non eam intelligit qua homo cum

(1) Ap. PERERIJUM, *Comment. et disput. in Genesim*, ad cap. XV. v. 6. Disput. II.

justificatur *ex inimico* amicus Dei evadit, et quæ omnibus justis communis est; sed specialiorcm quamdam quæ sanctoribus et a Deo probatis viris tantum competit, et in peculiaribus prorsus divini favoris documentis maxime consistit. — Εκληθη non indicat ABRAHAMUM *amici Dei* appellationem alicubi sortitum fuisse; sed ipsum revera singularem Dei amicum effectum esse. Quo sensu verbum καλωμαι Heb. V. 4, et 1 Joh. III. 1 occurrit.

γ. 24. Videtis quoniam ex operibus justificatur homo, et non ex fide tantum?) Apostolus quo magis doctrinam suam inculcet, et omnem falsum intellectum præcaveat, conclusionem ex ABRAHÆ exemplo eruendam, quam v. 22 aliquo modo jam expresserat, disertius ac vividius, adhibita interrogatione, hic iterum proponit.

γ. 25. Similiter et Rahab meretrix, nonne ex operibus justificata est suscipiens nuncios, et alia via ejiciens?

γ. 25. Ὁμοίως δὲ καὶ Ῥαὰβ ἡ πόρνη οὐκ ἐξ ἔργων ἐδικαιώθη, ὑποδεξαμένη τοὺς ἀγγέλους καὶ ἐτέρα ὁδῷ ἐκβαλόνσα;

PARAPHRASIS. Immo, Rahab meretrix nonne et ipsa haud sine operibus justificationis gratiam primum adeptæ est, nunciis nempe hospitio benigne susceptis atque alia via secure dimissis?

γ. 25. Similiter et Rahab meretrix, nonne ex operibus justificata est cet.) Apostolus, ABRAHÆ exemplo usus, hucusque probavit opera bona ad justitiam ex fide acceptam conservandam et augendam necessaria esse. Nunc vero ulterius progreditur, et opera vel ad primam justitiam obtinendam requiri, altero notissimo exemplo docet. Ad quod producendum transit per particulam δε, quæ in præsentī loco ita transitioni inservit ut simul aliquid novi superinducat (1) : quo sensu vocula hæc Act. XIII. 34 legitur.

Non desunt quidem interpretes qui exemplum RAHAB, non secus ac

(1) De qua particula δε notione videsis HERMANNUM ad Vigerum, pag. 845.

illud ABRAHÆ, ad justificationem secundam pertinere arbitrentur. Dicunt nimirum RAHAB tunc primum justificationis gratiam adeptam esse cum, auditis prodigiis a Domino Hebræorum patratis, credidit quod *ipse esset Deus in cælo sursum, et in terra deorsum* (Jos. II. 10. 11); hanc porro gratiam speciali modo auxisse, opera misericordiæ erga speculatores a JOSUE missos *fide* exhibendo. Verum quo pacto hæc sententia defendi queat, iterum non video. RAHAB enim, ut ex *Josue II. 1* patet, *meretrix* erat quando nuntios hospitio suscepit: ergo in peccato adhuc erat, ac proinde nondum justificata. Atque hanc sententiam diserte tradunt omnes fere Patres quos in *nota* subjicimus.

Equidem novi non defuisse qui, ad hanc difficultatem elevandam, RAHAB *cauponam* quidem, nequaquam vero *meretricem* fuisse contenderent. Dicunt scilicet, quorundam Rabbīnorum auctoritate nixi, hebraicum רַחַב (quod in textu habetur) *meretricem* denotare quando derivatur a radice רָחַץ; sed eandem vocem haberi posse pro derivato a radice רָאָה, quod est *cibare*, et tunc ipsam nil aliud quam *cauponam* seu *hospitam* designare prætendunt. Sed conjecturam suam aliquo argumento sive ex usu loquendi, sive ex antiquis versionibus, si paraphrasim chaldaicam excipias, petito, firmare nondum potuerunt.

Nec intelligo quomodo huic sententiæ viri catholici subscribere potuerint. PAULUS enim (Heb. XI. 31) et JACOBUS RAHAB *meretricem* (τὴν πόρνην) diserte vocarunt: quæ si *caupona* tantum et non *meretrix* fuisset, *errorem facti* admisissent auctores sacri: quod sane *inspirationis* notio non patitur. Quod autem asserit SCHLEUSNER ad h. v., vocabulum πόρνην in N. T. hunc significatum obtinere ut *cauponam* seu *hospitam* designet, hoc merum commentum est nullo lexicographorum testimonio nixum. Ceterum quo fine tunc hujusce qualitatis meminissent PAULUS et JACOBUS?—Addiderim tandem non aliam fuisse SS. Patrum mentem, qui magno consensu mulierem hanc meretricio deditam fuisse tradiderunt (1).

(1) Cf. S. CLEMENS ROMANUS, *epist. I. ad Cor.* cap. XII. Opp. tom. I. col. 331. Ed. Migne. — S. IRENÆUS, *contra Hæc.* lib. IV. cap. XX. pag. 257. — ORIGENES, in *lib. Jesu Nave*, hom. III. n. 3, 4. Opp. tom. II. pag. 403. — S. EPIREM, *Comment. in Josue*, ad cap. II. 1. Opp. tom. I. syriace et latine, pag. 293. — S. GREGORIUS NAZZANZENUS, *Orat. XL.* n. XIX. pag. 705. Ed. Bened. — S. CHRYSOSTOMUS, *de penitentia*, hom. VII. n. 6. — THEODORETUS, in *epist. ad Heb.* ad cap. XI. 31. —

nonne ex operibus justificata est suscipiens nuncios, et alia via ejiciens?) Itaque primam hujus mulieris justificationem intelligit Apostolus: quam operibus adscribit non ut *causæ meritoriae*, quum et ipse hominem absque ullo præcedenti merito, *ex gratuita Dei benignitate* justificari supra (cap. I. 18) prædicaverit; sed ut *dispositioni* fidem concomitanti, ac prorsus necessariæ ut fides non sit mortua sed salvifica evadat. Nec de quibusvis operibus loquitur Jacobus, sed de iis dumtaxat quæ *ex fide* eliciuntur. Fidem autem in præsentī loco non commemorat, quia noverat auditores suos optime perspectum habere opera misericordiæ ab illa muliere præstita, ex sola fide ortum duxisse. Cf. Heb. XI. 31.

Pro *suscipiens* et *ejiciens*, in græco iterum occurrunt, ut v. 24, Participia Aoristi. — Ἐβαλλειν hic non valet *ejicere*, sed *dimittere*, ut Matt. IX. 25; Marc. I. 42. — *Dimisit* igitur RAHAB exploratores *via* alia quam qua venerant et ituri putabantur. Etenim *dimisit eos per funem de fenestra: domus enim ejus hærebat muro* (civilatis). *Dixitque ad eos: ad montana conscendite, ne forte occurrant vobis revertentes* (ii nempe qui jussu regis Jerichuntini ipsos persequiebantur): *ibique latitate tribus diebus, donec redeant, et sic ibitis per viam vestram* (Jos. II. 15. 16).

§. 26. Sicut enim corpus sine spiritu mortuum est, ita et fides sine operibus mortua est.

§. 26. Ὡςπερ γὰρ τὸ σῶμα χωρὶς πνεύματος νεκρὸν ἐστίν, οὕτως καὶ ἡ πίστις χωρὶς τῶν ἔργων νεκρά ἐστι.

PARAPHRASIS. *Quemadmodum enim corpus sine spiritu mortuum est: ita et fides cui desunt opera mortua est.*

§. 26. *Sicut enim corpus sine spiritu mortuum est, ita et fides sine operibus mortua est.*) Concludit jam Apostolus, doc-

S. AMBROSIIUS, *exposit. Evang. sec. Luc.* lib. VIII. n. 40; *de Virginiibus*, lib. II. cap. IV. n. 24. Opp. tom. I. pag. 1480, et tom. II. pag. 168. — S. AUGUSTINUS, *contra mendacium*, n. 32, 34. — S. HIERONYMUS, *comment. in Osee proph.*, in prologo. — S. PETRUS DAMIANUS, lib. VI. epist. V. Opp. tom. I. col. 580. Ed. Migne.

trinæ, quam inde a vers. 14 tradidit, rationem iterum reddendo (γὰρ), idque aptissima adhibita comparatione. Fides operibus destituta hominem salvare non potest, ait; quia sicut corpus, spiritus privatum, licet verum et proprie dictum corpus remaneat, attamen vim suam exerere nequaquam valet sed est mortuum: ita et fides, quantumvis vera et firma, si destituta sit operibus illis (τὼν ἔργων) quæ producere debet, mortua est, nec hominem ad salutem perducere valet.

Si ea quæ hucusque ad doctrinam JACOBI explanandam et illustrandam scripsimus recte disputata sunt, liquet triplicem ex mente Apostoli fidem distingui posse. Prima ea est quam *mortuam* vocat, quamque hominem *salvare non posse*, immo nil quidquam *prodesse* asseverat (vv. 14. 17); quippe quæ vim suam exerere non sinitur, atque proinde hominem in statu justitiæ et salutis constituere nequidem *secundum inchoationem* sufficit. Comparari scilicet potest radici jam aridæ, quæ nullum arbori succum subministrat, et quasi inutilis facta est. Hæc est fides quæ strictissimo sensu *informis* nuncupari potest; non quasi *forma sua intrinseca et essentiali* careret, tunc enim non amplius fides dici posset; sed quatenus *extrinseca illa forma charitatis*, quæ ipsam adornet et perficiat ac plane salvificam reddat, destituitur.

Altera vero fides ea est quæ in homine justo reperitur: quæ scilicet vitam et energiam suam perfectissime exerit, operibus justis incessanter cooperando, e quibus vicissim ipsamet augetur, ac in dies magis magisque perficitur. Hæc est fides quam JACOBUS in ABRAHAMO laudat (v. 22), quamque Theologi *vivam* seu *formatam* appellare consueverunt, quatenus nempe et charitate, et operibus a fide et charitate simul imperatis, perficitur et formatur, non minus quam arbor fructu suo quem profert in tempore opportuno. Ipsa porro haud immerito comparatur radici non tantum viventi, sed et continuo crescenti ac frondes, flores atque fructus uberrimos producenti.

Verum et tertiam fidem JACOBUS agnovit, quæ licet *formata* stricto dici non valeat, utpote cum charitate et perfectis operibus nondum conjuncta, *otiosa* tamen et *mortua* reputari non potest. Fidem intelligo quæ RAHAB *meretricem* ad speculatores populi Dei benigne

suscipiendos et morti subtrahendos impulit, eamque per illud opus misericordiæ ad infusionem justitiæ *disposuit*. Eadem pariter invenitur in fideli peccatore qui vita gratiæ non amplius vivit; ad quam tamen recuperandam fides illa, varia opera poenitentiae imperando, ipsum *disponit*. Comparari itaque potest radici autumnali quæ, licet fructibus suis nondum ornetur et quasi mortua appareat, non omni tamen penitus viâ destituitur, sed succum et humorem quemdam præstat, quo arbor adhuc alitur et sustentatur, sicque ad fructus suos tandem proferendos disponitur.

Ex iis porro quæ hactenus disputavimus liquet quo jure scripserit CALVINUS: « Et sane perversa hujus loci expositio tritam illam apud sophistas distinctionem peperit fidei informis et formatæ. Atqui, nihil tale JACOBUS cogitavit. » Cf. supra pag. 132.



EXCURSUS .

DE OPERUM NECESSITATE.

*In quo doctrina Jacobi vindicatur, atque a Paulina doctrina
nequaquam differre ostenditur.*

Explanata jam exegetica quæstione, dogmatica controversia solvenda nobis remanet. JACOBUM quippe operum necessitatem ad hominis justificationem propugnare, ex iis quæ modo disputavimus manifestissimum est. PAULUM vero in quibusdam epistolarum suarum, maxime *ad Romanos* et *ad Galatas*, obscurioribus locis, justificationem nostram ita fidei adscribere ut opera ab ipsa penitus excludere videatur, negari non potest. Hanc porro in speciem antinomiam, quam diligentior inquisitio facile dissolvit, LUTHERUS, qui JACOBI epistolam, principio suo fundamentali aperte repugnantem, rejiciendi occasionem indefesso labore inquirebat, lætabundus suscepit: ipsamque adeo exaggeravit ut epistolam hanc, utpote Paulinæ doctrinæ e diametro adversantem, e sacro canone expungendam edicere non dubitaverit.

Ad hanc igitur calumniam diluendam, simulque ad principium Pseudo-reformationis palmare evertendum, præsentem excursus confecimus: et eo quidem libentius, quod iterum nobis non deesset occasio Rationalistas profligandi, quippe qui asserere ausi fuerint, doctrinam de necessitate operum ad humanam salutem vix ante medium

ævum obtinuisse (1). Qui tamen si vel AUGUSTINUM (2) legissent, jam ætate apostolica controversiam hac de re excitatam fuisse comperissent, atque epistolas PETRI, JOHANNIS, JACOBI et JUDÆ contra errorem asserentium fidem sine operibus sufficere ad salutem, intencionem maxime dirigere audivissent.

Ut autem disputatio nostra rite procedat, sequentem ordinem servabimus. Exposita prius JACOBI doctrina de fide et operibus in ordine ad justificationem, doctrinam PAULI, prout ex variis ejus scriptis manifestatur, proferemus. Quo statuto, quid hac de re tradiderint ceteri auctores sacri inquiremus. Dein, quomodo primitivæ ecclesiæ Patres doctrinam hanc intellexerint, investigabimus. Tum, loca PAULI quæ non tantum JACOBO, sed et reliquis Scripturis negotium facessere videntur, explicabimus; atque tandem concludemus, miram prorsus catholicæ doctrinæ cum doctrinis tum Scripturarum tum SS. Patrum concordiam ostendendo.

I. Doctrina porro JACOBI de toto justificationis opere ad sequentia reduci potest. Homo gratuita Dei benignitate, absque ullo præcedente merito, justificationis gratiam adipiscitur (cf. ea quæ scripsimus ad cap. I. 18). — Huic tamen justitiæ infusioni, *fidem* tamquam conditionem præviam requiri, haud obscure ibidem innuit: *genuit nos verbo veritatis*. — Fides autem illa non potest esse *otiosa, mortua*: hujusmodi enim hominem salvare non potest (cap. II. 14. 17. 26); sed opera præstet necesse est, quemadmodum RAHAB, exemplo suo præcundo, nos edocuit (cap. II. 25). — Nec tandem homo semel justificatus in sola fide quiescere potest, sed oportet ut fides cooperetur operibus

(1) Ita WEGSCHEIDEN, *Instit. theol.*, p. III. cap. III. § 160. « Inde ab ævo medio, ait, potissimum opinio ista de merito bonorum operum atque de absoluta eorum ad salutem assequendam necessitate, maxime divulgata erat; quamvis utrumque hoc, formulis quidem satis ambiguis enunciatur, sæpius in controversiam vocatum est. » Hæc ille.

(2) *De fid. et oper.*, cap. XIV. n. 21.

ejus, et ex operibus ipsa vicissim consummetur : sicut in ABRAHAMO contigisse Scriptura præclare testatur (cap. II. 21 sqq.).

II. Jam vero PAULUM duo priora prædictæ doctrinæ capita aperte tradidisse, adversarii ultro concedunt. Illud igitur in præsentī inquirendum tantum venit, quid nimirum Apostolus de *necessitate operum* ad justificationem obtinendam senserit. Scribens porro PAULUS ad Galatas, postquam eos reprehenderit quod a legalium observatione desistere nollent, quasi ex ipsis justitia sibi eveniret, undenam justificatio expectanda sit, eos sic edocet (V. 6) : *In Christo Jesu*, ait, *neque circumcisio aliquid valet, neque præputium : sed fides, quæ per charitatem operatur* (græce *ενεργουμένη* (med.), propriè *energiam suam exserens*, ut Rom. VII. 5). Non putabat ergo Apostolus fidem a charitate et operibus sejunctam hominem justificare. Nec minus diserte in epistola sua prima ad Cor. XIII. 2 loquitur : *Si habuero omnem fidem ita ut montes transferam, charitatem autem non habuero, nihil sum.* — Quod autem homini justificato necessaria sint opera, ut justitiam semel adeptam conservet atque augeat, et sic ad vitam perveniat æternam, singulæ fere Paulinarum epistolarum paginæ clamant. Quia vero ad epistolam ad Romanos adversarii tam lubenter provocant, audiant Apostolum ad ipsos scribentem : *Reddet* (Deus) *unicuique secundum opera ejus : iis quidem, qui secundum patientiam boni operis, gloriam, et honorem, et incorruptionem quærent, vitam æternam : iis autem, qui sunt ex contentione, et qui non acquiescunt veritati, credunt autem iniquitati, ira et indignatio* (†) (II. 6 sqq.) : *et non auditores legis justi sunt apud Deum, sed factores legis justificabuntur* (II. 12). Hæc utique aperta sunt, et PAULUM cum JACOBO plane consentire nos fateri cogunt.

(†) Ultimi hujus commatis sensum, in latino textu paulo obscuriorem, sequentibus verbis aperit ill. BEELER (*comment. ad h. l.*) : « iis autem qui immorigeri erant, et, projecta virtute, nequitie mancipati, poenam infliget atrocissimam. »

III. Videndum autem nunc est utrum ea, quam exposuimus, JACOBI et PAULI doctrina, iis quæ apud ceteros scriptores sacros occurrunt concinat. Quid igitur prædicabat JOHANNES, ille præcursor Domini? *Pœnitentiam agite.... facile fructum dignum pœnitentiæ..... omnis arbor quæ non facit fructum bonum, excidetur, et in ignem mittetur* (Matt. III. 2. 8. 10). Quid prædicavit CHRISTUS? *Si pœnitentiam non egeritis, omnes similiter peribitis* (Luc. XIII. 5). *Non omnis, qui dicit mihi, Domine, Domine, intrabit in regnum cælorum: sed qui facit voluntatem Patris mei, qui in cælis est, ipse intrabit in regnum cælorum* (Matt. VII. 21). *Remittuntur ei peccata multa, quoniam dilexit multum* (Luc. VII. 47). Nec dissimilia prædicat PETRUS iis qui compuncti corde dicebant: *quid faciemus, viri fratres? Petrus enim ad illos: Pœnitentiam (inquit) agite, et baptizetur unusquisque vestrum in nomine Jesu Christi in remissionem peccatorum vestrorum* (Act. II. 37. 38). Hominem porro justificatum salutem æternam non adepturum nisi et bonis operibus incubuerit, aperte tradit idem Apostolus, 2 Epist. I. 10: *Quapropter fratres, magis satagite ut per bona opera (1) certam vestram vocationem, et electionem faciatis*. Dixerat quippe CHRISTUS: *venit hora, in qua omnes, qui in monumentis sunt, audient vocem Filii Dei: et procedent qui bona fecerunt, in resurrectionem vitæ: qui vero mala egerunt, in resurrectionem judicii* (Joh. V. 28. 29). Ideo et JOHANNES clamat: *fitiote, nemo vos seducat*. *Qui facit justitiam, justus est. Et qui servat mandata ejus, in illo manet, et ipse in eo* (1 Epist. III. 7. 24). Nec sine operibus via ad salutem sub V. T. homini patebat, testante EZECHIELE XVIII. 21: *Si impius egerit pœnitentiam ab omnibus peccatis suis, quæ operatus est, et custodierit omnia præcepta mea, et fecerit judicium et justitiam, vita vivet et non morietur*.

(1) Verba quidem *per bona opera* ad textum pertinere non videntur: verumtamen sensum qui ex immediate præcedentibus manifesto exurgit, glossema illud, quod in nonnullis codicibus antiquisque versionibus comparet, recte exprimit.

dum ex fructu suo cognoscitur arbor, ita quoque qui profitentur se Christianos esse, ex iis quæ faciunt, dignoscuntur an sint revera Christiani. Neque enim in fidei professione stat summa rei; sed in hoc ut opera fidei ad finem usque vitæ quis exhibeat.

Audiamus jam IRENÆUM, quem, una cum ceteris ejusdem sæculi Patribus, soli fidei et nullis operibus salutem et justitiam coram Deo acceptam referre, mentiuntur MAGDEBURGENSES (*cent. 2. p. 46*). Porro *adv. Hær.* lib. IV. cap. 13 hæc habet: *Et quia Dominus naturatim legis, per quæ homo justificatur, quæ etiam ante legis dationem eustodiebant qui fide justificabantur et placebant Deo, non dissolvit, sed extendit et implevit, etc.* Et lib. II. cap. 32 varios suæ ætatis hæreticos refellens: *Si quidem*, ait, *nihil esset mali aut rursus boni; opinione autem sola humana, quædam quidem injusta, quædam autem justa putarentur, non utique dixisset dogmatizans, id est, docens: justi autem fulgebunt sicut sol in regno Patris eorum; injustos autem et qui non faciunt opera justitiæ, mittet in ignem æternum, ubi vermis ipsorum non morietur, et ignis non extinguetur* (1).

Huc accedit CLEMENS ALEXANDRINUS, *Strom. lib. VI. cap. 14* scribens: *Quare quando audierimus, Fides tua te salvam fecit, non accipimus eum dicere absolute eos salvos futuros qui quomodocumque crediderint, nisi opera quoque fuerint consecuta* (2).

S. HYPOLITUS PORTUENSIS, in *lib. adv. Græcos*, de resurrectione agens, asserit quod soli justi operum justorum memores erunt, per quæ pervenerunt ad regnum cæleste (3).

Nec aliter sentit ORIGENES, quippe qui *Comment. in epist. ad Rom.*

(1) Pag. 242 et 163. Ed. Massueti. — Græca ΙΡΕΝΑΙ verba hac utraque parte interciderunt.

(2) Ὡςτι, ὅταν ἀκούμῃ, Ἡ πίστις τοῦ σίσωκε σι, οὐχ ἀπλῶς τοὺς ὁπωσού πιστιύσαντας σωθῆσθαι λίγισι αὐτὸν ἐκδεχόμεθα, ἰὰν μὴ καὶ τὰ ἔργα ἱπακολευθῇ. Ed. Oxoniensis, pag. 283.

(3) Μόναι δὲ οἱ δίκαιοι μὲνῆσονται ἔργων, δίδων ἐπὶ τὴν εὐράναιον βασιλίαν κατήτησαν. *Patrol. Græc.*, Migne, tom. X. pag. 801.

lib. II. n. 4, scribit : *Secundo in loco ædificantur fideles, ne putent sibi hoc solum sufficere posse quod credunt; sed sciant justum judicium Dei reddere unicuique secundum opera sua* (1).

Audiat et CYPRIANUS qui lib. de lapsis n. XXXVI : *Si precem, inquit, toto corde quis faciat, si veris pœnitentiæ lamentationibus et lacrymis ingemiscat, si ad veniam delicti sui Dominum justis et continuis operibus inflectat, misereri talium potest qui et misericordiam suam protulit dicens : cum conversus ingemueris, tunc salvaberis, et scies ubi fueris..... Pœnitenti, operanti, roganti potest clementer ignoscere..... Qui sic Deo satisfecerit, qui pœnitentia facti sui, qui pudore delicti, plus et virtutis et fidei de ipso lapsus sui dolore conceperit, exauditus et adjutus a Domino, quam contristaverat nuper lætam faciet Ecclesiam; nec jam solam Dei veniam merebitur, sed et coronam.*

GREGORIUS NYSSENUS, in Ecclesiasten hom. VIII, in rem nostram præclara hæc habet : *Cum enim cum fide connexuisset et contexuisset justitiam* (loquitur de armatura illa cujus Apostolus ad Eph. VI. 14 meminit), *per ea armato munit thoracem, recte et tute per utrumque militis pectus muniens. Non potest enim fieri, ut alterum ab altero disjunctum, ex se tuta præbeat arma et qui ipsa tractat. Neque enim fides absque operibus justitiæ sufficit ad servandum. Neque rursus vitæ justitia per se tuta est ad salutem, si sejuncta sit fides* (2).

Ecclesiæ porro syriacæ fidei testis est S. EPHREM qui, Serm. 80 adv. Scrutatores, hæc habet : *Quemadmodum corpus per vitam animæ subsistit; ita quoque ipsa anima, quantumvis bene vivere videatur, sine*

(1) Opp. tom. IV. pag. 479. Ed. Delarue.

(2) Τῇ πίστει γὰρ τὴν δικαιοσύνην συμπλέξας καὶ συνυφάνας, διὰ τούτων κατασκευάζει τῷ ὁπλίτῃ τὸν θώρακα, καλῶς καὶ ἀσφαλῶς δι' ἀμφοτέρων θωρακίζων τὸν στρατιώτην. Οὐ γὰρ ἴστιν, ἴτινος τοῦ ἱερίου διελζιγμίου, ἀσφαλὲς ὅπλον ἢ ἰαυτοῦ τῷ μεταχειριζομένῳ γινέσθαι. Οὐτε γὰρ ἡ πίστις χωρὶς τῶν ἔργων τῆς δικαιοσύνης ἱκανὴ περιστάσασθαι οὐδ' αὖ πάλιν ἡ τοῦ βίου δικαιοσύνη ἀσφαλὲς ἴστιν εἰς σωτηρίαν καθ' ἑαυτὴν, διελζιγμίου τῆς πίστεως. — Opp. tom. I. pag. 747. Ed. Migne.

piis operibus non vivit : quia mediantibus operibus fidei, potis est ad vivendum. Quod testantur Scripturæ (1).

Possemus et alia plurima testimonia hic congerere (2); verum ea quæ protulimus abunde suffleunt ad ostendendum primitivæ Ecclesiæ fidem Novatorum placitis nequaquam favere; ipsam econtra cum doctrina JACOBI aliorumque Scriptorum sacrorum mirum in modum convenire. Ex iis vero pariter constat quid sentiendum sit de Rationalistarum hujusce ætatis systemate, qui nempe commenta sua aliqua veri specie adornare non valent, nisi sanctos Ecclesiæ Patres perpetuis calumniis proscindendo, atque monumenta historica, etiam apertissima, aut tacendo aut pro falsis gratis traducendo.

V. Itaque ex iis quæ hucusque disputavimus, illud certo certius conficiendum est, quod si nempe Scriptura aliqua doctrinæ JACOBI repugnans deprehenderetur, non jam ipsa JACOBI epistola pro spuria habenda foret, uti arbitrario prorsus modo fecit LUTHERUS; sed scriptura illa, quæ huic non tantum JACOBI sed et universæ Scripturæ et SS. Patrum doctrinæ adversaretur, rejicienda foret. Verum, hujusmodi Scriptura nusquam occurrit. Loca enim Paulina quæ adversarii allegare solent, nil tale præ se ferunt; et si mente a præjudicatis opinionibus aliena perpendantur, cum illa, quam exposuimus, doctrina ad amussim conveniunt.

(1) *وَمَنْ هُوَ الَّذِي يَتَكَبَّرُ فِي الْبَيْتِ هَذَا يَقُولُ هَذَا هُوَ اللَّهُ عَزَّ وَجَلَّ* (1) *وَمَنْ هُوَ الَّذِي يَتَكَبَّرُ فِي الْبَيْتِ هَذَا يَقُولُ هَذَا هُوَ اللَّهُ عَزَّ وَجَلَّ*

♦ *Opp. tom. III. Syriacæ et latine, pag. 149. Ed. Romana.—Translationi ST. ASSEMANI, utpote laxiori, stare non potuimus : ideoque versionem nostram hic substituiimus.*

(2) Cf. v. g. S. JESTINUS, *Dial. cum Tryph.*, n. 95. p. 192. Ed. Maran. — S. GREGORIUS NAZIANZENUS, *Orat. XL.* n. 45. *Opp. tom. I. pag. 728. Ed. Benedict.* — S. CYRILLUS ALEXANDR., *Epist. LV* (olim XLVII). *Opp. tom. X. pag. 174. Ed. Auberti.* — S. CHRYSOSTOMUS, *Hom. LXIV in Matt.*, n. 4. — S. JACOBUS NISIRENUS, *Serm. I de fide*, §§. 4 et 9. Romæ, 1756. — S. AMBROSIIUS, *De off. ministr.*, cap. XXIX. — S. AUGUSTINUS, *lib. de fid. et oper.*, cap. XIV. — S. HIERONYMUS, *lib. 2 contra Jovin.*, n. 2. etc. etc.

Quid enim sibi velit PAULUS quando scribit : *Arbitramur justificari hominem per fidem sine operibus legis* (Rom. III. 28); et *scientes quod non justificatur homo ex operibus legis nisi per fidem Jesu Christi* (Gal. II. 16); aut *gratia estis salvati per fidem, et hoc non ex vobis* (Eph. II. 8); et iterum : *si autem gratia, jam non ex operibus : alioquin gratia jam non est gratia* (Rom. XI. 6)? Unum porro in istis et similibus præ oculis habet, unumque auditoribus suis inculcare intendit Apostolus : omnimodam videlicet primæ justificationis *gratuitatem*, quam proinde homo nullis operibus *promereri* valet. In illa quippe falsa persuasionem erant, uti sæpius jam monuimus, Judæi ad CHRISTUM recens conversi, sibi, utpote ex ABRAHÆ semine, et circumcisis, et legem habentibus, justificationis gratiam debitam fuisse. Ex altera parte Ethnico-Christiani adversus Judæos gloriari solebant, quasi Gentiles propterea vocati essent quod, Judæis legem suam non servantibus et idcirco rejectis, ipsi legem naturalem probe servavissent. Itaque in hoc errore refellendo totus est Apostolus in locis objectis : ideoque sæpius ibidem asserit neque Judæos neque Gentiles ullis operibus legis sive mosaicæ sive naturalis, *justificationis gratiam promereri* potuisse; quippe quæ *per fidem ex gratuita prorsus Dei benignitate* homini obtingat. Hanc porro veritatem JACOBUS nullibi negavit : ipsam e contra asseruit, uti supra diximus, licet obiter tantum ejus, utpote extra propositum suum, meminerit.

Sed posita semel justificationis gratuitate, duo ulterius inquiri poterant : unum nempe : utrum homo ad justificationis gratiam obtinendam sese *præparare* non debeat, non quidem per opera ex sola notitia legis sine spiritu gratiæ moventis facta, sed *per opera ex spiritu gratiæ et fidei* præstita; alterum autem : qui homo, justificationis gratiam jam adeptus, relative ad opera legis sese habere debeat. Jam vero duplicem hanc quæstionem, quotiescumque ipsam tractandi occasio opportuna visa est, eodem plane sensu quam JACOBUS, PAULUS resolvit. Quod si nonnumquam quæstiones illas silentio pre-

mat, hac sola ratione ducitur, ne scilicet ex malo ipsarum intellectu auditores sui errandi ansam accipiant.

JACOBUS vero, quum perspectum haberet plurimos e Judæis recens conversis doctrinam PAULI de gratuita justificatione perverse intelligere, ipsaque *abuti* tales ex ea sequelas deducendo a quibus PAULUS abhorrebat; fideles illos edocere voluit quomodo intelligenda esset hæc Apostoli doctrina. Itaque ea quæ a PAULO in nonnullis locis, non absque ratione, prætermissa fuerant, ipse optimo jure supplēvit atque disertius tradidit, non secus tamen ac ipse PAULUS in aliis scriptorum suorum locis fecerat. Quæ cum ita sint, ne minimum quidem inter PAULUM et JACOBUM dissidium vigere manifesto patet.

VI. Finem porro præsentī nostræ questionī imposituri, non possumus quin mirandam nimis catholicæ doctrinæ cum iis quæ tum ex Scripturis tum ex Patribus eruimus, concordiam prædicemus. Ad hoc autem canones quatuor a sacrosancta Tridentina Synodo definitos recitare suffecerit. Itaque *Sess. VI. de justificatione Canon I* sic sonat: « Si quis dixerit, hominem suis operibus, quæ vel per » humanæ naturæ vires, vel per legis doctrinam fiant, absque divina » per Jesum Christum gratia posse justificari coram Deo; anathema » sit. » — *Can. IX*: « Si quis dixerit, sola fide impium justificari, » ita ut intelligat nihil aliud requiri, quod ad justificationis gratiam » consequendam cooperetur, et nulla ex parte necesse esse, eum suæ » voluntatis motu præparari, atque disponi; anathema sit. » — *Can. III*: « Si quis dixerit, sine præveniente Spiritus Sancti inspiratione, at » que ejus adjutorio, hominem credere, sperare, diligere, aut poenitere » posse, sicut oportet, ut ei justificationis gratia conferatur, anathema » sit. » — *Can. XXIV*: « Si quis dixerit, justitiam acceptam non con » servari, atque etiam non augeri coram Deo per bona opera; sed » opera ipsa fructus solummodo, et signa esse justificationis adeptæ, » non autem ipsius augendæ causam; anathema sit. »

CAPUT TERTIUM.

ARGUMENTUM. *Supra (Cap. I. §. 19) bipartitam generalem propositionem Jacobus protulit : sit omnis homo velox ad audiendum : tardus autem ad loquendum. Priorem porro hujusce propositionis partem capite antecedenti evoluit : posteriorem (tardus ad loquendum) nunc assumit tractandam. Orditur itaque a declarando quid præsertim intellexerit dum tarditatem ad loquendum commendaret : vitium quippe Judæis recens conversis iterum familiare, alios scilicet religionem edocendi pruritum, impugnare intendebat (1). Hujus autem commendationis suæ rationem reddendo (2), adversus peccata linguæ invehendi occasionem nanciscitur. Descripta igitur, triplicis imaginis ope, linguæ potentia (3-6), quam difficile sit membrum istud, quantumvis pusillum, debite moderari, demonstrat (6-8). Quod ut magis in aperto ponat, quosdam actus e diametro oppositos, quibus tamen eadem lingua inservit, recenset (9-10) : cujus ministerii deformitatem, variis iterum usus similitudinibus, denuntiat (11-12). Tum ad propositum suum rediens, qualis quis esse debeat ut ad munus alios religionem edocendi legitime aspirare queat, generatim edicit (13). Statim vero quænam huic muneri debite obeundo maxime obstant aperit (14-16), ac demum quibusnam speciatim dotibus magister præfulgere debeat exponit (17), proposito simul præmio ipsi reservato (18).*

§. 1-2. Nolite plures magistri fieri fratres mei, scientes quoniam majus judicium sumitis. ² In multis enim offendimus omnes. Si quis in verbo non offendit : hic perfectus est vir. potest etiam freno circumducere totum corpus.

§. 1-2. Μὴ πολλοὶ διδάσκαλοι γίνεσθε, ἀδελφοί μου, εἰδότες ὅτι μείζον κρίμα ληψόμεθα. ² Πολλὰ γὰρ πατοῦμεν ἅπαντες. Εἴ τις ἐν λόγῳ οὐ πταίει, οὗτος τέλειος ἀνὴρ, θνατὸς χαλιναγωγῆσαι καὶ ὅλον τὸ σῶμα.

PARAPHRASIS. *Ne multi ex vobis, fratres mei, magistri fieri aspirent, quippe qui scitis quod nos magistri severiori plectemur sententia, si nempe in illo munere obeundo defecerimus. Hoc autem facillime contingere potest. In multis enim offendimus omnes quotquot sumus : sed maxime in lingua; adeo ut si quis in verbis suis non offendat, hic perfectus censeatur vir, utpote qui potens sit et totum corpus suum debite moderari.*

Supra (cap. I. v. 19) bipartitam propositionem emiserat JACOBUS, sit autem omnis homo velox ad audiendum : tardus autem ad loquendum. Priorem porro hujusce propositionis partem hucusque evolvit, quonam sensu quisque ad audiendum velox esse debeat perspicue tradens. Nunc vero posteriorem ejus partem, nimirum *tardus sit ad loquendum*, tractandam assumit. Itaque quid per hæc verba maxime intenderit, statim explicat dicens : *Nolite plures magistri fieri*; indeque occasionem nactus, varia linguæ pericula et incommoda recenset, et adversus ipsam invehitur. — Non est autem cur putemus Apostolum ad hoc novum argumentum tractandum ex abrupto transire : nec enim deficit quilibet cum præcedentibus nexus. Innuerat siquidem modo JACOBUS non deesse qui vel ex inscitia vel ex imbecillitate ingenii PAULUM aliter quam oporteret interpretarentur, sicque falsa dogmata spargerent. Non incongrue igitur ad hoc devenit, ut auditores suos

admoneat ne docendi munus indebite sibi arripiant. Notum autem est fastuosum admodum habuisse Judæos titulum magistri sive *Rabbi*, nec ullo alio delectari magis fuisse solitos superbos homines. Hinc Scribas et Phariseos increpat CHRISTUS quod *ament vocari ab hominibus Rabbi* (Matt. XXIII. 7); ideoque discipulos suos monet: *vos autem nolite vocari Rabbi* (ib. v. 8). Intempestivi hujus alios edocendi pruritus PAULUS pariter meminit 1 Tim. I. 6. 7 et Tit. I. 10. 11.

γ. 1. *Nolite plures magistri fieri fratres mei.*) Itaque ab immoderato illo magisterii assumendi ambitu auditores suos Apostolus compescit. *Nolite*, ait, *passim* (πολλὰ, multi, quod est orationis subjectum) *ad magisteria aspirare*.

scientes quoniam majus judicium sumitis.) Adhortationis suæ rationem reddit Apostolus: quam quidem non absolutam sed conditionatam esse ipsa rei natura suadet. Procul enim dubio subintelligit, *si hoc munere non debite functi fuerimus*. Ceterum conditionem hanc sæpissime et facillime verificari, mox declarabit. — Pro eo quod in Vulgata dicitur *sumitis*, in græco est λαμβανέτω h. e. *sumemus*, ita ut et ad seipsum Apostolus, modestiæ causa, sententiam transferat. — Dictio κρίμα λαμβάνειν occurrit pariter Matt. XXIII. 13; Marc. XII. 40; Luc. XX. 47. et Rom. XIII. 2, et ubique *pœnas dare* significat: κρίμα scilicet, *judicium*, per metonymiam ibi dicitur de *pœna*, et respondet hebraico עֲשׂוּהוּ (Exod. VI. 6). Qui sensus et in præsentī obtinere videtur: melius enim ad pœnam quam ad judicium quadrat tum notio *accipiendi*, tum attributum *majus*. — Comparativus μέζων hic usurpatur ita, ut alterum comparisonis membrum reticeatur, et relinquatur intelligendum ex contexta oratione. Quod in libris N. T. sæpius obtinet (1). Itaque sensus est: *graviori plectemur sententia quam ii qui docendi munere insigniti non fuerint*.

γ. 2. *In multis enim offendimus omnes.*) Probat (γὰρ) jam generali quadam ratione, defectum illum quem in munere doctoris obeundo severioris pœnæ causam futurum innuerat, facillime

(1) Cf. Gram. Græc. N. T. §. 36. pag. 250. n. 3.

admitti posse. Ratio autem hæc est, quod imbecillitatis nostræ proprium sit, ut in multis deficiamus ac delinquamus omnes.

Locutio πολλά habenda non est pro Regimine Verbi, sed pro Accusativo, ut vocant, *adverbiati* (1). Valet autem hic *in multis*, ut vulgatus scite vertit. — Ἀπαντες i. e. *universi omnes*, nemine excepto. Differt igitur a πάντες quod nonnumquam *plerosque* solummodo designat: cf. Act. II. 12 collato v. 13. Huic effato JACOBI prorsus concinit JOHANNES scribens (1 epist. I. 8) : *si dixerimus quoniam peccatum non habemus, ipsi nos seducimus, et veritas in nobis non est.*

Duo porro errores sibi invicem oppositi paucis istis JACOBI vocibus profligantur. Unus est Pelagianorum, qui contenderunt hominem propriis liberi arbitrii viribus ad eam justitiæ perfectionem pervenire posse, ut absque ullo prorsus peccato vivat. Novatorum alter est, qui docuere *omne* opus, etiam justī, damnabile esse et peccatum mortale, si judicio Dei judicetur. Sed non dicit Apostolus *in omnibus*, sed *in multis* peccare omnes. Ceterum vix moneamus opus est JACOBUM non velle significare *omnes* in multis *lethaliter* peccare. Cf. quæ scripsimus supra pag. 122.

Si quis in verbo non offendit : hic perfectus est vir.)

Quod Apostolus generali sententia dixerat *in multis offendimus omnes*, id *in verbis* maxime obtinere nunc edocet : qui enim *in verbo non offendit, hic perfectus est vir*. Quum autem ex una parte nemo facile se perfectum æstimare possit; et ex altera is qui magisterium suscepit sæpius verba facere debeat; hinc etiam ipse in majori periculo delinquendi ideoque severius judicium sibi assumendi sese versari agnoscat necesse est. Cur porro vir ille *perfectus* prædicetur, sequentibus verbis declaratur :

potest etiam freno circumducere totum corpus.) Græce : *potens* (δυνατός) *et totum corpus refrenare* : quæ sententia præcedenti *asyndetice* jungitur : cujusmodi *asyndeton* sæpe obtinet ubi dicti aliquis ratio subjicitur. Igitur res adeo difficilis apparet linguam ita moderari ut in verbis non delinquat, ut qui eousque progressus

(1) De *Accusativo adverbiali* vid. HERMANNUM ad Vigerum, pag. 382. — Gram. Græc. §. 32. 6. pag. 233. Cf. pariter pagg. 140. 229. 251.

est possit etiam totum corpus suum debite moderari, ac proinde vir perfectus reputari. Per *corpus* intelligit ESTIUS ad h. l. *corpus actionum*, sed infirma prorsus ratione ductus. Quamquam enim Apostolus linguam nondum nominavit, linguæ tamen moderamen omnes intellexerint audiendo: *si quis in verbo non offendit*. Nec video quomodo notio Verbi *χαλναγωγειν* (de quo vid. sup. pag. 87) ad corpus actionum quadrare valeat. Homo quidem affectiones animi et membra corporis, e quibus variæ actiones prodeunt, refrenare ac domare potest; ipsas vero actiones *transeuntes* refrenare durius diceretur.

γ. 3-6. Si autem equis frena in ora mittimus ad consentiendum nobis, et omne corpus illorum circumferimus.⁴ Ecce et naves, cum magnæ sint, et a ventis validis minentur, circumferuntur a modico gubernaculo ubi impetus dirigentis voluerit.⁵ Ita et lingua modicum quidem membrum est, et magna exaltat. Ecce quantus ignis quam magnam silvam incendit!⁶ Et lingua ignis est, universitas iniquitatis.

γ. 3-6. Ἴδε³, τῶν ἵππων τοὺς χαλινούς εἰς τὰ στόματα βάλλομεν πρὸς τὸ πείθεσθαι αὐτοὺς ἡμῖν· καὶ ὅλον τὸ σῶμα αὐτῶν μεταγόμεν.⁴ Ἰδοὺ, καὶ τὰ πλοῖα, τηλικαῦτα ὄντα, καὶ ὑπὸ σκληρῶν ἀνέμων ἐλαυνόμενα, μετáγεται ὑπὸ ἐλαχίστου πηδαλίου ὅπου ἂν ἡ ὁρμὴ τοῦ εὐθύνοντος βούληται.⁵ Οὕτω καὶ ἡ γλῶσσα μικρὸν μέλος ἐστὶ, καὶ μεγαλουργεῖ. Ἰδοὺ, ὀλίγον⁶ πῦρ ἡλίκην ὕλην ἀνάπτει.⁶ Καὶ ἡ γλῶσσα πῦρ, ὁ κόσμος τῆς ἀδικίας.

PARAPHRASIS. Neque hoc est adeo mirandum. Quod si, ut exemplis utar, equis frena in ora injicimus, ut nobis obediant: totum simul ipsorum corpus moderamur et circummagimus. En etiam naves, licet tantæ magnitudinis sint,

et a ventis validis exagitentur, modico gubernaculo circumferuntur quocumque gubernator decreverit. Sic et lingua pusillum quidem membrum est, sed magna efficit. Ecce, modicus ignis quantam silvam incendere potest! Utique lingua ignis est, lingua, mundus ille iniquitatis.

VARIANS LECTIO.

a) Pro $\iota\delta\epsilon$ reponendum est $\iota\delta\delta$: quam lectionem exhibent ABGK, minusculi multi, versionesque itala, coptica et vulgata (syriaca legit $\iota\delta\omega\gamma\alpha\rho$: habet enim ܝܕܕܝܐ), pariterque DAMASCENUS et OECUMENIUS. Suffragatur porro lectionis hujus difficultas, cum, ea admissa, phrasis *apodosis* carere videatur. Dein, cum Apostolus in hac epistola $\iota\delta\omega$ sexies scripserit (III. 4. 5; V. 4. 7. 9. 11), nusquam $\iota\delta\epsilon$, non apparet cur in presenti $\iota\delta\epsilon$ et non $\iota\delta\omega$ scripsisset.

b) Pro $\epsilon\lambda\gamma\epsilon\sigma$ quod est in textu Complutensi, Vulgatus auctor legit $\eta\lambda\iota\kappa\iota\varsigma$: quæ quidem lectio multos et graves testes habet (occurrit in A**BC*, apud CRYPTOSTOMUM, ANTHOCHUM et OECUMENIUM), et a TISCHENDORFIO recepta fuit. Quia tamen Complutensis lectio et auctoritate non caret (ipsam quippe exhibent A* (vdtr) C**GK, Syrus, minusculi fere omnes, atque DAMASCENUS et THEOPHYLACTUS), et cum contexta oratione longe melius coheret, ideo eam prætulimus; eo magis quod ob insequens $\eta\lambda\iota\kappa\eta$ librarii oculus aberrare faillime potuerit. Bæda sene testatur nonnullos codices latinos habere : *ecce modicus ignis*; vetus Itala legit : *modicus ignis*; ipseque HIERONYMUS in *Isaiæ LXVI. 15. 16* habet : *parvus ignis*.

§. 3. Si autem equis frena in ora mittimus cet.) Non esse cur mirentur auditores sui quod dixerit, eum qui linguam suam refrenare novit, posse et totum corpus debite moderari, Apostolus hic ostendit, triplici similitudine adhibita.

Prima porro similitudo desumitur ex freno, quod, in ore equi injectum, quantumvis in se parvum, toti tamen ejus corpori subigendo ac dirigendo inservit. Hæc autem comparatio per *de transeuntis* inducitur. — Verba $\epsilon\iota\delta\epsilon\tau\omega\nu\epsilon\pi\iota\omega\nu\kappa\tau\lambda$. presentis orationis *protasis* sunt : *apodosis* vero a verbis $\kappa\alpha\iota\epsilon\lambda\omega\nu$ incipit. Luc. II. 15 et infra cap. IV. 15 particula $\kappa\alpha\iota$ apodosin pariter inducit. Construe-

tio græca protaseos paulo impeditior est, propter verborum transpositionem, qualis et Joh. XII. 47 deprehenditur. Expeditior phrasis hæc fuisset : *εἰ δὲ εἰς τὰ στόματα τῶν ἐπικῶν χαλινούς βαλλομεν*. Vicissim vero latina *ad consentiendum nobis*, quia subjectum Verbi nullum exprimitur, obscuriora sunt. Vertendum erat : *ut obediant ipsi nobis* : quem sensum verba græca manifestum faciunt. — *Προς de consilio* sen *fine*, ut Matt. VI. 1. — Infinitivus *πειθεσθαι* hic nominascit et in quarto casu ponitur : quæ quidem structura in libris N. T. sæpius occurrit quam apud scriptores profanos. — *Μεταγεῖν* proprie est *de loco in locum transferre*.

§. 4. *Ecce et naves, cum magnæ sint, et a ventis cet.)* Secunda similitudo ducitur a gubernaculo quod, licet iterum modicum, navem etiam ingentem atque a ventis agitatum, quocumque gubernator decreverit dirigere valet. — Verborum sensus perspicuus est, nisi quod latinum *impetus* notionem quam *ὄρμη* in presenti obtinet non satis accurate exprimat. Non enim dubitaverim vocem illam animi impetum sive voluntatem metaphorice hic significare, ut Act. XIV. 5. HESYCHIUS : *ὄρμη* βούλη, επιθυμία*.

§. 5. *Ita et lingua modicum quidem membrum est, et magna exaltat.)* Duplicis præmissæ similitudinis applicatio (*ὥτως καὶ*) fit. Apostolus nempe declarat linguam, quantumvis pusillum membrum sit, magna tamen efficere posse : haud secus ac frenum et gubernaculum quæ quidem res parvæ sunt, sed magnos producunt effectus. — Particula *καὶ* posteriori loco posita, vim *adversativam* obtinet, ut supra cap. II. 3. — *Μεγαλυνεῖν* (ex *μεγάλα* et *αὐχεῖν*) proprie est : *magna jactare verbis*. Verum sensus ille præsentī Apostoli scopo parum convenire videtur : idcirco putaverim cum OECUMENIO (1), quem ESTIUS etiam sequitur, JACOBUM vocem illam sic usurpare ut valeat *magna vi pollere, magna efficere*. Et certe in omnibus linguis, et græca præsertim, usu contingit ut voces a significatione grammatica in aliam quandoque deflectant. Sic, ut

(1) *Ἡ γλῶσσα.... ὅταν μικρὸν μέλος ᾖ, ἀλλὰ μεγάλα ἔργα-
ζέται, καλὰ δὲ καὶ κακὰ* h. e. *lingua.... quæ etsi pusillum sit
membrum, magna tamen operatur : bona videlicet et mala*.

exemplo ex eodem prorsus genere petito utar, vox *παρρησια* (α πας et ρησις), quæ etymologice libertatem *in loquendo* denotat, ad confidentiam *in agendo* significandam nonnumquam usurpatur : cf. Philip. I. 20.

Ecce quantus ignis quam magnam silvam incendit!) Tertia est similitudo quam ad potentiam linguæ declarandam Apostolus adhibet. Desumitur porro e scintilla quæ magnam silvam incendere valet. — *Ολιγον* (videsis var. lect.) de eo etiam quod magnitudine, nec numero tantum, exiguum est, dici constat ex Act. XIX. 23. HESYCHIUS : *ὀλίγον μικρόν ἢ οὐδέν.*

§. 6. *Et lingua ignis est, universitas iniquitatis.*) Prædictam comparisonem merito assumi ad vim linguæ significandam, Apostolus asseverat (καί, gallice : *oui*). *Utique*, ait, *lingua ignis est, lingua, inquam, mundus ille iniquitatis.* — Metaphoram ignis de lingua pariter usurpatam reperies Prov. XVI. 27; Ps. CXIX. (Heb. CXX. 3. 4).

Verba *universitas iniquitatis*, ο *κόσμος τῆς ἀδικίας*, appositionem esse ad subjectum *lingua*, non vero ad prædicatum *ignis*, præsentia Articuli in græco mihi suadet. Nec obest quod comma illud a voce declaranda aliquantisper removeatur : hoc enim nonnumquam fieri disertæ exempla docent. Cf. 1 Cor. V. 7; Heb. VII. 4. Quoniam porro sensu lingua dicatur *ignis* et *mundus iniquitatis*, in sequentibus declarabitur. — Articulus ὁ videtur hic vicem supplere Pronominis Demonstrativi, idemque adeo valere quod *εκείνος*. Gallice verterem : *la langue, ce monde d'iniquité*. Cf. Rom. VII. 21 (τὸν νόμον).

Sensum quidem longe diversum exhibet syriaca versio. Legit enim : *om* *ܡܢ ܕܠܗ ܐܝܬܐ ܕܡܢ ܕܠܗ ܐܝܬܐ* : *om* *ܡܢ ܕܠܗ ܐܝܬܐ*. h. e. *et lingua ignis est : et mundus iniquitatis velut silva est*. Existimavit nempe syrus utriusque membri comparisonis applicationem hanc fieri, quatenus lingua igni respondeat, et mundus iniquitatis silvæ quam ignis accendit. Verum hanc lectionem codex græcus nullus agnoscit : nec est eur putemus huiusmodi codicem, qui sic legeret, Syrum præ manibus habuisse. Notum quippe est ipsum non solum translatoris sed et interpretis vires quandoque agere. Sensus tamen quem hic facit, cum lis quæ immediate sequuntur durius cohæret ut admitti valeat. Ibidem enim materia circa quam lingua vim suam ignitam exserit, corpus humanaque vita esse haud obscure innuitur.

§. 6-8. Lingua constituitur in membris nostris, quæ maculat totum corpus, et inflammat rotam nativitatis nostræ inflammata a gehenna. ¹ Omnis enim natura bestiarum, et volucrum, et serpentium, et ceterorum domantur, et domita sunt a natura humana : * linguam autem nullus hominum domare potest : inquietum malum, plena veneno mortifero.

§. 6-8. Οὕτως * ἡ γλῶσσα καθίσταται ἐν τοῖς μέλεσιν ἡμῶν, ἡ σπιλοῦσα ἔλσιν τὸ σῶμα, καὶ φλογίζουσα τὸν τροχὸν τῆς γενέσεως, καὶ φλογιζομένη ὑπὸ τῆς γενένης. ¹ Πᾶσα γὰρ φύσις θηρίων τε καὶ πετεινῶν, ἐρπετῶν τε καὶ ἐναλίων, θαμάζεται καὶ θεδύμασται τῇ φύσει τῇ ἀνθρώπινῃ· * τὴν δὲ γλῶσσαν οὐδεὶς δύναται ἀνθρώπων θαμάσαι· ἀκατάσχετον κακὸν, μεστή τοῦ θανατηφόρου.

PARAPHRASIS. Lingua nimirum hanc inter membra nostra vicem gerit ut totum corpus peccatis coinquinet, et totum vitæ decursum inflammet, et inflammetur ipsa a diabolo. Etenim, dum omnis, qualiscumque ea sit, natura tam ferarum quam volucrum, tam serpentium quam marinarum belluarum, humana solertia domatur : linguam tamen nullus hominum domare valet. Instabile malum est lingua, lethifero veneno referta est.

VARIANS LECTIO.

a) Particula οὕτως vix aliquid auctoritatis habet. Nec enim ipsam exhibent ABCK. Abest pariter a minusculis multis et ab antiquis versionibus.

§. 6. *Lingua constituitur in membris nostris, quæ maculat cet.)* Quod Apostolus compendiose modo asseruerat : *lingua ignis est, universitas iniquitatis*, uberius nunc explicat et evoluit. Sensem in paraphrasi aperuimus. Quod ad structuram phraseos attinet, notandum est tria Participia *σπιλουσα*, *φλογιζουσα* et *φλογιζομενη* cum Verbo Finito *καθίσταται* arctissime construi. Vulgata quidem, ommissa particula *και*, Participium *inflammata* (*φλογιζομενη*) dependens a Verbo finito *inflammat* (græce Part. *φλογιζουσα*) habet, sicque innuit relationem *causæ* et *effectus*, quasi lingua ideo inflammet quia et ipsa a gehenna inflammatur. Quæ relatio quamvis *logice* vera sit, eamque procul dubio JACOBUS in mente habuerit, *grammaticæ* tamen non exprimitur. Ceterum Participia illa *Præsentis* id quod fieri *solet* declarant. — *Σπύλω* proprie dicitur de vestium commaculatione, *metaphorice* vero de iniquatione peccati. Lingua porro totum corpus inquinare dicitur quatenus ipsa eum totum corpus sive cetera corporis membra peccent, frequens causa est. — In Verbo *φλογιζειν* servatur metaphora ignis : qua dempta, putaverim non quidpiam a præcedenti verbo distinctum hic significari : ita ut quod linguae adscriptum fuit respectu *totius corporis*, idem nunc ipsi tribuatur respectu *totius vitæ*.

Vix credibile est quot et quam contortas interpretationes duæ illæ voces, *τροχος της γενεσεως*, *rota nativitatæ*, nactæ sint. Quibus prætermisissis, sententiam illam quæ simplicitate sua, servata tamen verborum proprietate, se commendat, proferre hic suffecerit. Itaque *rotam nativitatæ* intelligimus *totum humanæ vitæ decursum* (1). Et quidem *τροχον*, etiamsi in ultimam accentum reposueris, hunc significatum obtinere negari non potest. Nam HESYCHIUS inter varias hujus vocis notiones, et illam recenset qua *τροχός* idem est ac *δρόμος*. Quamquam si notionem propriam *rotæ* ipsi servaveris, non incongrue metaphora hæc ad vitam quadrabit. Ex altera parte vocem *γενεσις*, quæ proprie *originem* et *nativitatem* denotat, *metonymice* tamen pro

(1) Nec aliter OECUMENIUS. *Τροχον γενεσιως της ζωης ημων φησι φλογιζουσα ουι ται τροχον της γενεσιως, σπιλοι την ζωην.* h. e. *Τροχον γενεσιως vitam nostram vocat : inflammans igitur τροχον γενεσιως, commaculat vitam.*

vita usurpari, exemplis tum e classicis (1), tum e versione septuagintavirali desumptis conficitur. Cf. Judith XII. 18; Sap. VII. 5.

inflammata a gehenna.) Innuitur hisce verbis undenam lingua vim tantam habeat. Illam porro habere dicitur *a diabolo*, qui reapse lingua hominis tamquam instrumento uti solet ad mala quævis perpetranda. Pro diabolo ponitur *gehenna*, per *metonymiam* loci pro locato: gehenna enim sedes est ac domicilium diaboli. Mediante hac *metonymia*, metaphora *ignis* ad finem usque protrahitur.

Est autem Γεεννα Aramaica vox גֵּהֶנְנָא græcis litteris scripta. גֵּהֶנְנָא vero composita vox est ex גֵּהֶנְנָא גֵּנָא quod plenius dicitur (4 Regum XXIII. 10): גֵּהֶנְנָא גֵּנָא — « Fuit vallis filiorum Hinnom, uti scribit ill. D. BEELEN (2), locus prope Jerusalem, crudeli Molochi cultu aliquando infamis, quem Josias rex narratur contaminasse, ut etiam hac ratione Israelitæ a nefando cultu averterentur (4 Reg. XXIII. 10). Videtur autem pius Rex præcepisse ut in eum locum conjicerentur morticina et immunda alia quævis comburenda; hinc et ignis in valle Hinnom alitus perpetuus; unde deinceps, quia is locus speciem exhibebat pœnarum Inferni, *Gehennæ* nomine Infernus designari cœpit; fuitque is usus loquendi, eo jam tempore quo Salvator noster cum hominibus versari dignatus est, communissimus, uti vel ex N. Fœderis Scripturis abunde constat. » — Vocatus est etiam locus iste *Thopheth* (תֹּפֶת 4 Reg. XXIII. 10), a ritu, ut quidam putant, sacrificandi, quod interim dum infantes in honorem Molochi cremabantur, *tympa* pulsarentur, ne parentes eorum vagitus audientes, dolore tangerentur. Tympanum enim hebraice תֹּפֶת dicitur.

§. 7. *Omnis enim natura bestiarum, et volucrum, cet.)* Probat (γαρ) Apostolus linguam revera a diabolo inflammari, quum homo qui omnem, qualiscumque ea sit, animalium indolem domare novit, linguam tamen refrenare non valeat. Sicque quanta sit linguæ perniciosa vis, iterum apparet. — Πασα φωνη, absque Articulo, est

(1) THEILE (pag. 185) ex HEISENIO affert illud ARISTIDIS: οἱ περιθροῖντες ἡδὴ οἱ τῆς γυναικὸς ἰσχυροί.

(2) *Chrestomathia Rabbínica et Chaldaica*, vol. II. Part. I, pag. 75 sq. — Lovanii, 1841.

omnis, qualiscumque ea sit, natura sive indoles. — Particulæ τε-και, sine interjecta voce positæ, nectunt et æquant, valentque *tam-quam*. Prohibent igitur quominus θηρια pro genere habeamus, sub quo tres species subindicate reducerentur, uti quidam voluerunt : ideoque quadripartita descriptio hic agnoscenda venit. — Pro voce *ceterorum*, quæ in Vulgata occurrit, græce legitur, et quidem sine varietate codicum, ἐναλίωον, q. e. *belluarum marinarum* (ἐν, ἄλς mare). Probabile autem valde videtur interpretem nostrum scripsisse *cetorum*, quod, librariorum oscitantia in *ceterorum* evaserit. Et ESTIUS quidem, post ERASMUM, nonnullos codices latinos qui sic haberent, se vidisse testatur. — Putaverim Perfectum δεδαμασται Præsenti δαμαζεται conjunctum fuisse ad *id quod constanter fit* significantius exprimendum : quamvis vel Præsenti vis illa jam inesset (1).

§. 8. *Linguam autem nullus hominum domare potest.*)

Voluit quondam PELAGIUS, teste AUGUSTINO *lib. de nat. et grat. c. XV*, hæc interrogative esse sumenda. Verum hoc non patitur contexta oratio, neque ulterior illa declaratio *inquietum malum, plena veneno mortifero*. Non est autem intelligendus Apostolus de *absoluta* impossibilitate, cum et ipse supra (v. 2) dixerit : *si quis in verbo non offendit : hic perfectus est vir*; et mox (v. 10) subjungat : *non oportet hæc ita fieri*; quod utrumque, divina opitulante gratia, homini factu possibile dicamus oportet. Sed intelligendus est vel de impossibilitate, spectatis solis naturæ viribus; quo sensu CHRISTUS de salute divitum ait : *apud homines hoc impossibile est : apud Deum autem omnia possible sunt* (Matt. XIX. 26); vel etiam de magna difficultate linguam perfecte refrenandi, cum ordinariis gratiæ auxiliis.

inquietum malum, plena veneno mortifero.) Quæ verba non sunt habenda pro *appositione* ad objectum phraseos (*linguam*) : ut nonnulli iterum docent. Hoc enim manifestum facit *casus rectus* vocis μεστη. Sed agnoscenda hic est ellipsis tum subjecti (γλωσσα), tum Verbi substantivi (εστι). Qua semel admissa, nil prohibet quominus verba *plena veneno mortifero* per *appositionem* ad subauditum subjectum dicta putemus.

(1) Cf. *Gram. Græc.* §. 41. pag. 283. γ.

Pro ακατασχετον, quod in Complutensi editione est, Vulgatus auctor legit ακαταστατον. Quæ lectio, quamvis auctoritate alteri haud adeo præstet, melius tamen cum insequentibus cohæret, atque etiam difficultatem linguam coercendi melius suadet. — Metaphora illa *veneni lethiferi* recte exprimit teterrima mala quæ lingua inferre nata est, corporis nempe et animæ mortem procurare valens.

§. 9-12. In ipsa benediximus Deum et Patrem : et in ipsa maledicimus homines, qui ad similitudinem Dei facti sunt. ¹⁰ Ex ipso ore procedit benedictio, et maledictio. Non oportet, fratres mei, hæc ita fieri. ¹¹ Numquid fons de eodem foramine emanat dulcem, et amaram aquam? ¹² Numquid potest, fratres mei, ficus uvas facere, aut vitis ficus? Sic neque salsa dulcem potest facere aquam.

§. 9-12. Ἐν αὐτῇ εὐλογούμεν τὸν Θεὸν καὶ Πατέρα, καὶ ἐν αὐτῇ καταρώμεθα τοὺς ἀνθρώπους τοὺς κατ' ὁμοίωσιν Θεοῦ γεγονότας· ¹⁰ ἐκ τοῦ αὐτοῦ στόματος ἐξέρχεται εὐλογία καὶ κατάρα. Οὐ χρεὴ, ἀδελφοί μου ἀγαπητοί, ταῦτα οὕτως γίνεσθαι. ¹¹ Μήτις ἡ πηγὴ ἐκ τῆς αὐτῆς ὁπῆς βρῶει τὸ γλυκὺ καὶ τὸ πικρὸν; ¹² Μὴ δύναται, ἀδελφοί μου, συκὴ ἐλαίας ποιῆσαι, ἢ ἄμπελος σύκα; Οὕτως οὐδεμία πηγὴ ἂν ἀλίκων καὶ γλυκὺ ποιῆσαι ὕδωρ.

PARAPHRASIS. Per ipsam Deum eumque Patrem collaudamus ac deprecamur, atque per ipsam hominibus, qui ad similitudinem Dei facti sunt, mala imprecamur. Ex eodem ore benedictio et maledictio procedunt. Non possunt, fratres dilecti, talia fieri. Numquid enim fons ex eodem foramine dulcem fundit et amaram? Numquid potest, fratres, ficus olivas proferre, aut vitis ficus? Nec aqua salsa dulcis effici potest.

VARIANS LECTIO.

a) Lectioni Complutensi *ουδ' εμια πηγη αλικοι και γλυκυ ποιησαι υδωρ* præferenda est illa *ουτε αλυκοι γλυκυ ποιησαι υδωρ*, quam exhibent ABC et versiones antiquæ plurimæ, syriaca videlicet, itala, vulgata, arabica et coptica. Eam pariter suadent interna argumenta: nam et difficilior est isthæc lectio, et, nisi admittatur, tautologica prorsus evadit oratio (cf. v. 11).—Utrum particula *ουτως* legenda sit necne, vix definiri potest.

§. 9-10. *In ipsa benedicimus Deum et Patrem: cet.)*

Prodigiosæ *instabilitatis* linguæ atque venenosæ ejus malitiæ præclarum specimen Apostolus exhibet. Eadem quippe lingua, qua ad Deum benedicendum usi sumus, ad ipsum in imagine sua exsecrandum mox abutimur! — *Εν de instrumento quo* (ut ἢ hebræorum), pro Dativo *instrumenti* Græcorum. — *Ευλογειν Θεον*, ut hebr. *הַלְלֵה*, est generatim loqui in honorem divinum, sive deprecando, sive gratias agendo, sive collaudando. — Voces *Θεον και Πατερα* non duas distinctas personas significare, ideoque unum et eundem esse qui *Deus et Pater* hic dicitur, ex eo liquet quod Apostolus voci *πατερα* Articulum non apposuit (1). — *Καταρασθαι* proprie est *imprecari mala*. «Apud HOMERUM *ἀρᾶσθαι* est *precari*, quique pro populo orabat, *sacerdos*, *ἀρητήρ*. Apud HOMERO recentiores significat verbum *male precari*, *diris devovere*, qua vi semper *καταρᾶσθαι* ponitur, apud Atticos scriptores junctum *tertio Casui*, in Novo Testamento plerumque *quarto*.» VALCKENARIUS ad Luc. VI. 28.

qui ad similitudinem Dei facti sunt.) Similitudinis Dei quæ in homine relucet Apostolus hic consulto meminit, ut maledictionis hujus deformitas melius innotescat, ac proinde quantum monstrum sit lingua magis perspectum habeant.

In quo porro sita sit illa *imago* sive *similitudo Dei*, ad quam hominem factum esse, tum ex præsentī loco, tum ex pluribus aliis Scrip-

(1) Cf. *Gram. Græc.* §. 18. pag. 125 sqq.

turarum testimoniis (1) abunde constat, magna quondam controversia fuit. Plurimæ propositæ fuerunt sententiæ, quarum singulæ quidem exclusoriæ nimis videntur, sed simul sumptæ veram hujusce questionis solutionem præbent. In toto quippe homine divini Conditoris relucet imago. Et ipsum quidem humanum corpus, vultu sursum spectans, specie et majestate sua cunctis animalibus præstans, nescio quid augusti ac divinæ majestati consimilis præ se fert. Anima vero præsertim, simplicitate, libertate atque præcellentissimis dotibus suis; sed maxime donis illis supernaturalibus quibus ex speciali gratia divinitus exornata est, similitudinem Dei refert. Quod argumentum latius evolvere SS. Patres ac præstantissimi Theologi, quorum plures (2) ipsius Sanctissimæ Trinitatis imaginem in anima humana relucere docent. — Exinde vero manifestum est imaginem Dei in homine per peccatum non prorsus deletam fuisse. Illa quidem quæ in donis supernaturalibus reposita est in homine non regenerato desideratur. Cum tamen homo naturam suam cum propriis facultatibus, simulque liberum arbitrium, *viribus licet attenuatum, et inclinatum*, etiam post peccatum servaverit; imaginem Dei quæ in ipsis insculpta est, licet non adeo perfectam ac in statu innocentie, pariter retinuit. Nec solum in homine lapsa et peccatore, verum etiam, uti recte animadvertit ESTIUS in *lib. II. sent. dist. 16. §. 7*, in damnatis animabus atque dæmonibus imaginem Dei perseverare fatendum est: immo nec umquam deleri posse. Uude S. BERNARDUS *Serm. I de annunciat. Domini*: « Imago, inquit, in gehenna ipsa videri poterit, non exuri, ardere, sed non deleri, et quocumque perveniat anima, simul et ipsa erit. »

§. 10. *Ex ipso ore procedit benedictio, et maledictio.*)

Ex τοῦ αὐτοῦ hic valet *ex eodem* (3), ut v. 11 τῆς αὐτῆς, ubi Vulgata recte vertit (*de eodem*). Qui pronomini usus in libris N. T. haud infrequens est. Cf. *Matt. XXVI. 44*; *Heb. I. 12*; etc. — In locutione

(1) Cf. *Gen. I. 26. 27*; *IX. 6*. — *Sap. II. 23*. — *Eccli. XVII. 4*. — *I Cor. XI. 7*.

(2) Cf. S. GREGORIUS NYSSENUS, De eo, quid sit, *ad imaginem Dei et similitudinem*. — S. AUGUSTINUS, *De Trinit.* l. IX. capp. 2. 3. 4. 5. 12. l. XV. cap. 14. — S. ANSELMUS, *Monolog.* cap. XXXI. — S. THOMAS, *Sum. Theol.* p. I. q. 93. art. 7. — S. BONAVENTURA, *Itinerar.* cap. III. — HUGO DE S. VICTORE, *De Sac. fidei Christ.* lib. I. part. II. cap. 6. et part. III. capp. 11, 20, 21, 28. — BOSSUET, *VI^e Élévation sur les mystères*, 3^{me} semaine.

(3) Vid. HERMANNUM *ad Vigerum*. pag. 738.

ου χρησιν figuram illam rhetoricam agnoveris quam *Litoten* (λιτοτην) vocant, quaque negando contrarium plus significatur.

γ. 11-12. *Numquid fons de eodem foramine emanat dulcem, cet.*) Quam insulsa sit atque ipsi naturæ contraria isthæc agendi ratio, quadruplici similitudine Apostolus vivide denuntiat. Prima porro desumitur ex fonte qui ex eodem foramine non fundit dulcem et amaram aquam.

γ. 12. *Numquid potest, fratres mei, ficus uvas facere?* cet.) Secundam similitudinem ducit Apostolus ex ficu quæ olivas proferre non potest, tertiamque ex vite quæ ficus non producit. — Ubi Vulgata legit *uvæ*, græce est *ελαιας* i. e. *olivas*. BEDA certe legit *olivas*, non secus ac vetus Italia; quod et in antiquis quibusdam manuscriptis exemplaribus occurrere ESTIUS testatur. Ceterum a voce *olivas* ad *uvæ* non adeo difficilis erat librariis transitus. — *Facere fructus* refert hebraicum *וַיַּבְרֵא* vaibrea valetque *proferre, producere fructus*.

Sic neque salsa dulcem potest facere aquam.) Quartam similitudinem Apostolo præbet aqua illa quæ, natura salsa, dulcis effici nequit. Sensum perspicuum facit SYRUS vertendo : *אֵין מֵלַח בְּמַיִם* * *אֵין מֵלַח בְּמַיִם* * *אֵין מֵלַח בְּמַיִם* §. h. e. *Sic etiam aquæ salsa non possunt fieri dulces.*

γ. 15-16. Quis sapiens, et disciplinatus inter vos? Ostendat ex bona conversatione operationem suam in mansuetudine sapientiæ. "Quod si zelum amarum habetis, et contentiones sint in cordibus vestris: nolite gloriari, et mendaces esse

γ. 15-16. Εἴ τις σοφὸς καὶ ἐπιστήμων ἐν ὑμῖν, δεῖξάτω ἐκ τῆς καλῆς ἀναστrophῆς τὰ ἔργα αὐτοῦ ἐν πραύτητι σοφίας. "Εἰ δὲ ζῆλον πικρὸν ἔχετε καὶ ἐριθείαν ἐν τῇ καρδίᾳ ὑμῶν, μὴ κατακαυχᾶσθε καὶ φειδόμενοι κατὰ τῆς ἀληθείας. "Οὐκ ἔστιν αὕτη ἡ σοφία

adversus veritatem.¹⁵ non
est enim ista sapientia de-
sursum descendens : sed
terrena, animalis, diabolica.
¹⁶ Ubi enim zelus et conten-
tio : ibi inconstantia, et
omne opus pravum.

ἀνωθεν κατερχομένη, ἀλλ'
ἐπίγειος, ψυχικὴ, δαιμονιώδης.

¹⁶ Ὅπου γὰρ ζήλος καὶ ἐρι-
θεία, ἐκεῖ ἀκαταστασία καὶ
πᾶν φαῦλον πρᾶγμα.

PARAPHRASIS. *Estne aliquis inter vos sapientia et pruden-
tia illa, quæ magistro inesse debet, præditus? Ostendat
ipse ex recta conversatione opera sua cum mansuetu-
dine, quæ veræ sapientiæ propria est, conjuncta. Si vero
invidiam et vitiosam æmulationem in animo geritis, nolite
vos sapientes reputare : quod impudens gloriatio atque men-
dacium foret. Non enim ea est hæc sapientia vestra quæ
desursum sit, sed terrena, humana dico, immo et diabolica.
Nam ubicumque viget invidiosa æmulatio, ibi quoque per-
turbatio et omne genus operis pravi : quod utrumque aver-
satur Deus.*

VARIANS LECTIO.

a) Particula *ἢ* omni auctoritate destituitur, ideoque phrasis *Τίς.... ἢ οὐκ*,
interrogative efferenda est.

§. 13. *Quis sapiens, et disciplinatus inter vos?*) Hucusque
Apostolus auditores suos ab inordinato magisterii capessendi desiderio,
propositis hujusce muneris periculis, detertere conatus est. Opportunam
vero occasionem nactus, de facilitate in verbis delinquendi, deque
vitiis linguæ generatim disseruit. Nunc porro, ad thema suum rever-

sus, quibusnam potissimum dotibus præcellere quis debeat, ut docendi munere rite fungatur, ipsos edocet. Ad hunc autem tractatum transit per huiusmodi interrogationem quæ viros hisce dotibus præditos perpaucos esse haud obscure innuat. Hanc enim interrogationem sensum *hypotheticum* hunc habere putaverim : *ponite aliquem esse inter vos sapientia et prudentia præditum : ostendat ille....*

Itaque dotes quas Apostolus ei, qui ad munus alios religionem edocendi aspirat, primario inesse debere non sine industria insinuat, hæ sunt : *sapientia* (σοφία) et *prudentia* (ἐπιστηµων). *Sapientiam* autem illam intellexerim quæ sita est in notitia, per causas superiores accepta (cf. v. 13), eorum quæ ad doctrinam religionis ac pietatis spectant; maximeque secretiorum et altiorum mysteriorum : cuius sapientiæ PAULUS in epistola sua prima ad Corinthios sæpius meminit. — *Επιστηµωνα* vero dixerim illum qui ea *prudentia* informatus est, quæ apprime novit quando et quem sermonem proferre debeat ad alios erudiendos. *Επιστηµων* sane, in N. T. non amplius comparens, pluries in versione septuaginta-virali respondet hebraico חָכָם, *intelligens, prudens*, a radice חָכַם, *animum advertit*. Vulgatus auctor, Isai. V. 21, *ἐπιστηµονες prudentes* ipse vertit.

Ostendat ex bona conversatione operationem suam in mansuetudine sapientiæ.) Signa quibus dignosci queat hæc sapientia, utrum vera sit atque divina, Apostolus generatim tradit. Debet porro sapientia ex *operibus*, maximeque ex *mansuetudine* innotescere. « Dicitur autem quis *ostendere ex bona conversatione operationem suam* sive *opera sua* (græce enim est τα ἔργα αὐτοῦ) : dum bene conversando facit opera sua lucere coram hominibus juxta præceptum Domini, vel maxime pertinens ad magistros : *Sic luceat lux vestra coram hominibus, ut videant opera vestra bona, et glorificent Patrem vestrum qui in cælis est.* » ESTIUS ad h. l. — Ex translata significatione hic dicitur de *statu*, ex quo quis, dum in eo statu est, agit aliquid (1), ut 2 Cor. II. 4. — *Ἀναστροφή* (ex ἀναστροφή, *me gero*) est *vite ratio*, quatenus factis et moribus conspicua sit. Quæ utique *recta* (καλή) erit, si ad præceptorum normam componatur. — Non sufficit igitur magistro sapientia *speculativa*, sed *practica* debet esse, ita ut ipsa humanam vitam secundum rationes divinas moderetur.

(1) Gram. Græc. §. 51. pag. 307. γ.

Mansuetudo sapientiæ (πραυτης σαριας, Genitivus Subjecti) est mansuetudo sive lenitas quæ sapientiæ ita propria est, ut ab ipsa non possit abesse. Directe opponitur iræ illi quam Apostolus supra (cap. I. 19) commemorabat dicens: *tardus ad iram*. — Particulam *en societatis* hic esse, ut Philip. I. 20 *εν παση παρρησια*, putaverim. — Nec est cur miremur Articulum vocibus *πραυτης* et *σαρια* adjunctum non fuisse. Nomina enim abstracta virtutum, sicut et vitiorum, absque Articulo scripta frequenter occurrunt.

ŷ. 14. *Quod si zelum amarum habetis, et contentiones cel.*) Declarat Apostolus defectum (δε) prædictæ mansuetudinis certissimum præbere argumentum, quod ibi non adsit vera sapientia, illa, dico, quæ desursum est et quæ in magistro requiritur. Indirecte vero magistros carpit, eosque quid vitare, quidque præstare debeat, non sine industria admonet: ideo enim a tertia ad secundam Personam transit.

Ζηλος proprie *studium intensum* (Rom. X. 2) denotat: sæpe tamen in malam partem sumitur, ad significandam *indignationem* aut *invidiam* (Act. XI. 46). Qui significatus et in præsentī loco obtinet, ut satis patet ex epitheto *πικρον*, *acerbum*. — *Εριθεια* obscurior vox est quæ non unico sensu in libris N. T. usurpatur: nam modo *contentionem* et *rixam* notat (2 Cor. XII. 20; Gal. V. 20); modo *inobedientiam* aut *rebellionem* (Rom. II. 8). Hic vero quum in animo sedem habere dicatur, *εριθειαν* putaverim intelligendam quamdam animi affectionem quæ a *ζηλω πικρω* vix differat, *vitiosam* scilicet *æmulationem*. Eundem sensum *εριθεια* obtinet Philip. I. 16 (1), ubi dictio hæc locutionem *δια φθονον και εριον* explicat. Vox porro *εριθειαν* construenda est cum Verbo *εχετε*, non secus ac *ζηλον*: ideo enim in quarto casu ponitur.

nolite gloriari, et mendaces esse adversus veritatem.) Sensus est: nolite falso gloriari jactantes vestram sapientiam, sicque mentiri adversus veritatem: nam revera sapientes non estis. Quod uberius statim declarabitur. — Particula *μη*, in priori membro posita, ad posterius (*ψευδεσθε*) pariter referri debet: quæ structura nonnumquam

(1) Cf. BERLEN, *Comment. in epist. ad Philip.* ad h. l. Ed. 2. Lovanii, 1852.

occurrit. Cf. 2 Cor. XII. 21. Vieissim locutio *κατα της αληθείας* ad utrumque Verbum referenda est. De voce *κατακαυχώμαι* vid. supra pag. 126. — Est autem in locutione *ψευδῆσθαι κατα* (de directione hostili) της αληθείας Pleonasmus qui vi non caret.

§. 15. *Non est enim ista sapientia desursum descendens :*)

In græco sententia hæc antecedenti *asyndetice* jungitur : dubitari tamen nequit quin ipsa rationem contineat illius quod IACOBUS proxime innuit : *non estis vera sapientia imbuti, ideoque veritati detrahitis vosmetipsos sapientes prædicando.*

Demonstrativum *αὕτη* adjective hic adhibetur, ut ostendit Articulus Nomini præmissus. *Αὕτη ἡ σοφία* est sapientia illa quæ zelum amarum adjunctum habet et contentiones. — Participium *κατεργαμένη* non est hic eum antegresso *ἐστίν* jungendum, sed ad modum Prædicati sumendum, non secus ac reliqua. Sensus igitur est : *non ea est hæc sapientia quæ desursum sit, sed etc.*

sed terrena, animalis, diabolica.) Interpretes plerique, D. THOMÆ, Sum. Theol. 2. 2. q. 45. ad 1, vestigiis inhærentes, autumant eum ESTIO ad h. l., « sapientiam malorum magistrorum dici *terrenam*, quia servit avaritiæ, quæ circa res terrenas versatur : dici *animalem*, quia servit voluptatibus carnis : dici *diabolicam*, quia servit ambitioni et superbiæ, quod proprie diabolicum est vitium. Itaque hic observare esse tripartitam divisionem mundanæ sapientiæ : sicut apud JOH. 1 Epist. II. 16 : *omne quod in mundo est*, trifariam dividitur, in *concupiscentiam carnis, et concupiscentiam oculorum et superbiam vitæ*. Nam concupiscentiam oculorum spectat sapientia terrena; concupiscentiam carnis, sapientia animalis; et superbiam vitæ, sapientia diabolica. »

Verumtamen, interpretum illorum venia, ingenue dicam hanc ipsorum interpretationem, quantumvis acutam, a longiori petitam, et Apostoli menti parum consentaneam videri. Primum enim talem verbis sacris significatum tribuit, qualis in Scriptura nullibi occurrit : notum autem est non licere metaphoras pro lubitu cuique fingere. Deinde putaverim IACOBUM in præsentī loco falsæ sapientiæ *affectus* describere minime intendisse : sed solummodo vitiatam ipsius *originem* origini veræ sapientiæ, quæ omni magistro inesse debet, *opponere* (ἀλλὰ) voluisse : quod

scopo suo sufficere duxerit. Neque valet argumentum ex eo ductum quod veræ et cœlestis sapientiæ dotes statim (v. 17) recenseantur. Nam opportunum quidem erat ut sapientiæ illius, quam cuique magistro inesse necessario debere prædicabat, attributa delinearet Apostolus; nec ideo oportebat ipsum falsæ sapientiæ, quam ab unoquoque procul abesse vult, pravos affectus describere. Indubia certe, quibus ipsa dignosceretur, versiculo præcedenti signa tradidit. — Video insuper interpretem syrum idem plane sensisse. Vertit enim : ܐܡܢܐ ܐܢܟܢܡܐ ܕܢܚܢܐ ܕܢܚܢܐ ܕܢܚܢܐ ܕܢܚܢܐ h. e. *sed est terrestris, ex cogitationibus animi, et ex daemonibus.*

Itaque falsæ sapientiæ originem Apostolum per gradationem hic describere putaverim. Illam porro primum vocat *ἐπιγινωσκ* i. e. *terrestrem, in terra natam* (1) : quod magis definit per epitheton *ψυχικὴν*. PAULUS autem significare volens legem Mosaicam Deo auctori esse referendam, illam vocat *νομὸν πνευματικὸν* (Rom. VII. 14). Manna pariter, utpote quæ divinitus subministrabatur, *βρωμα πνευματικὸν, cibus spiritualis* ab ipso dicitur (1 Cor. X. 3). Cum autem *ψυχικὸς πνευματικὸς* sæpius opponatur, quidni dicamus *ψυχικὸν* in præsentī loco originem prorsus *humanam*, ideoque, uti Syrus intellexit, sapientiam *ex affectibus hominis* oriundam denotare? Et quidem huic nostræ interpretationi aliquid lucis affundere videtur locus parallelus PAULI 1 Cor. III. 3, 4 : *Cum enim sit inter vos zelus, et contentio : nonne carnales estis, et secundum hominem ambulatis?* — Illam tandem vocat *δαμονιωδῆ*, i. e. *diabolicam* : in quantum scilicet affectus illi pravi e quibus falsa hæc sapientia ortum ducit, dæmonem auctorem habent.

γ. 16. *Ubi enim zelus et contentio : ibi cet.)* Probat (γὰρ) hanc prædictam sapientiam, quatenus nempe invidiosam æmulationem conjunctam habet, nullo pacto a Deo venire posse. Ratio autem hæc in eo sita est quod : *ubicumque invidiosa viget æmulatio : ibi quoque perturbatio ac dissensio, atque omne genus operis prævi occurrat.* Porro non est dissensionis (*ἀκαταστασίας*) Deus, sed pacis (1 Cor. XIV. 33); et qui facit peccatum ex diabolo est,.... omnis autem, qui natus est ex Deo, peccatum non facit (1 Joh. III. 8. 9).

(1) TYTMANNUS, de Syn. in N. T. pag. 168 : *ἐπιγινωσκ* est qui in terra est, fit, nascitur, etc.

γ. 17-18. Quæ autem desursum est sapientia, primum quidem pudica est, deinde pacifica, modesta, suadibilis, bonis consentiens, plena misericordia, et fructibus bonis, non judicans, sine simulatione.¹⁸ Fructus autem justitiæ, in pace seminatur, facientibus pacem.

γ. 17-18. Ἡ δὲ ἀνωθεν σοφία πρῶτον μὲν ἀγνή ἐστιν, ἔπειτα εἰρηνική, ἐπιεικής, εὐπειθής, μεστή ἐλέως καὶ καρπῶν ἀγαθῶν, ἀδιάκριτος καὶ ἀνυπέκρετος. ¹⁸ Καρπὸς δὲ τῆς δικαιοσύνης ἐν εἰρήνῃ σπείρεται τοῖς ποιεῖσιν εἰρήνην.

PARAPHRASIS. *Sapientia vero quæ desursum venit, primum quidem est omnis vitii expers: est insuper pacis studiosa, modesta, bonis suasionibus facile consentiens, plena miserationis affectibus et fructibus, nec personarum acceptionem nec simulationem admittens. Fructus porro debitus, pax inquam, seminatur et præparatur iis qui pacifici fuerint.*

γ. 17. *Quæ autem desursum est sapientia, primum quidem pudica est, cet.*.) Opponit (δε) nunc iis quæ inde a vers. 14 de falsa sapientia prædicavit, dotes atque characteres quibus eminet ac dignoscitur cœlestis et vera sapientia. Indirecte vero auditores suos simul admonet quales existere debeant, si vere sapientes esse et haberi, atque proinde ad munus Religionem edocendi legitime et absque periculo aspirare velint.

Μεν hic ponitur non sequente δε. Notat porro DEYARIUS (1) « nonnumquam fieri, ut μεν sine δε subsequente non ad sejungenda differentia seu diversa vel opposita adhibeatur, sed per se posita sit habeatque vim simpliciter περιγραφικὴν et περιρριστικὴν » (h. e. vim circumscribendi). Cf. Rom. X. 1; Act. XIX. 4. — Epitheton ἀγνή quod

(1) *De græcæ linguæ particulis*, cap. XIII. Lipsiæ, 1842.

ex adverso respondere videtur verbis illis v. 16, *omne opus pravam*, in generalissima sua notione intellexerim, ita ut valeat nullo vitio *contaminata*; quo sensu adhibetur 2 Cor. VII. 11; 1 Joh. III. 3.

Epitheta vero quæ per *επειτα* inducuntur, maximam partem τῇ *αγαταπτασι* directe opponi putaverim: omnia quippe ad pacem et mansuetudinem plus minusve collineare videntur. — *Επεικὴς* (*modesta*) qualitas est *mitis*, *lenis clementisque animi*. Hanc latini *humanitatem* (1) et *modestiam vitæ* (2) vocarunt. — *Επειθεύς* (*suadibilis*) is dicitur qui rationibus idoneis se facile persuaderi sinit.

bonis consentiens.) « Hæc pars nec in græco est nec syriaco. Quidam etiam vetusti codices Latini non habent. Verisimile est, huc ascriptam ex alia translatione, in qua pro vocabulo *suadibilis*, legabatur, *bonis consentiens*. Nam græca vox *επειθεύς* etiam hanc interpretationem non respuit; ut *bonis consentire*, sit acquiescere honorum monitis et consiliis. » Hæc ESTIUS ad h. l.

non judicans.) Græce est *ἀδιακρίτος* (*α* priv. et *διακρίνωμαι*) quod proprie sonat: *indiscretus*, qui *discerni nequit*. Cum tamen Verbalia in τὸς exeuntia, quamquam communiter *Passive* significant, non raro tamen *activo sensu* occurrant, *ἀδιακρίτος* eum qui *personarum discrimen non facit* designare potest. Et hic sensus præsenti tractatui optime convenit. Addiderim Apostolum de personarum acceptione supra (cap. I. v. 4) sermonem faciens, ipsum verbum *διακρίνωμαι* usurpasse. Nec aliter intellexerit Syrus, quippe qui vertit: *لَا يَقْبَلُ* q. e. *et vultus non accipiens*. — Nisi dicere malueris *ἀδιακρίτος* hic eum denotare qui *a litibus alienus est*. Nam *διακρίνεσθαι* *litigare* etiam sonat. Hæc tamen sapientiæ qualitas sufficienter declarata fuit cum diceretur *pacifica*, *modesta*, *suadibilis*. — Jam notavit ESTIUS sensum quem Vulgata refert (*non judicans*), ex dictione græca nonnisi ægre posse accipi.

γ. 18. *Fructus autem justitiæ, in pace seminatur, facientibus pacem*.) Quum pacis studium iis qui docendi munere funguntur maxime necessarium edixerit, quodnam futurum sit hujusce

(1) Vid. FACCIOLATI ad v. *humanitas*.

(2) TACITUS ANN. II. 83.

studii præmium, ad modum epiphonematis, opportune tradit. Modo (v. 16) pariter tradiderat, quisnam fructus ex amaro zelo et contentione oriatur.

Locutionem καρπὸς δικαιοσύνης (Articulus τῆς omni auctoritate caret) hebraizare putaverim, quemadmodum locutio βασιλεὺς δικαιοσύνης καὶ εἰρήνης (Heb. VII. 2). In istiusmodi nempe locutionibus *adjectivi* loco *substantivum qualitatem* significans adhibetur in genitivo casu. Dicitur autem fructus ille *justus* (gallice, servata orationis forma, dicerem : *un fruit de justice*) quatenus colligitur tamquam merces. — *In pace* (ἐν εἰρήνῃ) notat *in quo* repositus sit fructus ille sive merces. — Τοὺς ποιοῦσιν εἰρήνην, pro quo Matt. V. 9, unica voce dixit : εἰρηνοποιοί, dativus est *commodi*. — Sensum igitur sub eleganti imagine traditum, liberius sic reddiderim : ii qui pacifici sunt, pacifice conversando sementem faciunt ex qua fructus meritus, in pace consistens, ipsis oriatur.

CAPUT QUARTUM.

ARGUMENTUM. *In præcedenti Capite JACOBUS auditores suos admonens ne ad magisterium passim aspirarent, præcipuas, quibus magister præfulgere debeat, dotes recensuit: maximeque pacem et mansuetudinem ipsi necessarias esse declaravit. Opportunam porro inde occasionem nactus, fideles nunc generatim reprehendit quod huic paci servandæ non satis studeant, sed contentionibus atque litibus prave indulgeant. Qui tractatus non est sine aliqua relatione ad illud quod supra (cap. I. 19) tradidit monitum: tardus ad iram. — Itaque orditur Apostolus a detegenda earum quas carpit dissensionum radice, illamque in variis, quibus unusquisque abstrahitur, cupiditatibus sitam esse declarat (1). Externa igitur cupiditatum illarum certamina quomodo oriantur describit, et grande quod facessunt periculum denunciat (2-5). Huic tamen efficax ad ipsas superandas medium, gratiam scilicet, opponit (6); cujus assequendæ media tradit (6-10). Quo præstito, novum dissensionum fontem indigitat in disputatibus illis, ævo apostolico frequentissimis, de legalium observatione. Quem disputandi morem acriter impugnat, ejusque inordinationem demonstrat (11-15). Inde vero occasione accepta, brevitatem et incertitudinem vitæ inculcat, eosque carpit qui ita sibi proponere solent quasi vitæ et actionum suarum dominium haberent (14-16). Tandem universam quæ præcessit adhortationem generali quadam sententia, qua necessitatem operandi iterum inculcat, opportune claudit (17).*

§. 1-3. Unde bella, et lites in vobis? Nonne hinc? ex concupiscentiis vestris, quæ militant in membris vestris? ² Concupiscitis, et non habetis: occiditis, et zelatis: et non potestis adipisci: litigatis, et belligeratis, et non habetis, propter quod non postulatis. ³ Petit, et non accipitis: eo quod male petatis: ut in concupiscentiis vestris insumatis.

§. 1-3. Πόθεν πόλεμοι καὶ μάχαι ἐν ὑμῖν; Οὐκ ἐντεῦθεν, ἐκ τῶν ἡδονῶν ὑμῶν τῶν στρατευομένων ἐν τοῖς μέλεσιν ὑμῶν; ² Ἐπιθυμεῖτε, καὶ οὐκ ἔχετε· φονεύετε καὶ ζηλοῦτε, καὶ οὐ δύνασθε ἐπιτυχεῖν· μάχεσθε καὶ πολεμεῖτε. Καὶ ³ οὐκ ἔχετε διὰ τὸ μὴ αἰτεῖσθαι ὑμᾶς. ³ Αἰτεῖτε, καὶ οὐ λαμβάνετε, διότι κακῶς αἰτεῖσθε, ἵνα ἐν ταῖς ἡδοναῖς ὑμῶν θαπανήσητε.

PARAPHRASIS. Undenam contentiones, undenam lites inter vos exsurgant? Nonne exinde, ex pravis cupiditatibus, dico, quæ secum invicem pugnant in membris vestris? Concupiscitis, et non habetis unde cupiditates vestras expleatis; ideo ad necem usque iis æmulamini qui ea habent quæ vos habere cupitis, necdum sic assequi potestis id quod concupiscitis. Hinc ad lites et contentiones devenitis. Equidem non habetis omnia quibus indigetis: sed ideo ea non habetis quia a Deo non postulatis; aut etiam postulatis nec tamen accipitis, quia male petitis, eo scilicet fine ut ea quæ assecuti fueritis in cupiditates vestras impendatis.

VARIANS LECTIO.

a) Particulam καὶ ad textum non pertinere videtur. Quamvis enim ipsam exhibeant plures antiquæ versiones, et minusculi non pauci, eamque legerint

THEOPHYLACTUS et OECUMENIUS; prorsus tamen abest a Cod. ABGK (C hac parte mutilus est), necnon a minusculis multis.

In præcedenti Capite JACOBUS auditores suos admonens ne Religionis mysteria et præcepta aliis tradendi munus indebite appeterent, præcipuas, quibus magister præfulgere debeat, dotes recensuit: pacem porro et mansuetudinem necessarias ipsi imprimis esse declaravit. Unde opportunam occasionem naetus, fideles nuve generatim reprehendit quod huic paci servandæ non satis studeant, sed contentionibus atque litibus prave indulgeant. Quarum dissensionum radicem detegens, pericula ex ipsa oritura denunciat, atque media ad eam resecandam adhibenda proponit. — Contentiones quidem et lites inter primos fideles haud infrequenter subortas fuisse, tum ex iis quæ supra Cap. II. 6 innuit Apostolus, tum maxime ex vivida PAULI 1 Cor. VI. 7 sqq. reprehensione constat. — Notandum autem est orationem JACOBI ex vehementiori affectu profectam, per totius fere hujus capituli decursum *asyndeticam* esse: quod quidem ad nexum sententiarum, qui ex particulis maxime pendet, statuendum non parum negotii interpreti facessit.

§. 1. *Unde bella, et lites in vobis? Nonne hinc? ex concupiscentiis cet.)* Per vividam interrogationem, quæ attentiores animum provocet, iterum orditur. — Πόλεμος et μάχας, sicut insequentia (v. 2) μαχεσθε et πολεμεῖτε, de contentionibus ac litibus inter privatos intelligenda esse ambigendum non videtur. Tota enim contexta oratio id clamat; nec aliunde vocabula obstant. Nam μάχην de simplici lite sæpius usurpari constat ex Joh. VI. 53; 2 Tim. II. 23. 24. Πόλεμος quidem in N. T. hoc sensu non legitur, verum apud LXX interpretes pluries illa notione gaudet. Cf. Ps. 419. 7. — *Nonne hinc?* emphaseos causa ponitur, statimque explicatur per verba *ex concupiscentiis vestris*, græce *ἐκ τῶν ἡδονῶν*. Ἡδὼνη autem proprie est *voluptas*, ut Luc. VIII. 14 et 2 Pet. II. 13; hic vero *metonymice* adhibetur pro ἐπιθυμίαις, sive *cupiditatibus* rerum voluptati inservientium. Et hunc sensum postulat tum ipsa natura rei de qua agitur, tum additum illud: *quæ militant* i. e. *secum invicem pugnant* (τῶν στρατευομένων med.) *in membris vestris* (in homine

animali). Qua metaphora pulchre exprimitur vehementia cupiditatum illarum quæ bellum intestinum adversus spiritum continuo movent, hominemque ad illicita quævis cæco quasi impetu ferunt. — *Ex de loco in quo pugna illa exercetur.*

§. 2. *Concupiscitis, et non habetis : occiditis, et zelatis : cet.)*

Cupiditatum illarum externa certamina, contentiones videlicet et lites, quomodo oriantur, concisa eaque vividiori oratione Apostolus jam describit. — *Concupiscitis* (ἐπιθυμετε, absolute positum), ad nullam specialem concupiscentiam restringi debet, sed generalissime intelligendum est. — *Et non habetis*, quo nempe concupiscentias istas explere valeatis. Hinc

occiditis, et zelatis : et non potestis adipisci :) Pro *φοβερε* (occiditis), quod sane difficultate non caret, ERASMUS, auctoritate codicum posthabita, legendum putavit *φοβερε*, *invidetis*. ESTIUS autem, postquam ERASMI temeritatem notavit, argumenta interna ipse colligit ad conficiendum JACOBUM verisimiliter non *φοβερε* sed *φθονερε* scripsisse. Verum illa ESTII argumenta codicum et antiquarum versionum auctoritati præstare non valent. *Occisio* porro metaphorica intelligenda videtur : nec mirum, cum metaphoras Apostolus hic undique congerat. Intellexcrim autem *occisionem ex animo*, quæ nempe necem alteri quis adprecetur, sive ut ipsius bona assequi valeat, sive ut is, quem sibi impedimento esse putat in desideriis suis explendis, e vivis tollatur. Nec adeo dissimili metaphora utitur PAULUS dum scribit ad Gal. V. 15 : *quod si invicem mordetis et comeditis.....* Quandam insuper *Hendyadis* speciem in structura hujusce phraseos agnoverim, ita ut *occiditis et zelatis* positum sit pro *ad necem usque zelatis* seu *æmulamini*. Idem obtinet Rom. X. 20, ubi ἀποτολμα και λεγει valet *audacter dicit*; pariter Luc. VI. 48, ubi verba εσκαψε και εξαθλην Vulgata scite vertit *fodit in altum*. — Neque tamen hac via *potestis adipisci* id quod tam ardentem concupiscitis : ideo tandem ad *lites et contentiones* devenitis, et propositum vestrum per vim assequi studetis.

et non habetis, propter quod non postulatis.) Nova periodus hic incipit quum particula και non sit legenda (vid. var. lect.).

Præoccupat autem JACOBUS objectionem quam forsitan movissent ii quos alloquebatur. Varias quippe necessitates et indigentias præstendere poterant ad desideria illa, quæ Apostolus hic arguit, specietenus saltem cohonestanda. Itaque hanc exceptionem rejicit Apostolus : *non habetis, inquit, quia a Deo non postulatis*. Quod si ipsum rogetis, necessaria omnia et utilia vobis præsto forent : Deus enim *dat omnibus affluenter, et non impropere* (cap. I. 5).

γ. 3. *Petitis, et non accipitis : eo quod male petatis :*)

Obicientibus vero se quidem rogare, nec tamen quidquam accipere, Apostolus iterum respondet : *petitis et non accipitis, quia male petitis*. Ex quo autem capite *male* petant, statim declarat addendo : *ut in concupiscentiis vestris insumatis*. Eo nempe fine (ἵνα) petitis, ut ea, quæ assecuti fueritis, in cupiditates vestras explendas impendatis. — *Δαπανᾶν ἐν τινι* proprie est *sumptum facere in aliqua re*, adjecta sæpe *dispergendi* notione (Luc. XV. 14). — *Ἐν de eo quo quis occupatur, et in quo veluti est*. — Syrus quidem concise et recte vertit : *أَمْ يَسْأَلُونَ لَمْ يَأْخُذُوا* h. e. *ut cupiditates vestras nutriatis*.

γ. 4-5. Adulteri nescitis quia amicitia hujus mundi, inimica est Dei? Quicumque ergo voluerit amicus esse sæculi hujus, inimicus Dei constituitur. " An putatis quia inaniter Scriptura dicat : Ad invidiam concupiscit Spiritus, qui habitat in vobis ?

γ. 4-5. Μοιχοὶ καὶ μοιχαλίδες, οὐκ οἴσασθε ὅτι ἡ φιλία τοῦ κόσμου ἔχθρα τοῦ Θεοῦ ἐστίν; "Ὁς ἂν οὖν βουληθῇ φίλος εἶναι τοῦ κόσμου, ἐχθρὸς τοῦ Θεοῦ καθίσταται. " Ἡ δοκεῖτε ὅτι κενῶς ἡ Γραφὴ λέγει· Πρὸς φθόνον ἐπιποθεῖ τὸ πνεῦμα ὃ κατοικῆσεν ἐν ἡμῖν;

PARAPHRASIS. *Adulteri, nescitis quod dilectio mundi ejusque voluptatum, inimicitia sit erga Deum? Quicumque igitur ea quæ mundi sunt diligere voluerit, inimicus Dei*

constituitur. Aut putatis Scripturam incassum proferre, quod ad zelotypiam usque desiderio nostri teneatur Spiritus Sanctus qui habitare dignatus est in nobis?

VARIANS LECTIO.

a) Pro *μοιχοι και μοιχαλιδες*, quod textus Complutensis habet, legendum videtur cum TISCHENDORFIO *μοιχαλιδες* tantum : quam lectionem exhibent AB, pariterque unus sæc. XI minusculus. Pleræque versiones antiquæ utpote unicum verbum, licet masculini generis, habentes, huic lectioni, attenta ipsius difficultate, suffragari etiam dicendæ sunt.

γ. 4. *Adulteri nescitis quia amicitia hujus mundi, inimica est Dei?*) Prædictam voluntatem pravis cupiditatibus indulgendi Apostolus vehementissime carpit, ejusque pericula denunciât. Per hujusmodi vero interrogationem (ὅκ) procedit, quæ affirmativum exspectet responsum. — *Adulteros* eos vocat, utpote qui fidem Deo datam ipsi soli adhærendi non servantes, mundo simul adhærere volebant. Prophetæ nimirum societatem illam quæ Deum inter et populum Israeliticum divinitus inita fuerat, conjugii imagine adumbrare solebant : ita ut populum ad deos alienos declinantem mulieri adulteræ compararent. Hinc creberrima in V. T. formula : *וְנָתַן אֱלֹהִים אֲחֵרִים אֲחֵרִים scortatus est post deos alienos*. Hanc porro imaginem JACOBUS merito transfert ad animam fidelem, cujus mystica cum CHRISTO unio (1) sub N. L. longe strictior atque fecundior est, quam societas Deum inter et Israelitas olim inita. — Quod ad vocem *μοιχαλιδες* attinet, hæc notat TISCHENDORFIUS (2) : « Oritur inde quod JACOBUS tali voce h. l. utitur orationi non minima gravitas, convenientque translato sensui, quem solum loco isti aptum habeo, multo ma-

(1) Cf. Rom. VI. 11; XII. 5. — 2 Cor. V. 17. — Eph. II. 22 et passim. — Gal. III. 27, 28; etc. — De hac unione agunt S. THOMAS Sum. p. 3. q. 8. art. 1. 2. 3; et PETAVIUS de Theol. dogm., de Incarnat., lib. II. cap. 7. 8. 9 et lib. XII. cap. 17.

(2) *Novum Testamentum Græce*, ad b. l. — Editio 7. Lipsiæ, 1859.

gis si qui desciverunt a Dei fœdere omnes communiter *μικχαλιδες* (cf. var. lect.) compellantur, quam si sexus ratio habetur et uterque curiose ponitur. — Græcos ceterum a simili loquendi ratione non abhorruisse, quibusdam exemplis ibidem docet.

Per *amicitiā mundi* (*φιλίαν τοῦ κόσμου* Genitivus *Objecti*), intellexerim *inordinatum rerum mundanarum amorem*. Re igitur non differt tota hæc sententia ab illa PAULI ad Rom. VIII. 7 : *Sapientia* (græce *φρονημα*, *studium*) *carnis inimica est Deo*. Cujus rationem subdit quæ hic pariter valet : *legi enim Dei non est subjecta* (nempe *φρονημα* carnis); *nec enim potest*. Nimirum in opposita tendunt *φρονημα* carnis, sicut et *amicitia mundi*, et *Lex Dei*. — *Ἐχθρα* substantiva vox est ut Rom. I. c.; *Θεοῦ* est Genitivus *Objecti* : quæ relatio per Præpositionem *εἰς* et Accusativum ibidem exprimitur.

Quicumque ergo voluerit amicus esse sæculi cet.) h. e. *Quicumque voluerit ea quæ in mundo sunt diligere, inimicus Dei constituitur*. Nam, ut CHRISTUS testatur (Matth. VI. 24) : *Nemo potest duobus dominis servire : aut enim unum odio habebit, et alterum diligit : aut unum sustinebit, et alterum contemnet*. — Conclusio (*αὖν*) est et applicatio sententiæ illius generalis quæ præcessit. — *Κοσμοῦ* et *Θεοῦ* iterum sunt Genitivi *Objecti*. — JACOBO prorsus concinit JOHANNES scribens (1 Ep. II. 15) : *Notite diligere mundum, neque ea quæ in mundo sunt. Si quis diligit mundum, non est charitas Patris in eo*.

§. 5. *An putatis quia inaniter Scriptura dicat : Ad invidiam cet.)* Ad ejusmodi Scripturæ locum devenimus, qui interpretes non modice vexat, ab ipsis vicissim vexatissimus. Interpretationis porro difficultas ex triplici capite oritur. Nam et nexus cum antecedentibus non statim apparet. Deinde interpungendi ratio nonnihil negotii facessit : undecim quippe modi verba illa interpungendi proponuntur (1). Præcipua vero difficultas inde exsurgit quod verba hec recitata in scripturis V. T. nullibi occurrant. Hinc quæstio utrum Apostolus reapse voluerit Scripturam aliquam allegare, necne. Quod si Scripturam nullam recitare intenderit, ad quid demum referendum sit illud : *Scriptura dicit*? Si vero Scripturæ alicujus sensum saltem pro-

(1) Cf. THEILE, *Comment. in Epist. Jac.*, p. 216. — Lipsiæ 1833.

ferat, quænam sit illa Scriptura? Facile autem intelligitur, admissa etiam hac hypothesi, diversas et prorsus dissimiles interpretationes proponi debere, prout ad unum aut ad alterum Scripturæ locum JACOBUS respexisse existimetur.

Mens sane nobis non est varias illas sententias hic recensere: quod et longum et fastidiosum foret. ESTIUS quidem septem hujus loci expositiones enarrat; POTT vero non minus quam viginti, vel ex acatholicis profectas, tradit. Nos autem sensum illum qui et interpunctioni probatiori et contextæ orationi magis convenire videatur, breviter aperire conabimur.

Et primum quidem, ad nexum quod attinet, sententiam vers. 5 expressam cum versiculo antecedenti arctissime coherere putaverim. Quod manifestum facere mihi videtur particula *ἢ* quæ proprie *disjunctiva conjunctio* est, ideoque *per se* nullam interrogativam vim habet: sed quoniam in duorum aut plurium membrorum interrogationibus plures res proponi solent, eas illa Particula proprie disjungit non aliter atque in affirmando. Hinc fit ut particula *ἢ* in interrogatione aliter non ponatur nisi in altero orationis membro (1). Itaque increpationem versiculo præcedenti inceptam Apostolus hic ita continuat, ut præsens sententia posterius membrum interrogationis disjunctivæ, cujus prius vers. 4 enunciatum est, efficiat, atque proinde per *aut* efferenda sit. Hæc est porro particula *ἢ* vis nativa.

Interpunctionem quam editio Complutensis, non secus ac Vulgata nostra, exhibet, omnino servandam arbitror: tum quia probatior apparet (2), tum quia ad perspicuitatem orationis inmaxime conducit.

Neque angustias illud nobis facere debet, quod nempe nulla in Scripturis reperiatur sententia quæ verbis hic allegatis proxime et adæquate respondeat. Notum quippe est Scriptores sacros formula *Scriptura dicit* non eo semper animo usos fuisse, ut certum aliquem locum verbotenus aut etiam quoad sensum completum recitare intenderent; sed nonnumquam ipsos ad plura simul loca respexisse, et per prædictam formulam nonnisi sententiam quamdam generalem inducere voluisse, quæ nimirum ad illa loca alluderet, eorumque

(1) *Gram. Græc.* §. 61. pag. 509. adnot. 1.

(2) Hanc interpunctionem sequuntur ed. ROB. STEPHANI a. 1550; ed. ELZEV. 1624; LACHMANNUS; ipsam pariter ediderat TISCHENDORFIUS a. 1849, sed eam immutavit in ed. 1859.

sensum quasi synthetice exprimeret. Et hoc quidem in presenti loco obtinere videtur, ut et Joh. VII. 38 et 42. — Loca autem quæ Apostolus in mente habuerit, illa fuisse putaverim, in quibus Deus dilectionis hominum ineffabili quodam modo cupidissimus, atque omnis æmuli impatiens, ac omnis demum perfidiæ ultor strenuus *anthropopathice* prædicatur. Cf. Exod. XX. 5; XXXIV. 14 — Deuter. IV. 24. 25; VI. 5; XXXII. 21 — Nahum I. 2. etc., etc.

Itaque, quam ingratos erga Deum sese exhibeant illi, qui amicitia Dei, in ipsis habitare non dedignantis ipsorumque amorem vehementissime efflagitantis, posthabita, amicitia mundi sive pravæ concupiscentiæ, quæ inimica est Dei, studiis indulgent, Apostolus ex ipsa Scriptura comprobatur. Simul vero pœnam viris hujusmodi imminentem denunciatur: ideo enim dicit: *aut putatis quod incassum Scriptura dicat?* — *Κενως, incassum, sine effectu.*

Et quidem το πνευμα quin Spiritum Sanctum hic indicet, dubitandi locus vix esse potest. Etenim cum Articulus vocabulo πνευμα præponitur, de Spiritu S. vocem hanc communiter usurpari ΔΙΝΥΜΙ (*lib. I de Spir. S.*) regula est. Quod ceteroquin in presenti loco obtinere omnino suadet additum illud: *qui habitat in vobis*; hoc enim, quoties de Spiritu prædicatur, Spiritum S. indigitare ex locis modo citandis manifestum est. Tandem Subjectum phraseos immediate sequentis: *majorem autem dat gratiam*, non aliud esse videtur quam το πνευμα de quo in presenti agitur, quodque proinde Spiritum S. significare debet. — *Ἐπιποθεῖν*, quod Denominativum est a ποθος *desiderium*, notat atiquid vehementer desiderare, vehementi alicujus desiderio teneri. Hæc est enim, inter alias, virtus Præpositionis ἐπι in compositis, ut vim Verbi simplicis augeat. Quæ vis in presenti adhuc intenditur per locutionem adverbialem προς φθονου, *invidiose: προς* veluti *de norma ad quam* (1).

Igitur adeo vehementi desiderio Spiritus S. nos (ἡμας enim ex Insequenti ἡμιν supplendum est, ac Objectum Verbi constituit) prosequitur, ut ad zelotypiam usque procedat nullumque patiat æmulum.

Quod autem invidia seu zelotypia Spiritui S. tribuatur, hoc per *anthropopatheiam* fit, uti sæpius in Scripturis obtinet (Cf. v. g. Ezech. V. 15). Ad quod rite intelligendum, aptissimum est illud

(1) Sic ap. ΣΟΡΗΟΚΛΗ, in *Electra* v. 372, προς φθονου valet *iracunde*.

S. ISIDORI HISPALENSIS (*Sent. lib. I. cap. V*) monitum : « Nostro usu zelare Deus dicitur, vel dolere. Horum enim motuum apud Deum perturbatio nulla est, apud quem tranquillitas summa est. Non ita est præcipitanda mentis sententia, ut credamus posse Deo furoris vel mutationis accidere perturbationem : sed ipsam æquitatem justitiæ, qua reos punit, iram sacra lectio nominavit, quoniam quod judicantis æquum est, furor est et indignatio patientis. Ita ergo intelligere opus est et alias passiones, quas de affectione humana ducit Scriptura ad Deum, ut et juxta se incommutabilis sit credendus, et tamen pro causarum effectibus, ut facilius intelligatur, nostræ locutionis et mutabilitatis genere appelletur. Tam clementer Deus humanæ consulit infirmitati, ut quia eum sicut est non possumus agnoscere, nostræ locutionis more se ipsum nobis insinuet. Unde et membrorum nostrorum qualitatem habere describitur, et passionum indigna dici de se voluit, quatenus ad sua per nostra nos traheret, et dum condescendit nobis, consurgeremus ei. » Hactenus S. ISIDORUS.

Spiritus qui habitat in vobis.) De inhabitante Spiritu Sancto in animis fidelium sæpius mentio fit in libris N. T. : cf. Rom. VIII. 9. 14; 1 Cor. III. 16; VI. 19; Eph. II. 22; 2 Tim. I. 14. Qualis porro *inhabitatio* (ἐνοικήσις) intelligenda sit, pro more suo doctissime tradit PETAVIUS : ex quo, ut nobilissimæ hujusce quæstionis conspectus saltem hic exhiberetur, quædam excerpte operæ pretium duximus.

« Cum fidelibus ac justis, ait (*de Trinit. lib. VIII. cap. IV. n. V*), impertiri communicarique Spiritus Sanctus legitur, non ipsamet illius persona tribui, sed ejus effluentiæ, videri potest; idque communis fere sensus habet eorum, qui in Patrum veterum lectione minus exereitati sunt. Quos qui attente pervestigare voluerit, intelliget occultum quemdam et inusitatum missionis communicationisque modum apud illos celebrari, quo Spiritus ille divinus in justorum sese animos insinuans, cum illis copulatur; eumque non *accidentarium*, ut ita dicam, esse, hoc est, qualitate dumtaxat illa coelesti ac divina perfici, quam in pectora nostra diffundit idem cœlestium donorum largitor ac procreator Spiritus : sed *ὡσπερ*, hoc est *substantialem*, ita ut substantia ipsa Spiritus Sancti nobiscum jungatur, nosque sanctos ac justos, ac Dei denique filios efficiat. Ac nonnullos etiam antiquorum illorum dicentes audiet, tantum istud tamque stupendum Dei benefi-

cium, tunc primum hominibus esse concessum, postquam Dei Filius homo factus ad usum hominum salutemque descendit : ut fructus isto sit adventus ac meritum et sanguinis ipsius, veteris Testamenti iustis hominibus nondum attributus, quibus *nondum erat Spiritus datus, quia Jesus nondum fuerat glorificatus*, ut Evangelista IOHANNES scribit (VII. 39). »

« Neque vero, pergit PETAVIUS (*cap. VI. n. III*), eum hoc asserunt Patres, ipsam, qua iusti sumus, sanctitatem, ac velut sanctificantem formam, esse Spiritum sanctum, eamque *ἀμείσως*, nullo interposito medio, sanctos ac Dei filios nos facere (quod per creaturam effleui posse CYRILLUS negat); ideirco gratiam, et eharitatem, hoc est creatas *πρωτουργας* et virtutes excludi putandum est..... Utrumque enim intervenit : et Spiritus ipse sanctus, qui filios facit : adeo ut si nulla infunderetur creata qualitas, sua nos ipse substantia adoptivos filios efficeret : et *charitatis habitus* (1) *ipse, sive gratiæ*, quæ est vinculum quoddam sive nexus, quo cum animis nostris illa Spiritus sancti substantia copulatur. Neque tamen propterea non *ἀμείσως*, et proxime conjungitur : quemadmodum forma cum materia *ἀμείσως* iidem nec-titur; etsi modus nescio quis intercedit ex multorum sententia, quem *unionem* vocant. »

Ad quæstionem porro : « utrum hæc in iustis habitatio, et *συνωδή* præsentia, propria sit personæ Spiritus sancti, an tribus personis conveniat : ut sit divinitatis ipsius et substantiæ, non personæ unius applicatio, quam propterea *συνωδή* nominare solemus? » Respondet PETAVIUS (n. V) «.... Vulgo fere Theologi quadam accommodatione putant illam *ἐννοσιν* et habitationem in iustis assignari Spiritui sancto; eum revera in omnes Personas competat..... (n. VI) Nostra quæ privatim sit opinio, vel non dico, quia rem nondum compertam satis habeo : vel hoc loco non dico. Quod autem ex antiquorum tot illis in duobus superioribus capitibus allatis testimoniis sequi videtur, id est ejusmodi. Illam cum iustorum animis conjunctionem Spiritus sancti, sive statum adoptivorum filiorum, communi quidem personis tribus con-

(1) Vel inde igitur liquet LIEBKAMANN (*Tom. IV. pag. 96. Ed. Mogunt. 1836*), SCHWETZ (*op. cit. tom. II. pag. 438. §. 99*) et KNOLL (*op. cit. tom. IV. p. 444*) sententiam PETAVII, quam cum sententia PETRI LOMBARDI (*Sent. lib. I. dist. 17*) perperam confundunt, nullatenus assecutos fuisse.

venire divinitati : *sed quatenus in hypostasi sive persona inest Spiritus sancti* : adeo ut certa quædam ratio sit, qua se Spiritus sancti Persona sanctorum justorumque mentibus applicat, quæ ceteris Personis eodem modo non competit.... Qualem esse aliquam tanta illa sacrorum voluminum, ac sanctorum Patrum auctoritas evincit : non tamen liquido nobis et aperte vim ejus et conditionem edisserunt. » Et sane, ut n. VIII tradit : « Pater ecce, atque Spiritus sanctus in homine Christo non minus manet quam Verbum : sed dissimilis est τῆς ἐνσάρκωσης modus. Verbum enim præter communem illum, quem cum reliquis eundem habet, peculiarem alterum obtinet : ut sit formæ instar, divinum vel Deum potius facientis, et hunc Filium. Quippe non absolute et infinite Deus est; quod ipsius essentiaὶ οὐσιώδους conjunctio citra personam efficeret : sed *hic Deus*, hoc est *Filius* est, quod sola Filii hypostasis, tamquam forma, præstare potest. Sic in homine justo tres utique personæ habitant : sed solus Spiritus sanctus quasi forma est sanctificans, et adoptivum reddens sui communicatione filium. »

« Quinam autem substantiva illa Spiritus Sancti communicatio ab ea differat conjunctione cum homine Verbi Dei atque Filii, quæ unam ex ambabus naturis personam efficit : non est difficilis responsio, ait PETAVIUS *cap. VII. n. XII*. Ostendimus enim non semel, conjunctionem illam Spiritus Sancti neque φυσικὴν neque ὑποστατικὴν esse, hoc est neque *naturalem*, neque *personalem* : quasi una fiat ex ambobus natura vel persona. *Non enim quia et illi per adoptionis gratiam filii Dei sunt*, ait AUGUSTINUS (in Psalm. 67), *ideo quisquam illorum est unigenitus*. Neque enim ex personarum duarum copulatione unum aliquid per sese, sed κατὰ συμβεβηκός, potest effici, ut ex JOANNE DAMASCENO alibi dictum est. Quocirca Deus non est proprie ac naturaliter adoptivus Dei filius; neque quod multo consentaneum magis videretur, sit Spiritus Sanctus : sed homo est ad quamdam Divinitatis participationem suo modulo proventus. Quam idcirco Græci Theologi μετόχην vel μετέξω χετικὴν, *participationem habitudinis vel relativam* appellant. »

Variis porro similitudinibus veteres Patres Spiritus Sancti cum justorum animis conjunctionem, atque ἔνωσιν declarare conantur. Alii siquidem ita disputant (*cap. V. n. I*) : « Quemadmodum sigilli applicatione in cera, vel quavis alia molli ac tractabili re, imago

atque effligies exprimitur : sic admota Spiritus Sancti substantia ipsa, Dei in nobis formari similitudinem, quæ in sanctitate consistit. » Alii dicunt (*cap. VI. n. II.*) sic nobis applicari divinam substantiam « ut cum deauratur aes, aut lignum, ipsa auri substantia per sese cum materia copulatur, ejusque fit quodammodo forma. Aut cum vinum aqua diluitur, ambæ mutuo junguntur, ac sese permeant substantiæ, quantum corporum natura patitur. » CYRILLUS HIEROSOLYMITANUS, *Catech. XVII* (*ibid. cap. V. n. XIV*), similitudine ignis aptissime utitur. *Accipe, ait, exemplum corporeum, parvum quidem et facile, sed utile simplicioribus. Si ignis per ferri crassitudinem interius penetrans, totum illud ignem efficit, adeo ut quod erat frigidum fiat fervens, et quod nigrum erat, fiat splendidum : si ignis, cum sit corpus, in ferri corpus subiens, obstante nullo agit, quid miraris, si Spiritus Sanctus in intimos animæ recessus ingreditur ?*

Huic autem quæstioni paulo diutius immorati sumus, quia, ut ad finem usque PETAVII (*cap. V. n. VIII*) verbis utar : *Rapit nos ad sese, ac sine satietate delectat tantæ rei ac tam suavis jucundæque recordatio.*

ÿ. 6-10. Majorem autem dat gratiam. Propter quod dicit : Deus superbis resistit, humilibus autem dat gratiam. ⁷ Subditi ergo estote Deo, resistite autem diabolo, et fugiet a vobis. ⁸ Appropinquate Deo, et appropinquabit vobis. Emundate manus, peccatores : et purificate corda, duplices animo. ⁹ Miseri estote, et lugete, et plorate : risus vester in luctum converta-

ÿ. 6-10. Μεῖζονα δὲ δίδωσι χάριν· διὸ λέγει· Κύριος ὑπερηφάνους ἀντιτάσσεται, ταπεινοὺς δὲ δίδωσι χάριν. ⁷ Ὑποτάγητε ὧν τῷ Θεῷ· ἀντίστητε τῷ διαβόλῳ, καὶ φεύξεται ἀπ' ὑμῶν. ⁸ Ἐγγίσατε τῷ Θεῷ, καὶ ἐγγίσι ὑμῖν. Καθαρίσατε χεῖρας, ἁμαρτωλοὶ, καὶ ἀγνίσατε καρδίας, διψυχοι. ⁹ Ταλαίπωρήσατε καὶ πενθήσατε καὶ κλαύσατε· ὁ γέλως ὑμῶν εἰς πένθος μεταστραφήτω, καὶ ἡ χαρὰ εἰς κατήφειαν. ¹⁰ Ταπει-

tur, et gaudium in mœrorem.

⁴⁰ Humiliamini in conspectu

Domini, et exaltabit vos.

νώθητε ἐνώπιον τοῦ Κυρίου,

καὶ ὑψώσει ὑμᾶς.

PARAPHRASIS. *Verum, si vultis, majorem concupiscentiis vestris gratiam dat vobis Spiritus Sanctus. Ideo Scriptura dicit: Deus superbis resistit, humilibus autem dat gratiam. Itaque subjicite vos Deo ejusque mandatis: resistite diabolo et suggestionibus ejus, et fugiet a vobis confusus. Pia mente convertimini ad Deum, et ipse opem afferet vobis. Emundate manus vestras, peccatores, ab operibus pravis; munda facite corda vestra a cupiditatibus malis, viri Deum inter et mundum divisi. Ad hoc autem opera pœnitentiæ suscipite; lugeat et plorat; risui vestro succedat luctus, et lætitiæ mœsta tristitia. Sic humiliate vos coram Domino, et ipse eriget et exaltabit vos.*

γ. 6. *Majorem autem dat gratiam.*) Contentionum causam in pravis cupiditatibus sitam esse Apostolus declaravit, eaque occasione cupiditatum illarum grande periculum denuntiavit. Nunc vero remedium ipsis opponit (δε), scilicet gratiam divinam, quam Spiritus S. impertitur, et ea quidem mensura qua cupiditatibus efficacior (μετρίζονα) sit. — Comparativus hic ita usurpatur, ut alterum membrum relicteatur, et ex contexta oratione intelligendum relinquatur. Quod in libris N. T. haud infrequenter obtinere jam supra (pag. 166) monuimus.

Propter quod dicit: Deus superbis resistit, humilibus autem dat gratiam.) Quod asseruit Apostolus, nempe Spiritum S. gratiam ad resistendum pravis cupiditatibus impertiri, tali Scripturæ effato jam comprobat, quod simul innuat, qualiter dispositi esse debeamus si gratiam illam adipisci velimus. — *Λέγει*, scilicet *ἡ γραφή*: quæ Subjecti ellipsis frequens est in formulis Scripturæ locis recitandis inservientibus. Cf. Heb. I. 7; IV. 4; VII. 17.

Locus porro quem JACOBUS hic recitat, ex Proverb. III. 34 juxta

versionem septuaginta-viralem verbotenus desumitur : nisi quod pro *κρυος* qui ibidem occurrit, et quem complutensis editio pariter exhibet, JACOBUS legit *ο θεος*, ut ex auctoritate omnium fere codicum constat. Septuaginta autem, verbis fere neglectis, generalem solummodo hebraicorum sensum referunt. Hebraice enim sic legitur : *אִם-לִצְדִּים הוּא יִלָּץ וְלִצְדִּים יִתְרַחֵן* quæ Vulgatus auctor scite vertit : *ipse deludet illusores, et mansuetis dabit gratiam*. Jam vero *לִצְדִּים* (*א צ צ*) *illusor* seu *irrisor* is dicitur qui omnia divina humanaque *contemnit* : quod utique nonnisi ex vesana *superbia* oriri potest. Ex altera parte *יִתְרַחֵן* intelligitur is qui dotibus suis veris aut fictis ita *superbit* ut alios præ se *contemnat* (1). — Tales autem Deus *eludit*, ut hebraice habetur, dum fastosos eorum conatus irritos efficit, sicque sese ipsis *opponit* (*אַנְתִּיאָסְסֶטַי* med.). — Equidem *צָר* seu *צָרָה* *afflictum* proprie denotat, sed adjuncta plerumque notione animi demissi, pii et modesti, qui injuriam ferre mavult quam inferre (2) : qualis procul dubio esse non valet nisi *ταπεινος*, qui nimirum *modeste* et *humiliter* de seipso sentit. — *יָתֵן יְתֵן* usitatissima formula est, de eo qui alteri *benevolentiam* seu *misericordiam præstat* usurpari solita. De eo autem qui hujus benevolentiae particeps effectus est dicitur *יָתֵן יָתֵן* *gratiam invenit* apud aliquem, i. e. *acceptus, carus et dilectus est illi*. Porro inter gratiam hac generaliiori notione sumptam, et peculiarem illam gratiam (*χαρις*) internam, quam Apostolus hic adstruere intendit, relatio datur *causæ* et *effectus*. Verum igitur est, id quod modo moncbamus, græca verba generalem hebraicorum sensum referre.

§. 7. *Subditi ergo estote Deo, resistite autem diabolo, cet.)*

Ex allegato Scripturæ testimonio *conclusionem* (*ων*) ad praxim Apostolus eruit, hoc modo : quoniam Deus superbis resistit, et humilibus solummodo dat gratiam ; si gratiam Dei assequi vultis, qua adversus cupiditates vestras reluctari valeatis, vere *humiles* sitis. Ad hoc autem sequentia præstetis necesse est. Imprimis *subditi estote Deo* (*υποταγῆτε*, Aor. 2. Pass. cum notione Media), i. e. *subjicite vos* Deo, ejusque mandatis obsequimini. — Econtra *resistite diabolo*, qui suggestionibus suis concupiscentiæ fomitem excitat et incendit : et *fugiet a vobis*

(1) TITTMANNUS, de Synon. in N. T., pag. 73, sq.

(2) Cf. LEXION GASENI, edit. DRACH, ad h. v.

confusus ac debilitatus. Ἀντιστῆναι, notante FABRO (in *Agonist.* lib. I. cap. XII), dicebantur etiam pugiles qui contra adversarios invicti stabant. Atque hoc sensu, sed metaphorice, vox ἀντιστῆναι hic sumenda est, ut et Act. VI. 40 et Ephes. VI. 13. — Φεῦγειν ἀπο prae-gnanter dictum est (ut Matth. III. 7), pro fugere atque ita abscedere. Quousque vero diabolus ab illo discedat quem adversum se invicte consistentem experitur, non una est SS. Patrum sententia. S. GREGORIUS (*Moral. l. III. cap. X. n. 18*) existimat « diabolum, quo valentius vincitur, eo ardentius ad insidias instigari, » ut qui viribus victus est, insidiis et dolis vincat. Illudque comprobatur variis tentationibus quibus vir sanctus JOB a parte dæmonis obnoxius fuit. In hoc quidem plures Patres (1) consentientes habet : ex quorum sententia sequitur diabolus nonnisi post diuturna certamina et iteratas victorias fugari, nec nisi fore ad tempus. — Probabilius tamen dici putat D. THOMAS *Sum. p. I. q. 114. art. 3*, diabolus non amplius tentare eum a quo superatus est, saltem usque ad aliquod tempus. Cujus duplicem rationem affert : unam ex divina clementia petitam, quæ si permittat paulisper tentare, tamen repellit propter infirmam naturam; alteram ex ipsa diaboli astutia ductam, qui nempe instare formidat, quia frequentius refugit triumphari.

γ. 8. *Appropinquate Deo, et appropinquabit vobis.*) Pergit Apostolus in enumerandis iis quæ præstare debeant ut vere humiles sint, sicque divinæ gratiæ participes efficiantur. — Ἐγγιζετε τῷ Θεῷ (Dativus accessus, moralis nempe), locutio hebraica est, qua dicitur Deo appropinquare (קָרַב seu נִגַּשׁ) tum qui ministerio templi fungitur (Ezech. XL. 46), tum qui ad Deum se convertit eumque pie colit (Soph. III. 2; Isai. XXIX. 13). Et hoc ultimo sensu locutio illa in præsentī loco intelligenda est, ut Hebr. VII. 19. Deus autem appro-

(1) Sic TERTULLIANUS, de *Pœnitentia*, cap. VII: « Sed enim, ait, perveracissimus hostis ille numquam malitiæ suæ otium facit. Atquin tunc maxime sævit, cum hominem plane sentit liberatum; tunc plurimum accenditur dum extinguitur. » — S. CYPRIANUS, *Epist. V. n. III* (ed. Migne): « Fortiorem quemque magis aggreditur, et acrior factus hoc ipso quod victus est, superantem superare conatur. » — S. AMBROSIIUS, in *Luc. lib. IV. n. 39*: « Non unum telum diabolus habet, frequentat spicula; ut aut præmio vincat, aut tædio. » Notandum tamen est ipsum n. 36 scripsisse diabolum « cedere solere veræ virtuti. Et si invidere non desinat, tamen instare formidat quia frequentius refugit triumphari. »

pinquare nobis eadem locutione hebraica dicitur, dum nobis opem affert (Thren. III. 56). — Cum præsentia sententia sensu prorsus convenit illud Zachar. I. 3 : *Convertimini ad me, ait Dominus exercituum : et convertar ad vos, dicit Dominus exercituum.*

« Porro appropinquamus Deo, ut recte animadvertit CORNELIUS A LAPIDE ad h. l., non puris naturæ et liberi arbitrii viribus, quasi iis nos præparemus ad Dei gratiam recipiendum : uti contendebant semipelagiani facientes gratiam pedissequam liberi arbitrii ; sed præventi et excitati a Dei gratia. Hæc enim nostræ conversionis et accessus ad Deum est dux, et principium, uti definit Cone. Trid. sess. VI. cap. V. »

Emundate manus, peccatores : et purificate corda, duplices animo.) Quomodo igitur Deo appropinquare debeant, Apostolus hic tradit. Bene iterum CORNELIUS : « Per manus intelligit metonymice omne opus externum : hoc enim manibus fit et perpetratur ; sicut per corda intelligit opus internum. Manus ergo significant externas actiones, cor internas affectiones : q. d. : Purificate corda ab omni prava cogitatione, machinatione, delectatione ; ac vicissim et manus ab omni pravo opere, ut nec mali quidquam agatis, vel velitis. » — « *Peccatores* vocat, propter opera foris conspicua, quæ supra nominavit bella et lites. *Duplices autem animo* vocat, propter ancepites cordium affectiones et cogitationes, quibus fluctuabant inter amicitiam Dei et mundi. Volebant enim esse Dei amici, quo fides urgebat ; sed cupiditatibus impliciti mundo valedicere nequibant. » Hæc ESTIUS.

§. 9. *Miseri estote, et lugete, et plorate : cet.)* Opera poenitentiae, tum externa tum interna, ad hanc emundationem procurandam necessaria, vivida quadam gradatione JACOBUS recenset. *Miseri estote* (græce *ταλαπωρησατε*) : proprie labores et ærumnas suscipite, affligite vos per opera poenitentiae, qualia sunt jejunia variaeque corporis afflictationes. — *Lugete et plorate*, quæ sæpius in N. T. simul juncta leguntur, vehementem quemdam dolorem, externum maxime, denotant.

risus vester in luctum convertatur, et gaudium in mæ-

rorem.) Parallelismus, in Psalmis frequenter obviis, hic pariter agnoscendus videtur: ita tamen, ut prius membrum ad lætitiā et luctum externum, posterius vero ad gaudium ei moestitiā internam pressius respiciat. — Κατῆρεα (α κατὰ et τὰ φαεινὰ, lumina, oculi) proprie est: demissio vultus, et per metonymiam tristitia, quæ vultu ad terram demisso sese prodit.

§. 10. *Humiliamini in conspectu Domini, et exaltabit vos.*) Exhortationem suam claudit ipsos iterum, per modum epiphonematis, ad humilitatis exercitium generatim incitando, atque fructum inde colligendum declarando. — Ille porro coram Deo sese humiliaverit, qui, ut LUCÆ BRUGENSIS in *Matth. XXIII. 12.* verbis utar, « humiliter demisseque senserit de seipso; seipsum honore indignum iudicaverit, adeoque nihil se reputaverit coram Deo, agnoscens se nihil boni habere proprium, sed a Deo omnia; ac proinde honores non ambiverit; nec oblati fuerit elatus, sed usus ad utilitatem aliorum; denique infirmitatis suæ probe sibi conscius nihil sublime spiraverit.»

et exaltabit vos.) In præsentī quidem, gratiam qua victores diaboli ac amici Dei efficiamini, vobis impertiendo; in futuro autem, immarcescibili corona vos decorando. Hæc est pariter sententia CHRISTI: *Qui se humiliaverit, exaltabitur* (*Matt. XXIII. 12*); quam et PETRUS etiam expressit: *Humiliamini sub potenti manu Dei, ut vos exaltet in tempore visitationis* (1 *Epist. V. 6*).

§. 11-13. Nolite detrāhere alterutrum fratres. Qui detrāhit fratri, aut qui iudicat fratrem suum, detrāhit legi, et iudicat legem. Si autem iudicas legem: non es factor legis, sed iudex.
 * Unus est legislator, et iudex, qui potest perdere,

§. 11-12. Μὴ καταλαλεῖτε ἀλλήλων, ἀδελφοί. Ὁ καταλαλῶν ἀδελφῷ καὶ κρίνων τὸν ἀδελφὸν αὐτοῦ καταλαλεῖ νόμου, καὶ κρίνει νόμον. Εἰ δὲ νόμον κρίνεις, οὐκ εἶ ποιητὴς νόμου, ἀλλὰ κριτής. * Εἰς ἐστὶν ὁ νομοθέτης, ὁ θυνάμενος σώσαι καὶ ἀπολέσαι.

et liberare (1). ¹³ Tu autem
quis es, qui iudicas proxi-
mum?

Σὺ δὲ τίς εἶ, ὃς κρίνεις τὸν
ἕτερον^b;

PARAPHRASIS. *Sedulo cavete, fratres, ne vobis invicem obloquamini. Qui enim fratri obloquitur eumque criminatur, ipsi legi, quam frater ex conscientia servandam ducit, obtretrat, ipsamque legem tamquam malam traducit. Si autem legem condemnas, jam obsequium non præstas legi, sed iudicium in ipsam exerces. Unus porro est legislator et iudex, ille nempe qui potestatem habet salvandi et perdendi. Tu autem quis tandem es tu qui non dubitas proximum condemnare?*

VARIANS LECTIO.

a) Addenda hic sunt verba καὶ κριτῆς cum AB, antiquis versionibus fere omnibus, et minusculis multis. Hæc pariter legerunt DIDYMUS, CYRILLUS ALEXANDRINUS, EUTHALIUS ET THEOPHYLACTUS.

b) Pro lectione ἐκ κριτῆς τοῦ στίχου legunt ἐκ κριτῶν τοῦ πληθους AB, versiones antiquæ plurimæ ET THEOPHYLACTUS.

§. 11-12. Notum est non defuisse ævo apostolico ex Judæo-Christianis qui existimarent etiamnum observanda sibi esse ritualia quædam legis Mosaicæ præcepta. Et eos quidem qui, uti Galatæ, ritualia illa ita frequentabant ut legi virtutem justificandi tribuerent, ab hoc usu, tamquam adversario et destructivo Evangelii, acriter prohibebat PAULUS. Iis vero qui Evangelii virtutem agnoscetes et

(1) Notandum est versiculorum partitionem, quæ inde a vers. 13 ad vers. 15 usque in Vulgata occurrit, a partitione textus græci nonnihil differre. Hanc autem, utpote quæ ad perspicuitatem orationis magis faciat, latine partitioni in præsentem prætulerim.

confitentes, ceremonias illas tamquam a Deo, non tamen ad hominis justificationem procurandam, institutas, pro imbecillitate sua et nimio legis Mosaicæ zelo adhuc retinebant, illud initio benigne indulserunt Apostoli. Plerique porro Christiani, melius edocti, præcepta illa, utpote nullam amplius obligationem inducentia, prætermittebant : et jure quidem. Nonnulli tamen eorum non ea, qua par erat, eharitate fratres infirmos aliterque sentientes prosequiebantur. Ipsos enim tamquam imbeeilles atque Christianæ libertatis osiores traducebant : isti vieissim contradictoriis suis non magis parcebant, sed violatæ legis eos insimulabant. Hinc disputationes et iræ plurimæ.

Jam vero JACOBUM mutuas illas increpationes et disceptationes præ oculis hic habuisse, easque impugnare intendisse, haud arbitrario prorsus, ni fallor, conjeceris. Et sane mirum videretur, Apostolum Judæos alloquentem, et in ipsorum dissensiones ac lites earumque causas invehentem, causæ adeo frequentis nullam mentionem intulisse. Deinde non parvam inter præsens JACOBI ratioecinium et illa quæ PAULUS eadem de re *Rom. cap. XIV.* disputat, analogiam deprehendere mihi videor. Allunde, quum de vitilis linguæ Apostolus fuse supra (cap. III. 1-12) disseruerit, eur, quæso, eandem materiam tractandam hic iterum assumeret? Addiderim tandem admissa hac nostra sententia, omnia fere plana fieri, imprimisque probe intelligi quid sit *detrahere legi* et *judicare legem* : quarum locutionum explanationem, quæ non verbis quidem sed rebus constet, in aliis interpretationibus frustra quæsi. Nec ESTIUM penitus latuit præsens hæc difficultas. Qui porro cum ipso dicunt *detrahere legi* idem esse ac *agere contra legem*, isti quidem primum idem vocabulum (*καταλαλειν*) in eodem loco diversa prorsus significatione usurpare eoguntur : quos carpit TYTLMANNUS (*de Syn. in N. T.* pag. 73). Deinde, quum omne peccatum *contra legem* sit, nil *peculiare* peccato illi *καταλαλίας* hujusmodi interpretatio tribuit : quum tamen argumentatio Apostoli hoc innuere videatur. Necdum sic explicant quid sit *judicare legem*.

Fateor quidem unum esse quod me aliquatenus moveat : illud nimirum quod in hujusce interpretationis patrocinium nullum nomen allegare valeam. Quo tamen non obstante, iis, quas protulimus, rationibus innixus, prædictam sententiam modeste propono.

Nolite detrahere alterutrum fratres.) Sensus est : *cavete, fratres, ne vobis invicem (ἀλλήλων) obloquamini.* Quod utique fiebat cum is, qui ritualibus legis se non amplius teneri recte judicabat, cum, qui ipsa sibi etiamnum observanda esse erronee putabat, tamquam Christianæ libertatis osorem traduceret; atque iste vicissim contradietorem suum violatæ legis mosaicæ reum contenderet. Quam mutuam seu *reciprocam* increpationem non obscure innuit vox ἀλλήλων quæ pro latino *alterutrum* ponitur.

Qui detrahit fratri, aut qui judicat fratrem suum, cel.)

Rationem affert Apostolus ad auditores suos ab illo vitio avertendos. Ratio autem hæc in eo sita est, quod ille qui prædicto modo fratri obloquitur atque ipsum condemnat, ipsi legi, cui frater sic agendo obedientiam præstat, obtrectet, ipsamque legem tamquam malam traducat. Enimvero is qui fratrem criminatur, quia ipse ritualia Moysis præcepta adhuc servat, præceptis illis quodammodo detrahit, et quasi mala condemnat. Vicissim vero is qui fratrem, aliunde beue edoctum ideoque præcepta illa jure merito negligentem, impugnat, libertati Christianæ detrahit, atque legem evangelicam quodammodo damnat, quasi nimirum ipsa suis asseclis peccandi licentiam faciat.

Κρινεῖν per se non valet nisi *judicem agere, judicium ferre.* Hujus autem judicii qualitas dijudicanda est ex contexta oratione : quæ quidem in præsentī loco vocem *κρινεῖν* de *ferendo judicio condemnatorio* intelligendam esse, ut Rom. II. 1; XIV. 3. 4, satis indicat.

Si autem judicas legem : non es factor legis, sed judex.)

Inceptum ratiocinium *continuat* (δε) Apostolus, ostendens quam inordinata sit isthæc agendi ratio : cum homo qui legem simpliciter observare debet, judicem supra ipsam ita se constituat, sicque Dei, cujus solius propria est legislativa atque judiciaria potestas, vices usurpet (v. 12).

Equidem fatendum est verba illa : *non es factor legis*, aliquod negotium huic nostræ interpretationi facessere. Non poterat enim Apostolus Christiano vitio vertere, quod legem Mosaicam non servaret, quum ad id revera non amplius teneretur. Putaverim autem huic difficultati responderi posse, vim argumenti in eo maxime consistere quod hujusmodi viro exprobraret ipsum legis *judicem* agere.

§. 12. *Unus est legislator, et iudex, qui potest perdere, et liberare.*) JACOBUS eos qui vices Dei in iudicando usurpant redarguens, sanctionis quam Deus legibus et judiciis suis præbere valet, non inconsulto mentionem ingerit : sic enim poenam, quæ ipsos manet, indirecte comminatur.

Sensus autem verborum est : *non sumus alii aliorum iudices constituti, sed unus est qui legislator sit et iudex, ille nempe qui potestatem habet salvandi et perdendi in æternum.* Eadem est fere PAULI, Rom. XIV. 10 ea de re disputantis, argumentandi ratio, licet aliis verbis expressa : *Tu autem, ait, quid iudicas fratrem tuum? Aut tu quare spernis fratrem tuum? Omnes enim stabimus ante tribunal Christi.*

Ex præsentibus JACOBI verbis stolidè argumentatus est CALVINUS adversus potestatem Ecclesiæ legislativam et judiciariam : quum tamen mira quadam contradictione, sectariis ceterum haud insolita, eandem potestatem principibus civilibus agnosceret. Quasi CHRISTUS potestatis suæ Ecclesiam ejusque prælatos participes non fecisset, dum PETRO diceret : *quodcumque ligaveris super terram, erit ligatum et in cælis : et quodcumque solveris super terram, erit solutum et in cælis* (Matt. XVI. 19); et omnibus Apostolis : *qui vos audit, me audit : et qui vos spernit, me spernit* (Luc. X. 16).

§. 13. *Tu autem quis es, qui iudicas proximum?*) Opponit jam (*de*, quæ particula certo legenda est) supremo illi legislatori et iudici hominem caducum et impotentem qui iudicium in fratrem sibi arrogare præsumit : sicque eam, quam modo denunciavit, inordinationem exaggerat. Per interrogationem, cui responsum *directum* non præbet, procedit : quod sane vi et arte non caret : plus enim ita significat quam dicere potuisset. In sequenti tamen commate talia tradit quæ præsentī interrogationi *indirecte* respondeant.

§. 13-16. Ecce nunc qui dicitis : Hodie, aut crastino ibimus in illam civitatem, et faciemus ibi quidem annum, et mercabimur, et lucrum

§. 13-16. Ἄγε νῦν, αἱ λέγοντες· σήμερον καὶ ἢ αὔριον πορευσώμεθα εἰς τήνδε τὴν πόλιν, καὶ ποιήσωμεν ἐκεῖ ἐνιαυτὸν ἕνα, καὶ ἐμπορευώ-

faciemus : ¹⁴ qui ignoratis quid erit in crastino. ¹⁵ Quae est enim vita vestra? vapor est ad modicum parens, et deinceps exterminabitur; pro eo ut dicatis : Si Dominus voluerit. Et : Si vixerimus, faciemus hoc, aut illud. ¹⁶ Nunc autem exultatis in superbis vestris. Omnis exultatio talis, maligna est.

μεθα, καὶ κερδήσωμεν ¹⁴ (οἱ-
τινες οὐκ ἐπίστασθε τὸ τῆς
αὔριον! ποία γὰρ ἡ ζωὴ ὑμῶν;
ἀτμὶς γὰρ ἔσται ^b, ἡ πρὸς ὀλίγον
φαινομένη, ἔπειτα δὲ καὶ ἀπα-
νιζομένη), ¹⁵ ἀντὶ τοῦ λέγειν
ὑμᾶς· ἐὰν ὁ Κύριος θελήσῃ
καὶ ζήσωμεν ^c, καὶ ποιήσωμεν
τοῦτο ἢ ἐκεῖνο. ¹⁶ Νῦν δὲ καυ-
χᾶσθε ἐν ταῖς ἀλαζυνείαις
ὑμῶν. Πᾶσα καύχησις τοιαύτη
πονηρὰ ἐστίν.

PARAPHRASIS. Age nunc, qui dicere soletis : hodie aut cras proficissemur in hancce illamve civitatem, et transigemus ibi annum integrum, et mercaturam faciemus, et lucrabimur (vos qui nescitis quid allatura sit crastina dies! Quid est enim vita vestra? nam vapor estis, vapor, inquam, qui ad breve tempus comparet, et illico evanescit!), quum potius dicere deberetis : si Dominus voluerit et vivemus, faciemus hoc vel illud..... Nunc vero gloriamini vobisque placetis in vestra jactantia. Omnis porro hujusmodi jactabunda gloriatio prava est.

VARIANS LECTIO.

a) Utrum cum editione complutensi καὶ αὐριον, an vero, quod Vulgata refert, ἡ αὐριον legendum sit, merito dubitaveris. Quamvis enim καὶ occurrat in AGK, in minusculis multis, itemque apud CYNILLUM et THEOPHYLACTUM; η̄ tamen legitur in vetustissimo codice B, necnon in antiquis versionibus Italæ,

Syriaca, Sahidica, Coptica et Vulgata, atque in minusculis baud paucis. Et hæc quidem lectio contextu orationi magis convenire videtur.

b) Pro *ισται* quod in textu complutensi legitur et auctoritate non caret, et *ιστις* quod cum G Vulgata nostra refert; TISCHENDORFIUS edidit *ιστις* : quam quidem lectionem exhibet celeberrimus codex B cum nonnullis versionibus et minusculis fere quinquaginta.

c) Præsens comma TISCHENDORFIUS sic edidit : *Εκν ο κυριος Σιληση και ζηρομαι, και ποιησαμεν ταυτο η ιασην*. Et recte, ut videtur. Sic enim legunt AB, versio Syriaca et codex latinus Corbejensis antiquissimus. Quod ad divisionem commatis attinet, illam insuper exhibent CITALLUS et antiquæ versiones pleræque cum ipsa Vulgata.

§. 13. *Ecce nunc qui dicitis : Hodie, aut crastino ibimus cet.)* Opportunam occasionem nactus transit Apostolus ad redarguendum illud superbie seu arrogantie genus, quo nimirum homo, imbecillitatis et caducitatis suæ immemor, unum alterumve pro lubitu agere continuo sibi proponit, non secus ac si vitæ et actionum suarum dominus esset : quum tamen solius Dei sit de omnibus disponere. Nec ideo præcedentem sermonem prorsus abruptit JACOBUS : sed, prædictam superbiam retundendo, talia profert quæ propositæ modo interrogationi : *tu autem quis es, qui judicas proximum?* indirecte respondeant, et arrogantiam illius qui fratrem judicare præsumit magis demonstrent.

Ad hujus loci syntaxin quod attinet, monendum est orationem *anacoluthicam* esse, quum Verbum, cum quo *οι λεγοντες* *grammaticæ* construatur, non habeat. Putaverim autem Apostolum, quia *Protasis* vers. 13 et duobus seqq. expressa prolixior erat, *Apodosin* consulto omisisse, et vers. 16 novam periodum inchoasse, quæ *grammaticæ* quidem sententiæ vers. 15 traditæ *antitheticæ* (δε) respondet, *logice* vero prædictæ periodi *Apodosin* continet. Orationem hanc imperfectam esse Syrus optime perspexit, et ad illam perficiendam quædam de suo addidit. Græca enim *αγε νυν οι λεγοντες* sic interpretatur : *مَنْكَلْ ؟ بے تَلَعْنِ كَلْ اَنْكَبْ ؟ اَمْعَنَ*. h. e. quid vero dicam de iis qui dicunt, cet.

Αγε particula est quæ hic *transitioni* simul et *compellationi* inservit : ipsius vim auget superaddita particula *νυν* (1). *Αγε* vero,

(1) Cf. WAHL. *Clavis*, ad voc. *νυν*, sub G.

ut et latinum *age*, cum plurali constructum etiam in oratione soluta occurrit. — *Οι λεγοντες* in *Vocativo* legendum est, quamvis *Nominativus* ponatur. Qui *Nominativi* usus apud Græcos, ut et apud Hebræos, haud infrequens est; ejusque exempla, etiam in alloquio, in N. T. nonnulla reperiuntur : cf. Matt. XXVII. 29; Joh. VIII. 10; cet. — Demonstrativum *τηνδε* hic valet Gallicum *telle ou telle* : quo sensu ipsum pariter usurpavit PLUTARCHUS, *Symp.* 1. 6 : *τηνδε την ημεραν*, *tel ou tel jour* (1). — Verba quatuor in hoc versiculo occurrentia sive in *Futuro* legas (quæ quidem lectio potiori auctoritate gaudet), sive in *Conjunctivo adhortantis*, res eodem recidit. Oratio tamen vividior fit, majorque denotatur arrogantia, *Futuro* tempore adhibito. — *Ποιειν*, sequente nomine temporis, de *transigendo tempore* non semel in libris sacris occurrit. Cf. Act. XV. 35; XX. 3; 2 Cor. XI. 25, cet. Notat tamen VALCKENARIUS locutionem hanc Græcis elegantioribus insolentem esse, quamquam DEMOSTHENES invenitur hoc sensu semel dixisse *ποιειν χρονον*. Latini vero ab hoc usu non adeo abhorrent; dixit siquidem CICERO ad *Attic.* V. 20 : *Apameæ quinque dies morati...* Iconii *decem fecimus*. — In locutione *ενιαυτων ενα*, Nomen numerale non pro indefinito Pronomine *τις* ponitur, quod quandoque fit, sed propriam suam vim obtinet.

§. 14. *qui ignoratis quid erit in crastino.*) Totum vers. 14, prout in textu græco componitur, intra parentheses incluserim. In hac porro denunciat Apostolus simulque probat quam insolens sit isthæc loquendi ratio : cum homo, attenta vitæ fragilitate, ne crastinum quidem diem merito sibi polliceri queat.

De dictione *το της αυριου* notandum est, in hac et similibus dictionibus (v. g. *το της συκης* Matt. XXI. 2; *τα της ειρηνης* Rom. XIV. 19, cet.) nullam ellipsim esse; neque etiam eas otiosas circumlocutiones esse, sed potius elegantes quasdam de rebus *finitis infinite* loquendi rationes. Articulus in hisce dictionibus ad modum Pronominis Demonstrativi adhibetur. Inservit autem hujusmodi syntaxis ad exprimendam cognationem quamdam (v. g. *α του Ζεζεδαίου* Joh. XXI. 2), aut etiam ad indicandum, pertinere aliquid, quocumque tandem modo, ad rem sive personam quæ *Genitivo* exprimitur (2).

(1) *Gram. Græc.* § 24, pag. 160, adnot. 2.

(2) *Ibid.* § 20, pag. 135, n. 3.

§. 15. *Quæ est enim vita vestra? vapor est cet.)* Id quod asseruit : *qui ignoratis quid erit in crastino*, Apostolus *justificat* (γαρ), vivida usus interrogatione, cui qualls responsio danda esset, nemini dubium esse poterat. Ceterum interrogationis suæ rationem (γάρ, quæ particula hic legenda videtur), eleganti similitudine adhibita, statim reddit. *Non enim estis*, ait, *nisi vapor, et quidem vapor qui ad exiguum tempus comparet, et deinde, fere dum conspicitur, evanescit.*

Notandum est Articulum præponi epitheticæ dictioni προς ὀλίγον φαίνομενη, licet Nomen ατμῆς, cui additur, ipso careat. Hoc autem factum est quia hujus locutionis ope Nomen infinitum ατμῆς erat aliquo modo definiendum. Non enim de quocumque vapore sermo est, sed de tali qui statim fere evanescit.

pro eo ut dicatis : Si Dominus voluerit, cet.) Hæc verba cum vers. 13 jungenda sunt, et homines, tales quum sint, quomodo eloqui debeant, edocent. — Ἀντι τοῦ λεγεῖν ὑμᾶς novum exemplum est structuræ in libris N. T. sæpius obviæ : Infinitivi scilicet nominascentis in Casu obliquo cum Præpositione juncti.

Quomodo legenda sit periodus : εἰν ο κύριος θελήσῃ, cet., in var. lect. diximus. Sensus autem est : *si Dominus voluerit et vivemus — faciemus hoc vel illud*. Nimirum particula καὶ quæ ante ποιησόμεν occurrit, nullam vim conjunctivam habet, sed ad modum ἡ Hebræorum, simpliciter inservit inducendæ orationis Apodosi, ut supra cap. III. 5. Eodem prorsus sensu interpres Syrus præsentem locum intellexit. Vertit enim : *قَدْ مُنِنَا تَرِيحًا دَلِيلًا ۖ كُفَيْتَنِي ۚ هَئِنَّمَا يَشَاءُ* quæ translationem, quam modo dedimus, verbotenus referunt. Nec mirari debemus ζησομεν in Futuro Indicativi una cum Conjunctivo legi : hæc enim structura nequaquam inaudita est : cf. Luc. XI. 5. (εἰ... καὶ πορευεσεται... καὶ εἰπῇ).

Quod hic commendat JACOBUS, PAULUS in proxim pluries deducit : sæpius enim voluntatem suam divinæ voluntati expressis verbis subjicit. Cf. Act. XVIII. 21 ; Rom. I. 10 ; I Cor. IV. 19. XVI. 7, etc.

§. 16. *Nunc autem exultatis in superbiis vestris.)* Opponit (δε) huic modestæ et opportune sentiendi atque loquendi rationi, illam quam nunc præ se ferunt superbam jactantiam : immo,

quod impudentiæ summum est, ipsam de jactantia quasi *gloriationem* (καυχασθε) : quam malam esse declarat JACOBUS.

Αλζουεια est *vana jactatio et arrogantia*. Plurali autem forma denotantur *varii modi* quibus illa jactatio se prodit. Cf. ea quæ diximus de voce προσωποληψιας, pag. 104.

ῥ. 17. Scienti igitur bonum facere, et non facienti, peccatum est illi.

ῥ. 17. Εἰδῶτι οὖν καλὸν ποιεῖν καὶ μὴ ποιῶντι, ἁμαρτία αὐτῷ ἐστίν.

PARAPHRASIS. *Itaque scienti bonum quod facere oportet, et nihilominus non facienti, omissio hæc in peccatum reputabitur.*

Ea quæ inde a cap. I. v. 22 tradidit, hac generali sententia, ad modum epiphonematis et *conclusionis* (οὖν) Apostolus claudit. Huc autem sententia re diversa non est ab illa quam suæ disputationi præmisit : *Estote factores verbi, et non auditores tantum, fallentes vosmetipsos*. Refert pariter sententiam CHRISTI, quam JACOBUS præ oculis habuerit : *ille servus, qui cognovit voluntatem domini sui,..... et non fecit secundum voluntatem ejus, vapulabit multis* (Luc. XII. 47).

CAPUT QUINTUM.

ARGUMENTUM. *Divites, quorum immisericordiam et exactiones jam supra (cap. II. 6. IV. 2) obiter commemoraverat, in presenti capite JACOBUS ex professo aggreditur. Præcipua igitur flagitia, ab ipsis admitti solita, vivida descriptione recenset, divinamque vindictam ipsis brevi rependendam, vividis iterum imaginibus usus, denunciat (1-6). Tum ad fideles a dicitibus illis multis modis afflictos et oppressos orationem deflectit: ipsos blande solatur, et ad patientiam, maxime ob instantem Domini adventum, proposito insuper Prophetarum exemplo qui et ipsi varie vexati patientia usi sunt, enixe adhortatur (7-11).*

Absolute vero, ut videtur, proprio epistolæ themate, antequam dicendi finem faciat, quædam CHRISTI præcepta in mentem auditorum suorum breviter et absque ordine Apostolus revocat (12-20). Ea autem procul dubio selegerit quæ fidelibus in illis rerum adjunctis imprimis profutura senserit. Præcipua porro sunt: de vitando juramento, de Sacramento extremæ-unctionis in gravi infirmitate suscipiendo, de orando pro invicem, ac tandem de conversione fratrum a recta via aberrantium studiose procuranda.

ῥ. 1. Agite nunc divites,
plorate ululantes in miseriis
vestris, quæ advenient vo-
bis.

ῥ. 1. Ἄγε νῦν, αἱ πλούσιοι,
κλαύσατε ὀλοκίζοντες ἐπὶ ταῖς
ταλαιπωρίαις ὑμῶν ταῖς ἐπερ-
χόμεναις.

PARAPHRASIS. *Agite nunc, divites, plorate et ululate super calamitatibus quæ vobis imminet.*

Divitum in pauperes exactiones atque inhumanitatem Apostolus in superioribus (cap. II. 6; IV. 2) obiter jam commemoraverat. In præsentī vero hanc materiam ex professo tractat, et ita quidem ut in flagitia a divitibus admitti solita acerrime invehatur, divinamque propter ea vindictam quasi instantem vivide denunciaret (1-6). In hac porro pericopa JACOBUS divites directe ac ferventer compellat, ipsorum crimina, congestis imaginibus, describit, salutaremque terrorem ipsis incutere nititur.

ῥ. 1. *Agite nunc divites, plorate ululantes* cet.) Sensus est: *Agite nunc, divites, flete et ululate super calamitatibus quæ vobis imminet.* — Vocem ὀλοκίζειν, in N. T. semel tantum obviam, de hymnis lætis et precibus, maxime mulierum, diebus festis cum ululatu factis, Græci fere usurpabant (cf. HOM. Od. γ. 430; EURIPID. Iphig. in Taur. v. 1137): apud seniores vero notionem ejulandi plerumque obtinet, et hoc sensu vocem illam LXX sæpius frequentant: Isai. X. 10. XIII. 6, etc. — Præpositio ἐπὶ post verba gaudium, mœrorem, aliosque animi affectus exprimentia sæpe adhibetur, inservitque inducendo objecto quod est causa illius gaudii aut mœroris. — Calamitates, quas Apostolus divitibus hic comminatur, de variis incommodis ex fortunæ inconstantia rerumque humanarum vicissitudinibus oriri solitis, plerique eorum qui a Rationalistarum partibus stant interpretantur. Interpreti autem catholico, qui necesse non habet Scripturas in alienos et arbitrarios sensus, ne supernaturale quid in ipsis offendant, detorquere, vix dubium esse potest quin calamitates istæ pœnæ in æterna vita luendæ intelligendæ sint. Id enim tota contexta oratio clamat, ut suo loco videbimus. Quamquam Apostolum flagella temporalia, quibus divites perversi etiam in hac vita

nonnumquam castigantur, exclusisse minime inde sequitur. Verum hæc, utpote remotiora nec adeo communia, ad divites coercendos nequaquam sufficiunt.

Vix moneamus opus est JACOBUM nonnisi divites justitiæ et charitatis immemores hic impetere. Neque, ut inscite blasphemavit CALVINUS, spem veniæ ipsis adimunt Apostoli verba, quantumvis dura : sed comminatio ejus, ut plerumque fit, *conditionate* est intelligenda : *nisi pœnitentiam egeritis*. Et ipsum quidem divites maxime præ oculis habuisse in exhortationibus illis quibus auditores suos ad pœnitentiam modo incitabat (cap. IV. 7-10), quis inficiabitur?

γ. 2-3. Divitiæ vestræ putrefactæ sunt : et vestimenta vestra a tineis comesta sunt. ³ Aurum, et argentum vestrum æruginauit : et ærugo eorum in testimonium vobis erit, et manducabit carnes vestras sicut ignis. Thesaurizastis vobis iram in novissimis diebus.

γ. 2-3. Ὁ πλοῦτος ὑμῶν σέσηπε, καὶ τὰ ἱμάτια ὑμῶν σητόδρωτα γέγονεν. ³ Ὁ χρυσὸς ὑμῶν καὶ ὁ ἄργυρος κατίωται, καὶ ὁ ἰὸς αὐτῶν εἰς μαρτύριον ὑμῶν ἔσται, καὶ φάγεται τὰς σάρκας ὑμῶν ὡς πῦρ· ἐθησαυρίσατε ἐν ἐσχάταις ἡμέραις.

PARAPHRASIS. Et merito quidem. Etenim uberrimæ fruges vestræ præ abundantia in horreis putrefactæ sunt; vestimenta vestra, utpote quæ præ multitudine vix semel gestari poterant, tinearum epulæ factæ sunt; pecunia vestra magnam partem, præ nimia copia, manibus diu haud versata, ærugine obducta est; et ærugo ejus testimonium adversum vos dicet, tenacitatem vestram redarguens, et tamquam ignis carnes vestras depascet et devorabit. Coacervastis vobis thesaurum divinæ iræ in ultima die in vos effundendæ.

γ. 2. Divitiæ vestræ putrefactæ sunt : cet.) Illarum quas

comminatus est poenarum causas prolaturus, graviora flagitia a malis divitibus frequentius admissa jam describit, non quasi singulis singula adscribi debeant, sed alii aliud. Primo autem loco sordidam illam avaritiam recenset, quæ nempe omnis generis divitias præ nimia earum copia quasi computrescere potius sinit, quam eas in sublevandas pauperum necessitates expendat. Itaque varias divitiarum species perlustrat, et quomodo singulæ absque utilitate depercant, vividis metaphoris depingit.

Notandum imprimis est Perfecta, quæ in hoc commate occurrunt (idemque de Aoristis dixerim), non poni pro Præsentibus aut Futuris, uti nonnulli existimarunt, sed propriam suam vim obtinere. Apostolus quippe, vehementiori affectu raptus, Prophetarum more, vindictam quasi jam *præsentem* exhibet, ac proinde peccata, quæ ipsam promeruerunt, quasi jam nunc *perfecta* et *præterita* respicit. — Quamquam *πλουτος* *divitias* generatim denotat, putaverim tamen vocem illam in præsentem ad eas divitias quæ putredini obnoxia sunt, uberrimos puta terræ et arborum proventus, per *synecdochen* restringi debere: quod mihi suadet tripartita illa, quam Apostolus statuit, divitiarum distinctio. Id quoque postulare videtur verbum *σέσηκε*, *putrefactus est*: non sunt enim metaphoræ, duriores præsertim, absque necessitate multiplicandæ.

et vestimenta vestra a tineis comesta sunt.) Græce: *et vestimenta vestra a tineis exesa* (σητοῦρωτα a της tineæ et βρωτος exesus) *facta sunt*: quia nempe tanto numero præsto vobis erant, ut plurima eorum in arcis inclusa remanere diu deberent, sicque linearum epulæ fierent. Quæ dum proferret Apostolus, pauperes cibo vestituque carentes procul dubio in mente habebat.

γ. 3. *Aurum, et argentum vestrum æruginavit:*) Sensus est: pecunia vestra quæ iterum præ nimia copia tota expendi non valebat nec tamen in pauperum usus erogabatur, magnam partem manibus diu haud versata, sed permixte jacens in arcis, colorem suum amisit et quasi rubigine obducta est (κατιωται).

Nescio cur a multis anxie hic quærat an et quousque argentum et aurum rubigine corrumpi possint: cum non adeo urgenda sit metaphorica Apostoli oratio, qui nil aliud sibi præstituisse vide-

tur, quam vivide describere quomodo divites illi bona sua absque utilitate jacere aut etiam deperire sinerent, dum tamen ea in sublevandas egentium miserias expendere deberent.

et ærugo eorum in testimonium vobis erit.) h. e. ærugo illa in testimonium adversum vos erit coram tribunali Dei, tenacitatem vestram redarguens. — *Εἰς de effectu in quem* quid cedit, ut 1 Cor. XI. 17. — *Μαρτυριον* testimonium simpliciter dicit: quod utrum in bonam an vero, ut hic, in malam partem sumendum sit, ex contexta oratione dijudicandum est. — *Υμιν* Dativus incommodi.

et manducabit carnes vestras sicut ignis.) Utrum voces *sicut ignis* cum præcedentibus sint conjungendæ, uti Vulgata legit, an vero cum insequentibus, prout exhibet complutensis editio (cujus tamen interpunctionem in textu exprimendo pro judicio nostro immutavimus), ex auctoritate certo dijudicari non potest. Notum quippe est libros sacros N. T. pro more tunc vigente (qui mos in codice *Vaticano* B servatus est), absque interpunctione ab auctoribus suis fuisse conscriptos (1). Res igitur exegeticis rationibus definienda est. Lectio porro Vulgatæ, quam et TISCHENDORFIUS sequitur, contextæ orationi magis convenire videtur: syrus tamen interpretes aliter intellexit, abjecta quidem particula *ὡς*.

Itaque ærugo illa non tantummodo *testis*, sed et *carnifex* erit: *manducabit* quippe *carnes sicut ignis*. Quibus verbis quid præcise exprimere voluerit Apostolus, iterum non liquet. Possunt siquidem verba illa metaphorica pœnam aliquam specialem avaris reservatam, juxta illud *Sapientiæ* XI. 17: *per quæ peccat quis, per hæc et torquetur*, designare: v. g. cruciatus quos ipsis inferet divitiarum putrefactorum et inanum memoria, quibus utique iniquitates suas redimere, æternamque felicitatem sibi comparare facillime potuissent. Sed iis forsitan nil aliud declaratur quam pœna damnatis communis, cujus quidem causa talibus exstiterit prædicta avaritia sub æruginis imagine exhibita.

Thesaurizastis vobis iram in novissimis diebus.) Vix dubi-

(1) Sic, ut exemplo utar, præsens JACOBI locus hoc modo legebatur: ...ΣΑΡΚΑΕΥΜΟΝΩΣΕΠΥΘΗΕΑΤΡΙΣΕΑΤΕ...

tari potest quin voces *vobis iram*, quas Vulgata legit, pro glossemate ex Rom. II. 5 desumpto sint habendæ. Non enim in grecis codicibus tantum desunt, sed nequidem in latinis omnibus occurrunt; nec ipsas legit AUGUSTINUS in *Speculo*. Ceterum Apostoli mentem glossema illud rite exprimit: nam in præsentī loco JACOBUS non aliud intenderit, quam divitibus illis denunciare quod, thesauros his in terris, neglectis pauperibus, coacervando, iram in die judicii in se effundendam sibi coacervaverint. Neque huic interpretationi obstat quod dicatur *εν ημεραις*, non autem *εις ημερας*: nam locutioni *thesaurizastis (iram) in ultimis diebus* structuram prægnantem inesse recte dixeris, eamque proinde valere: *thesaurizastis (iram) effundendam in ultimis diebus*. Idem obtinet Rom. II. 5. — Locutio *εν ταις εσχαις ημεραις* (*in ultimis diebus*) refert hebraicam hanc Prophetis solemnem: *בְּאַחֲרֵי יְמֵי* h. e. *in extremitate dierum*. Hæc autem formula non unum idemque tempus ubique denotat. Nam et quandoque dies Messie sive initium novi Testamenti designat (Isai. II. 2; Hebr. I. 2); quandoque totam epocham, quæ ab adventu Messie ad finem usque mundi protenditur, notat. Hic vero, ut et Joh. VI. 24, et passim, de ipsa die extremi judicii locutionem hanc intelligere non dubitaverim.

γ. 4. Ecce merces operariorum, qui messuerunt regiones vestras, quæ fraudata est a vobis, clamat: et clamor eorum in aures Domini sabaoth introivit.

γ. 4. Ἰδοὺ, ὁ μισθὸς τῶν ἐργατῶν τῶν ἀμησάντων τὰς χώρας ὑμῶν, ὁ ἀπεστερημένος ὑφ' ὑμῶν, κράζει· καὶ αἱ βοαὶ τῶν θερισάντων εἰς τὰ ὦτα Κυρίου σαβαώθ εἰσεληλύθασιν.

PARAPHRASIS. *Ecce, merces operariis, qui campos vestros messuere, debita, at inique detenta a vobis, Dei vindictam clamat: et clamores messorum illorum in aures Domini Dei exercituum penetrarunt.*

γ. 4. *Ecce merces operariorum, qui messuerunt cet.) Aliud divitum scelus, et quidem valde nefandum, hic denunciat: illud*

nempe quæ merces operariis debita ipsis inique subtrahitur. Ex variis vero operariis illos potius qui segetes colligunt seligit, tum propter peculiare hujuscemodi laboris molestias, tum quia ad abundantiam divitibus procurandam propius concurrebant : quæ sane circumstantiæ divitum nequitiam magis in aperto ponunt. — *Χώρα agrum spatiosum* hic denotat ut Luc. XII. 16 ubi eandem vocem interpres noster per *agrum* reddidit. Vox tamen *regio* hanc notionem nonnumquam etiam obtinet. — Quod autem per audacem quamdam *protopopaiam* merces fraudata ad *Deum* clamare dicitur, hoc ejusmodi flagitii atrocitatem demonstrat. Hæc enim formula nonnisi de grandioribus sceleribus in Scripturis usurpatur : sic de *fratricidio* (Gen. IV. 10) ; de nefando *Sodomorum peccato* (Gen. XVIII. 20) ; de *oppressione* Israeliticæ gentis (Exod. II. 25).

et clamor eorum in aures Domini sabaoth introivit.) Græce : *et clamores messorum in aures Domini sabaoth intraverunt.* Qua phrasi divinæ vindictæ certitudo procul dubio inculcatur : eam insuper terribilem esse futuram satis innuit epitheton illud *sabaoth* de Domino prædicatum. Vox enim illa (quæ est ipsum vocabulum hebraicum græcis litteris conscriptum) ad divinam *omnipotentiam* suadendam maxime usurpatur ; ideoque locutio *κύριος ὁ παντοκράτωρ*, *Dominus omnipotens* (cf. 2. Reg. V. 10 ; VII. 8, 26, etc.)

γ. 5. Epulati estis super terram, et in luxuriis enutristis corda vestra in die occisionis.

γ. 5. Ἐτρυνήσατε ἐπὶ τῆς γῆς καὶ ἐσπατάλησατε ἐθρόψατε τὰς καρδίας ὑμῶν ὡς ἐν ἡμέρᾳ σφαγῆς.

PARAPHRASIS. *In deliciis vicistis super terram et luxuriati estis : saginastis corda vestra quæ pingua forent in die mactationis.*

VARIANS LECTIO.

a) Particulam *et* ad textum non pertinere haud temere suspicatus fueris :

nam non legitur in AB, nec in minusculis pluribus, inter quos Parisiensis unus, Barberinus alter, uterque Sæc. XI, eminent; nec eam exhibent versiones Itala, Vulgata et Coptica.

§. 5. *Epulati estis super terram, et in luxuriis enutristis* cet.) Novum divitum flagitium Apostolus commemorat, vitam nempe eorum effusam et luxuriosam.— Structuram græcam interpretes noster panlisper neglexit; græca enim sic sonant: *in deliciis vixistis* (ἐτρυφήσατε) *super terram et luxuriati estis* (εσπατάλησατε): *saginastis corda* etc. Corda autem dixerit Apostolus, et non corpora, ad connotandam voluptatem cui divites in epulis suis indulgebant.

in die occisionis.) Tria hæc vocabula non parvam difficultatem faciunt, et in iis explicandis interpretes maxime dissentiunt. Sunt etenim qui verba illa cum sequentibus conjungunt: quum autem ibidem de CHRISTO sermonem fieri existiment, *diem occisionis* intelligunt diem in quo CHRISTUS mortui traditus est. Verum etiamsi defendi posset hæc versiculi sequentis interpretatio, quam quidem rejiciendam plura suadent, uti modo videbimus, necdum tamen prædicta conjunctio admitti valeret. Nam dura nimis videtur, et dum oratio vers. 6 ipsâ gravatur et *tautologica* fere redditur, ultimum vers. 5 membrum omni nervo destituitur. Quid enim valet tunc illud *enutristis corda vestra* nude positum, quando jam præcessit longe fortior sententia; *in deliciis vixistis et luxuriati estis*?

Alii prædicta verba ad v. 5 pertinere recte judicant: commatis autem sensum hunc statuunt: *singulis diebus enutristis corda vestra quemadmodum in diebus festivis, quibus nempe offeruntur sacrificia, fieri solet.* Verum gratis assumunt isti particulam ὡς genuinam esse, cum, uti supra monuimus, probatior lectio eam ferre non videatur. Deinde, admissa hæc interpretatione, nil iterum dicitur quod jam dictum non sit. Addiderim locutionem *ἡμεραν σφαγῆς*, *diem occisionis*, de die *epularum* nullibi, de die autem *cordis* pluries adhibitam reperiri: cf. Jerem. XII. 5; XXV. 34, etc.

Putaverim itaque JACOBUM hisce verbis alludere ad morem quo pecora, priusquam mactentur, saginantur: ita ut, quemadmodum supra vv. 3 et 4, aliis usus metaphoris, divinam vindictam divitibus avaris et injustis denunciavit, sic in præsentī loco eandem divites

luxoriosos manentem per *diem occisionis* nervose subindicet. Sensum igitur hunc facio, quem in paraphrasi descripsi: *saginas corda vestra quæ in die mactationis pingua forent.* Hæc autem interpretatio cum contexta oratione optime quadrare videtur, et apostolicæ vituperationi magnam vim præbere. Equidem præpositio *en* quæ hic occurrit, aliquam difficultatem prima specie ipsi facessit: a qua se expediunt nonnulli statuendo hic, ut alibi, *en* pro *eis* simpliciter positum fuisse. Quem promiscuum præpositionum usum cum rejiciant melioris notæ grammatici, maluerim locutionem *prægnantem*, ut vers. 3, denuo agnoscere: quatenus nempe *enutrire corda in die mactationis* dictum fuerit pro *enutrire corda quæ in die occisionis mactationi idonea reperiuntur*. Per *diem occisionis*, sicut per *diem iræ* (Rom. II. 5) intelligitur dies *judicii* sive *adventus Domini* relate ad malos. Genitivus *σφαγῆς* reduci potest ad Genitivos *laxioris dependentiæ externæ*: intelligitur dies *mactationi indicta*.—Eodem prorsus modo præsens comma intellexit syrus interpres, nisi quod particulam *ως* tamquam genuinam receperit. Vertit enim *وَقَدْ قَامَ إِلَيْكُمْ يَوْمَ الْقِيَامَةِ*. q. e. *et cibastis corpora vestra tamquam ad diem mactationis.*

§. 6. Addixistis, et occidistis justum, et non restitit vobis.

§. 6. Κατεδικάσατε, ἐρ-
νύσατε τὸν δίκαιον οὐκ ἀντι-
τάσσεται ὑμῖν.

PARAPHRASIS. *Ad necem usque oppressistis virum justum: ipse autem non resistebat vobis, nec etiamnum resistit.*

§. 6. *Addixistis, et occidistis justum, cet.)* In quo situm sit flagitium illud quod in præsentī loco Apostolus divitibus exprobrat, non una est omnium sententia. Uti enim modo monebamus, non desunt interpretes qui THEOPHYLACTUM, OECUMENIUM et BEDAM secuti, per *justum* (τὸν δίκαιον) ipsum CHRISTUM, justum *per excellentiam*, intelligendum esse censeant, ut Act. VII. 52; cujus proinde necem divitibus Judæis a JACOBO hic imputari et exprobrari volunt. Verum quominus hanc interpretationem amplectamur plura prohibent. Et primo quidem, scribit Apostolus ad *Judæo-Christianos dispersos*, ideoque extra Hierosolimam commorantes; inter quos plures adfuisse

qui neci Domini cooperati fuissent, parum verisimile est. Deinde Scriptura mortem Salvatoris divitibus specialiori modo nullibi tribuit, sed Phariseis et principibus sacerdotum. Tandem de *justo*, quem JACOBUS hic inducit, dicitur : *et non resistit vobis*. Græce enim Tempus præsens (ἀντιστασεται) occurrit : quod, ESTIO teste, in latinis manuscriptis non paucis pariter reperitur. Porro de CHRISTO, a cujus morte anni plusquam triginta jam effluxerant, dici non poterat : *non resistit vobis*. Quæ quidem difficultas ΟΕCΥΜΟΝΙΟΥ non latuit : ideo enim in h. l. scribit : *Per illud tamen quod addit non resistit vobis, communem efficit sermonem etiam ad alios qui similia a Judæis passi sunt. Fortassis autem et prophetice suam designat passionem* (1). Verum quoniam fundamentum nitatur hujusmodi interpretamentum, non perspicio, nec nisi ad difficultatem expediendam excogitatum videtur.

Itaque *justum* cum ESTIO potius intellexerim *pauperem probum* (ΠΥΣ), variis divitum vexationibus facile obnoxium. Frequenter autem fieri ut nomen Singularis numeri cum articulo structum *sensu colectivo* significet, jam ad cap. II. 6 diximus. — Græce porro asyndetice legitur : *condemnastis, occidistis justum : non resistit vobis*. Quibus verbis Apostolus illud oppressionis genus maxime connotare voluerit, ejus jam supra (cap. II. 6) meminerat scribens : *nonne divites per potentiam opprimunt vos, et ipsi trahunt vos ad judicia*? Quamquam, ut recte animadvertit ESTIUS, verbum illud *addixistis* (κατεδικασατε, *condemnastis*, ut Matt. XII. 7) synecdochice sic accipi potest, ut comprehendat omne genus calumniæ, violentiæ, et oppressionis, quæ interdum etiam usque ad mortis machinationem processerint.

Per hoc quod addit : *et non resistit vobis*, divitum scelus exaggerat : qui enim innocentem, et quidem non resistantem, opprimit, duplicis flagitii reus agnoscitur. Jam monuimus non Aoristum sed Præsens tempus in græco occurrere : ἀντιστασεται (med.). Notum autem est, nonnumquam Præsens simul Perfecti quoque aut Imperfecti habere potestatem : una nempe indicans et olim rem fuisse, et etiamnum esse, adeoque rei continuationem significans : exemplum sit illud Joh. VIII. 38 :

(1) Τῇ μίτῃ ἐκίθρη τῇ, οὐκ ἀντιστασεται ὑμῖς, κοινῶς τοι λόγοι καὶ πρὸς τοὺς ἄλλους τοὺς τὰ ὅμοια παρὰ τῶν Ἰουδαίων παθόντας. Ἰσως δὲ καὶ προφητικῶς τὸ περὶ ταῦτα ὑπεμφανίει παθόν.

πρὶν Ἀβρααμ γενεσθαι, ἐγὼ εἰμι (1). Et hoc in presenti loco obtinere putem. Significando autem justum pergere in non resistendo, innuit divitem pergere in opprimendo.

§. 7-9. Patientes igitur estote fratres usque ad adventum Domini. Ecce agricola expectat pretiosum fructum terræ, patienter ferens donec accipiat temporaneum, et serotinum.

* Patientes igitur estote et vos, et confirmate corda vestra : quoniam adventus Domini appropinquavit. ° Nolite ingemiscere fratres in alterutrum, ut non iudicemini. Ecce iudex ante januam assistit.

§. 7-9. Μακροθυμήσατε οὖν, ἀδελφοί, ἕως τῆς παρουσίας τοῦ κυρίου. Ἰδοὺ ὁ γεωργὸς ἐκδέχεται τὸν τίμιον καρπὸν τῆς γῆς, μακροθυμῶν ἐπ' αὐτὸν * ἕως ἂν λάβῃ ὑετὸν πρῶτον καὶ ὀψιμον. ° Μακροθυμήσατε καὶ ὑμεῖς, στηρίζατε τὰς καρδίας ὑμῶν, ὅτι ἡ παρουσία τοῦ κυρίου ἤγγικε. ° Μὴ στεναίετε κατ' ἀλλήλων, ἀδελφοί, ἵνα μὴ κριθῆτε· ἰδοὺ ὁ κριτὴς πρὸ τῶν θυρῶν ἔστηκεν.

PARAPHRASIS. *Itaque, fratres, longanimes estote usque ad adventum Domini, qui unicuique reddet secundum opera ejus. Agricolam considerate : pretiosum fructum terræ exspectat, propter ipsum longanimiter sustinens usquedum a divina largitate accipiat imbrem temporaneum et serotinum. Longanimes estote vos quoque : corda vestra robore ac constantia accingite : nam proximus est adventus Domini. Cavete, fratres, ne ingemiscatis adversus eos qui vos exercent, ne et ipsi iudicium vobis assumatis : Dominus proximus est.*

(1) Gram. Græc. § 41. pag. 285. γ.

VARIANS LECTIO.

a) Pro ἐκ' αὐτῶν quod exhibent GK et THEOPHYLACTUS, legerim ἐκ' αὐτῶν cum AB et OECUMENIO. Vulgata autem verbum hoc omisit, licet antiquissimus codex Corbejensis illud legerit : vertit enim : *patiens in ipso*.

§. 7. *Patientes igitur estote fratres usque ad adventum Domini.*) Ex denunciata iteratis vicibus (nempe vv. 1. 3. 4. 5) divina vindicta divitibus illis improbis *concludit* (συ) Apostolus adhortando tum pauperes vestitu ciboque carentes, tum operarios mercede sua inique fraudatos, tum justos a divitibus diversimode afflictos atque oppressos, ut iram cohibeant et longanimiter expectent adventum Domini qui *reddet unicuique secundum opera ejus*.

Μακροθυμεῖν proprie de iis dicitur qui *differunt iram* et seipsos cohibent quominus ulciscantur (Rom. II. 4); deinde autem de iis qui *leni patientique animo aliquid tolerant* : quam ultimam notionem vocem illam hic, ut et Heb. VI. 15, obtinere satis suadent allegata ab Apostolo ad μακροθυμειν suadendam.

Adventum Domini (τὴν παρουσίαν τοῦ κυρίου) THEOPHYLACTUS et OECUMENIUS, quos nonnulli interpretes sequuntur, in ipsa Hierosolymorum eversione atque clade a Romanis Judæis illata obtinuisse censent. Cui sententiæ quominus assentiamur duo præsertim obstant. Unum est, quod locutionem τὴν παρουσίαν τοῦ κυρίου alicubi in N. T. ad eversionem regni judæici declarandam adhibitam fuisse, nullo firmo exemplo confici posse putem : dum econtra de ultimo CHRISTI in fine sæculorum adventu si non unice, frequentissime saltem usurpatur. Alterum : semper præ oculis habendum est Apostolum ad Judæos *dispersos* jamque ad CHRISTUM conversos monita sua dirigere. Porro quodnam tantum incommodum ex redactione Judææ in provinciam Romanam passi fuerint Judæi illi, non video : minus autem adhuc compendio quamnam dolorum suorum mercedem exinde reportaverint pauperes illi ac inique vexati, quos tamen, proposito *Domini adventu*, consolari et confortare Apostolus intendit.

Itaque, interpretes plurimos secutus, *adventum Domini* hic, ut

alibi, illum intellexerim qui Matt. XXV. 31 sqq. hisce verbis describitur : *Quum autem venerit Filius hominis in maiestate sua, et omnes Angeli cum eo, tunc sedebit super sedem maiestatis suæ : et congregabuntur ante eum omnes gentes, et separabit eos ab invicem, sicut pastor segregat oves ab hædis : et statuet oves quidem a dextris suis, hædos autem a sinistris. Tunc dicet rex his, qui a dextris ejus erunt : Venite, benedicti Patris mei, possidete paratum vobis regnum a constitutione mundi..... dicet autem et his, qui a sinistris erunt : Discedite a me, maledicti, in ignem æternum, qui paratus est diabolo, et angelis ejus.*

Neque ab illa interpretatione nos avertere debet id quod vers. seq. dicitur : *quoniam adventus Domini appropinquavit*, et v. 9 : *ecce judex ante januam assistit*. Huic enim difficultati optime respondere nobis videntur ea quæ LUCAS BRUGENSIS ad Matt. XXIV. 42 annotavit. Recitatis nimirum D. HIERONYMI, *comment. in Joëlem cap. II*, verbis (1) : « *Diem autem Domini, diem intellige judicii, sive diem exitus uniuscujusque de corpore. Quod enim in die judicii futurum est omnibus, hoc in singulis die mortis impletur* » hæc subjungit : « *Pro uno itaque et eodem habetur, mortis uniuscujusque et extremi judicii dies : nam quamvis tempora diversa sint, status tamen, et causa, atque sententia eadem est, ita ut illud solum propemodum differre videantur, quod hic singuli judicentur, illic omnium simul judicia promulgentur. Sed quare igitur, in hujus generis argumento, potius nominatur dies judicii quam dies mortis ? Causa est, quia in die judicii, omnes, publice judicati, perfectam pro meritis retributionem accipient : in die mortis, non omnes, sed singuli, non publice, sed occulte judicantur, nec perfecte remunerantur, sed juxta animam tantum ; corporis enim remuneratio differtur in resurrectionem. Nota est autem ea sacræ Scripturæ consuetudo, qua tum potius rcm fieri commemorat cum innotescit, quam cum fit : ob quam etiam, piorum præmia et supplicia impiorum adscribit diei mundi novissimo, non quod ante eum diem nihil referatur aut præmii aut supplicii, sed quod non perinde manifestum sit. Itaque cum pro uno eodemque habeantur dies mundi novissimus et dies mortis uniuscujusque, qui propter illum vigilare monentur, monentur simul propter hunc : et*

(1) Opp. tom. VI. pag. 188. B.

quibus incutitur sollicitudo ob incertitudinem Domini adventus, tam adventum in fine vitæ, quam adventum in mundi fine, ob oculos habere jubentur. » Hactenus BRUGENSIS.

Notandum est Apostolum hic et in sequentibus Imperativos Aoristi sæpius usurpare, tum ut auditores suos *fortius* adhortetur, tum etiam, opinor, ut patientiam, quam ipsis suadet, quantumvis continuandam, ratione tamen habita præmii ipsi rependendi, quasi *momentaneam* (cf. 2. Cor. IV. 17) reputandam significet.

Ecce agricola expectat pretiosum fructum terræ, cet.) Quia longanimitas illa ad quam Apostolus auditores suos incitat, non est res adeo facilis, ideo huic suadendæ immoratur, ad similitudines et exempla provocans. Hinc familiari comparatione e vita agresti desumpta primum utitur. Agricola nempe exhibet qui, multis exanclatis laboribus, de messe futura nondum securus est; sed tamen propter ipsam quam sperat, patienter et longanimiter exspectat donec placuerit Deo imbrem immittere, non eum tantum qui agros irriget et fecundet, sed et illum qui segetes ad maturitatem disponat. Sciendum quippe est omnem agriculturæ successum in Palæstina a pluviis fere pendere (cf. Isai. LV. 40); unde ipsæ inter maxima Dei beneficia computari solent (cf. Deuter. XI-14; XXVIII. 12). Verum pluvia nonnisi bis in anno frequens ibi cadit: scilicet inde a medio Octobri ad medium usque Decembrem, et vocatur imber *temporaneus*, hebraice **מִיָּדָה**, *irrigans*, qui terram, jacto semine, irrigat. Altera pluvia mensibus Martio et Aprili cadit: dicitur autem **שִׁירָה** sive *serotina*: ipsa spicas turgescere facit et ad maturitatem perducit. Duplicis hujus pluviæ frequens in libris V. T. mentio fit: cf. Deuter. XI. 14; Jerem. V. 24; Osæ VI. 3; etc.

Locutionem **ἐπ' αὐτῷ** (vid. var. lect.) objectum Verbi **μυροῦμαι** inducere plerique asserunt: quod sane orationem *tautologicam* faceret, cum jam dictum fuerit: *expectat pretiosum fructum terræ*. Maluerim igitur præpositionem **ἐπ'** (seq. Dativo) hic dictam esse de *causa* (ut Matt. XIX. 9; Lue. V. 5, etc.) *ob* quam quid fit: agricola nimirum longanimiter expectat *propter fructum* quem sperat.

§. 8. Patientes igitur estote et vos, et confirmate corda vestra:)
Fideles hortatur JACOBUS ut et (**καὶ** inducens alterum comparationis

membrum) ipsi ad exemplum agricolæ longanimes sint, et corda sua fortitudine atque constantia accingant. — Στηριζειν καρδιαν, cor firmum et constans reddere.

quoniam adventus Domini appropinquavit.) Hæc est ratio quæ faciliorem efficere debeat longanimitatem, quippe quæ haud diu duratura sit: *adventus enim Domini proximus est*: quod quo sensu sit intelligendum, modo diximus. — Εγγιζειν est *appropinquare*: unde Perfectum *ηγγικε* valet *appropinquavit*. Quod autem *appropinquavit* jam incipit quasi adesse, ac proinde *proximus est*. Sic fit ut Perfecta multorum verborum, quorum hæc vis propria est ut actionis sive status cuiuspiam inchoationem indicent, *Præsentis* significationem in usu loquendi obtineant (1).

§. 9. Nolite ingemiscere fratres in alterutrum, ut non judicemini.) Exhortationem suam, quo magis eam inculcet, sub forma *negativa* iterat Apostolus, nova pariter ratione proposita. Ratio autem hæc est, ne et ipsi propter impatientes adversus oppressores suos gemitus et querelas, iudicium sibi coram Deo assumant, atque præmio sibi rependendo ex parte saltem careant. — Quod ad pronomen *αλλήλους* attinet, non putaverim ipsum *reciprocitatem* hic connotare. Iacobus quippe pauperes et oppressos directe alloquitur, qui utique cur adversus divites ingemiscerent habebant: non sic divites respectu pauperum. Itaque *αλλήλους* hic eodem sensu intellexerim atque Matt. XXIV. 10, ubi, uti merito observat LUCAS BRUG.: « quod dicitur *invicem*, *αλλήλους αλλήλους*, non intelligitur quod fidelis falsum fratrem prodet, quemadmodum falsus frater fidelem: sed quod *alii et alii*, complures falsi fratres, prodent *alios et alios*, complures, inquam, fideles. »

Ecce iudex ante januam assistit.) i. e. *proximus est*, uti jam monuit. Eadem periphrasis Matt. XXIV. 33 et Marc. XIII. 29 occurrit. — Ἐσται, *stat*. Vide quæ ad v. 8. de nonnullorum Verborum Perfectis notavimus.

(1) Gram. Græc. §. 41. pag. 203.

§. 10-11. Exemplum accipite, fratres, exitus mali, laboris, et patientiæ, Prophetas : qui locuti sunt in nomine Domini. " Ecce beatificamus eos, qui sustinuerunt. Sufferentiam Job audistis, et finem Domini vidistis, quoniam misericors Dominus est, et miserator.

§. 10-11. Ὑπόδειγμα λάβετε, ἀδελφοί μου, τῆς κακοπαθείας καὶ τῆς μακροθυμίας τοὺς προφήτας, ᾧ ἐλάλησαν τῷ ὀνόματι ^a κυρίου. " Ἰδοὺ μακαρίζομεν τοὺς ὑπομένοντας. ^b τὴν ὑπομονὴν ἰδὼς ἤκούσατε καὶ τὸ τέλος κυρίου εἶδετε ^c, ὅτι πολυεύσπλαγχνός ἐστι καὶ οἰκτίρων.

PARAPHRASIS. Exemplum sumite, fratres, longanimitatis in quibusvis afflictionibus, Prophetas, qui tamen tamquam legati Domini loquebantur. Ecce beatos prædicamus eos qui constantes perstiterunt. Constantiam Job audistis, et quem finem calamitatibus ejus Deus imposuerit, vidistis : amore enim et miseratione plenus est Dominus.

VARIANS LECTIO.

a) Lectioni Complutensi suffragantur AGK et OECUMENIUS ; B autem legit *τῷ ὀνόματι*, quam lectionem pariter exhibent versiones Syriaca, Itala et Vulgata : necnon THEOPHYLACTUS.

b) Pro *υπομένοντας* quod est in GK, quodque legerunt THEOPHYLACTUS et OECUMENIUS, plurimique minusculi : AB *υπομειναιτας* exhibent : nec aliter versiones Syriacæ et Latinæ.

c) *Ἰδὲτε* legunt AB²G, alii baud pauci et THEOPHYLACTUS. *εἶδτε* occurrit in B²K, in aliis pluribus, itemque apud OECUMENIUM.

§. 10. Exemplum accipite, fratres, exitus mali, laboris, cet.) Quo magis patientiam suadeat, auditores suos ad exempla

sanctorum provocat. Prophetarum nempe in quibusvis tribulationibus constantiam, speciatim vero mirandam prorsus *Jobi* longanimitatem præmiumque ab eo inde reportatum, in exemplum adducit.

Pro vocibus græcis *κακοπαθεια* et *μακροθυμια*, editio nostra latina habet : *exitus mali, laboris, et patientiæ*. Notat vero ESTIUS multos codices latinos duo tantum legere : nonnullos quidem, *exitus mali et longanimitatis*; complures autem, *laboris et patientiæ*; quod in bibliis est castigationis Lovaniensis, et in prima correctione Sixtina. Nec immerito suspicatur, cum græcas voces *της κακοπαθειας και της μακροθυμιας* alii aliter in latinum vertissent, intempestiva scribarum diligentia factum, ut diversas interpretationes in iisdem codicibus haberemus conjunctas.

TITTMANNUS (*De Syn. in N. T.* pag. 156 et 170) voces *κακοπαθεια* et *μακροθυμια* pro synonymis habet. Vereor an recte. Etenim vox *κακοπαθεια*, quæ alibi in N. T. non occurrit, in versione septuaginta-virali (v. g. Malach. I. 13; 2 Mace. II. 27), et apud classicos scriptores (1) pluries eo sensu adhibita reperitur ut nonnisi *molestiam* et *afflictionem* significet absque ulla *constantiæ* aut *longanimitatis* connotatione. Et hanc quidem notionem verbo *κακοπαθει*, quod v. 13 legitur, abnegaverit nemo : Idco enim Apostolus orationem in casu commendaverit, ut *patienter et longanimitèr κακοπαθειαν* quis sustinere possit. Addiderim SUIDAM vocem *κακοπαθειαν* per *ταλαιπωριαν*, HESYCHIUM vero per *μοχθηριαν* (*molestiam*) interpretari. Nil porro vetat quominus in præsentī voci huic notionem suam communem tribuamus. Nec aliter ipsam intellexit Syrus, quamvis utramque vocem non ad Prophetas, quod tamen verborum structura et scopus Apostoli suadent, sed ad ipsos fideles retulerit. Vertit quippe : *وَمَنْ كَانَ يَتْلُو كَلِمَاتِ هَذِهِ حَقًّا أَسَى : كَلِمَاتِ هَذِهِ تَذَكُّرًا وَأَمَّا كَلِمَاتِ هَذِهِ فَمَنْ تَتْلُوهَا* h. e. *exemplum prophetas sumile vobis, fratres, ad longanimitatem tolerantiam afflictionum vestrarum.*

qui locuti sunt in nomine Domini.) Quam lectionem si secutus fueris (vid. var. lect.), sensum hunc habebis : *qui locuti sunt*

(1) SCHLEISSNER ad h. v. citat DIODORUM SICULUM, et DEMOSTHENEM qui alicubi dixerit : *πολλὰς υπερβύνει κακοπαθειας et την κακοπαθειαν τη σωματι υπερβύνει.*

auctoritate Domini (εν de eo quo quis instructus est), sive tamquam legati Dei : quo tamen non obstante, omnis generis vexationibus atque molestiis obnoxii fuere. — Si vero lectionem Compluteusem prætuleris, tunc Dativum τῷ ὀνόματι pro Dativo directionis recte habueris, et sensus hic exsurget : qui locuti sunt in nomen Domini, sicut Luc. XVIII. 31 τα γεγραμμενα δια των προφητων τῷ υιω του ανθρωπου valent quæ scripta sunt a prophetis in filium hominis. Notum autem est ὄνομα per metonymiam de persona etiam a classiis usurpari. Cf. Act. I. 15; XXVI. 9 etc. JACOBUS itaque ad id alluserit quod STEPHANUS Judæis exprobrabat (Act. VII. 52) : Quem Prophetarum non sunt persecuti patres vestri? Et occiderunt eos, qui prænuntiabant de adventu justi.

§. 11. Ecce beatificamus eos qui sustinuerunt.) Ad proprium sensum auditores suos Apostolus hic provocat. Ecce, ait, beatos prædicamus (μακαριζομεν) eos qui tribulationes constanti animo pertulerunt (τοὺς υπομειναντας : cf. var. lect.). Conclusio in promptu erat : quidni igitur et nos patienti animo quævis adversautia tolerabimus?

Sufferentiam Job audistis, et finem Domini vidistis, cet.) Finem exhortationi suæ faecturus, famosissimum ex toto veleri fœdere patientiæ in adversis documentum pro eoronide auditoribus suis JACOBUS proponit. Constantiam nimirum viri sancti Job, et exitum quem a Deo habuit, ad eorum memoriam revocat.

et finem Domini vidistis.) Existimat AUGUSTINUS, quem sequitur BEDA, novum hic ab Apostolo tradi exemplum, illud scilicet stupendum nimis quod CHRISTUS in passione sua pro suo erga nos amore exhibere dignatus est. Sic scribit S. Doctor (1) : « Quid ait Scriptura divina, exhortando ad patientiam et spem futurorum, non mercedem præsentium? Patientiam Job audistis, et finem Domini vidistis. Quare patientiam Job, et non, finem ipsius Job vidistis? Fauces aperires ad dupla; diceres, Deo gratias, sustineam, duplum recipio sicut Job. Patientiam Job, finem Domini. Patientiam Job novimus, et finem

(1) De Symbolo. Serm. ad catechumenos, n. 10. Opp. tom. VI. pag. 581 sqq. Cf. Epist. CXL (alias CXX), seu de gratia N. T. lib. n. 26. tom. II. pag. 431.

Domini novimus. Quem finem Domini? *Deus, Deus meus, ut quid me dereliquisti?* Verba sunt Domini pendentis in ligno. »

Verum, tanti Doctoris venia dicere liceat, hæc ipsius interpretatio et fundamento firmo carere et cum contexta oratione nimis dure coherere videtur. Et primo quidem infitilabatur nemo opportunum valde fuisse Apostolum, magnum illud patientiæ et constantiæ exemplum commemorantem, præmii quo his in terris ipsam remunerare voluit Deus, pariter meminisse : quin ideo patiendi desiderium ob mercedem temporalem tantum auditoribus suis ingerere formidaret. Deinde putaverim Apostolum, si magnum pietatis sacramentum quo Filius Dei mortem pro nobis subire dignatus est, hic significare voluisset, amplioribus verbis usurum fuisse. Tandem non video quo, admissa semel AUGUSTINI interpretatione, referri valeant illa quæ immediate sequuntur : *quoniam misericors Dominus est, et miserator* ; dum e contra, posita nostra sententia, ratio (στ) præclare redditur felleis illius exitus quem Deus calamitatibus Jobi fecit. Concinit Syrus qui τέλος κυρίου (Gen. auctoris) interpretatur : *لَمَّا خَلَصَ كَيْسَ دُونَهُ*. h. e. *finem quem fecit ei Dominus*.— Neque hic difficultatis plus facessit illud *vidistis* quam precedens *audistis* : eadem est enim utriusque ratio. Ἀκούειν porro de lectoribus usurpari, sicut λεγειν de scriptoribus, exemplis e POLYBIO et HERODOTO mutuatis probat RAPHELIUS, tom. II. pag. 749 sq. Nec alio sensu verbum βλέπειν adhibetur Heb. III. 19.

Υπομένη, ut cap. I. 3, constantiam proprie denotat. — Πολυσπλαγχνος (quod lectioni πολυευσπλαγχνος auctoritate longe præstat) est a πολυς et σπλαγχνα : ακτιριμων vero ab ακτιριμοι. Porro et σπλαγχνα et ακτιριμοι sæpiissime respondent hebraico מִצְרֵי, viscera. Non vult tamen TITTMANNUS duas illas voces pro mere synonymis habere. « Nimirum, ait, ut σπλαγχνα proprie sunt viscera illa, nobilliora vocata, cor, pulmones, hepar et lien... ita metaphorice de vehementioribus animi affectionibus et sensibus usurpantur, qui ex illis potissimum visceribus oriri credebantur... Differunt igitur σπλαγχνα et ακτιριμοι. Nam illud quidem amorem vehementiorem quemcumque denotat... hoc autem misericordiam proprie denotat, seu sensum doloris ex malis seu incommodis aliorum (1). »

(1) De Syn. in N. T. pag. 80 sq.

Merito prorsus ex praesenti loco duo doctrinae capita eruit ESTIUS, cujus verba hic recitare opportunum arbitramur. « Hinc, ait ad h. l., duo discimus, adversus sectarios quosdam notanda : Primum, ea, quae de sancto *Job* scribuntur, historiam esse rei gestae; non argumentum confictum exhortationis aut doctrinae causa, veluti fit in comœdiis ac tragœdiis; ut Anabaptistae volunt et veteres quidam Hebraei : nam ficta exempla serio non movent. Nec, si ficta narratio esset, conjungeret hunc virum Dominus, *Ezechiel. XIV. 20*, cum aliis duobus, quorum justitiam sibi vehementer acceptam fuisse declarat his verbis : *Si fuerint tres viri isti in medio ejus, Noe, Daniel et Job, ipsi justitia sua liberabunt animas suas.*

« Alterum; non esse audiendum blasphemum CALVINUM, calumniantem beatum *Job*, quum dicit eum caeco impetu abreptum multa impatientiae signa edidisse. Nam si ita est, quomodo Apostolus remittit fideles ad exemplum patientiae ejus, tamquam illustre et singulare? Non quidem negamus sanctum virum in tanta afflictione positum, et amicorum disputatione exagitatum, passum fuisse aliquid humanum, ut prae carnis infirmitate diceret aliqua non dicenda, de quibus a Domino reprehensus (cap. *XL*), ipse etiam se reprehendit ac poenitentiam agit (cap. *XLII*) : sed ea verbis atrocibus exaggerare, quod CALVINUS facit, ab apostolico spiritu valde alienum est. »

ÿ. 12. Ante omnia autem fratres mei nolite jurare, neque per caelum, neque per terram, neque aliud quodcumque juramentum. Sit autem sermo vester : Est, est : Non, non : ut non sub judicio decidatis.

ÿ. 12. Πρὸ πάντων δὲ, ἀδελφοί μου, μὴ ὀμνίετε, μήτε τὸν οὐρανόν, μήτε τὴν γῆν, μήτε ἄλλον τινὰ ὄραν' ἢ τῷ δὲ ὑμῶν τὸ ναὶ, ναὶ, καὶ τὸ οὐ, οὐ, ἵνα μὴ εἰς ὑπόκρισιν ᾖ πέσητε.

PARAPHRASIS. *Imprimis autem, fratres mei, cave te jureturis, neque per caelum, neque per terram, neque aliud quodcumque jusjurandum jureturis. Sit vero vestrum Est, est; et vestrum Non, non : ne aliter condemnationem incurrais.*

VARIANS LECTIO.

a) Lectioni *ut v. 11-12*, quæ hic occurrit, auctoritate præstat lectio *ὅτι ἐπίστευον* quam cum Vulgata referunt AB, multi magnæ antiquitatis minusculi, et antiquæ versiones fere omnes. Nec ad contextam orationem probe quadrat Complutensis lectio.

§. 12. *Ante omnia autem fratres mei nolite jurare, cet.)*

Quomodo ea quæ inde a præsentî versiculo ad finem usque capituli traduntur, siue cum antecedentibus siue inter se cohercant, frustra prorsus, opinor, quæsieris. Videtur siquidem JACOBUS, absoluto jam proprio epistolæ themate, antequam dicendi finem faceret, nonnulla CHRISTI monita, auditorum suorum necessitatibus maxime accommodata, ad ipsorum memoriam obiter revocare voluisse : quæ, utpote ab invicem omnino diversa, inter se connecti nec debebant nec poterant. Orditur porro a *juramento*, a quo fideles avertere satagit.

Ad hoc autem transit per verba *πρὸ πάντων δε* : quæ locutio rem gravioris momenti hic tradi haud dubio monet. Notum quippe est præpositionem *πρὸ* translato sensu de *quavis præstantia* dici. — Verbum *ομνῶν* ex illa classe *intransitivorum* est, quæ in superiore græcitate et in libris N. T. tamquam *transitiva* nonnumquam tractantur, ideoque cum Accusativo construuntur ; quamvis in N. T. etiam, et quidem frequentius, *ομνῶν* *neutraliter* adhibitum occurrat : v. g. Heb. VI. 13 ubi cum *κατὰ*, et Matt. V. 34 ubi cum *ἐν* construitur : quæ ultima structura frequentior est ; refert autem hebraicam locutionem *אָמַן בְּשֵׁם יְהוָה* (Levit. XIX. 12).

Sit autem sermo vester : Est, est : cet.) Commatis græci *ἦτοι δὲ ὑμῶν τὸ ναὶ ναὶ, καὶ τὸ οὐ οὐ*, quod Latinus quidem paulo liberius reddidit, constructio grammatica hæc est : *το ναὶ ὑμῶν ἦτοι ναὶ, καὶ το οὐ ὑμῶν ἦτοι οὐ* : ita ut *το ναὶ* et *το οὐ* sint *subjecta* orationis, *ναὶ* vero et *οὐ* *prædicata*. Sensum recte exprimit ESTIUS : « Sermo vester, quo quid affirmatis, sit simplex et nuda affirmatio : et sermo, quo quid negatis, sit simplex et nuda negatio. Dicit hoc

ad exclusionem juramenti. Nam affirmatio vel negatio jurata non simplex affirmatio vel negatio est.— Δε *antithesi* hic inservit.— Forma ἤτω (pro ἴστω), quæ pariter 1 Cor. XVI. 22 occurrit, *Dorica* est.

ut non sub judicio decidatis.) Ratio est apostolici moniti : ἵνα, *de fine*. — Ὑπο sq. Accusativo metaphorice dicitur de *potestate* sive *imperio* cui quis *subjicitur*. — Κρίσις *de sententia condemnatoria* : quod contextus suadet.

Dubitandum porro non est quin præsens Apostoli monitum cum iis quæ eadem de re in sermone supra montem habito CHRISTUS præcepit sensu prorsus conveniat. *Audistis*, ait CHRISTUS (Matt. V. 33. sq.), quia dictum est antiquis : *Non perjurabis : reddes autem Domino juramenta tua. Ego autem dico vobis, non jurare omnino, neque per cælum, quia thronus Dei est : neque per terram, quia scabellum est pedum ejus : neque per Jerosolymam, quia civitas est magni regis : neque per caput tuum juraveris, quia non potes unum capillum album facere, aut nigrum. Sit autem sermo vester, est, est : non, non : quod autem his abundantius est, a malo est.*

Jam vero quonam sensu intelligendum sit hoc CHRISTI præceptum, a Jacobo denuo propositum, decernere facile non est. AUGUSTINUS certe non parvam in eo deprehendebat difficultatem. « Scio, ait S. Doctor (*de Script. Sermon. CLXXX*, alias *de verbis Apost. Sermon. XXVIII*, n. 4), scio esse difficilem quæstionem, et charitati vestræ fateor, *semper illam vitavi*. Nunc autem cum die dominico debito reddendi sermonis recitaretur eadem lectio, divinitus mihi inspiratum esse credidi, ut inde tractarem. »

Non est ergo adeo mirandum haud defuisse qui ex presenti Domini et Apostoli effato docuerint non licere umquam jurare. Qui fuit olim error Waldensium et Wiclefistarum ; et adhuc est Anabaptistarum. Attamen ex perpetuo Ecclesiæ sensu et praxi tenendum est, non ita accipienda esse illa verba ut nullo in casu juramentum licite fieri judicetur. Enimvero, ut recte animadvertit AUGUSTINUS (*Serm. cit.*, n. 2), « invenimus jurasse Sanctos, jurasse primitus ipsum Dominum, in quo non est omnino peccatum. » PAULUM pariter jurejurando pluries usum fuisse n. 5 probat. — Id etiam suadet ipsa ratio. « Juramentum enim, ut merito observat ESTIUS *in lib. III. Sent.*, dist. 39. §. 3, licitum esse *secundum se*, atque ex genere suo, tum ex origine, tum

ex fine ostenditur. Ex origine quidem; quia juramentum introductum est ex fide, qua persuasum est hominibus, penes Deum esse infallibilem veritatem, omniumque rerum notitiam et providentiam... Ex fine vero; quia juramentum proprie ordinatur ad veritatem inter homines confirmandam, et finiendas controversias, quemadmodum Heb. VI. 16 testatur Apostolus. »

Quid igitur sibi velit urgens (*ante omnia*) illud magistri et discipuli præceptum? Fuere qui putarent non quidem juramentum, sed perjurium, *etiam per creaturas*, hic prohiberi: hoc prætendentes quod e stylo Scripturæ *jurare pro pejerare* nonnumquam ponatur. Quod etiam si ipsis concederetur, verum semper maneret CHRISTI verba hujusmodi interpretationem nequaquam pati. Etenim Salvator in præsentī sermone totus est in antiquo jure emendando et jure novo perfectiori ipsi sufficiendo. Verum jus antiquum perjurium, etiam per creaturas, quamvis hoc ultimum negarent Pharisei, jam prohibebat. Nil igitur novi statuisset CHRISTUS si ultra perjurii damnationem non processisset.

Itaque alii putant non perjurium tantummodo sed etiam *juramentum per creaturas* a Domino prohiberi: et in hanc sententiam propendit D. HIERONYMUS (*in Matt. V. 34 sqq.*). Verumtamen nec ipsa defendi posse videtur. Ex una enim parte, juramentum per creaturas deterius non est juramento per Deum; cum per ipsas non vere juratur nisi quatenus in ipsis manifestatur veritas divina. Ex altera parte, verba CHRISTI prædictam exceptionem non admittunt. Præcipit enim ipse *non jurare omnino*, i. e., ut JACOBUS interpretatur, *non jurare ullum quodcumque juramentum*: vult autem ut sermo noster est sit est simpliciter; non vero non simpliciter.

S. BERNARDUS (*Serm. 63 in Cantica*, n. 2) existimare videtur non *præceptum* his verbis intimari, sed *consilium* tantummodo proponi. Verum hoc iterum non patiuntur verba sacra. Equis etiam credet ipsum CHRISTUM proprio consilio non stetisse, nec PAULUM illud servasse?

Restat igitur ut, AUGUSTINO duce, non usum juramenti indiscriminatim, sed solum ejus *abusum* prohiberi dicamus. Duo scilicet hic præstat CHRISTUS: docet primum adversus Phariseos juramentum per creaturas eundem sortiri effectum ac juramentum per ipsum Deum. Deinde monet, ut ipsis AUGUSTINI (*de mendacio* cap. XV. n. 28)

verbis utar : « ut, quantum in te est, non affectes, non ames, non quasi pro bono cum aliqua delectatione appetas jusjurandum. » Quod ad se transferens S. Doctor : « quantum ad me pertinet, ait (*Serm. cit.* n. 10), juro, sed quantum mihi videtur, *magna necessitate compulsus*. Cum videro non mihi credi nisi faciam, et ei qui mihi non credit non expedire quod non credit, hac perpensa ratione et consideratione librata, cum magno timore dico, Coram Deo, aut, Testis est Deus, etc. »

Hujus porro doctrinae rationem post S. THOMAM (2. 2. q. 89. art. 2) ESTIUS sequentibus verbis reddit : « Quod suapte natura licitum et bonum est, ait, potest culpam in malum cedere, si non recte utatur; ut in naturalibus ignis, vinum, pharmacum; et in spiritualibus Corpus Domini, quod qui indigne sumit, judicium sibi manducat, 1 Corinth. XI. Sic igitur et de juramento sentiendum est. Quod etsi per se bonum sit, male tamen utenti vertitur in peccatum; si videlicet absque justa necessitate, seu evidenti utilitate, vel absque debita cautela, illud usurpet. Nam priori modo peccat in Deum per irreverentiam, dum eum ita facile et ex levi causa testem inducit; quod ne homines quidem auctoritate præditi erga se fieri patiuntur. Posteriori per temeritatem, qua se conjicit in periculum perjurii, quod nihilominus ad magnam divini nominis irreverentiam spectat. Cum enim in verbis facilis sit lapsus, et opinione sæpe fallamur, periculum est, ne Deum falsitatis testem adducat, qui inconsiderate ad jurandum procedit. » Hucusque ESTIUS.

Itaque, ut ipsa CHRISTI verba, ita et eum prædicta limitatione intelligenda sunt dicta nonnullorum veterum qui adversus juramentum plus æquo invehi quandoque videntur. Loquuntur nimirum de communiter contingentibus, ubi certo non expedit nec licet juramentum. Cum insuper pessima indiscriminatim jurandi consuetudo antiquitus maxime viguisse videatur, mirum non est SS. Ecclesiae Patres durioribus verbis adversus ipsam usos fuisse. Quod tamen ad CHRYSOSTOMUM attinet, qui omnium vehementius in *Homiliis ad populum* in jurantes invehitur, quomodo excusari queat, non video. Neque hoc adeo mirabimur, si AUGUSTINI hæc de re angustias, quæ in prædicto sermone continuo sese produnt, perspectas habeamus.

γ. 15. Tristatur aliquis
vestrum? oret : Aequo
animo est? psallat.

γ. 15. Κακοπαθεῖ τις ἐν
ὑμῶν, προσευχέσθω· εὐθυμεῖ
τις, ψαλλέτω.

PARAPHRASIS. *Tristatur aliquis vestrum, oret; æquo animo est, psallat.*

γ. 15. Nonnullos vitæ casus perlustrans Apostolus, quid in singulis facere debeamus, ut ipsis debite utamur et spiritualem fructum a divina Providentia intentum ex iis reportemus, breviter nunc edocet. In præsentī porro versiculo ad duos status oppositos quidem, attamen sibi invicem in homine succedere solitos, respicit: tristitiam seu dejectionem animi dico, et lætitiā seu æqualitatem mentis. In priorī casu orationem ad exemplum CHRISTI (Mat. XXVI. 38-44; Luc. XXII. 41-43), in posteriori hymnos, quibus nempe lætitiā ad Deum referatur, suadet.

Κακοπαθεῖν generatim est *in labore esse, male se habere*. Quum verò verbo εὐθυμεῖν (*bono hilarique animo esse*) ex adverso hic respondeat, vocem illam de *labore animi* sive de *tristitia* speciatim intellexerim.—Ψαλλεῖν e stylo Scripturæ de *canendis hymnis ad laudandum Deum* usurpatur.

Quod autem ad syntaxin attinet, nihil opus est has duas sententias, ut et immediate sequentem: *infirmatur quis* etc., pro *interrogativis* habere; « neque pro *Conjunctivo* adhibitus est *Indicativus*, neque ellipsis est *et* Particulæ, verum res, quæ accidere possit, ex vivaciori sermone sumitur tamquam revera nunc accidens. Itaque in his Indicativus modus nativam suam vim obtinet. Confer illud TERENTI (*Eun. II. 2. 21*): *Negat quis, nego: ait, aio*. Indicativum *Hypotheticum* vocat BERNHARDY, qui et hypothetici illius Indicativi usus plurima affert exempla ex Scriptoribus profanis (1). »

γ. 14-15. Infirmatur quis
in vobis? inducat presby-
teros Ecclesiæ, et orent

γ. 14-15. Ἄσθενεῖ τις ἐν
ὑμῶν, προσκαλεσάτω τοὺς πρεσ-
βυτέρους τῆς ἐκκλησίας, καὶ

(1) *Gram. Græc.* § 42. p. 307. adnot. 2.

super eum, ungentes eum
oleo in nomine Domini :
15 et oratio fidei salvabit
infirmum, et alleviabit
eum Dominus : et si in
peccatis sit, remitten-
tur ei.

προσευξάσθωσαν ἐπ' αὐτὸν ,
ἀλειψάντες αὐτὸν εἰλαίῳ ἐν τῷ
ὀνόματι τοῦ κυρίου. 15 Καὶ ἡ
εὐχὴ τῆς πίστεως σώσει τὸν
κείμενοντα , καὶ ἐγερεῖ αὐτὸν
ὁ κύριος . καὶ ἁν ἁμαρτίας ᾗ
πεποιηκώς , ἀφεθήσεται αὐτῷ.

PARAPHRASIS. *Infirmatur quis in vobis, advocet presbyteros Ecclesiae, qui orent super ipsum, ungendo eum oleo in nomine Domini : et oratio fidei salvum faciet infirmum, et animum ejus allevabit Dominus, et si peccata habeat, remittentur illi.*

ŷ. 14-15. In duobus istis versiculis Apostolus ad statum gravis infirmitatis corporalis respicit, quidque in ipso, ex instituto CHRISTI, fideles præstare debeant, perspicue tradit.

Hujusmodi porro præsens locus est, ut interpreti catholico non liceat unam alteramve ipsius interpretationem pro suo judicio contexere, sed stare debeat sapientissimæ illi a Tridentina Synodo statutæ regulæ, qua decernitur, *ut nemo, suæ prudentiæ innixus, in rebus fidei et morum ad ædificationem doctrinæ christianæ pertinentium, sacram scripturam ad suos sensus contorquens, contra eum sensum, quem tenuit et tenet sancta mater Ecclesia, cujus est judicare de vero sensu et interpretatione scripturarum sanctarum, aut etiam contra unanimem consensum Patrum, ipsam scripturam sacram interpretari audeat* (Sess. IV. de Canon. Scrip.). Habemus quippe hujus loci authenticam Ecclesiæ definitionem : cujus opportunitatem, immo et necessitatem, manifestam plane faciunt contortæ ac ridiculæ prorsus Sectariorum in re tanti momenti interpretationes seu potius depravationes. Hæc est autem Ecclesiæ definitio, a Cone. Tridentino Sess. XIV. de extr. unct. præstita :

CANON I. Si quis dixerit, extremam unctionem non esse vere et proprie sacramentum, a Christo domino nostro institutum, et a beato

Jacobo apostolo promulgatum; sed ritum tantum acceptum a patribus, aut figmentum humanum; anathema sit.

CANON II. Si quis dixerit, sacram infirmorum unctionem non conferre gratiam, nec remittere peccata, nec alleviare infirmos; sed jam cessasse, quasi olim tantum fuerit gratia curationum; anathema sit.

CANON IV. Si quis dixerit, presbyteros ecclesiae, quos beatus Jacobus adducendos esse ad infirmum inungendum hortatur, non esse sacerdotes ab episcopo ordinatos, sed ætate seniores in quavis communitate; ob idque proprium extremæ unctionis ministrum non esse solum sacerdotem; anathema sit.

Tria igitur indubitata et inconcussa habemus, ad quorum normam præsentem locum interpretemur oportet, videlicet: 1º unctionem de qua JACOBUS loquitur, esse vere et proprie sacramentum, a CHRISTO Domino institutum; 2º ipsam non olim tantum exstitisse, et in sola curationum gratia constituisse: sed etiamnum perdurare, et gratiam conferre, et peccata remittere, et infirmos alleviare; 3º presbyteros quos JACOBUS nominat, intelligendos esse vere et proprie sacerdotes ab Episcopo ordinatos, qui soli sint hujus sacramenti ministri.

Unum insuper præmittendum ducimus, ad præcavendas sectariorum argutias, qui facili negotio conficientes unctionem quæ Marc. VI. 13 commemoratur, non esse proprie dictum sacramentum, ut Ecclesiae catholice doctrinam impugnent, omnimodam inter prædictam unctionem et illam de qua JACOBUS agit æqualitatem statuere conantur. In hoc autem graviter errant, cum magnum inter utramque unctionem discrimen cernatur: quod non obscure innuunt Tridentini Patres, dum docent extremæ unctionis Sacramentum apud Marcum insinuaturn (1), per Jacobum autem fidelibus commendatum ac pro-

(1) Quinam sensus ex mente Concilii huic voci tribuendus sit, luculenter tradit PALLAVICINUS, op. et loc. statim citandis. « Quod apte ea vox *insinuaturn* apposita fuerit, difficile intellectu ooo est: quin e contrario, si affirmasset Synodus, Sacramentum illud fuisse institutum a Christo in eo S. Marci loco, opus non erat aliam promulgationem querere, postquam Christus e terris abijt; cum satis fuisset, quod is Apostolia promulgasset, et in Evangelio scriptum, ac traditionibus propagatum haberetur: atque ea de causa numquam nominat Concilium hujusmodi promulgationes de reliquis Sacramentis. Sed quia *hujus Sacramenti institutio in Evangelio non est*, et quidam e scriptoribus in animum sibi indoxerant, fuisse non a Christo, sed a S. Jacobo institutum, quod repugnabat superiori Concilii definitioni io sessione septima; easpropter consilio dictum est, fuisse *insinuaturn*, hoc est, *adumbratum atque indicatum a Christo in eo*

mulgatum (Sess. XIV. *de extr. unct.* cap. I). Sed præstat hae de re PALLAVICINUM disserentem audire. En porro quæ scribit *Conc. Trid. Hist.* lib. XII. cap. 42. n. 42 (1) : « Magister sententiarum rite diserimen animadvertit, dum affirmans hoc Sacramentum juxta atque reliqua fuisse institutum a Christo, et a S. Jacobo tantummodo promulgatum, nullum ex laudato S. Marci testimonio argumentum traxit; quemadmodum neque pariter traxerunt ad hoc comprobandum ante illum, Hugo Vietorinus, et post eundem Alensis, S. Bonaventura, alique Scholastici. Quin S. Thomas in eo articulo Magistri, quasiuncula sua tertia, articulo primo, rationem reddit, cur Evangelistæ hujus Sacramenti non meminerint; adeoque pro certo ponit, non fieri de illo mentionem apud S. Marcum eo loco, ejus minime quidem oblitus fuerat, eum paulo post dixerit : *tamen de unctione olei Marcum sexto capite loqui.* Ex quo liquet, illum haud existimasse eam unctionem tamquam hujus Sacramenti usum, sed tamquam illius *prætextum ac figuram*, ea plane ratione quâ Concilium sentit. » Et quibusdam interjeetis, prosequitur : « Addo opinionem id (nempe de Sacramento Marcum agere) negantem non persuaderi solum ex eo, quod Apostoli nondum essent sacerdotes, eum S. Marcus refert unctionem ab illis exercitam; sed quia hujusmodi unctio, quantum indicat Evangelium, sanitatem tantum corporis, et ita quidem ut numquam falleret, ægris restituebat : neque ad mortis periculo proximis coaretata erat, sed ad cæcos, ad claudos, et ad omnes ægros extendebatur; et etiam quia, quantum ex narrationis tenore licet conjicere, infidelibus quoque et nondum Baptismo lustratis, adeoque Sacramenti non capacibus, sanitas conferebatur. » Haetenus PALLAVICINUS.

His porro præfatis et præ oculis habitis, jam ad ipsorum verborum interpretationem accedamus, ut ope criticæ Ecclesiasticæ definitionem firmissimum in saero textu fundamentum habere ostendamus.

Infirmatur quis in vobis? Verbum illud *infirmatur* (αἰσθεῖται)

sancti Marci loco. Quare S. Jacobus postea non instituit, sed promulgavit id quod a vero inventore atque auctore fuerat illi demandatum et injunctum : quo pacto etiam dicimus, Sacramenta novi Testamenti fuisse in veteri instituta et figurata. »

(1) Versione latina P. GIATTINO (ed. Antwerp. an. 1673) utimur.

interpretantur Tridentini Patres (Sess. cit. cap. III) de *infirmis*, illis vero *praesertim*, qui tam periculose decumbunt, ut in exitu vitae constituti videantur. Ασθενειν porro de hujusmodi infirmis etiam usurpari solere, plurimis constat exemplis: v. g. Luc. VII. 10 coll. 2; Joh. IV. 46 coll. 47; Act. IX. 37; Philip. II. 26. 27; etc. Immo vocem hanc de graviter aegrotante in praesenti loco adhiberi, haud obscure innuit vox καμνοντα quae vers. seq. pro synonymo ponitur. Καμνειν enim proprie valet: *deficere viribus*; unde mortui dicuntur α καμνοντες et κεκμηκοτες (Cf. TITTMANNUS, De Syn. p. 77). — De structura phrascos ad antecedentem vers. diximus.

inducat presbyteros Ecclesiae.) Pro voce *inducat* graece est προσκαλεστω (rectius προσκαλεσασθω Med.) i. e. *advocet*. — Satis mirari non possumus qui se torqueant quotquot nolunt cum Patribus Tridentinis τους πρεσβυτερους της εκκλησιας vere et proprie dictos *Sacerdotes* intelligere. Aliis siquidem non sunt nisi aetate seniores; aliis primores in quavis communitate; aliis delecti e plebe ad regendam Ecclesiam. Aliqui rem in incerto relinquunt; nec etiam desunt qui in *presbyteris Ecclesiae* viros tantum arte medicinae peritos agnoscant. Verum haec interpretamenta ideo excogitarunt illi, ut facilius conficerent non verum Sacramentum a JACOBO in praesenti loco promulgari, sed ipsum intelligendum esse de ea unctiono qua aëvo apostolico utebantur ad morbos corporales curandos. Quos utique abunde refellemus si ostendamus ipsos et Scripturarum consuetudini adversari et falsam prorsus hypothesim statuere.

Porro Scripturarum usui repugnant. Medicos enim alicubi τους πρεσβυτερους της Εκκλησιας dictos fuisse, nullo adhuc exemplo comprobaverunt. Quamvis autem aetate seniores in libris N. T. πρεσβυτεροι nonnumquam dicantur, vox tamen illa communius de *assessoribus synhedrii* ac de sacerdotibus N. L. usurpata reperitur. Verum de magistratibus Judaeorum hic sermo esse nequit; neque etiam de senioribus aetate, ut ex statim dicendis patebit; restat igitur ut cum Patribus Tridentinis Sacerdotes N. L. intelligamus. Hos vero non fuisse simplices ministros de plebe selectos, absque characterē Ordinis et consecratione episcopali, non est hujus loci demonstrare.

Dixi insuper Sectarios falsa prorsus hypothesi niti, cum sumunt in praesenti JACOBI loco non agi nisi de curatione morbi corporalis: unde

iterum conficitur falsam esse notionem quam voci *πρεσβυτερος* hic tribuunt. Etenim, si sanationem mere corporalem significare voluit Apostolus, sanationem banc *ordinariam*, oleo nempe tamquam naturali medio adhibito, intellexit, uti WICLEFUS opinatur; vel sanationem *extraordinariam*, h. e. ex dono Dei, ut plerique novatores defendunt, annuntiavit. Si prius dixeris, quod quidem Apostolicæ gravitati parum consentaneum nemo non deprehendit, cur, quæso, non *medicos* arcessiri jubet? cur *orationem super ægrotum et olei unctionem* præcipiat? Notum quippe est olei usum in morbis curandis haud promiscue posse usurpari. Cur de *graviter ægrotantibus* tantum loquatur, cum in hac re præsertim principiis sit obstandum? Quo pacto tandem *remissionem peccatorum* exinde secuturam prædicet?

Si posterius admiseris, cur iterum *τοὺς πρεσβυτεροὺς* tantummodo advocandos dicat JACOBUS, cum *nec ipsi omnes*, sive eos primores in quavis communitate, sive delectos e plebe, sive ætate seniores fuisse sumas, *nec ipsi soli* curationum gratia pollerent, uti patet ex I Cor. XII. 9. 28. 29? Cur usum olei præcipiat, quod certe apud nonnullos miraculum obscurare natum erat? Cur infirmos id facere indistincte suadeat, cum tamen non poterant omnes sic sanari, immo nec absque præsumptione hujusmodi curationem exspectare? Quomodo tandem peccatorum remissionem inter effectus hujus curationis reponat?

Non video autem cur adversus Catholicos plurale *πρεσβυτερος* tantopere urgeant adversarii: cum notum sit « non ita raro pro Singulari legi adhibitus Numerus Pluralis; quo casu existimandus est scriptor locutus fuisse *generatim*, quod rerum aut personarum, de quibus sermonem habebat, *genus* attenderet potius quam *numerus*. Quem Pluralem non male *categoricum* vocaveris (1). » Hujus Pluralis Numeri usus exempla reperies Matt. II. 20 coll. 49; IX. 8, ubi per *αὐθιμᾶς* solus JESUS intelligitur; XXVII. 44 coll. Luc. XXIII. 39.

et orent super eum, ungentes eum oleo in nomine Domini :) Duo igitur infirmo præstare debet Sacerdos: *orare super eum*, et *ipsum oleo ungere*. — Quod dicitur *προσευξάσθωσαν ἐπ' αὐτὸν* non valet *orent pro eo*, quod nonnullis placuit, sed, uti noster interpretes

(1) *Gram. Græc.* § 27. pag. 174. 2.

seite vertit, *orent super eum* : ubi *super* (ἐπὶ) referri possit ad manus orantis *super* ægrotum extensas (*Gram. Græc.* p. 439. *adnot.*). — Nee Aoristus Participii (ἀλείψαντες) doctrinæ catholicæ, juxta quam unctio simul atque oratio fieri debet, contrariatur : Participleum enim illud nonnumquam adhibetur non de eo quod præcessit, sed *de actu contemporaneo*, præcedente ejusdem Temporis verbo Finito (προσευξάμεσαν). Cf. Act. I. 24 : καὶ προσευξάμενοι εἶπον, et XI. 30 : οὗ καὶ ἐποίησαν ἀποστείλαντες, etc. — Ἐλαίον oleum est non qualecumque, sed ex olivis expressum. — Quod additur *in nomine Domini*, hoc valet, ut supra v. 10, *vice Dei, tamquam legati Dei*. Quo certe haud obscure innuitur institutio hujus ritus ab ipso CHRISTO profecta. Hoc ceterum sponte fluebat ex effectu *remissionis peccatorum* huic ritui ab Apostolo adscripto : eum sine gratia illa remissio fieri nequeat, et solius CHRISTI sit signo sensibili divinam annectere gratiam.

§. 15. *et oratio fidei salvabit infirmum, et alleviabit cet.)*

Traduntur jam effectus quos prædicta olei unctio eum oratione conjuncta producere nata est. Illos porro sequentibus verbis declarant Tridentini Patres (cap. II) : « Res etenim hæc gratia est Spiritus Sancti, ejus unctio delicta, si quæ sint adhuc expianda, ac peccati reliquias abstergit; — et ægroti animam alleviat, et confirmat, magnam in eo divinæ misericordiæ fiduciam excitando; qua infirmus sublevatus, et morbi incommoda, ac labores levius fert; et tentationibus dæmonis, calcaneo insidiantis, facilius resistit; — et sanitatem corporis interdum, ubi salutis animæ expedierit, consequitur. » Et revera triplex ille effectus ab Apostolo aperte hic indigitatur. Non est autem cur miremur ipsos *orationi* tribui, nulla amplius *unctionis* mentione facta. Quamvis enim *materia* ad essentiam Sacramenti non minus pertineat quam *forma*, hæc tamen aliquo sensu principatioribus partes agit, quatenus materiam de se indifferentem ad *esse Sacramenti* determinat. Hinc AUGUSTINUS, *tract.* 80 *in Joh.*, « Detrahe verbum, et quid est aqua nisi aqua? Accedit verbum ad elementum, et fit Sacramentum. »

Oratio fidei (τῆς πίστεως, Gen. *Originis*) est oratio a fide profecta : ut enim nos iterum recte monet AUGUSTINUS, l. e., « Unde tanta virtus aquæ ut corpus tangat et cor abluit, nisi faciente verbo; *non quia dicitur, sed quia creditur?* » Intellige autem non fidem

ministri, quæ certe ad valorem Sacramenti requisita non est, sed fidem Ecclesiæ.

Σωζεν propriam suam notionem qua valet *salvum et incolumem præstare* sive *sanare* (cf. Matt. IX. 22; Luc. XVII. 19; Act. IV. 9; etc.) hic obtinet. Notandum autem est hunc effectum corporalem, quem JACOBUS declarat, non *absolutum* esse, sed *conditionatum*; sequitur nempe si *animæ salutis expedierit*. Nec mirum; cum Sacramenta ad spiritualem animæ profectum et salutem primario instituta fuere. — Εγείρει proprie est *excitare*, moxque tropice *e sopore tarditatis et socordiae mentem revocare*. Quo ultimo sensu Rom. XIII. 11 hæc vox occurrit; nec eam aliter interpretati sunt Patres Tridentini. Notum autem est morbum hunc effectum sæpius obtinere ut mentem aggravet et in socordiam deducat: quod quam periculosum sit, imminente jam ultimo vitæ agone, nemo non videt.

et si in peccatis sit, remittentur ei.) Græce: *et si sit peccata operatus, condonabitur ei.* Περσωνας (Partic. Perfecti ad modum Prædicati sumendum) scite hic adhibitum est ad designandam actionem quidem præteritam, suo tamen effectui adhuc perdurante. — Αφ' εσθεται impersonaliter dictum est: subjectum vero *logice* continetur in præcedenti *αμαρτιας*.

Dilucidis igitur verbis asseritur hic præcipuus Sacramenti effectus, remissio scilicet peccatorum: quem ne admittere cogantur adversarii, ad inauditas prorsus metaphoras recurrunt. Dicunt etenim remissionem peccatorum quam Apostolus commemorat, non esse intelligendam nisi curationem a morbis propter peccata immissis. Verum hæc interpretatio non tantum verbis sacris vim facit, et metaphoram, cujusmodi nullibi exemplum occurrit, pro lubitu fingit; sed etiam ex ipso contextu aperte refellitur. Supponit enim Apostolus *αμαρτιας* ab infirmo posse abesse, quum dicat: *et si in peccatis sit*. Non possunt ergo *αμαρτιας* esse morbi ob peccata contracti. Secus enim sensus hic ridiculus plane exurgeret: *et ægrotus, si sit in morbo, sanabitur ab eo*.

Satis anxie quærent Theologi quænam peccata vi extremæ unctionis remitti valeant. Sapientissima porro ac menti Patrum Florentinorum et Tridentinorum maxime consentanea nobis videtur brevis illa ESTH ad h. l. animadversio. « Cum beatus JACOBUS, ait, generaliter nomet

peccata, non apparet ratio, cur vel ad hoc genus venialium, vel ad illud mortaliū, vel ad solas peccandi inclinationes, vocabulum hoc restringatur. Quin potius ad omnia cujuscumque generis peccata, comprehensis etiam inclinationibus et affectibus vitiosis, extendendum videtur, quatenus extendi potest, *salva aliorum sacramentorum institutione ac necessitate.* »

Habemus igitur ex præsenti JACOBI pericopa omnia quæ ad verum et proprie dictum Novæ Legis Sacramentum constituendum requiruntur; videlicet: signum sensibile ex *materia* et *forma* constans; promissionem gratiæ ad triplicem effectum præstandum; ac, quod consequens est, divinam hujus ritus institutionem.

Qui porro sensum Ecclesiæ traditionalem hac de re investigare voluerit, adeat DE SAINTE BEUVE, *tract. de extr. unct.* qui in *Theol. cursu completo* MIGNÉ, tom. XXIV reperitur: nec tantum testimonia ille profert, sed et erudite ea discutit.—Quod ad Ecclesias et sectas orientales attinet, cf. PET. ARCDIUM, *de concord. Eccl. Occid. et Orient.* in 7 *Sacr. administ.* lib. V. — RENAUDOT., *Perpét. de la foi.* tom. V. l. V. c. 1. sq. — J. S. ASSEMAN., *Dissert. de Syris Nestorians.* p. 271-285. — GALANUM, *Conciliationes Eccl. Armenæ cum Romana.* tom. II. p. 631 sqq. Romæ 1650. — TH. LAMY, *Dissert. de Syrorum fide* etc. p. 233 sq. Lovanii 1839.

§. 16. Confitemini ergo^a alterutrum peccata vestra, et orate pro invicem ut salvemini: multum enim valet deprecatio justī assidua.

§. 16. Ἐξομολογεῖσθε ἀλλήλοις τὰ παραπτώματα, καὶ εὐχεσθε ὑπὲρ ἀλλήλων, ὅπως ἰαθῇτε· πολὺ ἰσχύει θείησι διακίαι ενεργουμένη.

PARAPHRASIS. Confitemini porro invicem mutuas offensas, et orate pro invicem, ut animæ vestræ sanentur: vim quippe magnam habet deprecatio justī fervens et assidua.

VARIANS LECTIO.

a) Particulam *ergo* quam Vulgata legit, Complutensis editio non exhibet,

neque TUCHENONIVS recepit. Haud recte, pulem : cum ipsa occurrat in ARK, pluribusque versionibus antiquis; eam quoque habent nonnulli minusculi minime spernendi.

§. 16. *Confitemini ergo alterutrum peccata vestra.*) Non me latet esse interpretes plurimos magnique nominis Theologos qui ex præsenti Apostoli loco argumentum ducant ad probandum præceptum divinum confitendi peccata post baptismum commissa. Sed quum dogmata nostra, quæ firmissimis aliunde argumentis nituntur, non sint infirmis rationibus defendenda, nolim cum ipsis heic facere. Et quidem e Theologis video SUAREZIUM præfitemem hunc locum « in rigore non omnino convincere, tum quia ibi nullum est verbum, quod in omni proprietate præceptum indicet;.... tum etiam quia non videtur JACOBUS loqui de confessione facienda sacerdoti, sed *alterutrum*, id est mutuo et ad invicem (1). » Ex interpretibus vero fatetur ESTIUS ad h. l. ceteris expositionibus suam probabilitatem non desse; atque etiam alios peræque catholicos scriptores eas tradidisse.

Dicebam igitur infirmum videri fundamentum eorum qui ex præsenti JACOBI loco præceptum Confessionis comprobare volunt. Fundamentum enim illud in particula *ἑω*, cujus vim maxime urgent, præsertim reponunt : ea quippe manifestam inter hanc, quam suadet Apostolus, peccatorum confessionem et illam, cujus statim meminit, peccatorum remissionem, relationem induci prætendunt (2). Verum nil nos cogit ut *ἑω* pro particula *concludentis* hic habeamus : quum etiam adhiberi potuerit tamquam particula *pergentis* in adhortando, quemadmodum in Act. Apost. frequenter est *pergentis* in narrando : cf. VIII. 25; IX. 31; etc. Immo putaverim vim *conclusivam* huic particule in præsenti nullo pacto posse tribui. Quomodo enim Apostolus ex promissa, vi unctionis sacramentalis, remissione peccatorum, si adsint, ad præceptum Confessionis inculcandum per modum *conclusionis* deveniret?

Huic porro sententiæ non minimas angustias facit vox *alterutrum* (*ἀλλήλους*) : nam fidei catholicæ dogma est peccatorum con-

(1) *De penitentia*. Disp. XXXV. Sect. I. n. 6.

(2) Cf. MORITZ, *de Pœnit.* lib. VIII. cap. VIII. n. IV.

fessionem nonnisi apud Sacerdotem legitime ordinatum institui posse. A qua difficultate ut se expediant, dicunt pronomen illud *ἀλλήλοις* non *reciprocitatem* hic connotare, sed accipiendum esse prout exigit consequentia verborum Scripturæ divinæ. Itaque *confitemini alterutrum*, nihil est aliud nisi, Confitemini homines hominibus; qui absolutione indigetis, illis qui potestatem habent absolvendi (1). Quamvis hæc explicatio admitti posset, si jam probatum esset de confessione sacramentali JACOBUM certo agere, in presenti tamen ipsam non valere putem. Et quidem, cur, quæso, Apostolus, cum statim presbyterorum mentionem fecisset, voce adeo ambigua ad illos designandos hic usus fuisset, cum Pronominis alicujus ope orationem suam apertam reddidisset? Deinde, sic argumentor: quando JACOBUS ait *orate pro invicem* (*ὑπερ ἀλλήλων*), non sacerdotes tantum alloquitur, ut prædicti Auctores existimant, sed fideles generatim hortatur, cum uno tractu et absque ulla subjecti mutatione dicat: *confitemini invicem et orate pro invicem*; orationem autem *mutuam* ipsum suadere dubium esse nequit: ecquis porro credet Apostolum eandem vocem in eodem loco in duplici sensu adeo dissimili usurpasse? Immo, sic urgere licebit: justos maxime JACOBUS hic compellat; quod satis ostendit illa quam subdit ratio: *multum enim valet deprecatio justii*, et specialis illa exhortatio pro peccatoribus deprecandi quam vers. 19 tradit. Atqui eosdem quos orare hortatur, peccata confiteri suadet: ergo non videtur hic agi de divino confessionis præcepto.

Putaverim igitur JACOBUM, dum hæc proferret, præ oculis habuisse illud CHRISTI monitum: *si dimiseritis hominibus peccata* (*τα παραπτώματα*) *eorum: dimittet et vobis Pater vester caelestis delicta vestra* (Matth. VI. 14), et fideles cohortari voluisse, ut mutuas offensas (græce legitur *τα παραπτώματα* absque ullo Pronomine) sibi invicem confiteantur atque pro invicem Deum exorent: quod utique mutuam condonationem plurimum adjuvat. — Nec abs re forsan erit hic annotasse id quod monet TITTMANNUS, p. 47, « voci *παραπτώμα* proprie inesse notionem peccati, quod temere commissum est, i. e. a nolente facere injuriam. » — Ὡμαί de sanitate animæ spirituali nonnumquam usurpari notum est: cf. 1 Pet. II. 24.

multum enim valet deprecatio justii assidua.) Quamvis hæc

(1) BELLARMINUS, de *Pœnit.* lib. III. cap. IV.

sententia græce antecedenti *asyndetice* jungatur, dubium tamen esse non potest quin rationem ejus reddat. — Quid sibi præcise velit vox *ἐνεργουμένη* quam Vulgatus *assidua* vertit, definire in promptu non est. Non apparet enim utrum vox illa *active*, an *passive* hic significet : quum illud in usu esse videatur ut Activum *ἐνεργειν* de *personis*, Medium vero *ἐνεργεῖσθαι* de *rebus* dicatur. Porro si *active* sumitur, sensu forsitan convenit cum Adjectivo *ἐνεργης*, et oratio *ἐνεργουμένη* erit oratio *laboriosa*, *operosa*, ac proinde *servens* et *assidua*. Si vero *passive* adhibeatur, obtinere poterit sensus ille quem HESYCHIUS huic verbo subjicit, ita ut *ἐνεργειν* valeat *ετοιμῶς πράττειν*, tuncque oratio *ἐνεργουμένη* oratio erit *prompto alacrique animo facta*, et consequenter *servida*.

ῥ. 17-18. Elias homo erat similis nobis passibilis : et oratione oravit ut non plueret super terram, et non pluit annos tres, et menses sex. ¹⁸ Et rursum oravit : et cælum dedit pluviam, et terra dedit fructum suum.

ῥ. 17-18. Ἠλίας ἄνθρωπος ἦν ὁμοιοπαθὴς ἡμῖν, καὶ προσευχῇ προσηύδατο τοῦ μὴ βρέξαι· καὶ οὐκ ἔβρεξεν ἐπὶ τῆς γῆς ἐνιαυτοὺς τρεῖς καὶ μῆνας ἕξ· ¹⁸ καὶ πάλιν προσηύδατο, καὶ ὁ οὐρανὸς ὑετὸν ἔδωκε, καὶ ἡ γῆ ἐβλάστησε τὸν καρπὸν αὐτῆς.

PARAPHRASIS. *Elias homo erat perinde ac nos, et effusus ad Deum precibus oravit ut non plueret : et non pluit super terram annos tres et menses sex ; et tunc iterum oravit, et cælum dedit pluviam, et terra protulit fructus suos.*

ῥ. 17-18. *Elias homo erat similis nobis passibilis : et oratione oravit cet.)* Quod asseruerat Apostolus, multum valet deprecatio *justi assidua*, notissimo ex V. F. exemplo nunc illustrat : exemplo scilicet *ELLÆ* qui, orationis suæ virtute, annos tres et menses sex cælum quominus pluviam daret cohibuit : et tunc, ad mellorem frugem redeunte populo castigato, vi orationis pluviam cæli ac fructus terræ iterum a Deo impetravit. Ut autem omni exceptioni adversus

allegatum exemplum via præcludatur, auditores suos ab initio admonet JACOBUS, ELIAM hominem fuisse ejusdem prorsus nobiscum naturæ. Vox enim *ομοιοπαθής*, quam Vulgata vertit *similis passibilis*, proprie est *similiter affectus*, et in usu loquendi pro simplici *ομοιος* nonnumquam adhibetur : sic Act. XIV. 13, ubi Vulgata reddit *similes*. Non amplius occurrit in N. T.

Oratione oravit (*προσευχῇ προσηύχато*), h. e. *ardenter, enixe oravit*. Structura hæc, qua Verbum cum derivata ab eodem verbo substantiva voce in Dativo jungitur, sæpius occurrit in versione septuaginta-virali, ubi inservit ad exprimendam Hebræorum syntaxin Infinitivi absoluti cum Verbo finito. Nec ipsis Græciæ classicis insolita est hujusmodi structura : nam PLATO scripsit (*Symp.* pag. 193. B) : *φύγων πυγῇ τὸ γῆρας* (1). — *Ταυ μη βρεξαι* Infinitivus est *finis* : qui Infinitivi nominascentis usus in Genitivo casu, ad finem sive scopum actionis indicandum, etiam apud scriptores profanos obtinet. — Locutionem *ἐπὶ τῆς γῆς*, pro qua Luc. IV. 25 dicitur *ἐπὶ πασάν τὴν γῆν*, de regione Palestinensi intellexerim : quod sane in Libris Sacris inauditum non est. Terras tamen finitimas aliquid detrimenti exinde pariter accepisse ex Luc. IV. 25-26 satis constat, quum in Sarepta Sidoniæ fames viguisse ibidem innuatur.

Factum porro quod JACOBUS hic commemorat, 3 Reg. XVII. 1 narratur. Ibi tamen ELIAS siccitatem denunciasset tantum dicitur : Apostolus autem ex traditione acceperit ELIAM vi orationis suæ id a Deo impetrasse, ut nempe se verum prophetam ostenderet, regemque impium cum populo ad idola deflectentem castigaret et ad veri Dei cultum sic reduceret. Ceterum notum est Prophetas et Apostolos miraculis suis orationem præmittere consuevisse : quod et ipse CHRISTUS ad nostram doctrinam pluries præstitit.

Major difficultas in eo apparet quod 3 Reg. XVIII. 1 legitur : *Post dies multos factum est verbum Domini ad Eliam, in anno tertio dicens : Vade, et ostende te Achab, ut dem pluviam super faciem terræ*; cum tamen asserat JACOBUS, post ipsum CHRISTUM (Luc. IV. 25), *annos tres et menses sex* cœlum clausum fuisse. — Ad hanc difficultatem solvendam interpretes diversas ineunt vias. Alii dicunt annos in libro Regum non a siccitatis initio sed a tempore ex quo ELIAS Sarep-

(1) *Gram. Græc.* § 58. pag. 483. 3.

tam venit computari : porro , aiunt , jam annum fere in torrente Carith degerat Propheta , quando Sareptanam viduam adiit . — Alii putant non a siccitate iterum sed ab incepta fæne , quæ nonnisi annum circiter post siccitatem obtinuerit , annum tertium ibidem computari . — Alii tandem prædicti discriminis rationem repetunt ex more Hebræorum qui inceptos aut imperfectos annos modo prorsus omittunt , modo vero pro perfectis annis numerant . Exemplum sumunt ex 3 Reg. II. 11 ubi DAVID dicitur *septem annos* in Hebron regnasse , quod 1 Paralip. XXIX. 27 iterum assertitur ; quum tamen hujus libri cap. III. 4 *annos septem et menses sex* ibidem regnasse tradatur .

ŷ. 18. *Et rursum oravit : et cælum dedit pluviam cet.)*

Peracto stupendo miraculo , populoque exclamante : *Dominus ipse est Deus* ; occisis insuper Baal prophetis , ELIAS , divino fidens promisso , in verticem Carmeli ascendit , ibique oratione *septies* , ut videtur (cf. 3 Reg. XVIII. 42 sqq.) , repetita , grandem a Deo impetrat pluviam . — Pro Aoristi forma *εβλαστησε* veteres forma *εβλαστε* utebantur .

ŷ. 19-20. Fratres mei , si quis ex vobis erraverit a veritate , et converterit quis eum : ³⁰ scire debet quoniam qui converti fecerit peccatorem ab errore viæ suæ , salvabit animam ejus a morte , et operiet multitudinem peccatorum .

ŷ. 19-20. Ἀδελφοί , εἰάν τις ἐν ὑμῖν πλανηθῇ ἀπὸ τῆς ἀληθείας , καὶ ἐπιστρέψῃ τις αὐτόν , ³⁰ γινωσκέτω ὅτι ὁ ἐπιστρέψας ἁμαρτωλὸν ἐκ πλάνης ὁδοῦ αὐτοῦ , σώσει ψυχὴν ἐκ θανάτου , καὶ καλύψει πλῆθος ἁμαρτιῶν .

PARAPHRASIS. *Fratres , si quis vestrum a recto tramite aberraverit , ad hunc autem ipsum quis converterit , sciat iste quod quicumque peccatorem a perversa , in qua errabat , via converterit , animam salvabit , et operiet multitudinem peccatorum .*

§. 19-20. Fideles nonnulli in hanc forsán sententiam facile devenissent, ut putarent nonnisi pro fidelibus et iustis sibi esse orandum. Ad quem errorem præcavendum aut tollendum, Apostolus ipsos hortatur ut peccatorum conversionem procurare satagent, huiusque conversionis exitum apostolico spiritu condigne denunciat.

Veritatem (ἀληθειαν) hoc loco intellexerim *legem religiosam atque moralem*, quæ sit homini recte agendi norma. Et hunc quidem sensum vocem ἀληθειαν pati ex loquendi usu Hebræorum, qui vocem נֶאֱמָר hoc sensu adhibebant (cf. Ezech. XVIII. 6 coll. 5) certis exemplis constat. Sic Joh. III. 19. 20 : *Omnis qui male agit, odit lucem, et non venit ad lucem, ut non arguantur opera ejus : qui autem facit veritatem* (ἀληθειαν), *venit ad lucem, ut manifestentur opera ejus, quia in Deo sunt facta.* PAULUS pariter (1 Cor. XIII. 6) : *non gaudet super iniquitate* (ἀδικία), *congaudet autem veritati* (ἀληθεια). Vocem porro ἀληθειαν prædictum sensum hic obtinere, illud mihi suadet quod v. 20 errantem a veritate non infidelem sed peccatorem (ἁμαρτωλόν) Apostolus vocet. — Hanc, quam dixi, legem religiosam et moralem JACOBI metaphorice spectat tamquam *rectam viam*, a qua aberrat quisquis contra ipsam facit : ad quam vero *reducitur et convertitur* quisquis a peccato retrahitur. — Πλανηθῆναι Aoristus I Passivus cum significatione *media*.

§. 20. *scire debet quoniam qui converti fecerit peccatorem cet.)* Græca sic sonant : *sciat* (is nempe qui fratrem converterit) *quod qui converterit peccatorem ab erratione viæ quam sequebatur* (ἐκ πλανῆς ὁδῶ αὐτοῦ) etc. — Duo autem sunt quæ fideles maxime incitare debent ad conversionem peccatorum procurandam :

salvabit animam ejus a morte.) Græce legitur : *σωσεὶ ψυχὴν*, absque Articulo et Pronomine; ideoque Gallice recte verteris : *il sauvera une âme*, quod certe emphasi, pretio ac dignitati animæ declarandis idonea, non caret. — Per *mortem* intelligenda hic est mors spiritualis animæ, quæ in presenti in privatione gratiæ sanctificantis consistit, quamque iu futuro subsecutura est æterna visionis beatificæ privatio.

et operiet multitudinem peccatorum.) Hæc ultima JACOBI verba magna laborant obscuritate. Non enim liquet utrum peccata illius qui

convertitur, quod ESTIO placuit, an vero etiam peccata illius qui peccatorem convertit, ut BEDA sentire videtur, Apostolus hic intellexerit. Si prius quidem dixeris, apostolica oratio tautologia quadam non carebit, quum non possit anima salvari a morte quin peccata ejus deleantur. Si posterius admiseris, satis dura apparebit JACOBI oratio, quum justos hic alloquatur, et vox *αμαρτια* de gravioribus offensis usurpari soleat. Certe, si aliquo exemplo firmare possem notionem eam quam Verbo *καλυπτειν* WALH tribuit, qua valeret *supprimere*, *impedire*, non dubitarem ipsam in presenti accipere, sensumque hunc apertissimum eruerem : *et il empêchera une multitude de péchés* : illa nimirum impedit quæ peccator iterum admisisset, et quod ab aliis admitterentur causa fuisset. Utraque vox græca Articulo caret, ideoque huic interpretationi multum favet. Addiderim ipsam contextæ orationi optime convenire : nec minimum præbet animæ fidei, quæ Deum diligit, incitamentum ad conversionem peccatorum procurandam hujusmodi motivum. Neque hic sensus alienus esset a mente PETRI, qui eadem verba (Ep. IV. 8) usurpat : *Ante omnia autem, mutuam in vobismet ipsis charitatem continuam habentes : quia charitas operit multitudinem peccatorum*. Verissimum enim est charitatem erga proximum innunera peccata præcavere et impedire : ideoque testatur PAULUS : *qui diligit proximum, legem implevit* (Rom. XIII. 8).



EPISTOLÆ S. JACOBI

PARAPHRASIS CONTINUA.

JACOBUS, Dei ac Domini JESU CHRISTI servus, Judæo-Christianis Cap.
omnibus per varia loca dispersis salutem adprecatur. 1.

Summo gaudio locum esse existimate, fratres mei, quotiescumque variis tribulationibus affligi vobis acciderit: quippe qui scitis quod illud ipsum, quo fides vestra probatur, constantiam effleiat. Constantia autem vestra opus suum ad finem usque perducatur: ut in adventu Domini inveniamini undique perfecti atque integri, nulla re, quæ ad salutem requisita sit, destituti. Si quis autem vestrum indiget sapientia, qua afflictionum utilitatem atque pretium rite æstimare valeat, ipsam postulet a Deo, qui lubenti ac benevola mente dat omnibus, nec, hominum more, semel concessa exprobrat: et dabitur illi sapientia. Sed postulet cum fide firma, nihil prorsus addubitans. Qui enim hæsitanter rogat, propter instabilitatem suam similis est fluctui maris vehementi tempestate hue et illuc jaetato. Cum ergo non nisi constanti et perseveranti orationi repromissio facta sit, non existimet homo ille quod accepturus sit aliquid a Domino. Nec tantum in oratione sed et in omnibus consiliis suis anceps animus inconstans est.

Lætabundus porro gloriatur de exaltatione sibi reservata frater in abjectam paupertatem propter Christum redactus; dives autem gloriatur et ipse, si lubet; sciat tamen se non habere unde gloriatur, nisi de misera conditione sua, quippe qui tamquam flos graminis evanescet. Sol siquidem exortus est, simulque cum eo ventus urens;

et gramen adussit, et flos graminis decidit, et periit decora species ejus: sic et dives, dum per florida incedit itinera, subito marcescet.

Beatus vir qui tentationi non cedit: quia, probatus et fidelis repertus, accipiet præclaram illam coronam, vitam dico æternam, quam Deus veris Christianis repromisit. Nemo tamen cum tentatur dicat: a Deo tentor: Deus enim, ut ad ea quæ mala sunt sollicitari ipse nequit, ita nec homines ad hæc sollicitat. Sed unusquisque tentatur a sua concupiscentia, dum nempe per eam a bono abstrahitur et ad malum allicitur. Concupiscentia porro simul atque aliqualem mentis adhesionem provocaverit, jam peccatum parit: peccatum vero statim ut perfectum fuerit, perfecto scilicet mentis assensu, mortem infert animæ. Absit procul a vobis, fratres mei dilecti, error ille quo Deum tentationum auctorem reputaretis. Econtra quidquid est boni, quidquid perfecti, cœlitus descendit, videlicet a Patre luminum, cui nulla inest mutatio, immo nec mutationis umbra; qui proinde homines ad malum incitare nequit. Ipse gratuito prorsus benignitatis suæ decreto regeneravit nos per verbum veritatis, quod est Evangelium; idque ut essemus veluti primitiæ sive pars aliqua præcipua creaturarum suarum, hominum dico.

Hoc scitis, fratres mei dilecti. Sit porro quivis homo celer ad audiendum verbum illud veritatis; tardus autem et providus ad illud proferendum, ut sic ad iram non deveniat. Vir quippe iratus longe est ab illa justitia quam Deus a nobis requirit.

Itaque, abjecta omni carnis immunditia, omnique animi malitia, cum omni spiritus modestia suscipite doctrinam vobis traditam, quæ animabus vestris æternam valet afferre salutem. Ad hoc autem ea, quæ lex Evangelica jubet, opere præstetis necesse est, et non auditores tantum hujus legis sitis, vosmetipsos graviter decipientes. Nam si quis legis quidem cognitionem habeat, eam vero opere adimplere non satagat, is similis est viro qui faciem suam in speculo

obiter tantum conspicit : qui scilicet semetipsum consideravit, et statim abiit, ideoque statim oblitus est qualis esset, ac proinde nulum exinde commodum reportavit. Qui vero incubuerit in legem perfectam, quæ est lex veræ libertatis, et inhæserit ei, non mera cognitione, quæ cito oblivioni datur, contentus; sed ea, quorum cognitionem adeptus est, executioni mandans, hic utique beatus erit eo quod legi obsecutus fuerit. Itaque, si quis putat se verum Dei cultorem esse, quamquam linguam suam non refrenet sed cor suum decipiat, sciat religionem suam omni effectû carituram. Religio sincera ac perfecta coram Deo et Patre, in hoc sita est : ut pupillis et viduis in tribulationibus eorum prospicias, et a contagione mundi teipsum incontaminatum serves.

Fratres mei, cavete ne simul cum fide Domini nostri JESU CHRISTI, Cap. Domini, inquam, gloriæ, vitium acceptionis personarum consociare II. velitis. Etenim, ut exemplo utar, si ingrediatur conventum vestrum sacrum vir aurcis annulis ornatus, et splendida veste indutus; ingrediatur vero etiam pauper indutus vili ac sordida veste; et si cum nescio qua admiratione eum, qui vestem illam præclaram gerit, solius splendoris ejus causa, contemplantini et dicatis ei : considas hic, commode et honorate; pauperi vero, solius vilis vestitus ejus habita ratione, dicatis : tu illic consistas, vel hic sub scabellum pedum meorum considas : nonne in vobismetipsis dijudicastis, et iniqui judices facti estis?

Audite, fratres mei dilecti : nonne Deus sibi elegit pauperes mundi, qui fide divites forent et heredes regni quod repromisit diligentibus se? Et vos, contrariam prorsus rationem secuti, pauperem contemptui habetis! Quid est porro in divitibus quod vos adeo alliciat? Nonne ipsi tyrannidem exercent adversum vos, ipsique ad paganorum tribunalia vos rapiunt? Nonne ipsi blasphemant aut actione sua diffamant honorificum illud nomen, de quo Christiani

vocati estis? Si tamen nil aliud intenditis divites honore prose-
quendo, quam adimplere præstantissimum illud Domini mandatum :
Diliges proximum tuum sicut teipsum, bene facitis. Si vero in hoc
personas accipitis, utique peccatum admittitis, lege vos arguente
tamquam violatores.

Neque putetis leve quid esse in hoc uno legem transgredi : qui-
cumque enim, servatis ceteris omnibus legis mandatis, unum tan-
tum transgressus fuerit, quasi omnia violaverit reatu tenetur. Nam
qui dixit : *non mœchaberis*, dixit pariter : *non occides*. Quod si
non mœchatus quidem, occidas tamen, factus es simpliciter trans-
gressor legis atque contemptor legislatoris.

Sic loquimini et sic agite, tamquam qui per legem evangelicam,
quæ ceteroquin veræ libertatis lex est, judicandi sitis. Judicium
quippe absque misericordia erit respectu illius qui erga proximum
misericordem se non exhibuerit : misericordia vero præstita judi-
cium superat ac vincit.

Quænam est utilitas, fratres mei, si fidem dicat aliquis se habere,
opera vera bona non curet? Numquid potest ipsum sua fides salvum
facere? Si, exempli causa, frater aut soror vestitu et victu diurno
careat, dicat porro aliquis vestrum ipsis : omnia prospera sint
vobis; habeatis quo vos ipsos vestire ac nutrire possitis : non dede-
ritis autem illis ea quæ corpori tegendo et alendo necessaria sunt,
quid, quæso, egentibus proderit vestra hujusmodi compassio? Sic et
fides, si sit operum vacua, mortua est utpote solitaria, et nihil
quidquam proderit. Equidem gloriaris tu quod fidem habeas licet
opera non cures; verum poterit aliquis hoc modo derisorie te com-
pellare : tu fidem te habere dicis, ego autem opera habeo. Ostende
mihi, quæso, si potes, fidem tuam sine operibus : ego vero osten-
dam tibi fidem meam ex operibus meis. Utique tu credis Deum

unum esse : et in hoc bene agis; verum dæmones etiam id credunt, indeque timore perfunduntur. Vis porro, o homo de inani fide inaniter glorians, ex Scripturis ipsis addiscere quod fides absque operibus mortua sit? ABRAHAM pater noster secundum carnem et justificationis nostræ exemplar, nonne ex operibus justitiam adeptus est, quum nempe ISAAC filium suum super altare Deo obtulisset? Videsne et fidem operibus ejus cooperatam esse, et vicissim ex operibus fidem perfectam fuisse? Sicque suppleta est Scriptura illa quæ dicit : *Credidit Abraham Deo, et reputatum est illi ad justitiam*; et amicus Dei singularis effectus est. Videtisne ex operibus justificari hominem et non ex fide tantum? Immo, RAHAB meretrix nonne et ipsa haud. sine operibus justificationis gratiam primum adeptæ est, nunciis nempe hospitio benigne susceptis atque alia via secure dimissis? Quemadmodum enim corpus sine spiritu mortuum est : ita et fides cui desunt opera mortua est.

Ne multi ex vobis, fratres mei, magistri fieri aspirent, quippe qui Cap. scitis quod nos magistri severiori plectemur sententia, si nempe III. in illo munere obeundo defecerimus. Hoc autem facillime contingere potest. In multis enim offendimus omnes quotquot sumus : sed maxime in lingua; adeo ut si quis in verbis suis non offendat, hic perfectus censeatur vir, utpote qui potens sit et totum corpus suum debite moderari. Neque hoc est adeo mirandum. Quod si, ut exemplis utar, equis frena in ora injicimus, ut nobis obediant : totum simul ipsorum corpus moderamur et circumagimus. En etiam naves, licet tantæ magnitudinis sint, et a ventis validis exagitantur, modico gubernaculo circumferuntur quocumque gubernator decreverit sic et lingua pusillum quidem membrum est, sed magna efficit. Ecce, modicus ignis quantam silvam incendere potest ! Utique lingua ignis est, lingua, mundus ille iniquitatis.

Lingua nimirum hanc inter membra nostra vicem gerit ut totum

corpus peccatis coinquinet, et totum vitæ decursum inflammet, et inflammetur ipsa a diabolo. Etenim, dum omnis, qualiscumque ea sit, natura tam ferarum quam volucrum, tam serpentium quam marinarum belluarum, humana solertia domatur: linguam tamen nullus hominum domare valet. Instabile malum est lingua, lethifero veneno referta est. Per ipsam Deum eumque Patrem collaudamus ac deprecamur, atque per ipsam hominibus, qui ad similitudinem Dei facti sunt, mala imprecamur. Ex eodem ore benedictio et maledictio procedunt. Non possunt, fratres dilecti, talia fieri. Numquid enim fons ex eodem foramine dulcem fundit et amaram? Numquid potest, fratres, ficus olivas proferre, aut vitis ficus? Nec aqua salsa dulcis effici potest.

Estne aliquis inter vos sapientia et prudentia illa, quæ magistro inesse debet, præditus? Ostendat ipse ex recta conversatione opera sua cum mansuetudine, quæ veræ sapientiæ propria est, conjuncta. Si vero invidiam et vitiosam æmulationem in animo geritis, nolite vos sapientes reputare: quod impudens gloriatio atque mendacium foret. Non enim ea est hæc sapientia vestra quæ desursum sit, sed terrena, humana dico, immo et diabolica. Nam ubicumque viget invidiosa æmulatio, ibi quoque perturbatio et omne genus operis pravi: quod utrumque aversatur Deus. Sapientia vero quæ desursum venit, primum quidem est omnis vitii expers: est insuper pacis studiosa, modesta, bonis suasionibus facile consentiens, plena miserationis affectibus et fructibus, nec personarum acceptionem nec simulationem admittens. Fructus porro debitus, pax inquam, seminatur et præparatur iis qui pacifici fuerint.

- Cap. Undenam contentiones, undenam lites inter vos exsurgant? Nonne
IV. exinde, ex pravis cupiditatibus, dico, quæ secum invicem pugnant in membris vestris? Concupiscitis, et non habetis unde cupiditates vestras expleatis; ideo ad necem usque iis æmulamini qui ea habent

quæ vos habere eupitis, necdum sic assequi potestis id quod concupiscitis. Hinc ad lites et contentiones devenitis. Equidem non habetis omnia quibus indigetis : sed ideo ea non habetis quia a Deo non postulatis; aut etiam postulatis nec tamen accipitis, quia male petitis, eo scilicet fine ut ea quæ assecuti fueritis in cupiditates vestras impendatis. Adulteri, nescitis quod dilectio mundi ejusque voluptatum, inimicitia sit erga Deum? Quicumque igitur ea quæ mundi sunt dilligere voluerit, inimicus Dei constituitur. Aut putatis Scripturam incassum proferre, quod ad zelotypiam usque desiderio nostri teneatur Spiritus Sanctus, qui habitare dignatus est in nobis?

Verum, si vultis, majorem concupiscentiis vestris gratiam dat vobis Spiritus Sanctus. Ideo Scriptura dicit : *Deus superbis resistit, humilibus autem dat gratiam*. Itaque subjicite vos Deo ejusque mandatis : resistite diabolo et suggestionibus ejus, et fugiet a vobis confusus. Pia mente convertimini ad Deum, et ipse opem afferet vobis. Emundate manus vestras, peccatores, ab operibus pravis; munda facite corda vestra a cupiditatibus malis, viri Deum inter et mundum divisi. Ad hoc autem opera poenitentiae suscipite; lugete et plorate; risui vestro succedat luctus, et lætitiæ mœsta tristitia. Sic humiliare vos coram Domino, et ipse eriget et exaltabit vos.

Sedulo cavete, fratres, ne vobis invicem obloquamini. Qui enim fratri obloquitur eumque criminatur, ipsi legi, quam frater ex conscientia servandam ducit, obtrectat, ipsamque legem tamquam malam traducit. Si autem legem condemnas, jam obsequium non præstas legi, sed judicium in ipsam exerces. Unus porro est legislator et judex, ille nempe qui potestatem habet salvandi et perdendi. Tu autem quis tandem es tu qui non dubitas proximum condemnare?

Age nunc, qui dicere soletis : hodie aut cras proficiscemur in hancve illamve civitatem, et transigemus ibi annum integrum, et

mercaturam facimus, et lucrabimur (vos qui nescitis quid allatura sit crastina dies! Quid est enim vita vestra? nam vapor estis, vapor, inquam, qui ad breve tempus comparet, et illico evanescit!), quum potius dicere deberetis: si Dominus voluerit et vivemus, faciemus hoc vel illud.... Nunc vero gloriamini vobisque placetis in vestra jactantia. Omnis porro hujusemodi jactabunda gloriatio prava est.

Itaque scienti bonum quod facere oportet, et nihilominus non facienti, omissio hæc in peccatum reputabitur.

Cap. Agite nunc, divites, plorate et ululate super calamitatibus quæ vobis

V. imminet! Et merito quidem. Etenim uberrimæ fruges vestræ præ abundantia in horreis putrefactæ sunt; vestimenta vestra, utpote quæ præ multitudine vix semel gestari poterant, linearem epulæ factæ sunt; pecunia vestra magnam partem, præ nimia copia, manibus diu haud versata, ærugine obducta est; et ærugo ejus testimonium adversum vos dicet, tenacitatem vestram redarguens, et tamquam ignis carnes vestras depascet et devorabit. Coacervastis vobis thesaurum divinæ iræ in ultima die in vos effundendæ. Ecce, merces operariis, qui campos vestros messuere, debita, at inique detenta a vobis, Dei vindictam clamat: et clamores messorum illorum in aures Domini Dci exercituum penetrarunt. In deliciis vixistis super terram et luxuriati estis: saginastis corda vestra quæ pingua forent in die mactationis. Ad necem usque oppressistis virum justum: ipse autem non resistebat vobis, nec etiamnum resistit.

Itaque, fratres, longanimes estote usque ad adventum Dōmini, qui unicuique reddet secundum opera ejus. Agricolam considerate: pretiosum fructum terræ exspectat, propter ipsum longanimitèr sustinens usquedum a divina largitate accipiat imbrem temporaneum et serotinum. Longanimes estote vos quoque: corda vestra robore ac constantia accingite: nam proximus est adventus Domini. Cavete, fratres, ne ingemiscatis adversus eos qui vos exercent, ne et ipsi

judicium vobis assumatis : Dominus proximus est. Exemplum sumite , fratres, longanimitatis in quibusvis afflictionibus, Prophetas, qui tamen tamquam legati Domini loquebantur. Ecce beatos prædicamus eos qui constantes perstiterunt. Constantiam *JOB* audistis, et quem finem calamitatibus ejus Deus imposuerit, vidistis : amore enim et miseratione plenus est Dominus.

Imprimis autem, fratres mei, cavete ne juretis, neque per cælum, neque per terram, neque aliud quodcumque jusjurandum juretis. Sit vero vestrum Est, est; et vestrum Non, non : ne aliter condemnationem incurratis.

Tristatur aliquis vestrum, oret; æquo animo est, psallat. Infirmatur quis in vobis, advocet presbyteros Ecclesiæ, qui orent super ipsum, ungendo eum oleo in nomine Domini : et oratio fidei salvum faciet infirmum, et animum ejus allevabit Dominus, et si peccata habeat, remittentur illi.

Confitemini porro invicem mutuas offensas, et orate pro invicem, ut animæ vestræ sanentur : vim quippe magnam habet deprecatio justi feruens et assidua. *ELIAS* homo erat perinde ac nos, et effusus ad Deum precibus oravit ut non plueret : et non pluit super terram annos tres et menses sex; et tunc iterum oravit, et cælum dedit pluviam, et terra protulit fructus suos. Fratres, si quis vestrum a recto tramite aberraverit, ad hunc autem ipsum quis converterit, sciat iste quod quicumque peccatorem a perversa, in qua errabat, via converterit, animam salvabit, et operiet multitudinem peccatorum.



INDEX

RERUM ATQUE VERBORUM NOTABILIMUM ET LOCORUM S. SCRIPTURÆ
QUÆ OBITER PLUS MINUS ILLUSTRANTUR.

-
- Abstracta Nomina in plurali. p. 104.
214.
- Abstractum* Nomen positum pro *Concreto*. p. 48.
- Accusativus *Adverbialis*. p. 56. 167.
- Αδιακριτος*. p. 186.
- Αγε*. p. 211.
- Αγνος*. p. 185.
- Adventus Domini* quis. p. 226 sq.
- Ακαταστατος*. p. 59.
- Ακουειν* de *lectore*. p. 253.
- Αληθεια* de *lege religiosa atque morali*. p. 253.
- Αλληλοι*, absque *reciprocitatis* nota. p. 229.
- Alphæus* et *Cteophas*, duo nomina ejusdem personæ. p. 13 sq.
- Anacoluthon. p. 211.
- Αναφερειν*, de *offerendo sacrificio*. p. 144.
- Αναστροφη*, de *vitæ ratione*. p. 181.
- Ανελεος*. p. 126.
- Ανεμιζεσθαι*. p. 57.
- Anthropopatheia*. p. 196.
- Anno (quo) scripserit Jacobus. p. 42.
- Αντιστηναι*. p. 205.
- Aoristus I Pass. cum notione *activa*. p. 109. — cum notione *media*. p. 253.
- Aoristus Participii de *actu contemporaneo*. p. 243.
- Απαντες*. p. 167.
- Απαρχη*, *primitiæ*. p. 75.
- Απειραστος*. p. 66.
- Απλως*, *candide*, *benevole*. p. 53.
- Απο*, *originis*. p. 65. 70.
- Αποκλειν*, *translate*. p. 73.
- Appositio. p. 171.
- Articulus vim habens Pronominis Demonstrativi. p. 171. 212.
- Ασθενειν*. p. 243.
- Asyndeta. p. 77. 127. 167.
- Attractio. p. 112.
- Auctor epistolæ Jacobi quis fuerit. p. 9-25.
- Αυτος* (ο), *idem*. p. 178. Adjective. p. 183.
- Βασιλεια* quid notet in N. T. p. 112.
- Βασιλικος*, de re valde *præstanti*. p. 116.
- Βλασφημειν*. p. 114.
- Calvinus ref. p. 152 sq. 209. 217. 254.

- Canonicitas* epistolæ S. Jacobi probatur. p. 27-30.
- Catholica* epistola quæ primitus dicta fuerit. p. 2-4.
- Catholicæ* cur nonnullæ epistolæ dictæ fuerint. p. 4-8.
- Comparisonis membrum alterum tacitum. p. 166, 201.
- Concupiscentiæ motus. p. 67 sq.
- Contremiscere* dæmones quo sensu dicuntur. p. 140.
- I ad Corinth. Ep.
Cap. XV. 5. 7. p. 15.
- Credere qui dicuntur dæmones. p. 140.
- Dæmonum fides qualis. p. 140.
- Δαπαναν*. p. 192.
- Dativus *Commodi*. p. 187. *Incommodi*. p. 120. 219. *Instrumenti*. p. 75. *Accessus*. p. 203. *Directionis*. p. 232.
- Δε* particula *continuantis sermonem*. p. 53. 121. 135. 208. *Antithesis* faciens. p. 60. 66. 236. *Explicantis*. p. 82. *Reassumentis*. p. 60. *Transeuntis* ita ut aliquid novi inducat. p. 56. 149. — *Transeuntis* ad novum argumentum. p. 142.
- Δελεαζειν*. p. 67.
- Deum esse quatenus fidei divinæ objectum sit. p. 158 sq.
- Deus quo sensu *tentare* dicatur. p. 90. Hominem *obsecrare*, *obdurare*. p. 91 sq.
- Δις* de instrumento quo. p. 74. 126.
- Diabolicæ impugnationis possibilitas, immo et convenientia statuitur. p. 99 sqq.
- Diabolus superatus an discedat. p. 203.
- Διακρινειν*. p. 110.
- Διακρινεσθαι*. p. 58.
- Dies iudicii pro die mortis. p. 227.
- Δικαιωσιν* de recte factis. p. 78.
- Διφυχος*. p. 58. 204.
- Δοκιμη*, *δοκιμιον*. p. 51.
- Δοκιμος*. p. 64.
- Dominus* cur Christus dicatur. p. 105 sq. Item *Dominus gloriæ*. p. 106.
- Δουλος* Ιη. Χρ. quo sensu Jacobus vocetur. p. 47.
- Dubium quod circa Jacobi epistolæ auctoritatem viguit quale fuerit. p. 25 sq.
- Εαν* cum *Conjunctivo*. p. 107.
- Εαυτου*. p. 116.
- Εβλαστησε*. p. 232.
- Ectypicus* sermo. p. 60.
- Εγγιζειν Θεω*. p. 203.
- Εγειρειν*. p. 246.
- Εα* cum *Indicativo*, casum certum ponit. p. 54.
- Ες* *Præpositio* de *causa finati*. p. 75. de *effectu*. p. 145. 219. Ut valeat *quod attinet ad*. p. 77.
- Εκ* *præpositio* de *statu e quo*. p. 181.
- Εκβαλλειν*, *dimittere*. p. 151.
- Εκληθη*, *effectus est*. p. 149.
- Ellipsis subjecti*. p. 175. 201.

- Ellipsis verbi εστι. p. 58. 175.
 Ellipsis plurium verborum ex contexta oratione aut natura rei supplendorum. p. 57. 120. 137. 166.
 Ελογισθη. p. 145.
 Εμμετος. p. 81.
 Εν Praepositio, de eo quo quis instructus aut indutus est. p. 81. 105. 108. 252. De instrumento quo. p. 177. Societatis. p. 182.
 Εν num pro εις. p. 223.
 Ενεργουμενος. p. 250.
 Ενι. p. 71.
 Ενοχος. p. 120.
 Επι, de causa. p. 216. 228. — Sq. Acc. super. p. 245.
 Επιγως. p. 184.
 Επιεικης. p. 186.
 Επιπαθειν. p. 196.
 Επισκεπτεσθαι. p. 88.
 Επιστημων. p. 181.
 Επιτηδεως. p. 133.
 Επιθυμια. p. 67.
 Εφημερος. p. 135.
 Εριθεια. p. 182.
 Εστηκε, stat. p. 229.
 Estius improbat. p. 68. 183. 191.
 Ευλογειν. p. 177.
 Ευπειθης. p. 186.
 Ευπρεπεια. p. 62.
 Exceptiones in libris sacris qui exprimantur. p. 120.
 Fide justificari hominem quo sensu intelligendum. p. 130 sq.
 Fides daemonum qualis. p. 140.
 Fides informis et formata. p. 152.
 Fidei divinae quatenus objectum sit divina existentia. p. 138 sq.
 Fiducia in orando. p. 56.
 Fratres quinam dicebantur apud Hebraeos. p. 15.
 Futurum una cum Coniunctivo. p. 215.
 Ad Galatas Ep.
 Cap. I. 18. p. 11 sq.
 II. 9. p. 12.
 Γαρ Particulæ propria notio. p. 58.
 Particula explicantis. p. 83. 107. 126. Elliptice posita. p. 120.
 Γεννα. p. 174.
 Genesis Cap. XV. 6. p. 145 sqq.
 Γενεσις de tota vita. p. 173.
 Genitivus Appositionis. p. 64. 75.
 Dependentiæ. p. 66. 110. 111. 223. Effectus. p. 70. Objecti. p. 104. 194. Subjecti. p. 182. Auctoris. p. 233. Originis. p. 245.
 Glossemata. p. 186. 220. 231.
 Hebraismi. p. 78. 82. 85. 114. 126. 135. 179. 187. 195. 203. 220. 235.
 Hendiadys (ἐν διὰ δυοῖν). p. 191.
 Hieronymus quid senserit de Jacobo fratre Domini. p. 18 sq.
 Hyperbaton. p. 105.
 Ἡ Coniunctio disjunctiva. p. 195.
 Ηδουη. p. 190.
 Ηγγικε. p. 229.
 Ζηλος. p. 182.

- Imago Dei in homine qualis. p. 178.
 Imber in Palestina. p. 228.
 Immutabilitas Dei. p. 72.
 Impersonaliter dicta. p. 145. 246.
 Indicativus *hypotheticus*. p. 239.
 Infinitivus nominascens. p. 77. 170.
 215. 251.
 Infinitivus *scopi* sive *finis*. p. 251.
 Inhabitatio Spiritus S. κατ'οσιαν.
 p. 197 sqq. An fuerit in justis
 V. T. ibid. An sit propria personæ
 Spiritus S. p. 198. Qui differat
 ab unione hypostatica. p. 199.
 Interpretatio *naturalizans*. p. 95.
accommodationis. p. 95. *mythica*.
 p. 96.
 Intransitiva Verba tractata tam-
 quam transitiva. p. 235.
 Italiæ versionis ætas. p. 28.
 Ιωμαι p. 249.
- Jacobi* quot distinguendi in libris
 N. T. p. 9-21. Quisnam eorum
 epistolam catholicam scripserit.
 p. 21 sq.
Jacobus Alphæi qualis fuerit.
 p. 22 sq. Quo sensu *frater Do-*
mini dictus. p. 23-25.
Jacobus et *Pautus* conciliantur.
 p. 32. 161 sqq.
Job vere exstitit. p. 234.
Johannis S. Evang.
 Cap. III. 20. p. 235.
 VII. 5. p. 14. 15.
 XIX. 25. p. 13.
 Juramentum quatenus prohibitum.
 p. 236 sqq.
- Justi bonis operibus merentur vi-
 tam æternam. p. 64. 156 sqq.
 Justificatio juxta Novatores. p. 128
 sq.
 Justificatione (de) doctrina catho-
 lica. p. 129 sqq.
 Justificari hominem *per fidem* quo
 sensu intelligendum. p. 130.
 Justificari hominem *sine operibus*,
 quo sensu intellexerit *Paulus*.
 p. 162.
 Justificari hominem *ex operibus*
 quo sensu intellexerit *Jacobus*.
 p. 151.
- Και apodosin inducens. p. 169.
 215. Vim *adversativam* habens.
 p. 70. 109. Valet etiam. p. 121.
 Κακοπαθεια. p. 251.
 Κακοπαθειν. p. 239.
 Καλουμει, *efficior*. p. 149.
 Καλυπτειν. p. 234.
 Καμνειν. p. 243.
 Καταδυναστευειν. p. 113.
 Κατακαυχῶμαι. p. 128.
 Κατανοειν. p. 83. 84.
 Καταρασθαι. p. 177.
 Κατηρηια. p. 205.
 Καθ' εαυτην. p. 156.
 Καυσων. p. 62.
 Καυχασθαι, de *lætando*. p. 60.
 Κενος. p. 142.
 Κριμα, de *pæna*. p. 166.
 Κρινειν, de *condemnando*. p. 208.
 Κριτηριον, de *tribunali*. p. 115.
- Λαμπρος. p. 108.

- Lex evangelica est lex libertatis. p. 84 sq.
- Lingua (qua) scripserit *Jacobus*. p. 41.
- Litotes. p. 78. 179.
- Λογιζεσθαι. p. 143.
- Λογος de doctrina evangelica. p. 73.
- Lucæ S. Evang. Cap. XI. 9. p. 37. XVII. 31. p. 232. XXI. 49. p. 53.
- Μακροθυμεν. p. 226.
- Marci S. Evang. Cap. VI. 43. p. 241 sq.
- Μαρτυριον. p. 219.
- Matthæi S. Evang. Cap. XXI. 22. p. 50. XXIV. 40. p. 229. XXIV. 42. p. 227.
- Μεγαλυνειν. p. 170.
- Μελλω eum infinitivo. p. 123 sq.
- Μεν non sequente δε. p. 183.
- Μεντοι. p. 116.
- Meretrix fuit *Rahab*. p. 150.
- Nominativus pro Vocativo. p. 212.
- Ναμωz varios in N. T. sensus habet. p. 84.
- Οδοκαρε quo sensu Deus dicatur. p. 91 sq.
- Οδε, *tel ou tel*. p. 212.
- Οικτιρμοι. p. 233.
- Ολιγον, *parvum*. p. 171.
- Ολοθυειν. p. 216.
- Ομννειν. p. 235.
- Ομοιωπαθης. p. 251.
- Operibus (de) doctrina *Jacobi*. p. 153. *Pauli*. 156. *Aliorum S. Scriptorum*. p. 157. *SS. Patrum*. p. 158 sqq.
- Operum bonorum merces. p. 64. 156 sqq.
- Orationis variatæ exemplum. p. 153.
- Ορμη de voluntate. p. 170.
- Οταν casum ponens qui identidem accidit. p. 50.
- Οτι recitativum. p. 65.
- Ουν particula *pergentis*. p. 248.
- Παρχ eum Genitivo. p. 53. cum Dativo, ut valeat *judicio*. p. 87.
- Παρακυπτειν. p. 84.
- Παραλλαγη. p. 72.
- Parallelismus. p. 203.
- Παραλογιζεσθαι. p. 82.
- Παραπτωμα. p. 219.
- Parenthesis. p. 212.
- Paronomasia. p. 66.
- Παρηρησια. p. 174.
- Πας sine articulo. p. 70. 173.
- Πασα ut valeat *summa*. p. 50.
- Patres plures putarunt S. *Josephum* duplex iniisse matrimonium. p. 18.
- Paulus* et *Jacobus* conciliantur. p. 52. 161 sqq.
- Peccata alia *mortalia*, alia *venialia*. p. 68 sq. 122.
- Πειρασμος. p. 51. 63.
- Perfectum de actione futura. p. 121.
- Notionem habens *Præsentis*. p. 229.

- 1 *Petri* ep. cap. IV. 8. p. 254.
 Πλανασθαι. p. 70.
 Πληρω, *suppleo*. p. 149.
 Πλουτος. p. 218.
 Plurale categoricum. p. 244.
 Ποιεν χρανεν. p. 212.
 Ποιητης. p. 82.
 Πολεμος, de *lile*. p. 190.
 Πολυσπλαγχνος. p. 233.
 Prægnans constructio. p. 203. 220. 225.
 Præsens rem continuatam significans. p. 224.
 Πραυτης. p. 81.
 Πρεσβυτερος. p. 243.
 Προ translate. p. 233.
 Προς, de *fine*. p. 170. de *norma ad quam*. p. 196.
 Prosopopœia. p. 67. 221.
 Προσωποληψια. p. 104.
 Proverbiorum Cap. III. 34. p. 202.
 Φευγειν απο. p. 303.
 Ψαλλειν. p. 239.
 Ψυχικος. p. 184.
 Rahab vere meretrix fuit. p. 130.
 Rationalistæ refelluntur. p. 68. 73. 98 sqq. 216.
 3 *Regum*. cap. XVIII. 4. p. 231.
 Repulari ad justitiam. p. 143. 146 sq.
 Ρηπιζεσθαι. p. 57.
 Ad Romanos Epist.
 Cap. IV. 4. 5. p. 145 sq.
 V. 3. 4. p. 52.
 VIII. 28. p. 64.
 Rom. cap. XII. 8. p. 53.
 Ρυπαρια. p. 80.
 Scopus Jacobi in scribendo epistolam. p. 39 sq.
 Σητοδρωτος. p. 218.
 Singularis numerus colectivo sensu. p. 113. 224.
 Σπιλω. p. 173.
 Σπλαγχνα. p. 233.
 Stylus Jacobi. p. 40 sq.
 Συγαγωγή. p. 107.
 Syriacæ versionis (*Peshito*) ætas. p. 37. Laudatur hæc versio. p. 48. 58. 103. 127. 136. 179. 184. 186. 192. 211. 213. 231. 233. Reprehenditur. p. 171.
 Ταλαιπωρω. p. 204.
 Ταπεινος. p. 60.
 Ταπεινωσις. p. 61.
 Τε-και. p. 173.
 Tentationibus (de) excursus. p. 80-102.
 Τροχος. p. 173.
 Θερμαινεσθαι. p. 135.
 Υπὸ de auctore. p. 67. sq. Accus. p. 236.
 Υπομενειν. p. 63.
 Υπομονη, constantia. p. 52.
 Υψος. p. 60.
 Variantes lectiones imprimis notatione dignæ. p. 30. 136. 169 bis. 177. 189. 233.

- Verbale in τος activo sensu. p. 186. minus recte reddita p. 52. 60.
 Verbum conjunctum habens No- 75. 80. 108. 127. 144. 151. 160.
 men ejusdem cum verbo radicis 175. 178. Voces aut loca obscu-
 in Dativo. p. 251. riora. p. 156. 170 bis.
- Vocabula græca quæ nonnisi apud
Jacobum in N. T. occurrunt.
 p. 40. Χαλιναγωγειν. p. 87.
 Χερταζειν. p. 135.
 Χρυσσαδακτυλιος. p. 108.
 Χωρα de agro. p. 221.
 Zeugma. p. 84.
- Vulgatæ lectio probatur. p. 76. 137.
 169 a. 176. 177. 180. 219. 253. 247.
 Minus recta videtur. p. 50. 169 b.
 179. 186 bis. 220. 231.
- Vulgatæ versionis voces aut loca







1-6-3



